

БОШ МУҲАРРИР САҲИФАСИ

MARHAMATSIZ ТОМОШАБИНЛАР



1902 йили Максим Горький Россия Фанлар академияси фахрий аъзолигига қабул қилинмаганды Чехов билан Короленко норозилик тариқасида бу илмий даргоҳи тарк этган экан.

Адолатсизликка қарши, ёнидаги биродарининг манфаати йўлида бу янглиғ ўздан кечиш — жўмардлик ҳодисаси тарихда кам эмас, ҳозир ҳам учраса керак. Андрей Сахаров, Дмитрий Лихачёв сингари замондош алломаларнинг инсоний маънавият ўзанида маҳкам туриб, каттадан-катта давр жароҳатларига мардона кўкрак тутганинни бир ёдга олинг!

Аммо бугунги воқеаликка назар ташлағанды кўпинча шу ҳолнинг аксини кўрамиз. Бозор ахлоқи ғолиб келибми ёки мавжуд эркинликлар унча-мунча фазилатлар барабари инсон тийнатида биқиниб ётган баъзи бир нобоб майлларни ҳам қўзғаб юбордимикан, ҳарнечук, сўнгги йилларда жамият ҳаётидаги ўзимбўлайчилик, худбинлик кайфиятлари кучайиб кетгани сир эмас. Дейлик, ўзимиз яхши билган, бирга юриб, бирга турган яқин кишининг дафъатан иши юришмай қолса ё бошига бало ёғилиб, у бирор ноҳақликка учраса — ёнига тушмажанимиз, елка тутиб ҳимоя қилмаганимиз-ку бир сари, уни яхши билмаган бегоналарга қўшилиб, “Ҳамма айб ўзида, шу гапни айтиб нима қиласди, шу ишни бошлаб нима зарил эди, жимгина юраверса бўларди-ку”, деб шўрликни баттар чандий кетамиз.

Бир вилоятдаги нуфузли корхонанинг раҳбарини яхши танирдим, ҳавас қилиб, кўринган кишига уни таърифлаб юрадим: ёш, ишнинг кўзини билади, қатъиятли, замонавий фикрлайдиган зукко йигит! Андак дангапчирок, тили “чатоқ”лигидан ҳам хабарим бор эди. “Ёшлиқ қилиб”ми, шу одам вилоятдаги бир-иккита “зўр”нинг думини босиб кўйди чоги, устидан жиноий иши қўзғатилди. Унинг жиноят-пиноят қилмагани, бор-йўқ айби эса — барчага бир кўз билан қарамоққа журъат этиб “шаккок”ликка боргани ҳамма-ҳаммага, жумладан, шу ишни қўзғаганларнинг ўзида аён эди. Бироқ ҳеч ким орага тушмади, тушолмади. Собиқ раҳбарларини туктукигача билган, кечагина уни таърифлаб, фахрланиб юрган, ундан кўп-кўп муруватлар кўрган ҳамкору ҳамкаслар ҳам “Зўрликка зўр эди-ю, лекин тили са-ал...”дан нарига ўтолмади. Орада “нишолда етмай қолган” бир-иккита норозига худо берди — лабларини ялай-ялай шикоятномаю шоҳиднома ёзиб бермоққа киришиди улар.

Хуллас, ҳамма-ҳамма четга чиқиб олди. Томошабин бўлиб. Шу жумладан ўзимиз ҳам. Нимадир деб ичимизда гудраниб юрган бўлсанк юргандирмиз-у, лекин ўртага тушмокқа чоғимиз келмагани рост.

Хўш, ўртада — майдонда ким қолди? Айборнинг бир ўзими? Дарвоқе, айбор уми ёки “Қани, бу ёғи нима бўларкан, кўрайлик-чи”, дегандек бетараф турган бизми? Ана шундай лоқайд томошабинлик кайфияти хароб этмасми жамиятни?! Уни гунгу соқов оломонга айлантирмасми?! “Машраб осилганда қаёқда эдинг? Чўлпон отилганда қаёқда эдинг?” деб язганлар отмасми келажак авлод?!?

Тантилик ва олижаноблик қилгани учун Максим Горький ўшандага сафдошларидан роса миннатдор бўлган чиқар, аммо бу борада адабиёт тарихидан бирор сўз тополмадик. Эҳтимол, Чехов билан Короленко Горькийни миннатдору қарздор қилиш баробари тарихда қолмоқни хаёлларига ҳам келтирмагандир. Улар, ниҳояти, адолатсизлик содир этилганда совуқ томошабин бўлиб бир четда турмоқни ўзларига эп кўрмаган, холос! Қарангли, шу тантилик, шу жўмардлик бугун тарихда қолибди! Агар бунинг тескариси бўлганда ҳам тарих унумтас эди.

Ҳамма-ҳаммаси қолар экан-да: яхшиси ҳам, ёмони ҳам.



Тафаккур

ИЖТИМОИЙ-ФАЛСАФИЙ, МАЊНАВИЙ-МАЊРИФИЙ ЖУРНАЛ

Бош мұхаррір
Әркін АӘЗАМ

Таҳририят:
Фахриддин НИЗОМ
(бош мұхаррір үйнібосари)
Дамин ЖУМАҚҰЛ
(масъул көтіб)
Мұхиддин РАХІМ
(бұлым мудири)
ШОХСАНАМ
(бұлым мудири)
Ольга ЖОЛДАСОВА
(бұлым мудири)
Наргиза УСМОНОВА
(сахиғаловни)
Машраб НУРИНБЕОВ
(фотомухабир)

Жамоат кенгашы:
Дилором АЛИМОВА
Абдулла АӘЗАМ
Хуршид ДАВРОН
Нурилдин ЗАЙНИЕВ
Баходир ЗОҚИР
Нажмиддин КОМИЛ
Султонмурод ОЛИМ
Хайрилдин СУЛТОН
Нурислом ТҮХЛІЕВ
Абдурахим ЭРКАЕВ
Тўзепберген КАЙИПБЕРГЕНОВ
Мургазо ҚАРШИБОЙ
Фарход ХАМРОЕВ
Иброҳим ҲАҚҚУЛ

Муассис — Республика Мањнавият ва мањри-
фат кенгашы.
Ўзбекистон Республикаси Матбуот ва ахборот
агентлигига 0219-рәқам билан рўйхатта олинган.
Матнларда фойдаланилган мисол, кўчирма ва
мањумотлар аниқлиги учун муаллифлар
жавобгардир.
Журналдан кўчириб босилгандан манба қайд
этилиши шарт.
Шеърий асарлар журналинг ўз ташаббуси
билин чоп этилади.
Манзилимиз: 100047, Тошкент шаҳри, Амир
Темур кўчаси, 6-йй

233-10-68
239-46-16
239-05-19

Журнал андоғаси таҳририятнинг компьютер
бүлимида тайёрланди.
"Шарқ" нариёт-матбаба акциядорлик компания-
си босмахонаси 100029, Тошкент шаҳри, Буюк
Турон кўчаси, 41-йй.
2010 йил 7 июль куни босмахонага топши-
рилди. Қоғоз бичими 70x100 1/16, 8 босма тобок.
1050-бюартма. Нашр адади — 2350 нусха.
ISSN 2010-649

tafakkur@inbox.uz

НИМА ДЕЙСИЗ, ЗАМОНДОШ?

- Хайрихоҳлик бош мезон бўлса...
Адабиётшунос олим Шуҳрат РИЗО билан сұхбат 4

ЖАМИЯТНИНГ МАЌСАДИ

- Абдураҳим ЭРКАЕВ. Оқсоқол 16

ИҚТІСОДИЙ ТАФАККУР

- Абдухалил РАЗЗОҚОВ. Ғоялардан — таълимотларга 22

ИНСОН ЎЗИНГ, ИНСОН ЎЗИНГ

- Дамин ЖУМАҚҰЛ. Ғурур — ўзни билмақдир 34

СУРАТ ВА СИЙРАТ

- Чори НАСРИДДИНОВ. Тенгдошларим 40

ЮРАК ТИЛГА КИРДИ

- Усмон АЗИМ. Умримга сиғмайман бу тарзда... 46



НАСР ЖАВОҲИРЛАРИ

- Жан-Поль САРТР. Девор. Ҳикоя 52

ЯНГИ АСР МУАММОЛАРИ

- Элдор УСМОНОВ. Қўлёзма манбалар ва
экологик тарбия 68

SAHIFALARIDA

саҳифаларида

МАЬНО ВА МОҲИЯТ

- Дилфуза ЖУМАНИЁЗОВА. Инсонийлик ва илоҳийлик 72

САНЪАТ ФАЛСАФАСИ

- Муҳаммаджон ХОЛБЕКОВ. Модерн адабиёти: тадриж ва талқин 76



Абдулла РАЗЗОКОВ

ТАРИХ САБОҚЛАРИ

- Улуғбек ДОЛИМОВ. Рус-тузем мактаблари 82

ТАРИХ — БҮЮК МУРАББИЙ

- Нусратулло ЖУМАХЎЖА. “Фирдавс ул-иқбол” сабоқлари 92

МОҲИЯТ ЖИЛОЛАРИ

- Абду НАБИ. Бешовлонлар 98

ИНСОН ЎЗИНГ, ИНСОН ЎЗИНГ

- Мансурхон ТОИРОВ. Қуёш ота юртдан чиқади 100

ТАФАККУР ТАБАССУМИ

- Ҳазиломуз ҳикматлар 102

ЖАВОНДАГИ ЖАВОХИР

- Эшқобил ШУКУР. Инсон — буюк китоб 104



ТАЛҚИН ВА ТАДҚИҚОТЛАР

- Шуҳрат ОРИПОВ. Глобаллашув ва ёшлар сиёсати 112

- Ҳаким РАСУЛОВ. Маданият — мураккаб ижтимоий ҳодиса 113

- Муаззам ТЎРАЕВА. Миллий ғурур тарбияси 114

- Адолат ҲАМДАМОВА. Экологик хавф-сизлик моҳияти 115

- Насиба АЗИЗОВА. Бадиий тил таровати 116

- Чарос ТЕМИРОВА. Дарсликлар: муамма ва ечимлар 117

- Зиёда АҲМЕДОВА. Маданий мерос ва ёшлар маънавияти 118

- Абубакр ЎРОЗОВ. Миллий қадриятларнинг бадиий жозибаси 119

- Гуландом ЮНУСОВА. Муроса — тотувлик омили 120


- Маҳбуба ТЕМИРОВА. Ҳажман ихчам, мазмунан бой 121

- Уйғун ЖУМАЕВ. Туркистондаги бож тўловлари 122

- Соибjon ҲОШИМОВ, Қосимжон БОЗОРОВ. “Охранка” 123

- “Тафаккур”га мактублар 125

- Журналнинг инглизча мухтасар мазмуни 127



Адабиётшунос олим
Шұхрат РИЗО
билин суҳбат

— Шұхрат ақа, Сизни маданият, санъат ва адабиёт тәдқиқотчысы сиғатидә таниймиз. Келинг, шу соҳаларга оид мавзуларда суҳбатлашсак. Бүгүн глобаллашуе шароитидә маънавиятимизга таҳдид солаёттан ёт иллатлар ҳақида баҳс тобора қизимоқда. Улар орасыда эса энг хавфлиси деб оммавий маданият эътироф этилаёттир. Аммо бу феномен ҳақида фикр юритаётганлар уни фақат инкор этиши билан кифояланыб қолаётгандек. Оммавий маданият сохта маданиятларига ҳеч қандай эътиroz үйк, лекин у барибір “ок-кора” деган жүнгина таснифға сүймайды. Чунки унинг кич (тубан), мид (үртамиёна) ва арт (юксак) деган босқычлари мавжуд. Бразилиялық машхур адаби Пauло Коэльонинг арт-маданиятга мансуб асарларини (дарөөкө, улар дунё бўйлаб юз миллиондан ортиқ нусхада тарқалган) асл санъатдан фарқлаш осон дейсизми? Балки биз ҳам шунга ўхшашиб жиҳатларни эътиборга олиб, масалага муносабатни бир оз ўзгартирганимиз маъқулдир? Хориж олимлари, агар дунёда оммавий маданият ҳозирги ҳолда яшаб қолса, инсониятнинг маданий салоҳияти наинки ўсишдан тўхтайди, балки ўнгланмас талофат ҳам кўради, деган фикрда. Айни чоқда улар муаммонинг мана бундай ечимини ҳам тақлиф этаёттир: жамият аста-секин оммавий маданиятни тубан ва ўртамиёна унсурлардан фориғ этиб, унда фақат юксак жиҳатларнигина қолдирмоги лозим. Бу эса оммавий маданиятни “ер-ла як-сон этиш”ни эмас, балки мақбул йўлга солиб юборишини англатади. Сохта маданиятни асл маданиятга ёвуклаштириш ғоясига Сизнинг муносабатингиз қандай? Ёки бизнинг шароитда бунга муқобил бошқа самаралироқ усуслар ҳам мавжудми?

— Ҳозирги кунда оммавий маданият бамисоли ўлатта айланиб, ахборот ҳудудидаги барча инсону жамиятларнинг соғлом ҳужайраларини еб, ўлдириб боряпти. Уни оммавий маданият деб атамоқ тилимизда бирмунча ижобий тасаввурларга турткি беради. Чунки биз азалдан оммавий маданий тарғибот ва тадбирлар деганда ҳалқ ҳаваскорлиги, ҳалқ орасидан истеъдодларни излаб топиб, профессионал санъатга йўлланма бериш каби маъноларни англаб келганимиз. Рус тилидаги “масса” ва “массовая культура” иборалири ўзбекча муқобилига унча мос эмас. Дейлик, рус тилида “масса” “миқдор” билан бирга “бўтқа” — ҳар нарсанинг аралашмасидан ҳосил бўлган қоришма маъносини ҳам беради. Демак, рус тилидаги “масскультура” — “массовая культура” айнан фикр юритилаётган ҳодисанинг моҳиятини очиб берувчи тушунча экан. Биз уни феълимиизга хос йўсинда юмшатиброк “оммавий маданият” деймиз. Қолаверса, шўро давридаги етмиш ийл мобайнида бу ҳалқ ижодкорлиги, ҳалқ истеъдодлари маъносида ижобий мазмунни ифодалаб келган. Бу, ўз навбатида, ҳалқнинг диidi, савияси, турмуш тарзи ўсиши, маданийлашувини билдирган. Маданийлашув эса муайян этник гуруҳнинг ҳалқ бўлиб шаклланиши, сўнгра эса миллат қиёфасини касб этишида бош омил бўлган. Шу маънодаги “масскультура”ни — бўтқа маданиятни омма маданиятидан ажратиб қармоқ зарур. Бўтқахўрлик — онгсиз жонзотга, жонзотларнинг ҳам энг тубанларига хос хусусият. Ҳеч нарсанинг фарқига бормай, ҳар қандай қоришикни ямлаб ютавериш, ҳаммасини еявераман, ҳаммасини олавераман, дейиш доимий истакка, бора-бора кўнникмага айланса, “оламончилик” рефлекси пайдо бўлади, инчунун, “оламан” — “оломон” кайфияти кучаяди. Шу кайфиятга мос яратилган неки бор, билэхтиёж, “оломон маданияти”ни ташкил этади. Демак, омма эмас, “ҳар нарсани фарқламай оламан”чилик тушунчасини англачувчи “оломон маданияти” истилоҳини кўллаш ҳодиса моҳиятига айнан мосдир.

Бинобарин, оммавий маданият бор, оломон маданияти бор. Ҳалқ ҳаваскорлиги барча миллатларда ҳамиша бўлган ва ҳозир ҳам авжи гуллаб турибди. Профессионал санъатнинг безавол манбаи сифатида ҳалқ санъати, маданиятига эътибор миллий руҳият соғлиги, ижодий кайфият устуворлигига хизмат қиласди. Яшашга завқ, яратишка илҳом бағишлайди. Ҳар қандай ҳалқни заарали, номаргуб ҳиссиятлардан асрарща ҳам ҳалқ ижодкорлиги ва санъатнинг оммалашуви мухим ва фойдали омилdir. Оммавийлик фикрсизлик, хашакилик дегани эмас. Айнан оломончилик — мушоҳадасизлик, бекарорлик, ёввойи куч, жазава дегани. Ўзбек тилида кўплашиб бирор кимсага сувиқасд қилишини “оммавий ўлдириш” эмас, “оломон қилиш”, “оломон қилиб ўлдириш” дейилади. Бинобарин, биз ҳам ҳозирги илмий, публицистик адабиётларда бу икки тушунчани фарқлаб олишимиз лозим.

Мен, масалан, “Ўтган кунлар” романини оммавий маданият ёки оммавий адабиёт намунаси деб биламан. Асар ҳалқ ичига кириб шу қадар сингиб, оммалашшиб кетган экан, уни оила — жамоа бўлиб, ёшу қари бирга ўтириб ўқиган экан, нега энди оммавий адабиёт намунаси дейишдан андиша қилишимиз керак? Бу ибрат олишга арзигулик ҳодиса-ку! Шу маънода Пауло Коэльюнинг “Алкимёгар” и миллионлаб нусхада тарқалганини замонавий адабиёт оммалашувининг намунаси деб қабул қилмоқ лозим. Адабиёт, санъат ўз-ўзига маҳлиё бўлиб, “нарциссизм” касалига йўлиқканда индивидуалистик кайфият кучаяди. Индивидуализм эса, хориж олимлари уқтираётганидек, ўша оломон маданиятининг пайдо бўлишига замин яратади.



Индивидуализм ҳар қандай ижтимоий негиз ва бирикмаларни инкор этгани ҳолда “якка тарздаги фаровонликка асосланувчи шахс эрки” учун курашади. Бу охир-оқибат худбинникни урчитади. Фарбий Европада XX асрнинг 30-йилларидан бошлаб илгари сурилган “маданий гегемония”, “маданий инқилоб” назарияларини эсга олайлик. Италия коммунистлари сардори Антонио Грамшининг “Қамоқ дафтарлари”даги “инсоннинг маданий ўзагига таъсир этиб, ижтимоий моҳиятини ўзгартириш, миллый-маданий негизига раҳна солиб, тарихий руҳи, маънавий илдизлари, соглом ақлидан айириш” назарияси пировардида ахлоқсизлик, ҳайвоний майларга берилиш, нафснинг бош мақсадга айланишини тарғиб қилмадими?! Анъанавий ахлоқдан воз кечиш никоҳ ва оиланинг негизи бўлмиш насл қолдириш тушунчасини инкор этди. Якка жинсли “эркак-эркак” ёки “аёл-аёл” оиласаларга йўл очди. Шуми маданият дегани?! Бу нафсни қондириш, фақат ҳузуру лаззат тошиш, оний истак, бетизгин жазава, маънавий вазнисизлиқдан бошқа нарса эмас. Бу фикр яқинда Россия телеканалларидан бирида намойиш этилган “Роллинг стоунз” рок гурӯҳи асосчиси ва ҳозиргача ҳам раҳнамоси Мик Жаггер ҳақидаги кўрсатувда яна бир бор исботини топди. Унинг шиори шундай экан: “Ҳаёт фақат секс, наркотиклар ва рокн-роллдангина иборат”. “Роллинг стоунз” (“Юмалаётган тош”) — бутун дунё мусикий маданиятини ғорат этишга шайланган “Битлз” ансамбли билан деярли бир вақтда Европа саҳнасига чиққан, шон-шуҳрат бобида ҳам ундан кам бўлмайдиган, қарийб ярим асрдан бери эътибордан қолмай келаётган инглиз рок ансамбли. Унинг тенги йўқ деб таъриф-тавсиф этилган раҳбари Мик Жаггер ҳозир 67 ёшда. Ажабланарлisisи шундаки, у ҳануз ўша шиорига содик, лекин унга бир оз таҳрир киритибди: “Секс ва рокн-ролл”. Наркотикдан эса воз кечибди. Чунки Жаггер узоқроқ яшамоқчи. Аникроғи, наркотикдан ўлиб кетмоқчи эмас. Қандини урсин! Қаранг, неча авлодга мансуб миллионлаб ёшларни жазавага туширган “юмаловчи тош” қариганда жон қайғусига тушибди. Шунга ўхшаш шиорларни байроқ қилиб, ҳамма нарса, ҳатто мол-мулк, никоҳ, фарзандни ҳам кишан деб билиб, мутлақ эркинлик гоясини “тараннум” этган “Битлз” ансамбли солисти Жон Леннон аслида гоя билан тирикчиликни аралаштиrmай, 275 миллион долларлик сармояни муомалага солиб қўйган экан. Ана сийрат, ана моҳият! Хўш, буни маданият тушунчасига дахлдор деб бўладими? Агар ҳар нечук истилоҳ лозим бўлса, уни оломончилик, оломон кайфияти, қўйинг-ки, “оломон маданияти” тарзида истифода қилиш жоиз. Ҳамонки, “оммавий маданият” билан “оломон маданияти”ни ўзаро фарқлаётган эканмиз, бирини миллий ва умуминсоний қадриятлар негизида ривожлантиришимиз, бошқасидан эса сақланишини тарғиб этишимиз, бу оғатга қарши маънавий муҳофаза — иммунитетни шакллантириш чораларини кўришимиз шарт. Акс ҳолда, инсоният бетизгин нафс, фаҳш ботқоғига ботган Помпейа мисол Яратганинг қаҳрига учраши мумкин.

— *Хабаримуз бор, Сизнинг асосий илмий тадқиқотиниң жадид драмасига бағишлиланган. Ўзбек театр санъатига асос солғанлар ҳам ўша жадид боболар эди. Улар театрни ибратхона деб билган ва бу ёндашув янги аср арафасигача ўз кучида қолди. Лекин ҳозирга келиб баъзи саҳна арбоблари бугунги ҳаёт одамларни беҳад толиқтириб қўйяпти, бинобарин, энди театр ҳордик чиқарishi масканни бўлмоғи лозим, деганга ўхшаш фикрларни изҳор қила бошлади. Нима, ўзбек театри пайдо бўлгандан буён ўтган юз ишл мобайнида ҳалқ ҳаёти енгил кечган эдими? Мақсад фақат кўнгил очиш бўлса, театрдан бошқа ҳордик чиқарishi масканлари ҳам кўп-ку! Тасодифни (эҳтимол, қонуниятни) қарангки, биз яна ўша оммавий маданият ёки сиз айтмоқчи оломон маданияти балосига рўбарў келиб турибмиз. Қолаөверса, бу ўринда боя тилга олганимиз ҳолатнинг аксини ҳам кузатиш мумкин: аевалроқ оммавий маданиятни юксак маданият даражасига*

кўтариш фикри айтилган бўлса, энди юксак маданиятни оммаевий маданият даражасига тушиб қолишдан саклаш фикрини айтишига зарурат туғилаётир. Ахир ўзбек саҳна санъатининг эталони ҳисобланиб келган Миллий театрда ҳам, афсуски, шундай ҳолни кузатиш мумкин...

— Европача театрга асос соглан жадид боболаримиз санъатнинг ўзлари шуғулланган барча турини маърифат тарқатишига хизмат қилдиришни мақсад билдишлар. Кейинроқ “санойи нафиса” деб аталган санъатнинг асл мақсад ва вазифаларини чуқур англаб ижод этган ва тарғиб қилган бу зотлар XX асрнинг 10-20-йилларида театр ва адабиётдан омма онги ва қалбига энг кучли таъсир кўрсатувчи восита сифатида фойдаландилар. Жадидчилик ҳаракатининг оталари Маҳмудхўжа Бехбудий ҳам, Мунаввар қори Абдурашидхонов ҳам театрни “ибратхона”, “таъзиро адабий”, актёрларни эса “табиби ҳозиқ” (маҳоратли даволовчи) деб билиб, ҳалқ театрга келиб, ўз қабиҳу зарарини кўрсинг, фикр этсин, хулоса чиқарсинг ва шунга мувофиқ ҳаёти, машнатини ростласин, дедилар. Улар, театр — кўнгилочар маскан, деган қарашларга қарши курашган (бу ўринда Сайидаҳмад Васлий ва Бехбудийнинг давр матбуотидаги баҳсларини эслатиш ўринли).

Гарчи ҳалқ орасида, театр — ҳордик чиқариш маскани, деган тушунча илдиз отган бўлса-да, у ҳеч қачон шу мақсадгагина хизмат қилган эмас. Тўғри, театр — томоша, томошахона. Унда ўтмиш ҳам, бугуну эрта ҳам, одамларнинг турфа феълу атвори, ижтимою майший турмуши, орзую армони, муҳаббату изтироби — барча-барчаси кулги ёки йиги уйғотиб, инсонни ҳайрат ва ҳаяжонга солиб, гўзал, соҳир тарзда намойиш этилади. Лекин бу асло беҳуда кўнгилхушлик эмас. Наҳотки томошабинни ҳаяжонга солиб, қалбини тўлқинлантирган спектаклни бекорчиликка, ҳабадага йўйиш мумкин бўлса? Ахир спектакль қўйилаётганда томошабиннинг қалби ва онги ҳаракатда бўлади. Ҳаяжондаги инсонни пинакка кетган одам ёки фикрлаб турган кимсани дам олаётган мардум деб бўлмайди-ку! Шу боис ҳам театр санъатининг буюк ислоҳотчиси Константин Станиславский “Одамлар театрга кўнгилхушлик деб келади, аммо у ердан ўйга толиб чиқади”, деган эди. Дарҳақиқат, қайси даврни олманг, театр ўзининг олий миссиясини одамларни, жамиятни ҳаракатга келтиришда, уни илгарилатишда, тараққий этиришда деб билган. Антик театр инсоний муносабатлар, эҳтиросларни авжлантириб, “такдири азал” ўйинларидан холос бўлишга, руҳий тозариш ва озодликка; Шекспир даври — Уйғониш асли театри эркинлика, олижанобликка, мурувватпешаликка; маърифатпарварлик саҳнаси эса билимга, маданиятга, ўсиш-ўзгаришга унданган. Тўғри, булар бари жозиб бир тарзда авлодлар онгига, қалбига томоша орқали сингиб борган, уларга ўша фоя, туйғулар билан завқ баҳш этиб, комилликка етаклаган.

Одам борки, истеъмол эктиёжи бўлган ва бўлади, демакки, истеъмолчилик психологияси мудом учрийверади. Бироқ бу ҳол жайронни кимдир гўзаллик, эрк, бокиралик тимсоли, бошқа бирор эса эти ширин, териси майин жонзор деб билганидек гап. Театр ана шу икки тушунчанинг нисбатида яшайди. Бугун иккичи тушунча ҳамма жойда зўрайгандан зўрайбай боряпти. Бозор экан-да, рақобат, кимўзар деб нималар қилмаяпти санъат атрофидаги “шоввозлар”?! Дарвоқе, тил зўрға келишадиган номлари ҳам бор уларнинг: продюсер, менежер, имижмейкер, шоумен ва ҳоказо. Том маънодаги санъат оломон ҳоҳишларига мосланиб, силликланиб, шу каслардан бино бўлган улкан юҳонинг goҳ улгуржи, гоҳо донабай — чакана луқмасига айланниб кетяпти. Ана шуниси хавфли, ана шунисидан қўрқулик. Сиз айтмоқчи, юксак маданиятни оломон маданияти даражасига тушиб қолишдан саклаш ўта долзарб вазифага айланниб бормоқда. Мана сизга яққол бир мисол: Москванинг дунёга машҳур “Большой театр”ига ёш режиссёр ишга таклиф этилибди. У мазкур театрнинг классик тартибларини бузишга астойдил киришиб, унинг анъаналарига бир

қадар ёт асар — Иоганн Штрауснинг “Петучая мышь” (“Кўршапалак”) опереттасини саҳналаштирибди. Бунга-ку чидаш мумкинdir, аммо у енгил ишқ можароси шўхчан оҳангларда ифода этилган спектаклни қариб яланғоч либосу ошкора шаҳвоний муносабатлар намойишига айлантирибди. Норози бўлғанларни эса, ё маданий қолоклиқда, ё санъатни тушунмасликда айблаб, четта сурибди. Буниси ҳам майли, ўша навқирон “валад”нинг фикрича, бугун айни “Отелло”ни кўйиш мавриди бўлиб, уни “тўғри” талқин қилиш керак эмиш. Яъни Отелло билан Яго бир-бирини севади, Дездемона эса уларга халақит беради. Шунинг учун уни йўқотиш чоралари излана-ди. Ана сизга асарнинг энг “замонавий” талқини!

Худога шукр, биз бундай васвасалардан холимиз. Аммо эрта бир кун бизга ҳам мана шу балои офат ёпирилмайди деб ким кафолат бера олади? Ахир, глобаллашув замони, том устида интернет, антенна, “тарелка” деганлари беадоқ бўлса...

Миллий театр ифтихоримиз бўлиб келган ва шундай бўлиб қолиши ке-рак. Жамоанинг ҳозирги салоҳияти шунга имкон беради ҳам. Бироқ зидловчи боғловчиларни кўпроқ қўллашга мажбур этадиган ҳолатлар борлиги, бўлиб тургани одамни қийнайди.

Ҳар қандай театрнинг, театр бадиий раҳбари ё бош режиссёрининг ижодий маслаги (кредоси) бўлиши ва у театр репертуарига ўша кredодан келиб чиқиб концептуал ёндашиши керак. Бугун қайси ўзбек театрида шундай ёндашув бор? Юртимизнинг давлат театрларида, режиссёrlар Олимжон Салимов ва Наби Абдураҳмоновни истисно қилганда, концепция тугул ижодий принципнинг ўзи йўқ.

Театр бугун ҳам илк даврдаги каби жамиятни етакловчи куч бўлмоғи, одамларни фикрлашга, ҳеч бир ҳодисага бефарқ бўлмасликка даъват этмоғи керак. Акс ҳолда ҳозиргидек чакана бозор муносабатларига илова бўлиб юраверади.

— Иттифоқо, француз рассоми Жан Дюбюффенинг тасвирий санъат Ғарб дунёсида “маданият лидери”га айлангани ҳақидаги мулоҳазаларини ўқиб қолдим: “Рангтасвир адабиётдан юз йил илгарилаб кетди”, деб гапни тўғридан-тўғри хулосадан бошлайди у. Сўнгра шу нуқтаи назарини асослаш учун мана бундай “кичик тажриба” ўтказишга даъват этади: “Дастлаб ҳозирги рангтасвирни Рафаэль рангтасвирни билан солишириб кўринг, кейин Сартр асарларига Дидро асарларини таққослаб бўкинг, шунда бутун ҳақиқат аён бўлади-қолади. Рангтасвирда шакл бошдан-оёқ янгиланиб бўлди, адабиётда эса бундай ўзгариш сезилар-сезилмас, холос. Тасвирий санъатда тараққиёт ҳар қачон шаклий янгиланиш билан ҳамқадам кечган...” Очиги, бу фикр мени бирмунча ўйга толдириб қўйди. Бутун Шарқ санъати ҳақида бўлмаса-да, ўзбек санъати хусусида сўз айтишга қурбим етар. Биз доим адабиётни “маданият лидери” деб билганимиз ва бу қараш яқин-яқингача ҳам ўзини оқлаган. Менимча, жараён 90-йиллардан бошланди: бизда ҳам рангтасвир адабиётни қувиб ўтиб, олд маррани эгаллаб олди. Тасвирий санъатдаги бундай “китта силжиш”дан қувониш лозим, албатта. Бироқ миллий адабиётимиздаги ҳозирги тургунлик ҳолатини қандай баҳолаш мумкин? Нега 70-йилларда сўз санъатимизга кириб келган сўнгги янгиланиш тўлқини ортидан бундай пўртмана ҳамон кўзга ташланмаяпти? Балки айнан шундай “сокинлик” сабаб ҳам ҳақиқатга, демакки, адабиётга алоқаси йўқ асарлар пайдар-пайдар китоб дўйонларини тўлдираётгандир? Бундай манзараға боқиб, ажабо, олтин ўрнини жез олган давр — алкимёгарлар замони келмаятими, деб ўйлаб қоласан, киши. Тўғри, бир неча авангардчи шоир-ёзуви класик бадиий оламни нуратишга муваффақ бўляпти, аммо ноклассик бадиий оламни тиклашга чоғи келмаяпти. Шуҳрат ака, ушбу масала хусусида Сиз нима дея оласиз? Ўзбек адабиётининг ҳозирги аҳволи ҳақидаги фикрларингиз меникидан некбинроқдир балки?..

— Тасвирий санъат билан бадиий адабиёт қиёсига оид хуносалардан, менимча, у қадар хавотирланмаса ҳам бўлади. Аввало айтиш жоизки, муайян даврларда санъат турларининг бири илгарила, бири пайсаллаб турган — табиат ва жамият ривожининг қонунияти шунаقا. Бу, асосан, истеъододли санъаткорлар пайдо бўлиши ва мақбул муҳит яратилиши билан боғлиқ жараён. Қолаверса, тасвирий санъат билан адабиётни соҳа предмети, асар яратиш жараёни ва ҳоказо жиҳатларга кўра ҳам қиёслаш ва баҳолаш тўғри бўлмаса керак. Тасвирий санъатда бадиий шакл кўпинча интуитив тасаввурлар бағрида туғилади. Шеъриятда ҳам бундай хусусият мавжуд, албатта. Шунга кўра, ҳозирги ўзбек шеъриятини тасвирий санъат изланишларидан қўйида десак, янглишамиз. Мен ҳеч иккимай, Ҳалима Аҳмедова шеъриятини, унинг сўнгги йиллар битикларини замонавий санъатнинг юксак намунаси, деб айтган бўлардим. Назаримда, бу руҳий-ижодий юксаклик бошқа санъат турларида у қадар залворли эмас. Аммо наср ва драма — бўлак жараён, ўзгача муносабат ва ёндашувни тақозо этадиган ижод турлари. Улар бадиий тасвирида интициядан кўра идрокни кўпроқ қурол қиласди. Бадиий наср ва драманинг юксак намуналарида ақл чиғириғидан ўтмаган бирон образ, лавҳа, деталь бўлмайди. Бари англанган ҳодиса сифатида бадиий воқеликда муайян интизом ва тартиб билан намоён бўлади. Акс ҳолда тасаввур бузилади, хира тортади. Албатта, шеърият ва тасвирий санъат ҳам бу хислатлардан холи эмас. Улар ҳам муайян интизом ва ички тартибсиз мавжуд бўлолмайди. Лекин бу интизом ва тартибнинг онг олами ва хаёлот дунёсидаги йўриғи бошқа. Наср билан драмада аниқ тасаввурларга суюнучи бадиий-психологик анализ ва сўнгра синтез билан иш кўрилса, мўйқалам усталари руҳий таҳлилни томошабин дунёқараши даражасидаги мавҳумотда қолдириб, натижка билангина кифояланади. Сўз санъати рангтасвир ёки ҳайкалтарошлиқдан мушкулроқ деган фикрдан йироқман, аммо бу икки санъат турини кимузарга солишириш ҳам жоиз эмас.

Эътибор қилинг, Жан Дюбюффенинг ўзи ҳам “кичик тажриба”сида бир-биридан буткул фарқ қилувчи икки (замонавий ва тарихий) даврни фалсафий наср намояндалари мисолида изоҳлаяпти. Балки тасвир имкониятлари жиҳатидан Жан-Поль Сартр Дени Дидродан у қадар илгарила кетмагандир. Аммо Дидродан салгина кейин француз адабий дунёсида пайдо бўлган Виктор Гюго сўз санъатининг бадиий имкониятларини нечоглик юксалтириб юборди. Биргина “Париждаги Биби Марям ибодатхонаси” романи сўз санъати мўъжизаси эмасми?! Фалсафий-рационалистик таҳлил ва тасвир лиро-романтик таҳлил ва тасвир соясида нурсиз, фарид бир усуулга айланниб қолмадими?! Унутмайликки, Рафаэлнинг ҳаётбахш, ёруғ рангтасвиридаги шакл қанча янгиланган, тасвирий санъат ҳозиргача қанча “изм”ларни бошдан кечирган бўлса ҳам, буюк мусаввир асарлари, хусусан, портретлари ўйғотаётган ҳайрат ўз ўрнини бошқа шаклий экспериментга бирор марта ҳам бўшатиб бермади. Аксинча, ўша шаклбозликлар нур пайдо бўлиши билан тарқайдиган соядек йўқолиб, урфга қараб ўзгариб ётибди.

Эҳтимол, бугун ўзбек адабиёти “маданият лидери” эмасдир. Ҳозирги ўзбек маданий ҳаётида “лидер”лик тасвирий санъатда ҳам эмас. Аён ҳақиқатки, бу рутба кинода, миллый киномизда...

Ўзбек тасвирий санъатида “катта силжиш”лар борлиги шубҳасиз, албатта. Сабаби, бир-биридан кам бўлмаган истеъододларга ижодий ўсиш учун мақбул муҳит яратилди. Келинг, оддийгина фактларни санаб ўтайлик: Ўзбекистон Бадиий академияси таъсис этилди (бу ҳам маънавий, ҳам моддий рағбат, қолаверса, ижтимоий ҳимоя ҳам), Камолиддин Беҳзод номидаги Миллый рассомлик ва дизайн институти ташкил қилинди, ўнга яқин музей, тасвирий санъат галереялари, кўргазма заллари очилди, яқин ўн йилдан бери икки йилда бир марта Халқаро биеннали ўтказилиб турибди. Рассом болалар ва ўсмирлар ижодига бўлаётган эътибор-чи!

Бу борада ташкил этилаётган тадбирларни санаб улгуриш қийин. Хўш, булар бари ушбу санъат тури ривожига турткі — рағбат эмасми? Энди эса бадиий адабиётизизни олиб кўрайлик. Олтмиш йил мобайнида бутун адабий кучни бирлаштириб келган Ёзувчилар уюшмасининг аҳволи не кечди? Адабий ҳәётни жонлантириб, турли аудиторияларда баҳсу мунозараларга сабаб бўлган “Шарқ юлдузи”, “Ёшлик” журналларининг-чи? Китоб ёзиш, уни нашр қилдириш имкониятини айтмаса ҳам бўлади. Ахир, ўйлаб кўринг, Шукур Холмирзаевдек улкан адиб романлар (романлар-а!) ёзиб ётса-ю, йўқсил аҳволидаги гўшанишин халқ ёзувчисининг бирор китоби ўн йиллаб дунё юзини кўрмаса... Шеър дегани эса — тама илинжидами ё бўлак эҳтиёждами — қайнагандан қайнаб тошди. Яхши-ёмонини ажратиб олиш ҳам осон иш бўлмай қолди. Айтаверсак, армону гиналар кўп... Тағин раҳматли Шукур Холмирзаев ёдга тушади. Ўтган асрнинг 90-йилларида Ёзувчилар уюшмасининг йиллик сарҳисоб йиғинларидан бирида Шукур ака ўртага “Адабиёт ўладими?” дея савол — чақириқ ташлаган эди. Ҳамма, ўлмайди, керак, яшайди, деб иддаоланган, ҳатто Шукур аканинг ўзи ҳам, моҳиятини чуқур англамай “томошавий жест” қилгандек туялган эса-да, шундай буюк маънавий жабҳа тўхтаб қолишига ишонмаган ва некбин хулоса чиқарган эди. Аммо, барибир, ҳақиқий ижодкор — худо суйган банда — валийлиқдан узоқ бўлмас экан. Тўғри, адабиёт ўлмади, бироқ у, Сизнинг иборангиз билан айтганда, “катта силжиш”ларни ҳам бошдан кечирмади. Кўриб ўтганимиздек, бунинг ташкилий-объектив ва албатта, субъектив сабаблари ҳам кўп. Чинакам юксак адабиёт буларга боғлиқ эмас деб анойи “чўпчак” айтиш эса кулгили...

Шоядки, давлатнинг ушбу муаммони ҳал этишга киришгани адабиётимизга янги ҳаво, янги рух, янги ҳаёт баҳш этса. Биргина Дўрмонда Ижод уйининг тикланиши ҳали кўп яхши асарларга доя бўлар. Ахир, Шукур аканинг ҳам, улардан улуғроқ авлад — Абдулла Қаҳҳор, Асқад Муҳтор, Саид Аҳмад, Шуҳрат ака, Пиримкул Қодиров, Абдулла Ориповнинг ҳам аксар сара асарлари Дўрмонда ёки шу каби бошқа “ижод уй”ларида яратилгани адабиёт муҳибларига яхши маълум-ку. Муҳими, бу гўшада ички хотиржамлик ва руҳий сокинлик бўлади. Ижодкорга бундан ортиқ не керак!?

Авангардчи шоир-ёзувчиларимизнинг “классик бадиий оламни нуратишга муваффақ бўлаётгани” эса, менимча, унчалик тўғри гап эмас. Улар ўзича бор, ўз дунёси, дунёларида яшаяпти, ўзини тушунадиган аудиторияни излайпти, чекланган бир доирада топяпти ҳам. Ўзларининг “кумир”лари — классикларини “кашф” этяпти ҳам. Нима қипти, бу дунёда неники Оллоҳ яратибди, ризқини ҳам, кори аъмолини ҳам қўшиб беради. Лекин уларнинг классик бадиий оламни нуратишга қурблари келмас-ов. Чунки бу олам инсоният бор экан, фикрга, туйугу, гўзалликка эҳтиёж бор экан, сира йўқолмайди, эҳтиёжмандрарнинг қалбу тафаккурида ҳарорат, тўлқин, эпкинлар ҳосил қилиб, ҳар қаҷон яшайверади.

— Тил ва адабиёт институтида XX аср ўзбек адабиёти тарихига доир кўп жилдлик тадқиқот яратилаётганидан хабаримиз бор. Бу тадқиқот миллий сўз санъатимизнинг ўтган асрдаги тараққиёт йўлини, ниҳоят, батафсил ва ҳақоний ёритиб берса ажабмас. Аммо кейинги юз йилликдаги сўз санъатимизнинг баъзи баҳсли масалалари ҳақида унгача ҳам фикр юритиш мумкин ва ҳамто зарур. Ана шундай масалалардан бури миллий адабиётимизга доир қарашлардаги баъзи доғма — “муқаддаслашган ҳақиқат”лардир. Бундай “ҳақиқат”ларни бедаҳл сақлаб қолишига интилаётган олимлар XX асрнинг манфур муҳити шоир ва ёзувчиларга ҳақ сўзни айтмоқ учун ортиқ имкон бермаганидан баҳс очади. Нафсилаами, биз ҳам тарихийлик ҳадафини тан оламиз, бусиз асло мумкин эмас. Аммо, начора, шоир-ёзувчининг ичи-кўнглида қолиб кетгани эмас, айтган сўзигина адабиёт бўла олади. Бинобарин, тош-тарози ҳам айтил-

ган сўз салмогига қараб кўйилмоги лозим, тўғрими? Ҳарқалай, бошқалардан кўра беҳроқ эди-да қабилидаги ёндашув ниҳоятда хавфли эмасми? Ахир, қачонгача ўзимиз билан ўзимиз бўйлашиб, ўзимиздан ўзимиз гуурланиб юрамиз? Биз ҳам жаҳон билан бўйлашадиган фурсат етиб келмадимикан? Умуман, ўтган аср ўзбек адабиётига доир қараашлардаги дозгомалар ҳақида нима фикрдасиз? Улардан холос бўлиш йўллари, Сизнингча, қандай?

— XX аср ўзбек адабиёти — менинг маҳлиёлигимдан қатъи назар, буюк адабиёт. Ҳеч шак-шубҳасиз, жаҳон билан бўйлаша оладиган адабиёт.

Рости, бизнинг психологиямизда ғалати бир хусусият бор. Ўз адабиётимизни, айниқса, бизга замондош шоиру адилларимиз ҳаёти ва ижодини, уларга оид керак-нокерак тафсилотлардан боҳабарлигимиз сабаблими, ҳеч жаҳон адабиёти контекстида тасаввур этолмаймиз. Бир вақтлар Озод Шарафиддинов домлаFaafur Fулом ижоди, хусусан, “Шум бола” асари юзасидан маъруза ўқий туриб, уни Марк Твеннинг Том Сойер ва Геклберри Финн ҳақидаги асарлари билан қиёслаб, ўзбек адаби маҳорат нуқтаи назаридан кучлироқ эканини айтганида, бу фикр ғайриоддий таассурот уйғотган эди. Балки шуниси билан ҳам хотирада қолгандир... Бегали Қосимов домла эса Алишер Навоий ижодида шахс эрки, инсон қадри мавзуида сўз юритиб, Шекспир “Гамлет”идан қиёсий иқтибослар келтирган ва ҳазрат бобо-калонимизнинг жаҳоний ўлчамдаги ижодий қудратини исботлаб беришга уринган эди. Шу маънода Абдулла Қодирий, Чўлпон, Ойбек, Абдулла Қаҳҳор, Шайхзода, Миртемир, Асқад Мухтор, Одил Ёқубов, Эркин Воҳидов, Абдулла Орипов, Рауф Парфи ижодини ҳеч иккиланмай жаҳон адабиёти намуналари билан қиёсий-типологик тадқиқ этиш имконияти бор. Уларнинг “ичида қолиб кетгани эмас”, айнан китоб бўлиб, дунё юзини кўрган асарлари шундай фикр юритишга асос беради. Ана шу қараашни тадқиқотлар шаклида тақдим этолмаган ва ҳануз бунинг уддасидан чиқолмаётган ўзбек адабиётшунослиги ҳар қанча таънага лойиқ. Илло, бирор ўзбек адаби қаҷон Нобель мукофотини оларкан, деб кутиб ўтириш шарт эмас. Адабиётшунослар Паризод Мирзаҳмедова, Мұхаббат Шарафиддинова, илгарироқ эса Нинель Владимирова шундай тадқиқотларга чоғланган эди. Бу тадқиқотлар бора-бора монография, мақолалар тўплами шаклига кириб, аҳли адабда катта умидлар уйғотяпти. Аммо истак ва қупоч ҳар қанча катта бўлмасин, тафаккур миқёси, мұқояса залвори деган гаплар ҳам бор. Шу ўринда мен Иброҳим Faafurovning “Хаё — холоскор”, “Мангу латофат”, Дилмурод Қуроновнинг “Чўлпон насрин поэтикаси” китобларини эслагим келади. Бу — ўзбек адабиётининг, хусусан, XX аср бадиий изланишларининг миқёсини очиб беришга уринган катта-кичик тадқиқотлар. Аммо саноғи жуда кам. Қолаверса, улар ўз миқёсига яраша оммалашмади ҳам. Мұхими, уринишлар йўқ эмас. Мен, айниқса, Ойбек ижоди ностандарт усуулларда ўрганилишини, унинг бугун шумшукка ўхшаб қолган “Кутлуғ қон”и поэтикасини тадқиқ этишни орзу қилиб юраман. Унинг матн қатламларига сингиб, воқелик ва образлар дунёсини буткул ўзгача талқинларда кўрсатиб бериш, бола палласида ойга талқиниб, мўйсафид ёшида у билан ҳамқадам бўлиб осмоний хаёлларга чўмган Ойбекнинг коинот миқёсида фикрлаган ва ижод этган мутафаккир санъаткор, инка туйгулардан чўнг қамровларга кўтарила билган эпик тафаккур соҳиби эканини юзага чиқариш буғунги адабиётшунослигимиз учун ҳам қарз, ҳам фарз деб биламан. Шу каби ишлар амалга ошса, миллатлигимиз ҳам, маданий даражамиз ҳам бир қур юксаларми эди.

Машҳур кинорежиссёр Сергей Соловьёв ошкоралик авж паллага кирган вақтлар “биз шу пайтгача тагматнда фикрлардик, энди ошкора фикрлайдиган ва сўзлайдиган замон келди” деб суюнганида, шундоқ ақлли одам бузоқнинг юргани сомонхонагача эканини англамаганидан ажабланган эдим. Ахир, санъатнинг

бор таровати шу тагматнда эмасми?! Тагматнни ҳис қилмаган ўкувчи, томошабин — санъат туйгусидан бебаҳра одам. Санъаткорнинг даҳоси борлиқ қадар серқатлам тагматн яратса билиши, неча-нечча сатҳда теранлашув имконини бера олиши билан ўлчанади, наздимда. Кўзга кўриниб турган ҳақиқатни қандай бўлса, шундайлигича тасвирлаш ҳали санъат дегани эмас-да. Кейинроқ, “чексиз, чегарасиз ошкоралик”дан кўп вақт ўтмай, ўша кинорежиссер бир фестиваль ҳайъатида ўтириб алам билан ёзгириб айтдики, ҳар нарсани тўппа-тўғри кўрсатавериш санъат эмас, бу ҳол фаҳш, зўравонлик ва қабоҳатни меъёрлаштиришга олиб келади, бундай вазиятда санъат ҳақида сўз ҳам бўлиши мумкин эмас.

Вақти-замони етиб “Тагматн таровати” деб номланган яхши бир китоб дунёга келишини орзу қиласман. Ва ишонаманки, бу китоб XX аср ўзбек адабиётининг завол билмас мумтоз намуналари ҳақида бўлади.

— Яқинда Ўлжас Сулаймоновнинг эсселар китобини қайта вараклай туриб ажойиб бир фикрга кўзим тушди. Машхур шоир адабий танқидчига гоят лўнда, аммо жуда ёрқин таъриф беради: “...критик — это не преподаватель правописания, а учитель правдописания”. Менинчча, бу жумлани ўзбекчага ўгиришга ҳожат ўйқ, у шундок ҳам тушунарли, қолаверса, таржимада аслият жозибасини сақлаб қолиш даргумон. Дарҳақиқат, бадсий адабиётда ҳақ сўз ҳимоясига адабий танқидчикдек кўкрак керган бошқа ёёқур зот ўйқ. Бу ўринда мен шу соҳанинг ҳақиқий эгасини назарда тутялман, албатта. Ўлжас оға ўтган асрнинг 70-йиларида аксар олимлар адабий танқидчиликнинг “жанги жадал”ларидан қочиб, “тинчу осойишта” адабиётшуносликка уриб кетганидан озурда бўлган экан. Унинг бу изтироби, табиийки, ўзи мансуб бўлган қозоқ адабиётидаги жараёнлар билан боғлиқ. Балки ўша кезлар Ўзбекистонда адабий танқидчилик муаммоси бундай кескин қилиб кўйилмагани икки-учта бўлса ҳам ҳақгўй, курашкан мунаққидларимиз бўлганидандир. Бироқ бугун миллий сўз санъатимизнинг ана шу “локомотив”и нега бир ерда депсиниб турибди, унинг адабий жараёнга таъсири нега ўйқ ҳисоби? Сиз адабий танқидчиликдаги бундай аҳволни нима билан изоҳлайсиз? Бу соҳани юксалиш ўйлига олиб чиқши учун, Сизнингча, нима қилмоқ керак?

— Бобораҳим Машрабнинг мен ёқтирган бир байти бор:

То кишига дард төғмай, бўлмади бағри кабоб,
Дилда дардинг бўлмаса, дарди саримни кавлама.

Бу айнан Сиз айтаётган танқид ҳақида. Ўлжас Сулаймонов ҳақ: танқидчи — тўғри ёзишни ўргатувчи эмас, ҳақиқатни ёзишни талаб этувчи устоз. Бу устозлик хирқасини ҳар ким ҳам киявермас, аникроғи, кия олмас экан. Бир ҳисоб қилайлик, бугун мамлакатимиздаги университетларнинг филология факультетини тамомлаган адабиётшунослар сони нечта экан? Кўп, жуда кўп. Филология фанлари номзоди бўлаётганлар аввал ҳам, ҳозир ҳам тўрт хонали саноқдан ортса ортадики, кам эмас. Шулардан танқидчи — мунаққидлари қанча? Кечаги кун саноқ йигирмаларни қораларди. Бугун-чи? Қўл бармоқлари кўпллик қилса кераг-ов! Нафақат адабиёт, бадсий ижоднинг барча турларида, ҳатто жамиятда ҳам танқид керакмикан ўзи, деб ўйланиб қоласан киши. Кераклиги ҳақида антик дунёдан тортиб шу кунгача бўлган мутафаккирларнинг юзлаб ҳикматини қалаشتариб ташлаш мумкин. Аммо не наф? Хунукни хунук, бадхулқни абллаҳ, бадфеълни малъун, муттаҳамни каззоб деб айтмасанг, айтольмасанг, сенинг одамлигинг, Оллоҳ юратган саралигинг қайда қолади?! Озод домла “...қалтис вазиятда тўғри сўзни, ҳақ сўзни мен айтмасам, ким

айтади, зиёлиман деб еб юрган ноним нима бўлади?!” деб ёзигранида қанчалар ҳақ эди! У кишининг умр поёнида ёзган бир мақоласи “Виждан керакдир инсонга” деб номлангани бежиз эмас.

Бугун бизга, адабиётимизга Озод Шарафиддиновдек ҳақгўй аллома етишмаяпти. Бу менинггина эмас, бугунги бутун адабий жамоатчилик, олиму фузалонинг фикри.

Балки Озод домла адабиётшунослик уфқларини у қадар кенгайтириб юбормагандир. Балки таржима санъатида ҳам қилни қирқ ёриб мўъжизалар яратмагандир. Мұҳаррирлик, педагоглик соҳаларида ҳам ўзи каби истеъодли инсонлардек заҳмат, азият чеккани ҳолда, фавқулодда ҳайратга сазовор ишлар қилмагандир. Аммо танқидда, публицистикада Озод Шарафиддинов беназир эди. Шундай бўлиб қоляпти ҳам. Агар бу жабҳаларда домлани ортда қолдирмоққа қодир кучлар топилса, устоднинг арвоҳи фақат шод бўларди.

Танқиддан кўпчилик кўрқади: сиёсатчидан тортиб иқтисодчигача, амалдордан тортиб санъаткоргача. Негаки, танқид ҳаққоний бўлса, шахснинг, ҳодисанинг моҳиятини юзага чиқариб қўяди. Асли ният нима бўлгани, қайда ғараз, қайда манфаат аралашгани, риё қайдаю самимият қайдалиги, ким нимага қодир ёки қодир эмаслигини фош этиб қўяди. Ана шуниси қўрқинчли, ана шуниси қалтис — одамга ёқмайди. Кимнинг назидида? Риёкорнинг, соҳтакорнинг, муттаҳамнинг, локайду бепарвонинг! Бу фикр нафақат жамиятга, айни чокда, санъат билан адабиётга ҳам тааллуқли. Ваҳоланки, бугун танқиднинг, танқидчиликнинг майдони кенгайиб кетган. Биргина санъат танқидчилиги ҳудуди қанчалар кенг! Ўзбекистонда йилига элликталаб бадиий фильм яратилмоқда. 36 театрда тўрттадан спектакль премье-раси ўтса ҳам, 144 та таҳлилбоп танқидий материал бор деяверинг. Ҳужжатли ва мультиPLICATIONON фильмлар, йил-үн икки ой томоша залларини тўлдириб турган концерт дастурлари, телевидение (давлат ва нодавлат) кўрсатувлари, телесериаллар, мусикий клиплар, тасвирий санъат кўргазмалари... Эҳ-ҳэ, камида ҳар бир йўналишида 30-40 танқидчига материал, мавзу, муносабат имкони бор. Шу теграда энди бадиий адабиётни тасаввур этайлик. Нашр этилаётган китоблар, адабий-бадиий журналлар, газеталар... Адабиёт соҳасининг ўзига пойтахту вилоятлар бўйича камида 50-60 мутахассис мунаққид зарур бўлиб турибди. Хўш, бу юмушларни ким адо этади?

Очиғи, ҳозир бизнинг жамиятда ҳам, санъату адабиётда ҳам асосий мунаққид — Юртбошимизнинг ўзи. У кишининг маънавият жабҳалари билан боғлик сўнгги уч рисоласи: “Юксак маънавият — енгилмас куч”, “Энг асосий мезон — ҳаёт ҳақиқатини акс эттириш”, “Адабиётга эътибор — маънавиятга, келажакка эътибор” ижтимоий-маънавий ҳаётимизда бурилиш ясади десам янгишмайман. Бу “маънавият” тушунчасининг таърифими, маънавий ва моддий ҳаёт уйғунлигими, жамиятимизда юз бераётган маънавий исплоҳотларми ёки глобаллашув замонида фуқаролар онгу қалбини ёт ғоялардан саклашими, журналистикамиздаги фуқаролик позицияси, вижданан иш кўриш, ҳақ сўзни айтиш, адолатни ҳимоя қилиш масалалари бўладими ёки ёзувчи истеъоддининг ноёблиги уни авайлаб асраш, адаб сўзини замонага, бунёдкорликларга ҳамоҳанг қилиш талабими — барчаси Юртбошимиз асрларида теран ва қамровдор ифодасини топди. Унумаслигимиз зарурки, бу ҳозирги танқидчилигимиз учун ўзига хос методологик асосдир.

Хўп, методологик асос-ку бор экан, нега танқид жонланмаяпти? Ҳали санаб ўтилган танқидбоп материаллар уюлгандан уюлиб боряпти. Танқид танқислиги сабаб умумсавия, умумдид ҳам ҳаминқадар. Бир донишманд, ўз-ўзини танқид қила олган ҳалқ тараққиётга қодирдир, деб айтган экан. Хўш, тараққиётни истасак, унга бор вужудимиз билан интилиб турсаг-у, оёғимизга кишан, басират кўзимизга пар-

да бўлмиш иллатларни-да фарқламай илаштириб кетаверсак, бу силжиш эмас, “бир жойда туриб олға” қабилидаги депсиниш бўлмайдими?!

Танқидчиликнинг “Бир асар ҳақида икки фикр”, “Очиқ ҳат”, “Муносабат”, “Баҳс” каби матбуот руқнлари остида қанчадан-қанча долзарб “чиқиш”лари бўларди. Ҳозир ҳам ойболта билан эмас, хайрихоҳлик билан ёндашиб, таҳлил асносида ҳақ сўзни дадил айтадиган, ижодкорни ишонтириб, битикларига такомил, кейинги ижодига қанот бағишилайдиган беғараз, холис, ҳалол танқидчилик жуда зарур. Истөъдодсиз, самимиятсиз, фақат тана билан ёзилиб, тижорат мақсадидагина нашр этилаётган, ё кино экранлари, ё томоша саҳналарига чиқаётган “асар”ларни жамоатчилик ўртасида муносиб баҳосини бериш йўли билан тўхтатиш ҳам тараққиёт учун курашдир.

Муҳими, санъатга оид ҳукумат ҳужжатларида мазкур муаммоларни коллегиал асосда кўриб чиқиб ҳал этиш механизмлари равшан кўрсатиб берилган. Демак, бирёклама эмас, ҳартомонлама таҳлил ва танқид қилиб, муайян асарларга ҳаётга йўлланма бериш ё бермаслик имкони бор. Бу энди ўша мутасаддию мастьулларнинг, танқидчию “шунос”ларнинг билим ва малакасига, айниқса, вижданинг ҳавола. Вижданни эса қўл билан тутиб бўлмайди, у билан қорин тўйғазиш ҳам қийин...

Камина Миллий театримизнинг 2007 йилги репертуари ҳақида батафсил бир мақола эълон қилиб эдим. Ютуқларни санаб, эътироф этган ҳолда, айrim спектакллардаги камчилик ва нуқсонларни танқид остига олдим. Билишимча, Миллий театрда ҳам, “Ўзбектеатр” бирлашмасида ҳам ва ҳатто Санъат институтида ҳам мазкур мақола юзасидан муайян баҳс-мунозаралар бўлиби. Бироқ шов-шув, миш-миш кўп-у, матбуот жим. Мен, рости, шу соҳанинг нонини еб юрган мутахассислар (улар анчагина) муносабат билдирап, баҳслашар деб ўйлаган эдим. Фақат, “Ҳасрат боғи” спектакли ҳақида танқидий фикрлардан пьеса муаллифи дарғазаб бўлиб, баъзи таҳририятларга мурожаат этиби. Қарши муносабат асосли деб то-пилмаган шекилли, матбуотда бирорта мақола чоп этилмади. Олтмиш йилдан бери адабиётга хизмат қилиб келаётган ёши улуғ ижодкорни хафа қилиб қўйдимми, деб ўйлаб қолдим. У киши билан салом-алигимиз бор эди, гоҳо қўнғироқлашиб турар, ҳатто “Ҳасрат боғи”ни кўлёзмада ўқиб, пьесани Миллий театрга тавсия этганларнинг бири ҳам ўзим эдим. Тажрибадан аёнки, пьеса асосан театрда пишади, агар истеъдодли режисср ундаги чўф, учқунни пайқаб олса, сўз санъати ҳодисасини томоша санъати тилига ўғириб, янги ҳаёт баҳш этиб юборади. Афсуски, “Ҳасрат боғи”даги ўша учқунни режисср топа билмади. Оқибатда спектакль театр репертуарини безамади. Бундан ўзим ҳам хижолат бўлганим рост. Чунки камина ҳам “ҳайбарақаллачи”лардан эдим-да.

Табиийки, режисср талқини бўш бўлса, ижодий ёндашув сезилмаса, спектаклнинг бошқа унсурлари ҳам шунга яраша чиқади. Ҳўш, ана шундай гаплардан кейин яна кўлга қалам олиш осонми? Мўйсафид одамни таҳририятлар эшигига тентириатиш инсофданми?! Лекин ўша алмисоқдан қолган ҳикмат ҳануз ўз кучида — “Афлотун менинг дўстим, аммо ҳақиқат ундан устунроқ”. Мунаққид ҳалқи шу ҳикматни ҳаёт ақидасига айлантирмас экан, ҳаромдан ҳазар, тамадан пархез қилмас экан, унинг танқидидан на жамията, на ижодкорга наф бор.

Албатта, танқидда хайрихоҳлик керак, бу — бош мезон. Агар суюб, ардоқлаб, асослаб иллату нуқсонидан воқиф этилса, ҳақиқий ижодкор бундан озор чекмайди. Билъакс, миннатдор бўлиб, асарини пишитади. Ахир, юрак қонингиз билан битган асарингизга малакали муносабат билдирилса, шунинг ўзи кўмак, қувват, кувонч эмасми?!

Шу билан бирга, бугун танқидчилик қўчасида юргану шу йўлга кираман деб турган кишиларга ҳам озроқ эътибор, рағбат зарур. Ҳеч бўлмаса, ўз кори хайри-

нинг ичидаги маслақдош, елқадош, сафдошлардан хайриҳоҳлик керак. Озод дом-ланинг тўнгич шогирди Умарали Норматовда ҳам шу фазилат бор. “Ступка” деган ҳикоядан таъсирланиб бир мақола ёзиб эдим, мақола эълон қилинган куниёқ у киши менга — бир вақтлар талабаси бўлган фарзанди тенги одамга атай қўнғироқ қилиб, муносабат билдириди. Шунчаки табрик эмас, айнан муносабат билдириди.

Нокамтарлик бўлса-да, яна бир гапни айтай. Яқинда “Новый век” газетасида 2009 йилги ўзбек киноси ҳақида бир саҳифа мақолам чиқди. Очифи, ухлаб тушимга ҳам кирмаган ҳол эди бу. Бирор ҳафта аввалроқ киношунос Саодат Хўжаева телефон қилиб, кино ҳақидаги маърузам маъқул бўлгани ва ижозат берсам, рус тилига ўтириб, матбуотда чоп эттиришиниайтди. Ваҳоланки, Саодат опа билан кўзтанишимиз, холос. Мана хайриҳоҳлик, ўз соҳаси вакилини кўплаб-кувватлаш, елка дошли! Бундай хайриҳоҳликка ҳамма ҳам қодирми? Қачонки, шундай ҳолатлар одатий бўлиб қолса, Сиз айтган “локомотив” юриб кетади.


— Шуҳрат ака, “Қалбга йўл” деб номланган мақолангиз катта қизиқиш билан қарши олинди. Сиз мақолада маданий-маънавий ҳаётимизнинг деярли барча жабҳаларидағи “ажаб ҳолат”ларга муносабат билдирган эдингиз. Бу чуқур билим ва жўшқун эҳтирос билан, яна ҳам мұхимроғи, ғоят күйинчаклик билан ёзилган мақола эди. Мақола юзасидан таҳририятимизга ҳатлар келди, қўнғироқлар бўлди. Шу мақола учун ҳатто бообру бир мукофотга лойик ҳам топилдингиз. Ҳўш, кейин-чи, кейин нима бўлди? Сиз нишонга олган соҳаларнинг мутасаддилари орасида раҳмат айтган ёки баҳсга киришганлар бўлдими? Умуман, ўша мақоладан сўнг даҳлдор соҳаларда бирор ўзгариш рўй берганини сездингизми?

— Бу саволингизга қисман жавоб бериб ўтдим. Агар ўша мақола маъқул келган бўлса, бунинг бари дарддан, дардмандлиқдан, дардкашлиқдан эди. Шукрки, ўқиган мардум раҳмат айтди, аммо, таассуфки, тилга олинган соҳа мутахассислари ҳам, мутасаддилари ҳам ўзларини билиб-билимасликка солди ёки чекка-чеккада пичинг қилди — кўнглидагини айтиб ўртага чиқадиган бирорта ҳам марди майдон топилмади. Бизнинг бу ўтроқ жисму вужудларни, мурдроқ онгу қалбларни қўзғатиш, ўйғотиш осон кечмас экан. Ҳалқимизнинг басират кўзини очиш учун даврани кенг олиб, сафларни тўлдириб, изчил, муттасил саъй қилмоқ, бу йўлда гоҳ бору гоҳ йўққа, гоҳ дўсту гоҳ душманга эш бўлмоқ, сабру тоқат этмоқ, бир сўз билан айтса, собирлик зарур экан. Аслида бу ҳам ибодаттир. Иноятларидан бебаҳра этмас, иншооллоҳ!..

**Мухиддин РАҲИМ
суҳбатлашди.**

Абдураҳим ЭРКАЕВ

OQSOQOL



Жамият тарақкӣ этиши асносида унинг институтлари ҳам ўзгариб, янгиланиб боради. Айримлари тарих саҳнасидан бутунлай тушиб, унтилиб кетса, бъазилари янгитдан пайдо бўлади. Лекин ижтимоий институтлар орасида сиёсий ва иқтисодий тузум ўзгарсада, мазмуни ва шаклини янгилаб, жамиятдаги вазифаларини давом эттираверадиган нисбатан сабитлари ҳам бор. Оила ва никоҳ, ахлоқ ва хуқук, урф-одат ва таълим-тарбия каби жамият ҳётини тартибга солувчи, ривожланишда давомийлик ва ворисийликни таъминловчи институтлар ана шундай хусусияти билан ажralиб туради.

Кўпчилик олимлар инсон моҳиятини унинг ижтимоийлигида кўради. Бинобарин, жамоага бирлашиш илк қоида ва талабларни юзага келтирган. Жамоа ичидан ҳар хил жараёнларга бошчилик қила оладиган кишилар лаёқат ва маҳоратига (масалан, ов қилишга ёки бошпана қуришга, меҳнат қуроллари ва бошқа анжомлар ясашга) қараб, ажralиб чиқа бошланган. Жамоа аввал-азалдан умумий бошлиқка эҳтиёж сезган. Натижада ибтидоий жамиятда

уруғ-жамоалар етакчиси — оқсоқоллик институти шаклланган.

Оқсоқол жамоадошларидан топқирлиги, фикрлаш қобилияти ва қатъияти, билими, тажрибаси, ташкилотчилиги ва бошқа муҳим хислатлари мажмуига кўра бирмунча устун бўлган. Кимдир жисмонан кучлироқ, овда моҳирроқ ёки бошқа бирор соҳада зўрроқ бўлган бўлиши мумкин, лекин оқсоқолнинг бошлиққа хос фазилатлари устун бўлган. Шу боис оқсоқол уруғ-жамоанинг ҳақиқий, норасмий етакчисига айланган ва жамоа аъзоларининг ихтиёрий бўйсунишига асосланган обрў ва ҳокимиятга эга бўлган.

Ибтидоий тузумда оқсоқолнинг қарори (бошқалар билан келишиб ёки ўз хоҳиш-иродасига кўра қабул қилинишидан қатъи назар) ҳамма учун мажбурий ҳисобланган, бирор киши унга қарши чиқмаган. Чунки бу тузумда шахсий манфаат, индивидуализм инкор қилинган, уруғ манфаатига, жамоавийлик принципига бўйсунилган. Натижада оқсоқоллик институти ўзига хос авторитарлик каஸб этган.

Жамият бирмунча ривожланиб, хусусий мулк пайдо бўлиши, одамлар ўртасида мулкий ва ижтимоий табақаланиш юзага келиши билан уруғ-жамоалар, қабилалар ичичидан емирилган, давлат ва хуқук вужудга келиб, асосий бошқарув оқсоқоллардан расмий амалдорлар қўлига ўтган. Аммо Шарқ мамлакатларида, хусусан, бизнинг ҳудудда оқсоқоллик бутунлай йўқолиб кетмаган. Бу институт янги шароитга мослашган, маҳаллий ўзини ўзи бошқаришни давлат идоралари билан боғловчи ҳалқага айланган. Кўп ҳолларда оқсоқол бир йўла маҳаллий ўзини ўзи бошқариш бўғини — қишлоқ ёки маҳалла жамоаси бошлиғи ҳамда давлат бошқаруви тизимидағи қуий амалдор вазифасини бажарган. Масалан, ҳонликлар давридаги қишлоқ аминлари бир томондан, оқсоқол иккинчи томондан, давлат амалдори ҳисобланган. Ибтидоий жамоадан фарқли ўлароқ, аграр жамиятда оқсоқол норасмий етакчидан расмий етакчига айланган.

Бутун аграр жамият тарихи давомида Шарқ мамлакатларида оқсоқоллик институти сақланиб қолишининг сабаблари, энг аввало, ерга хусусий мулк ўрнатилмагани, суғориладиган дехқончилик талаблари ҳамда аввалига патриархал, кейинчалик ярим патриархал турмуш тарзи шароитида жамоавийлик тамойилининг одамлар ҳаётидаги аҳамияти йўқолмаганидадир.

Асосий тирикчилик манбаи — ер ва сувдан жамоа бўлиб фойдаланиш, ўнлаб чақиримга чўзилган ариқ ва зовурларни йил сайн биргалиқда тозалаш каби ишлар ҳам жамоавийликка бўлган эҳтиёжни сақлаб қолди. Шу тариқа оқсоқоллик янги тузумга мослашиб такомиллашди, янги шароитга хос хусусиятлар касб этди ва табиийки, баъзи янги вазифаларни ҳам бажара бошлади. Масалан, оқсоқол қишлоқ амини сифатида солиқ йигиб, хазинага топширишда давлатга ёрдам берди ёки вақф ерларидан олинадиган даромаднинг масjid ва мадрасага етиб боришини таъминлади ва ҳоказо.

Шаҳарларда қишлоқ жамоасига монанд маҳалла жамоаси вужудга келди. Ўша даврда саноат ишлаб чиқариши оила даражасида ташкил этилган, маҳаллалар бирор касб-хунарга қараб ихтисослашган эди. Шу сабабдан оила жамиятда ишлаб чиқаришнинг

бирламчи, маҳалла эса жамоавий тузилмасига айланган эди. Маҳалланинг масжиди, мактаби, зарур инфраструктузилмаларни жамлаган гузари бўлган. Ёш авлод маҳаллада касбхунар сирлари ва кўникмаларини, дастлабки иқтисодий ва ижтимоий муносабатларни ўзлаштирган, масжид қошидаги мактабда бошланғич таълим олган. Бошқача айтганда, маҳалла ҳам истиқомат қилиш жойи, ҳам ўзига хос ишлаб чиқариш уюшмаси (корхонаси), ҳам кадрлар тайёрлайдиган ижтимоий-тарбиявий муассаса бўлган.

Оқсоқол жамоанинг ички муносабатлари баробарида иқтисодий, ижтимоий-хуқуқий, касбий-тарбиявий ҳаётини ҳам тартибга солган, шунингдек, унинг эътиқоди, маънавияти — жамоавий мафкураси (қабила ёхуд касбхунар билан боғлиқ асотирлари) ҳимоячиси, анъяналари, урф-одатлари, расм-руссумларини ўtkazadиган ташкилотчиси ҳам бўлган. Ушбу омил оқсоқоллик институтининг сақланиб қолишида мухим аҳамият касб этган. Чунки Шарқ мамлакатлари турмуш тарзида ҳамма вақт анъяналар, урф-одат ва маросимлар катта роль ўйнаган. Боз устига, қишлоқ жойларда патриархал ва ярим патриархал хўжалик юритишнинг, шаҳарда эса оилавий хунармандчиликка асосланган ишлаб чиқаришнинг турғунлиги иқтисодий, сиёсий ва диний-мафкуравий муносабатлар турғунлигини белгилаган. Бу каби омиллар мажмуи ва урф-одатлар ҳукмронлиги охир-оқибатда анъянавий жамият шаклланишига олиб келган. Оқсоқоллик анъянавий жамият талабларига мос бўлгани сабабли бошқарув тизимининг ажралмас доимий бўллагига айланган ва аграр жамиятнинг барча босқичларида шаҳарда ҳам, қишлоқда ҳам асосий ижтимоий тузилмалардан бири сифатида фаолият кўрсатган.

Оқсоқолнинг ўзига таъриф берадиган бўлслак, у — ҳалқ орасидан чиқсан норас-



мий етакчи сифатида қишлоқ жамоасининг ёки шаҳарларда бирор ҳунармандчилик турига ихтисослашган маҳалланинг умумий корпоратив манфаатларини ҳаммадан аввал ёки биринчилар қаторида пайқай олиш қобилиятига эга киши. У, шунингдек, умумий манфаат ва мақсад йўлида жамоадошларини бирлаширадиган, ишонтира оладиган, улар кучини мувофиқлаштириб, ўз ортидан эргаштира биладиган ташкилотчи ҳамдир. Одатда, оқсоқол мулоқотга уста, ўзига хос “дипломат” — ҳамма билан тил топишади. У зарур ҳолда жамоага, бирор шахсга ёхуд расмий идора вакилига ён босади, муросага боради, зарур бўлса, қатъият кўрсатади, босим ўтказади, ўз позициясини ҳимоя қиласди. Бунинг учун обрў-этибордан ташқари, у жамоага (оммага) маъқул келиши, одамларни ўзига жалб қила олиш каби туфма хислатга ҳам эга бўлмоғи керак. У ҳокимият билан тил топа олиши, унга ҳам маъқул келиши, жамоаси манфаатни, айниқса, ер ва сув, нарх-наво, солиқ ва бож масалаларида ҳимоя қила олиши, давлат идоралари ва ўзга жамоалар, гуруҳлар билан келиша билиши лозим. Бошқача айтганда, оқсоқол истараси иссиқ, жозибали, хаузматик шахс бўлиши керак.

Ҳокимият ва ҳалқ, давлат ва фуқаро ўртасида ҳар доим икки ёқлама ахборотга эҳтиёж бўлган. Жамиятнинг ривожланиш даражасига мос равишда ахборот алманиш ҳам турлича эди. Ўтра асрларда ҳокимиятнинг энг муҳим фармон ва қарорларини бозорларда, гавжум жойларда жарчилар эълон қилган. Ўз навбатида, давлатнинг маҳсус кишилари ахолининг ҳокимият сиёсатига, муайян фармон ва буйрукларга муносабатини, бир сўз билан айтилса, жамоатчилик фикрини юқорига етказиб турган. Оқсоқол ўз жамоаси фикрини ифодаловчи ва бундан маъмуриятни хабардор этиб борувчи асосий бўғинлардан бири саналган. У жамоаси муаммоларини, одамлар ҳокимиятдан қандай чора-тадбирлар кутаётганию қайси масалаларда ҳокимиятдан рози ёки норози эканини яхши билган. Шу маънода, оқсоқол аграр жамиятнинг ўзига хос социологи ҳисобланган. У жамоаси фикрини ифодалаш баробаридан маълум йўналишда фаол шакллантирган ҳам. Маъмурият сиёсати ва талаблари билан жамоа манфаатлари ҳамда адолат

мезонлари ўртасида зиддият пайдо бўлса, вазиятни юмшатишига, қараашларни, мезонларни яқинлаштиришига ҳаракат қилган. Маъмуриятни ахоли кайфиятидан огоҳ этиш баробарида мардумнинг “арз-доди”ни ҳам унга етказган. Маъмурият зарур ҳолларда оқсоқоллар, имом-хатиблар орқали жамоатчилик фикрини бошқарган. Лекин баъзан жамоатчилик ҳам оқсоқоллар орқали ёки оқсоқоллар жамоатчилик орқали маҳаллий маъмуриятга ўз нуқтаи назарини ўтказган.

Мустамлакачилик даврида Марказий Осиёда анъанавий жамият емирилиб, ижтимоий ҳаётда кескин ўзгаришлар юз берди, аста-секин индустрисал жамият шаклланди. Шаҳар ахолиси тез ўсади. Индустрисал жамият маҳалласи анъанавий ўрта асрлар маҳалласидан тубдан фарқ қиласди. Бу даврга келиб маҳалла жамиятнинг асосий ишлаб чиқариш ва касб-хунарга ўргатиш тузилмаси мақомини йўқотди. Чунки энди асосий ишлаб чиқариш жамоаси бўлиб завод ва фабрикалар, кадрлар тайёрлаш маскани бўлиб эса маҳаллага бўйсунмайдиган ҳалқ таълими ва касб-хунар таълими муассасалари таркиб топди. Шундай шароитда маҳалланинг ижтимоий вазифалари кескин камайиб кетди. Қишлоқ жамоаларида ҳам ахвол шунга мувофиқ тубдан ўзгарди.

Маҳалла мавқенинг тушиши табиий ҳол эди. Биринчидан, буни ишлаб чиқариш ва иқтисодиётнинг мазмуни ва шакли ўзгартгани тақозо этар эди. Иккинчидан, жамоавийликка муқобил тарзда индивидуализм кучли ривожлангани, жамиядта алоҳида инсоннинг муҳторийлиги ва ҳақ-хукуқлари, айниқса, индивидуал манфаатлари тан олингани оиласларнинг маҳалладан касбий ва иқтисодий мустақиллиги ортишига, одамларнинг ҳаётдаги эркинлиги, ташаббускорлиги ўсишига олиб келди. Натижада айнан шу борадаги муносабатларни тартибга солувчи маҳаллага, оқсоқолга эҳтиёж кескин камайиб, анъанавий жамият асосларига путур етди. Маҳалла фақат майиш турмуш ва маросимлар билан боғлиқ айрим вазифаларнингина давом эттириди. Ҳатто ободончилик, тозалик ва бошқа коммунал масалалар билан ҳам маҳсус тузилмалар — коммунал хўжалик, электр тармоқлари, сув-оқава, газлаштириш ва шу каби идоралар шуғулланадиган бўлди.

Совет даврида жамиятнинг аксар анъанавий институтлари, жумладан, оқсоқоллик расман барҳам топди. Аммо бу бирданига юз бергани йўқ. Дастребаки даврларда қишлоқ кенгашларига, кўшчилар союзларига, шахарларда эса хунармандлар артеллари ва ширкатларига раис этиб кўпроқ собиқ оқсоқоллар сайланган. Коллективлаштириш ва қулокларга қарши кураш кампанияси, айниқса, 30-йилларнинг сиёсий қатоғонлари давомида оқсоқоллик расман жамият институти сифатида тугатилди. Лекин унинг унсурлари батамом йўқ бўлиб кетмади. Халқ психологиясида барибир оқсоқоллик институтига мойиллик сақланиб қолди. Совет ҳукумати дастребаки йиллар бундан усталик билан фойдаланди. Айрим ижроия идораларига, ҳатто республика Марказий Ижроия Қўмитасига Йўлдош Охунбобоев каби саводхонлик даражаси паст, аммо халқдан чиқсан оқсоқоллар раис этиб тайинланди (аслида эса бошқарув уларнинг фирмадан қўйилган ўринбосарлари қўлида бўлган).

Аҳолининг майший турмушини ташкил этиш ва мувофиқлаштириш доирасида оқсоқол вазифасига маълум даражада эҳтиёж сақлангани сабабли маҳалла етакчиси ўз вазифасининг майший турмуш билан боғлиқ қисмини норасмий тарзда, стихияни давом эттириди. Бу даврда маҳалла қўмитаси раиси (оқсоқоли) жамоатчилик асосида урф-одат ва маросимларни тартибга солувчи, хонадонларда тўй ўтказиш саналарини мувофиқлаштирувчи, турли идоралар сўраганда эса, фуқароларга турар жойидан маълумотнома ёзиб берувчи котиб даражасига тушиб қолган эди.

Мустақиллик шарофати билан Ўзбекистонда жамият ва давлат қурилишида чукур испоҳотлар бошлаб юборилди. Биринчидан, ҳозирги давр аҳборот технологиялари, глобаллашув ва бозор иқтисодиёти, замонавий тараққиёт талабларидан келиб чиқиб, жаҳондаги юксак ривожланган мамлакатлар тажрибаси, умуминсоний қадриятлар ўрганилмоқда, демократия ва ҳуқуқий давлат, фуқаролик жамияти асослари мустаҳкамланмоқда. Иккинчидан, бу жараёнда ҳалқимизнинг уч минг йиллик давлатчилик ва жамиятни идора қилиш, жумладан, маҳаллий ўзини ўзи бошқариш тажрибаси ўрганилиб, унинг аҳамиятини йўқотмаган

қадриятлари бу гунгамослаштирилмоқда. Шу муносабат билан маҳалла инститuti янги ҳуқуқий ва ташкилий асосда қайта тикланиш ва замонавий жамиятга интеграция бўлишига интилаётгани диққатга сазовордир.

Демократия ҳар томонлама ривожланган, қонун устуворлиги таъминланган ҳуқуқий давлатда ижтимоий қатламларнинг, жисмоний ва юридик шахсларнинг, умуман, барча социумларнинг бир-бири ва давлат билан муносабати энг аввало қонунчилик билан тартибга солинади. Шу боис, бир томондан, давлатнинг турли-туман идоралари ва қонунларини бажариш билан боғлиқ бўлмаган анъанавий тузилмаларга объектив эҳтиёж янада пасяди. Фақат ахлоқ институти ва қисман майший урф-одатлар ҳамда умумхалқ байрамлари ва расмий саналар — давлат байрамлари бундан мустасно. Иккинчи томондан, фуқаролик жамияти асослари ривожланиши жараёнида янги типдаги жамоат ташкилотлари ва тузилмаларига (жумладан, ўзини ўзи бошқариш институтларига), уларнинг янги типдаги ҳақиқий, норасмий етакчиларига, фаолларига эҳтиёж туғилади.

Ўзбекистонда жамият ва давлат қурилиши соҳасида амалга оширилаётган испоҳотларнинг устувор йўналишларидан бири бошқарувни босқичма-босқич номарказлаштиришdir. Марказий ҳокимият идоралари ваколатларининг бир қисми маҳаллий ҳокимликларга ўтмоқда. Улар эса баъзи вазифаларини ўзини ўзи бошқариш ва жамоат ташкилотлари билан баҳам кўрмоқда.

Бошқарувни демократлаштириш, номарказлаштириш ва фуқаролик жамияти асосларини мустаҳкамлашда юз бератётган ўзгаришларга маҳалла бошқарувни мавқеининг ўсиб бораётганини мисол келтириш мумкин. Ушбу мавзуга бағишлаб кўплаб мақолалар эълон қилинди, махсус илмий тадқиқотлар олиб борилмоқда. Мустақиллик даврида қайта тикланган маҳалла аҳолини ижтимоий муҳофаза қилиш, коммунал таъминот ва турмуш шароити қулайликларини яратувчи инфратузилмалар, ободонлаштириш, оиласлараро ва шахслараро муносабатларни, оиласлаги тотувлики мустаҳкамлаш, ёшлилар тарбияси ва шу каби кўплаб масалалар билан шуғулланмоқда. Фуқаролик жамияти институти сифатида маҳалла фаолиятининг

яна бир йўналиши маҳаллий давлат идоралари, савдо ва хизмат кўрсатиш шохобчалари, бошқа тижорат тузилмалари устидан жамоатчилик назоратини йўлга қўйишидир. Тўғри, бу — маҳалла учун янги вазифа. У давлат идоралари ва амалдорларидан бир оз чўчиб туради. Совет даврида барча савдо ва хизмат кўрсатиш корхоналари тўлиқ давлатники бўлгани сабабли улар фаолиятига аралаш-маслик, назорат қиласлик одат эди. Аммо маҳалланинг ушбу йўналишдаги одимлари аста-секин событ бўлиб бормоқда. Чунки унинг жамиятдаги ўрни ва мақоми Конституциямизда мустаҳкамлаб кўйилган. Президент Ислом Каримов таъбири билан айтганда: “Айни пайтда у (маҳалла бошқарувига берилаётган эътибор — А.Э.) юртимизда амалга оширилаётган “Кучли давлатдан — кучли жамият сари” деган тамойилни мустаҳкамлаш, ёш авлодимизнинг онгу тафаккурини замонавий асосда шакллантириш борасида муҳим аҳамият касб этмоқда” (Ислом Каримов. Юксак маънавият — енгилмас куч. Т., “Маънавият”, 2008, 59-60 бетлар).

Маҳаллаларнинг аҳоли сайлаган раиси (оқсоқоли) яна қишлоқ ва маҳалла фуқаро йиғинларининг ҳақиқий етакчисига, маҳалладошларининг ваколатли вакилига, уларни турмуш масалаларида давлат идоралари билан боғловчи шахсга айланмоқда. Аммо келажақдаҳам шундай бўлиб қоладими? Оқсоқоллик институти замонавий тараққиёт талабларига қанчалик мос, уни ривожлантариш керакми?

Таъкидлаш лозимки, маҳалла, қишлоқ фуқаролар йиғини каби ўзини ўзи бошқариш тузилмаларини бошлиқсиз, оқсоқолсиз тасаввур этиш қийин. Агар маҳаллани ривожлентириб, замонавий жамиятга тўлиқ интеграция қилмоқчи бўлсақ, оқсоқолликни ривожлентириш лозим. Албатта, замонавий маҳалла ўрта асрлар, ҳатто совет даври маҳалласидан, замонавий оқсоқол эса ўтмишдошидан тубдан фарқ қилиши табиийдир.

Замонавий оқсоқол ташкилотчилик қобилияти билан бирга кенг билимли, эркин ва демократик тафаккур соҳиби бўлмоғи лозим.

Жамият ривожланиши тенденциялари, глобаллашув ва ахборот технологиялари даврининг ижобий устунликлари, имкониятларини, шунингдек, баъзи таҳдидларини яхши

билмоғи, уларнинг салбий оқибатларини юмшатиш йўлларини изламоғи лозим. Одамларнинг ўзаро бегоналашуви ва худбинлашуви кучайиши, “оммавий маданият” ва истеъмолчилик психологияси таъсирида жамоавийлик, миллийлик, ижобий маънодаги шахсият тўйуси заифлашиши глобаллашувнинг энг хавфли таҳдидларидан биридир. Одамларда жамоавийлик, ўзаро ёрдам ҳиссининг сусаяётгани, жамоавий бирлик, ҳатто йирик социум бирлиги даражасида ички дезинтеграция аломатлари пайдо бўлаётгани, одамларнинг бир-биридан индивидуал маҳдудлашуви ва ўз уйи, хонадони қобигида ўралиб қолаётгани мазкур кўзга ташланмас хавф анча жиддийлигидан далолат беради. Қўни-қўшнилар, ҳатто ота-оналар ва болалар ўртасида меҳроқибат совиб, дилдан мулоқот қилиш камайиб кетмоқда. Аввалги жамоавий алоқалар ва муносабатлар ўрнини энди корпоратив, гурухий манфаатларни ифодаловчи муносабатлар, эгоистик интилишлар эгалламоқда.

Худбин индивидуализм, ўзаро бегоналашиш инсоннинг ижтимоий табиатига зид. Балки, Farb мамлакатларида “шведча оила” деб ном олган, бир неча эркак ва хотиннинг умумий никоҳда яшашига асосланган “оила”лар пайдо бўлиши ўша жамиятда юзага келган ўта худбинлик ва ўзаро бегоналашига қарши стихияли, онгиз тарзда “топилган” чоралардир. Яна ким билади, дейсиз? (Ҳар ҳолда “шведча оила” ибтидоий даврдагига ўхшаш гурухий никоҳга асосланган ягона уруғ-жамоадир.)

Замонавий алоқа ва мулоқот қанчалик ривожланмасин, жамиятда инсоннинг ўзини ёлғиз сезиши кучайиб бораётгани аниқ. Ҳозирги жамиятнинг пародокси шундан иборатки, яшаш суръати — турли-туман шаклдаги алоқа ва мулоқотлар ҳаддан ортиқ жадаллашиб кетгани сабабли инсон озигина бўлса-да ўй-хотиралари, орзу-ҳаваслари билан якка қолишнинг иложини топа олмайди, лекин айни пайтда у ёлғиз, яқин ҳамдарди, маслакдош дўсти йўқ ёки узоқ болалиқда қолиб кетган. Бундай шароитда инсоний муносабатларнинг, жамоавий ўзаро ёрдам, ҳамдардлик ва мулоқотнинг янги шаклларини топиш ва маҳалла имкониятларидан фойдаланиш зарур. Глобаллашувнинг оммавий маданият орқали инсон турмуш тарзи, та-

факкури ва интилишларини стандартлаштириб, маънавий дунёсини қашшоқлаштириш, ватанпарварлик, миллийлик ва халқиллик тўйгуларини сусайтириш тенденциясига фақат миллий ва мумтоз умуминсоний қадриятларни яхши ўзлаштириш орқалигина қарши туриш мумкин. Миллий қадриятларга, илғор урф-одатларга, элу юрга мөхр — ватанпарварлик, одамийликнинг илк сабоқлари — гуманизм пойдевори оиласда, мактабда, маҳаллада шаклланади.

Табиийки, маҳаллада яшайдиган оиласлар, ўз даромади, ишда бандлиги, касб малакаси, билими ва маданий савиясига кўра, бир-биридан фарқ қиласди. Ўзига тўқ, топиштувиши яхши оиласлар қатори ижтимоий ҳимояяга муҳтоjlлари ҳам бор. Аксарият оиласлардаги муносабатлар ҳавас қилгуги. Баъзи оиласлар эса нотинч — кимнингдир ичкиликка ружу қўйган ёки тарбияси мушкул фарзанди бор. Эр-хотин келишмайдиган ёки ажрапиб кетган оиласлар ҳам йўқ эмас. Оқсоқол маҳалла фаоллари, давлатнинг ижтимоий муҳофаза ва таъминот идоралари, хайрия ва ҳомий ташкилотлар билан бундай оиласларга ёрдамга келиши зарур. Бирор киши ёки биронта оила қўйинчиликлар ва муаммолар гирдобида қолиб кетмаслиги чорасини кўрмоғи, одамларда, маҳалла — қадрдон маскан, ягона катта оила, деган тўйғуни тарбиялашга интилмоғи керак.

Бунинг учун маҳаллада ихтиёрийлик асосида турли тадбирлар, маърифий-маънавий ва дам олиш кечалари, жамоавий сұхбатлар уюштириш мақсадга мувофиқ. Одамларни оммавий тадбирлар, умумий мақсад, эркин ва самимий сұхбатлар яқинлаштиради, мөхр-оқибатли қиласди. Кам учрашадиган, умумий мақсади бўлмаган кишилар астасекин узоқлашиб, бегоналашиб кетаверади. Халқимиз бежиз “Мөхр — кўзда”, демайди.

Бугун оқсоқолдан одамларни яна жамоавийлик ва ўзаро ёрдам, инсоний ҳамдардлик асосида жипслаштира олиш, маҳалланинг тарбиявий таъсиридан фойдалана билиш каби хислатлар талаб этилади. У авторитаризмдан мутлақо холи, ўзгаларни тинглай оладиган, улар фикрини ҳурмат қиласдиган, мафкуравий ва эътиқодий жиҳатдан

бағрикенглик (толерантлик) ва плюрализм тарафдори бўлмоғи лозим.

Фуқаролик жамияти асосларини мустаҳкамлаш мақсадида маҳаллий ўзини ўзи бошқаришнинг ҳуқуқий асосларини доимий равиша тақомиллаштириб бориш талаб этилади. Энг аввало ўзини ўзи бошқариш институтларининг молиявий мустақиллигини таъминлашнинг ҳуқуқий асосларини аниқ белгилаб қўйиш лозим. Масалан, маҳалла ва қишлоқ фуқаролари йиғинлари юридик шахс сифатида банклар, йирик ишлаб чиқариш ва хизмат кўрсатиш корхоналарининг акциядорлари бўлиши мумкинлиги бозор иқтисодиёти талабларига, мулкчилик тўғрисидаги қонунларга мос келади. Шунингдек, уларнинг коммунал хизмат кўрсатиш корхоналари, газ, сув, электр энергияси етказиб берувчи ва турли хизмат кўрсатувчи бошқа корхоналар билан шартнома асосида ҳамкорлик қилиши, даромадларидан улуш олиши ҳам қонунчиликка зид эмас. Молиявий таъминотнинг хайрия, ҳомийлик ва бошқа манбаларидан фойдаланиш, маҳалла тасарруфидаги кичин бизнес субъектларига солиқ ва тўловлардан имтиёзлар бериш каби бошқа манбалар ҳақида ўйлаб қўриш лозим. Лекин, албатта, ўзини ўзи бошқариш институтларини, айниқса, маҳалла ва қишлоқ фуқаролар йиғинларини ривожлантириш замонавий тараққиётнинг ижобий тенденцияларига зид келмаслиги, уларни инкор этмаслиги шарт. Биз фуқаролик жамиятини ривожлантириш баҳонасида қолоқ традиционализмни, турғунликка ва майший авторитаризмга мойиланъанавий жамият қоидаларини қайта тикилаш ва озиқлантиришдан мутлақо йироқ туришимиз лозим.

Муайян фуқаролик институти жамиятининг ўтмиши ва бугунги кунида қанчалик катта мавқе эгалламасин, унинг истиқболи эртанги кунда жамиятча интеграция бўлиш имкониятларига, глобаллашув ва ахборот технологиялари даври талабларига, инсон ҳукуқлари ва шахси ривожланиши тенденцияларига жавоб бера олиши билан белгиланади. Айнан ушбу масалалардан келиб чиқиб, маҳалла ва оқсоқоллик институтлари истиқболини алоҳида илмий тадқик этиш мақсадга мувофиқ.

Абдухалил РАЗЗОҚОВ



G'ОYALARDAN – TA'LIMOTLARGA

Иқтисодий
тафаккур (ғоя,
қараш, концепция,

қонун, назария ва таълимотлар) ибтидоси Ер юзида илк давлатларнинг пайдо бўлиш даври — милоддан аввалги тўртинчи минг йилликларга бориб тақалади. Инсоният хўжалик юритишга оид дастлабки содда ғоялардан то ҳозирги энг мураккаб таълимотларга қадар олти минг йиллик узоқ тарихий йўлни босиб ўтди. Бу йўлга фикран назар солган ҳар бир киши иқтисодий тафаккур ривожига Марказий Осиё ҳалқлари ва мутафаккирлари бениҳоя улкан ҳисса

қ ў ш г а н и н и
англаб олиши
қийин эмас.
Биз асосий
мавзу сифа-
тида танлаган
ана шу масал-
лани ёритиш-
га ўтишдан

аввал инсоният яратган асосий иқтисодий таълимотлар ҳақида қисқача маълумот бе-ришни лозим топдик.

Тарих гувоҳлик беришича, XVI асрнгчага Ер юзида бирорта ҳам жиддий иқтисодий назария юзага келмаган. Бунинг асосий сабаби иқтисодий муносабатлар ҳали ўта жўн бўлган, хўжалик юритишда натура усули ҳукм сурган. Натура усулида маҳсулот яратувчи айни вақтда унинг асосий истеъмолчиши ҳам ҳисобланган ва айрибошлаш жараёнда бирор маҳсулот эвазига бошқаси олинган. XVI асрдан бошлаб хўжалик юритишда янги усул жорий қилинди ва унга кўра маҳсулот пулга сотиладиган бўлди. Шу тарзда Farb оламидаги Ўйғониш даври, Буюк жуғрофий кашфиётлар, мустамлакачилик ҳаракатлари билан ҳамоҳанг илк иқтисодий таълимот — меркантилизм пайдо бўлди.

Маълумки, ҳар қандай иқтисодий дунё-қарашда бойлик асоси масаласи ҳал этув-



чи ўрин тутади. Иқтисодиётни эса икки ирик соҳага ажратиш мумкин: ишлаб чиқариш (хунармандчилик, саноат, қишлоқ хўжалиги) ва муомала соҳаси (пул, савдо-сотик, судхўрлик, ҳозирги даврда эса хизматлар). Меркантилизм таълимотида муомала соҳаси бойлик асоси ҳисобланган. Дастлаб (XVI аср) олтин, кумуш ва бошқа қимматбаҳо металлар (пул баланси) мухим саналган бўлса, кейинчалик (XVII аср) савдо-сотидан олинадиган фойда (савдо баланси) аҳамиятли деб қаралди, яъни меркантилизмда ишлаб чиқариш иккинчи даражали соҳа деб тавсифланди. XVI-XVII асрларда давлатнинг иқтисодиётга аралашуви ниҳоятда кучайди ва бу илм-фандада протекционизм сиёсати дея ном олди. Меркантилизм туфайли XVIII асрда илк бор пулдан пул топиш, яъни банк тизими вужудга келди. Бу тизимда қимматли қофозлар роли катта бўлиб, уни дастлаб шотландиялик Жон Лоу “йилаб” топди.


XVIII асрга келиб янги иқтисодий дунё-қараш — классик таълимотга асос солинди. Мазкур таълимот меркантилизм ғояларини қаттиқ тафтиш қилиб, тўлдириб бойитди. Ҳозирги иқтисодий истилоҳ билан айтганда, бозор муносабатлари афзал эканини исботлаб берди. Иқтисодиётга давлат аралашуви камайиши билан боғлиқ либерализация сиёсатини ёқлаб чиқди. Бундан ташқари, у фаолият танлашда, тадбиркорликни юритишида, нархни белгилашда ва иқтисодий рақобатда эркинликни, айниқса, хусусий мулк устуворлигини кўллаб-кувватлади. Янги таълимотнинг маркентализмдан асосий фарқи, бойлик муомала муносабатида эмас, фақат ишлаб чиқаришда яратилади деб ҳисобланди. Классиклар ғояси, баязи қусурлардан холи бўлмаса-да, ҳозирги давр иқтисодий тафаккурининг бош таянчидир. Меркантилистлар бойлик факат олтин-кумуш ва пулдан иборат деб қараган бўлса, классиклар бунга қатъий эътиroz билдириб, ер, сув, яйлов, ўрмон, қазилма бойликлар, уй-жой, кема ва шу кабилар ҳам инсон меҳнати ёрдамида саноат ва қишлоқ хўжалигига янги бойлик яратишига

имкон беради деб ҳисоблади. Чунончи, инглиз олими В. Петти XVII асрда Англия бойлигининг атиги З фоизини олтин-кумуш ва пул ташкил этгани, 5,5 миллион аҳолининг 4,1 миллиони (деярли 75 фоизи) қишлоқда яшагани ҳамда дехқончилик ва чорвачилик билан бойлик яратганини исботлаб берди. Савдо соҳасида эса саноатдагидан бирмунча кўп, яъни 246 минг киши машғул бўлган.

Классиклар, меркантилистлардан фарқли ўлароқ, шахсий манфаат ва шахсий мулкка алоҳида эътибор қаратди. Улар наздида, шахсий манфаат одамни ихтиёрий фаоллика ундейди, ички имкониятларни юзага чиқаради, шахсий мулк эса эгалик ҳиссини вужудга келтиради, сарф-харажатларни қисқартиради. Айни вақтда шахсий манфаат жамият манфаатига зид келмаслиги ҳам исботлаб берилди. Масалан, новвой аслида кўпроқ фойда олиш учун тер тўқади, лекин бу билан аҳолининг нонга бўлган эҳтиёжини ҳам қондиради. Шу тариқа классиклар илк бор табиатда бўлгани каби иқтисодиётда ҳам объектив, яъни инсон ҳоҳиш ва иродасига боғлиқ бўлмаган қонунлар мавжудлигини кашф қилди, уларни ҳисобга олган ҳолда фаолият юритилса, улкан самараға эришиш, аксинча, уларга зид иш қилинса, катта талофатлар кўриш мумкинлигини далиллар билан тушунирди.

Францияда XVIII аср ўрталарида класик мактаб бағрида янги бир таълимот – физиократизм вужудга келди. Бу таълимот ғоялари классиклар назариясига деярли ҳамоҳанг-у, жиддий фарқи ҳам бор эди. Улар фикрича, фақат қишлоқ хўжалиги (дехқончилик ва чорвачилик) бойликнинг бирламчи асоси бўла олади, саноат эса бу борада иккиламчидир. Бунга тегирмон мисол қилиб келтирилди, тегирмонда ҳосил бўлган ун ва бошқа маҳсулотлар дон туфайлидир дея иддао қилинди. Бу ғоя бирёклама ва чекланган эди, албатта.

Мазкур таълимотларда товар қиймати сарф қилинган меҳнат билан ўлчаниши ва иқтисодиётда мувозанат ҳеч қандай



ошади ёки, аксинча, маҳсулот камайса, истеъмол камаяди, ишлаб чиқарилган товар албатта сотилади, бу борада ҳеч қандай муаммо бўлиши мумкин эмас деб қаралди. Ана шундай принципларга асосланган жамият — капитализмда эса ижтимоий зиддиятлар бўлиши мумкинлиги инкор этилади.

Бироқ иқтисодий-тарихий шароитнинг ўзгариб бориши, айниқса, XVIII-XIX асрларда аввал Буюк Британия, сўнгра Франция, Германия, АҚШ каби мамлакатларда саноат инқилоби рўй бериши — ишлаб чиқаришга машиналар кириб келиши билан классик мактабнинг кўпгина ғоялари қимматини йўқотди ва беаёв танқид остида қолди.

Классик ғояларга кўра, машиналар туфайли ишлаб чиқариш ўсиши билан истеъмол (аҳоли даромади) ҳам ошиши (мувозанат сақланиши) лозим эди. Бироқ ҳаётда бундай бўлиб чиқмади, тарихда илк бор Англияда 1815-17 йиллари савдо-саноат инқизози, 1825 йили эса энг йирик иқтисодий бўхрон рўй берди. Айниқса, ишлизлик, инфляция, қашшоқлик авж олди ва ижтимоий портлаш хавфи юзага келди. Шундай вазиятда классик ғояларга муқобил ва муҳолиф қарашлар шаклдана бошлади. Иқтисодий ўсиш суръати билан моддий турмуш даражаси ўртасидаги номутаносиблик очиқ-ойдин бўлиб қолди. Табиийки, бу ҳолни бирор бир тарзда тушунтириб бериш зарур эди. Бир гурух олимлар капитализм, яъни йирик саноатни тугатиб, ортга — мануфактурага қайтиш лозим

ташқи аралашувсиз пайдо бўлиши таъкидланади. Бу мувозанат “Бозорлар қонуни” деб аталувчи қоида асосида шаклнади, яъни ишлаб чиқаришга (таклифга) мос равиша истеъмол (талаб) юзага келади, маҳсулот кўпайса, истеъмол

(Сисмонди) деса, бошқа гуруҳ олимлар, уни ислоҳ қилиш зарур (Прудон), дея фикр билдириди. Бундан ташқари, капитализмни ҳимоя қилиб чиқкан ва айб тузумда эмас, балки одамларда, чунки улар ниҳоятда тез кўпаймоқда (Мальтус), деган ғояни илгари сурғанлар ҳам бўлди.

Муҳолиф социалистлар капитализмни таг-томири билан қўпориб ташлаш лозим, деган радикал дъяво билан чиқди. Социалистик ғоялар XIX аср ўрталарида айниқса кенг шуҳрат қозонди. Бу ғоя тарафдорлари хусусий мулк, эркин нарх ва рақобатни инкор қилди, давлат мулкини асосий мулк шакли деб эътироф этди, иқтисодиётнинг стихияли ривожланиши хавфлидир деб ҳисоблади. Хуллас, классик мактаб туб исплоҳотга муҳтож эди.

Тарих гилдираги шитоб олға интилди: XIX асрнинг 70-йилларида саноат корхоналари ва банк муассасалари йириклишиб, монополиялар пайдо бўлди, бундай тузилмалар эркин рақобат муҳитига жиддий хавф сола бошлади. Айни чокда фан-техника тараққиёти иқтисодиётда ҳал этувчи омилга айланба борди. Шу омиллар таъсирида иқтисодий тафаккурда маржинализм таълимоти юзага келди. Бу таълимот вакиллари, классиклардан фарқли ўлароқ, иқтисодиётда ишлаб чиқариш эмас, истеъмол етакчи мавқега эга, ишлаб чиқарилган товар (маҳсулот) қиймати сарф қилинган меҳнат (харажат) миқдори билан эмас, унинг нафлилиги ва ноёблиги билан ўлчанади дея хулоса чиқарилди. Бунда асосий эътибор товарнинг муомала соҳасига, яъни талаб ва таклиф нисбатига қаратилди. Бошқача қилиб айтганда, сарф этилган меҳнатнинг ўзи эмас, балки унинг натижаси муҳим ҳисобланиб, ишлаб чиқариш соҳасидами ёки муомала соҳасидами, бундан қатъи назар, нафлилик ва ноёблик бойлик асоси деб таърифланди.

Маржиналистлар қарашларида дастлаб меҳнат роли мутлақо инкор қилинса, кейинчалик усиз наф бўлиши мумкин эмаслиги, меҳнат ва нафлилик қайчининг икки тифи каби бирга ҳаракат қиласагина, самара бе-

* * *

риши эътироф этилди. Шунингдек, хусусий шахслар иқтисодиётни, ишлаб чиқаришни давлатга нисбатан самаралироқ юритиши ва бошқариши кўрсатиб берилди, шу асосда марксча ғоя (давлат мулки афзаллиги) рад этилди.

Ҳозир иқтисодий тафаккурда неоклассика, институционализм, кейнсчилк деб аталувчи учта асосий йўналиш кучли таъсирга эга. Ҳар уч йўналишнинг асосий принциплари бир хил, яъни уларнинг барчаси бозор муносабатларини ёқлаб чиқади. Лекин уларнинг баъзи ёндашувларида фарқ ҳам бор. Бу иқтисодиётга давлатнинг аралашуви масаласидир. Неоклассиклар давлат аралашувини хуш кўрмайди, эркин бозорни қўллаб-кувватлайди, кейнсчилар эса, аксинча, давлат аралашуви тарафдори, бозорни йўналтириб бориш лозим деб ҳисоблайди. Бу икки хил ёндашув ўртасидаги кураш айниқса иқтисодий инқирозлар даврида яққол кучаяди. Чунончи, АҚШда бошланган инқироз юзасидан аввалги президент Ж.Буш давлат ёрдамини инкор этган бўлса (унингча, бозор ўзини ўзи тартибга солади), янги президент Б.Обама аксинча йўл тутмоқда. Умуман, неолиберализм тарафдорлари айтганидек, “ракобат мумкин бўлган барча жойда керак, давлат эса факат зарур бўлган жойдагина” аралашмоғи даркор. Бунда давлатга “ўйин ҳаками” ролини ижро этиш тавсия этилади — “кураш” қоида асосида кечаетган бўлса, ҳакам бир четда туради, лекин у бузилиши биланоқ дарҳол ўртага чиқади. Умуман, жаҳон тажрибаси давлатнинг иқтисодиётга аралашуви тобора кучайиб бораётганини кўрсатмоқда.

Агар иқтисодий тафаккур янги барпо этилаётган бинога қиёсланса, бизнингча, классик таълимотга мансуб бозор иқтисодиёти ғояси унинг пойдеворидир. Бу пойдевор устида тикланаётган бинонинг шакл-шамойили ҳар бир мамлакатда ўзига хос ва мос бўлиши мумкин. Шу боис ҳам минтақаларда бозор иқтисодиётига доир турлича қараш, турлича ёндашувлар кузатилмоқда.

Инсоният тамаддуни бешиги — Шарқда, чунончи, Марказий Осиёда иқтисодий ғоялар ривожига ҳам илк пойдевор кўйилган эди. Минтақамизда XV асргача ҳўжалик юритиш имми анча ривожланган ва бу илм, асосан, ғоя, қараш, концепция, иқтисодий сиёsat шаклларида бўлган. Улар XVI асрдан бошлаб Фарбда иқтисодий таълимотлар юзага келиши ва ривож тошида таянч вазифасини ўтаган. Бунинг яққол далили шуки, бугун Ғарбнинг Буюк Британия, Франция, АҚШ сингари мамлакатлари кутубхоналарида Марказий Осиё алломалари яратган кўплаб асарларнинг асл нусхалари авайлаб сакланмоқда. Бу эса мазкур ҳалқлар ўлкамиздан олиб кетилган китоблар ва улардаги ғоялардан барча соҳалар, жумладан, иқтисодиётда ҳам кенг фойдаланганини кўрсатади.

Дарҳақиқат, Шарқ, хусусан, Марказий Осиё ҳалқлари иқтисодиётида бозор муносабатлари ва унга дахлдор ғоя, қараш, чоратадбирлар (сиёsat) қадимдан шаклланган. Марказий Осиё ҳалқлари иқтисодий тафаккурига доир 60 минг нусха ёзма ва 40 минг нусха тошбосма асар ўз тадқиқотчиларини кутиб турибди. Бу соҳада дастлабки қадамлар кўйилди, бироқ тадқиқотчилар сони жуда кам.

Иқтисодиётга оид қадимги ғоялар ҳозирги назариялар билан қиёсланса, уларда бугунги таълимотлар куртак шаклида мавжуд бўлганини кўриш мумкин. Масалан, “Авесто”да милоддан аввалги VII асрга доир иқтисодий ғоялар ҳам ифодаланган. Унга кўра, асосий бойлик — чорвани асраш ва кўпайтириш, уни зардуштийлик талабларига мувофиқ ва албатта семиртириб қурбонлик қилиш мухим қоида ҳисобланган. “Авесто”да, шунингдек, дехқончилик соҳаси ва дехқон мөхнати ҳам улуғланган. Суформа дехқончилик худудларида ерни суфориш ва захни қочириш тўғрисида фикр юритилган, инсон учун ноз-неъмат этиштиришга катта эътибор берилиб, “Борлиқнинг борлиги емиш биландир. Емиш бўлмас экан, ҳаёт ҳам йўқдир”, яна “Ким... мўл-кўл экин экса,



ерни парвариш қилса, дон етиштирса, ўт-ўлан ўстирса, мева-чевалар етказса, сувсиз ерни суғорса, захоб ерни қуритса, узоқ муддат ҳайдалмаган ерни қўшчи шудгор қилса, бу ер дехқондан рози бўлади", дея таъкидланган.

Битикда агар

соҳага оид молиявий масалалар ҳам эътибордан четда қолмаган. Чунончи, "Кимгаки, ерни парвариш қилгани учун ер эгаси муносиб ҳақини бермаса, бундай ер эгасини (Ер ҳомийси) зулмат бағрига туширади. Унинг вужуди ириб-чирийди, (рухи эса) даужваҳга — дўзахга, тўппа-тўғри тикан, хаслар устига тушади", дейилади. Хуллас, ерни сифатли парвариш қилиш, дехқон меҳнатини муносиб баҳолаш каби барча даврлар учун дол зарб масалалар ўша даврлардаёқ оқилона ва адолатли ҳал этилган.

Қарз олиш, уни қайтариш (кредит) ва мулкни гаровга қўйиш (аҳдлашув) шартлари олти бандда аниқ ва муфассал баён этилган. Аҳдни бузиш қаттиқ қоралангандан шунга лойик жазо белгиланган. Дин ва дунё ишларида мўътадиллик ёқланиб, таркидунчилик қораланади, овқатни кам истеъмол қилган одам на диний ибодат, на хўжалик юмуши билан астойдил шугуллана олади, дейилади. Насл қолдириш масаласи — аҳоли сонини кўпайтириш ("инсоний капитал") муҳим вазифалардан деб белгиланади. Албатта, меҳнат унумдорлиги жуда паст, унинг тақсимоти эса энди шакллана бошлаган даврда иқтисодий тафаккур асосан натурал хўжалик масалаларига қаратилган, мол айирбошлаш ва, айниқса, савдо ҳақида қариб лом-мим дейилмаган. "Авесто" ғоялари Фарб оламига катта таъсир кўрсатгани шак-шубҳасиз, чунки Александр Македонский истилоси даврида мазкур асар Европага олиб кетилган.

* * *

Милоддан аввалги II асрда шаклланган 12 минг чақирим атрофидаги Буюк ипак йўли Шарқу Фарбда бозор муносабатлари (савдо-сотиқ, мол айрибошлаш) ривожида алоҳида ўрин тутган. Савдо йўли бўйида жойлашган Марказий Осиёга бу даврда дунё ахлиниң қизиқиши ортган ва у сиёсий, иқтисодий тагзаминга эга эди. Мазкур худуд ери, суви, иқлими, табиати, жуғрофий ўрни, қазилма бойликлари, ҳайвонот дунёси билан алоҳида ажралиб турган. Ахолининг дехқончилик, чорвачилик, хунармандчилик ва, албатта, савдо-сотиқ соҳасидаги омилкорлиги ҳам бунда ўзига хос роль ўйнаган.

Марказий Осиёда қазилма бойликлар, айниқса, олтин ва кумуш сероблиги заргарлик ривожида ҳал қилувчи аҳамият касб этган. Олтин-кумушдан қимматбаҳо тошлар қадаб ясалган зеб-зийнатлар ажнабийларни оҳанрабодек ўзига тортган. Ипак, пахта, қорақўл хомашёси ва улардан тайёрланган кийим-кечак жуда харидоргир бўлган. Сифатли пўлат, ундан ясалган яроқ ва асбоблар довруғи оламни тутган. Чунончи, киройи қилич бир фил нархига баҳолангандан Самарқанднинг ипак қофози хорижда расмий ҳужжатлар битишда кенг ишлатилган, ҳаттоқи Миср қофозидан афзал кўрилган. Бу худуднинг зотдор отлари айниқса сердоврук ва қимматбаҳо эди. Нафсиlamри, карвон йўли Шарқ ва Фарбни бир-бирига чамбарчас боғлаган — савдо карвонлари йил бўйи бетўхтов ҳаракатда бўлган. Бу карвонга элчилар, ҳажга борувчилар ва бошқалар ҳам қўшилиб, кеча-кундуз йўл босган. Ипак йўли шу тариқа нафақат иқтисодий, балки сиёсий ва маданий алоқалар ривожида ҳам ҳал этувчи омилга айланган.

Буюк ипак йўлида бозор иқтисодиёти амал қилган. Савдогарлар хориж давлатларига қайси молни, қанча ва қачон олиб чиқишини (экспорт) яхши билибгина қолмай, юритига бўш қўл билан қайтмаслик (импорт) чорасини ҳам кўрган. Бунинг учун эса ҳам ташки, ҳам ички бозордаги талаб ва таклиф обдон ўрганилгани (маркетинг), бу борадаги фаолият истиқболлари чамалан-

гани (мониторинг) шубҳасиз. Ўша даврда, замонавий ибора билан айтганда, пулнинг конвертацияси масаласи жуда ажойиб ҳал этилган. Пул, асосан, олтин, кумуш каби нодир металлардан зарб қилингани боис, бир вақтнинг ўзида ҳам олди-сотди, ҳам натурагал қийматга эга бўлган. Бунда металлнинг оғирлиги ва соғлиги асосий мезон бўлиб хизмат қилган ва барча мамлакатларда айтиарли бир хил қувватга эга бўлган.

Буюк ипак йўли тажрибасида қимматли қоғоз — чекдан ҳам кенг фойдаланилган. Зеро, кўп миқдорда пул олиб юриш ҳам нокулай, ҳам хавфли эди. Бу даврдаги бозор муносабатларида товар, пул, ижара, бай ва башқа категориялар етакчи ҳисобланган. Карвонлар бир қанча давлатлар худудидан ўтгани сабаб чегарада божхона тизими беками-кўст ишлаб турган. Божхоналарда кириб-чиқаётган карвонлардан тамға божи олинган ва ҳозирги “таможня” ибораси шу бирикмадан келиб чиқкан.

* * *

Халқнинг кўп минг йиллик ғоя ва қарашлари жамланган ўзбек мақол ва маталларида бозор иқтисодиётининг талай қонун-қоидалари ҳам лўнда ва ёрқин ифодаланган. Бундай мақол ва маталларнинг баъзилари Маҳмуд Кошғарийнинг “Девону луготит-турк” асари орқали бизгача асл ҳолида етиб келган, бироқ асосий қисми оғзаки йўл билан авлоддан авлодга ўтиш асносида ўзгаришга юз тутган. Халқ бадиий тафаккурининг ушбу дурданаларидан деярли барча иқтисодий назарияларга доир ғоя-қарашларнинг ҳалқона содда, аммо ғоят теран ифодасини топиш мумкин. Мақол ва маталларда асосан классик таълимот ғоялари устунлик қиласди, меҳнат ва ҳунар, ҳалол меҳнат қилиб топилган бойлик улуғланади (“Меҳнат, меҳнатнинг таги — роҳат”, “Ҳунар чашма эрур, олтин эса шабнам” ва ҳоказо). Шу билан бирга, меркантилизм таълимотида бойлик асоси деб қаралувчи муомала соҳаси ҳам эътибордан четда қолмаган (“Пул пулни топар, йўл йўлни топар”, “Савдо — соқол сийпалади

гунча” каби). Мақол ва маталларда физиократизм ғоялари ҳам кенг ўрин эгаллаган, дехқончилик ва чорвачилик аҳоли моддий эҳтиёжларини қондиришда бош манба экани ифодаланган (“Дехқон дон сочар, элга ризқ йўлин очар”, “Дехқон экканини ейди, чўпон — боққанини” ва ҳоказо).

Ота-боболаримиз Адам Смит (XVIII аср) сингари, иқтисодиётда меҳнат таъсимиоти ва касбий ихтисослашув ривожланиш асосидир деб қараган ва буни куйидаги мақолларда ифода этган: “Қуш сўйса ҳам қассоб сўйсин”, “Ишни истаганга эмас, билганга топшир” ва ҳоказо. XIX аср охирида пайдо бўлган маржинализм таълимоти ғоялари ҳам ҳалқ мақолларида кенг ифода топган. Нарса-ашё миқдори кўпайиши билан қадр-қиммати пасайиши одамларга маълум бўлган ва бу ҳақиқат “Асалнинг ҳам ози ширин” каби мақолларда акс этган. Мақол ва маталларда тежамкорлик, режалаштириш, таваккалчилик масалаларига кенг ўрин ажратилган (“Тома-тома қўл бўлур, томмай қолса чўл бўлур”, “Режали тўй тарқамас”, “Ўйчи ўйлагунча, таваккалчи ишини битириби”, “Таваккални тошга ур, баҳтингдан кўр” ва ҳоказо). XVII-XIX асрлардаги Европа таълимотларидан анча аввал баён этилган бу ғоялар кейинги тафқур ривожига ҳисса бўлиб қўшилгани шубҳасиз.

Иқтисодиёт тизими юксак самара билан ишлашида бозор ва нарх-навонинг эркин бўлиши катта аҳамиятга эга: “Бўйнидан боғланган ит овга ярамас, овга яраса ҳам довга ярамас”, яъни эркин фаолият, эркин тадбиркорлик афзал кўрилган (зеро, қулни зўрлаб ишлатиш мумкин, лекин самараси паст бўлади). “Туя бир танга, қани бир танга, туя минг танга, мана минг танга” каби мақоллар иқтисодиётда талаб ва таклиф қонунини акс эттирган. Ажоддлар назаридан интеграция, яъни бирлашишнинг нафи ҳам четда қолмаган: “Бирлашган — ўзар, бирлашмаган — тўзар”, “Бўлинганни бўриер, айрилганни — айик” ва бошқалар.

Иқтисодий ғояларни ҳалқ оғзаки ижодининг яна бир жанри — достонларда ҳам

учратиш мумкин. Уларда, асосан, чорвачилик, дәхқончилік, ҳунармандчилік соҳаларига оид фикр-қараашлар ифодаланған, меҳнат тақсимоти, касбий ихтисослашув ҳақидаги илғор ғоялар илгари сурилған. Масалан, “Гүрӯғли”да дәхқонлар янги ерлар очиши учун отланғани баён этилади. Ҳунарига моҳир инсонлар улуғланади. Синчилікда тенгсиз бүлған Равшан (Гүрӯғлининг отаси) күллиқдан айни шу фазилати туфайли озод этилади. У ҳатто күзи ўйиб олинғандан кейин ҳам бу хислатини йүқтөмайди. Достонда иқтисодиётта доир солиқчи, пулчин каби касб әгалари, бож, солиқ каби тұловлар тилга олинади (Қаранг: Гүрӯғлининг туғилиши. Т., “Езуучи”, 1996).

“Алпомиш” достонида шу соҳага доир закот ва жузъя каби тушунчалар қаторида даромадни тақсимлаш усуллари ҳам бирмунча кенг ифода этилади. Чанқовуз асбобини ясаш жараёни тасвири орқали ҳунармандлик улуғланади. Х аср шароитида чорвачилик, айниқса, ийлқичиликка меҳр чексиз бүлған. Чунки от ҳўжалик фаолиятида кўпдан-кўп вазифа бажарган — ноёб товар, иш кучи, транспорт воситаси, озиқ-овқат (гўшт, сут, қимиз) манбаи бўлған. У турли ўйин-томошалар: човгон, кўпкари, пойгода сайл ахлига завқу шавқ улашган. Ийлқичилик билан ёнма-ён “от индустрияси” — эгар-жабдуқ ясаш ва тақачилик кенг ривожланган. “Алпомиш”да олди-бердида қўлланадиган ўлчов бирликлари ҳам келтирилади (мисқол — 5 грамм, чойраки — 0,25 килограмм, нимчаки — 0,5 килограмм, нимкурд — 1 килограмм) (Қаранг: Алпомиш. Т., “Шарқ”, 1998; Ҳ.Собиров. Минг ийллик тарихий тажриба. ЎзИА, 1992, 12-сон).

“Гүрӯғли”да ҳам, “Алпомиш”да ҳам мамлакат тинч-осойишталиги ҳақида қайғуриш рухи мавжуд. Бунда катта иқтисодий ғоя яширин. Адам Смит фикрича, мамлакатдаги тинч-осойишталик ва меъёрдаги солиқлар иқтисодий тараққиёт асосидир. Шунингдек, достонларда инсон

омили бот-бот иқтисодий қадрият сифатида талқин этилади.

* * *

VII-VIII асрларда Марказий Осиёга ислом дини кириб келди ва у минтақа ахли ҳаётининг барча соҳаси, жумладан, иқтисодиётни ҳам ўз таъсири остига олди.

Куръон ва ҳадисларда мулк ва мулкий муносабатларга алоҳида эътибор қаратилади. Бу масала, хусусан, “Мулк” сурасида анча батафсил ёритилган. Ислом динида кишиларнинг мулк соҳасидаги фарқи эътироф этилади, шу билан боғлиқ тарзда ишёқмаслик ва ҳасадгўйлик қораланади, мол-дунёни ҳалол топиш зарурлиги уқтирилади, бир сўз билан айтганда, тадбир билан қилинган меҳнат бойлик асоси деб таълим берилади (классиклар ва физиократлар ғояси). “Аъроф” сурасида мол-мулк ҳақидаги кўрсатмалар давом эттирилиб, “Худонинг неъматини енглар ва ичинглар, аммо исроф қилманглар. Оллоҳ таоло исроф қилувчиларни дўст тутмайди”, дея оқилона истеъмол ғояси илгари сурилади. Ислом дини бозор муносабатлари асоси бўлған хусусий мулкни ҳимоя қилади.

Куръон, ҳадислар шунингдек, ислом олимларининг фиқҳий асарларида мерос масаласи аниқ-тиниқ ёритилади. Бир



қанча солиқ турлари кўрсатилиб, уларни ўз вақтида тўлашга даъват этилади, қарз олиш ва қарз бериш тартиблари баён қилинади ва улар ҳозирги замон талабларига мос келади (хужжат ва гувоҳлар).

Ислом таълимотида рибо — судхўрлик ҳаром саналади. Мехнатсиз бойлик ортиришнинг пайини қирқиш учун ҳам рибо ҳаром қилинган бўлса ажабмас. Масалан, бир қоп дон сотиб олинниб, шу жойнинг ўзида қимматроқ нархда қайта пулланса — рибо, бироқ шу бир қоп дон бошқа жойга олиб борилиб, юклаш, ташиш, тушириш ишлари адо этилиб сотилгудек бўлса, ҳаром ҳисобланмайди. Ҳозир ҳам ислом давлатларида банклар берган қарзи эвазига мижоздан фоиз олмайди, яъни рибога, ҳаромга йўл қўйилмайди. Лекин айни вақтда банклар “музоробат” усулида шерикчилик қилиш, “бай бил вафо” усулида гаровга бериш ёки ижарага олиш, айrim ҳолларда банк хизмати учун ҳақ олиш йўли билан фаолият юритади. Шуни қайд этиш жоизки, исломда инсоф (меъёрийлик) принципи кучли. Ҳозирги молиявий инқироз даврида кўпгина Фарб банклари турли-туман найранглар ишлатиш (масалан, “Эҳром” усулини қўллаш) орқали миллионлаб мижозлар мулкига хиёнат қилмоқда (чунончи, АҚШлик банкир Р.Мэдофф 10 йил мобайнида товламачилик йўли билан 65 миллиард доллар ҳаром даромад олган ва бу найранги учун 150 йиллик қамоқ жазосига ҳукм этилди). Ислом банкларида эса глобал молиявий инқироз таъсири сезилар-сезилмасдир.


Савдо-сотиқда ҳам бай — фойда чегараси белгиланган, ички маҳсулотга 5 фоиз, хориж товарига 10 фоизгача устама қўйиб сотишга рұксат этилган. Исломдаги энг кучли ғоя — ҳалол-ҳаром гоясининг иқтисодий категорияларга бевосита алоқаси бор. Чунки ҳалол бойлик ошкора ва қонуний йўллар билан, ҳаром бойлик эса хуфёна ва ноқонуний йўллар билан орттирилади, “соядаги иқтисодиёт”га бориб тақалади.

Ислом қонунчилиги — фикрға доир “Ҳидоя” (“Тўғри йўл”) номли иирик асар муаллифи Бурҳониддин Марғиноний

(1123-97) кўплаб чигал иқтисодий масалаларни ечиб берди. Бу машҳур фиқҳи ҳуноса айниқса закот масаласига алоҳида эътибор қаратди. Гарчи Қуръон ва ҳадисларда закот дин устунларидан бири деб таъкидлансада, унга батафсил изоҳ берилмаган. Бурҳониддин Марғинонийнинг ислом оламида қонун деб қабул этилган тавсияларида ким, қачон, қанча закот тўлаши мукаммал баён қилинган. Закот факирмискинлар, сайёҳ-мусофирлар ва бошқа моддий аҳволи танг кишиларга берилиши кўрсатилган. Зоро, бу ижтимоий ҳимояга муҳтож қатламга Оллоҳ розилигини тилаб, ёрдам қўлини чўзиш демақдир.

Исломда факат аҳолининг ўзига тўқ, бой қатламигина закотга тортилади, бойликка эга бўлмаган табақалар ундан озод этилади. Шариат ҳукмига кўра, даромаднинг қирқдан бири (2,5 фоизи) миқдорида закот тўланади. Лекин баъзи ҳолларда закот олиш тартиби янайм аниқ белгиланган. Масалан, 30 бош сигирдан икки ёшга ўтган бир буқача ёки танача олинади, 40 бош кўйдан эса биттаси закотга тортилади. Айни чоқда, закот сифатида ажратилган мол-кўй ўртача бўлиши талаб қилинган. Йилқиларнинг бозор нархига асосланиб 2,5 фоизи закотга тортилган. Аммо меҳнат билан банд ҳайвонлар (эшак, хачир, ҳӯқиз ва туюлар) учун закот тўлаш шарт бўлмаган. 5 туддан бошлаб битта, 10 туддан бошлаб иккита, 15 туддан бошлаб учта кўй закот сифатида олинган. Закотни ҳам мол шаклида, ҳам бозор нархига пул билан тўлашга рұксат этилган.

Олтин, кумушдан ясалган қимматбаҳо буюмлар ва экин майдонларидан олинадиган закот миқдори ҳам алоҳида белгиланган. Янги топилган кон ёки хазинадан кўпроқ,



яъни бешдан бир (20 фоиз) миқдорда за-
кот олинган. (*Хидоя. Комментарии мусуль-
манского права. Т.1. Т., "Узбекистан", 1994,
стр.65*). Бу билан инсонпарварлик, меҳр-
оқибат, аҳолини ижтимоий ҳимоялаш ма-
салаларига катта эътибор берилган. За-
котга ихтиёрий-мажбурий тўлов (солиқ)
сифатида қаралган, у ихтиёрий асосдаги
(миқдори, вақти, шакли белгиланмаган)
садақа ва хайриядан фарқ қилган ҳамда
махсус одамлар (закот йиғувчилар) томон-
идан тўплланган.

* * *

IX-XII асрларда Марказий Осиё илғор
ижтимоий тафаккурнинг Шарқдаги йирик
марказларидан бирига айланди. Бу даврда
мазкур худудда давлат йирик марказлашган
ва юқори ривожланган босқичга кўтарилиди.
Ушбу асрлар оралиғида бу заминда бир
қатор жаҳоншумул олимлар — Форобий,
Хоразмий, Фарғоний, Беруний, Ибн Сино,
Ибн Рушд, Юсуф Хос Ҳожиб, Низомулмурлук
ва бошқалар яшаб, ижод этди.

Абу Наср Форобий (873-950) Ўрта асрлар
табиий-илмий ва ижтимоий фанларининг
қарийб барчасига таалукли 160дан зиёд
китоб ёзди. У жамиятнинг юзага келишида
моддий эҳтиёжнинг роли ҳақидаги назария-
га асос солди ва шу назария билан боғлиқ
иқтисодий категория сифатида “эҳтиёж”ни
таърифлаб берди. Унинг фикрича, инсон
яаш жараёнида бир талай моддий (шу-
нингдек, маънавий) неъматларга зарурат
сезади. Бироқ ўзи якка ҳолда уларни бекам-
кўст яратса ол-
майди, шу сабаб
ҳам ўзига ўхшаш
бошқа инсонлар
жамоасига эҳтиёж
сезади... “Бундай
жамоа аъзола-
рининг фаолия-
ти, — дея хулоса
қилади аллома, —
бир бутун ҳолда
уларнинг ҳар
бирига яашаш ва

етуқпикка эришув учун зарур бўлган нарса-
ларни етказиб беради” (Абу Наср Форобий.
Фозил одамлар шаҳри. Т., 1993, 186-бет).
“Эҳтиёж”ни ана шундай оқилона таъриф-
лаш билан бирга Шарқ Арастуси “мехнат
тақсимоти” категориясининг моҳиятини
ҳам ёритиб беради. Ваҳоланки, бу ғоялар
Ғарбда фақат XVIII асрга келибгина инглиз
олими Адам Смит назариясида илк бор
тилга олиниди.

Фозиллар шаҳри ҳокимининг фазилатла-
ри тўғрисида Форобий баён этган фикрлар
янада қимматлидир. Аллома жамиятда ва
хусусан, иқтисодиётда “инсон омили” ҳал
қилувчи аҳамиятга эгалигини таъкидлади
ҳамда объектив шарт-шароитлар билан
бир қаторда субъектив омиллар ҳам за-
рургигини исботлади (Бу ғоя кейинчалик
Ғарб оламида ҳам издошларига эга бўлди.
Чунончи, XX аср Америка иқтисодчиси
П.Самуэльсон бу омилни бирламчи деб
баҳолади). Форобий “инсон омили” гоясига
асосланиб, раҳбар учун зарур бўлган 12
фазилатни таърифлаб берди. Шуниси
диққатга сазоворки, бу фазилатлар ҳозирда
ҳам етакчига кўйиладиган асосий талаблар
бўлиб қолмоқда. Раҳбардаги хушахлоқлик,
билимдонлик, адолатпарварлик, бойлика
ружу қўймаслик каби фазилатлар бугун ҳам
ниҳоятда долзарб. Раҳбар, шунингдек, “ўзи
зарур деб ҳисоблаган чора-тадбирларни
амалга оширишда қатъиятли, саводли,
журъатли, жасур бўлиши, кўрқоқлик ва
ҳадиксирашга йўл қўймаслиги зарур”, деб
таъкидлайди аллома (ўша асар, 161-бет).

XI асрда иқтисодий тафаккур хазинаси-
ни Абу Райхон Беруний (973-1048) ва Абу
Али ибн Сино (980-1037) янада бойитди.
1004 йилда асос солинган Хоразм Маъ-
мун академиясига мансуб бу икки қомусий
олим кўплаб фанлар каби иқтисодиётга
ҳам катта қизиқиш билан қаради. Берун-
ний, бизнингча, классик мактаб ғояларига
дастлаб асос соглан аллома эди. Ушбу акл
соҳиби Форобий қарашларини давом этти-
риб, “эҳтиёж” категориясини мукаммал иш-
лаб чиқди, уни қондиришда инсон меҳнати



Форобий



Беруний

үктирилди (*Абу Райхан Бируни. Избранные произведения в шести томах. Т.6. Т.,"Фан", 1987*). Унумдорлик масаласи янада чуқур тадқиқ этилиб, қул меҳнатидан эркин фуқаро фаолияти устунлиги исботлаб берилди. Иқтисодиётда илм-фан мұхым роль үйнашига алоҳида эътибор қаратилди. Аллома фанни тавсифлар экан, "Билим — қайтариш ва тақрорлаш мевасидир", деб таъқидлайди.

Иbn Сино саломатлық ва иқтисодиёт ўртасида бевосита алоқадорлик борлигиги күрсатиб, истеъмол масаласига асосий омиллардан бири деб қарайди ва ҳозирги ибора билан айтганда, "истеъмол саватчаси" ғоясини илгари суради. Олим фикрича, ҳайвон табиат неъматларига қаноат этади, одамга эса табиат неъматлари камлик қиласи, у озиқ-овқат, кийим-кечак, үй-жойга эҳтиёж сезади. Ҳайвон табиат неъматларидан озиқланиш билангина кифояланса, одам меҳнат билан үзига овқат, кийим, турар жой яратади. Шу мақсадда у дәхқончилик ва хунармандлик билан шуғулланиши даркор. Олим "инсон омили"нинг зарур таркибий қисми бўлмиш ахлоқий-маънавий хусусиятларга юқори баҳо беради. Масалан, "Уй-жой тутиш тадбири" асарида аёл учун зарур бўлган 17 хислатни бир-бир шарҳлади. Аллома нуқтаи назарича, аёл оқила ва эътиқодли, эрининг бирини икки қиласидиган тежамкор, оғир дамларда унинг дардига малҳам қўядиган мушфиқ бўлиши керак (*Абу Али ибн Сино. Тиб қонунлари. З жилдлик сайнанма. Т., 1994*). Ибн Сино илм-

ва, хусусан, меҳнат тақсимотининг ролини чуқур таҳлил этди. Тарихда илк бор оддий ва мурраккаб меҳнат турлари бир-биридан ажратилиб, иш ҳақини ана шу фарқни ҳисобга олиб ва унумдорликка қараб белгилаш зарурлиги

фанга алоҳида эътибор бериб, ҳар бир эркак ва аёл фақат билим эгалласагина, асл мусулмон бўла олади, дейди.

Салжуқийлар давлатида узоқ йиллар вазирлик қилган, "қилич ва қалам соҳиби" деб ном олган Низомулмulk

Ибн Сино

(1017-97) "Сиёсатнома" асарида давлатни идора этиш қонун-коидаларини ёритиш баробарида иқтисодиётни йўлга кўйиш масалаларига ҳам тўхталиб ўтган.

50 фасл ёки бобдан иборат ушбу китобнинг 1-фаслида давлатнинг иқтисодий соҳадаги энг мұхим вазифаси қишлоғу далаларни обод этиш учун катта ариқлар (канал, наҳр) қаздириб, сув келтириш, қалъя, шаҳарлар барпо этиш, кенг кўчалару баланд работлар курдиришдан иборат, деб үктирилади. 3-фаслда аҳолининг турмуш даражасини аниқлашнинг фавқулодда самарали усули таклиф этилади. Бу усулга кўра, камбағал қатлам ўша даврдаги энг арzon қизил матодан либос кийиб юриши талаб этилади ва ҳукмдор шу белги орқали ўзи идора этаётган эл-улуснинг моддий ахволидан боҳабар бўлади (зеро, подшога, сенга тобе ҳалқ начор ҳаёт кечиряпти, деб айтиб бўлмайди). 4-фаслда солиқ масаласи тадқиқ этилади ва ҳалққа хирождан бошқа солиқ солмаслик лозимлиги уктирилади (А.Смитнинг солиқда меъёр ғояси), бу қоидани бузган давлат амалдори қаттиқ жазога тортилиши зарур, деб тавсия берилади. Асарнинг 9-фасли маош тўлаш масаласига бағишланган ва бунда табақалаш усулига алоҳида эътибор берилган. Давлат хизматчиси ҳазинадан маош олиши лозим, деб ҳисоблайди Низомулмulk, бу тадбир раият манфаатини ҳимоя қиласиди. 13-фаслда молиявий масалалар, чунончи, қарз бериш ва олиш қоидалари баён этилади. Қарз бериш юксак ҳиммат



дэя улугланиб, омонатга хиёнат беҳад пасткашлик сифатида қораланади. Бундай тубанликни касб қилганлар бешафқат жазога лойиқдир, дэя ҳукм чиқаради аллома. У билимдөн ва ишбилармон кишиларни эъзозлаш, ҳар бирига ўзига лойиқ мансаб беришни тавсия этади. “Сиёсатнома” асари нинг унвонларга доир фасли ҳам ниҳоятда аҳамиятли. Олим ўша даврда ҳукм сурған ахволни танқид этиб, “Унвонлар ҳам кўпайиб кетди, нима кўп бўлса, унинг қадрқиммати пасаяди”, деб ёзади. Шу тариқа Низомулмулк бундан минг йилча мүқаддам бирор нарсанинг баҳоси шу нарсанинг нафлиилиги ва ноёблиги билан ўлчаниши ҳақидаги маржинализм (XIX аср охири) ғоясига ҳамоҳанг фикрни илгари суради.

48-фаслда хазина тўплаш ва уни сақлаш тартиби ҳақида сўз боради. Олим фикрича, давлатда икки хазина бўлиши зарур. Уларнинг бири асосий ва бедаҳл хазина бўлса, иккинчиси ҳарж ва харажат хазинасидир. Дастлабки хазинадан заруратсиз бирор дирҳам ҳам ҳарж қилмаслик лозим. Мабодо ҳарж қилинса ҳам, ўрни тезда тўлдирилиши зарур. Шу ҳақдаги фикрини давом эттириб, хазина муттасил тўлиб бориши керак, деб таълим беради аллома. Бу фикрлар давлатларнинг ҳозирги молия тизимидағи даҳлсиз захира ва уни тасаруф этиш қоидаларига мосдир.

50-фаслда ҳисоб-китоб тартиби ва уни юритиш йўл-йўриклари баён этилади. Ушбу бобни бухгалтерия илмига доир ўзига хос қўлланма дейиш мумкин. Низомулмулк фикрича, бухгалтерия ҳисоби шундай пул маблағлари талаб этилганидан кўп ҳам, кам ҳам сарф этилмаслигига қаратилиши лозим.

Шу тариқа, умуман, иқтисодиёт ва, хусусан, молия соҳасида рационаллик ва оптималлик кўллаб-куватланади. Айни ўринда кичик бир чекиниш қилиб ўтиш мақсадга мувофиқ. Италия (XVI аср) жаҳон тарихида бухгалтерия ҳисобининг ватани деб тан олинган. Ваҳоланки, бундан икки аср мүқаддам, аниқроғи, 1363 йили Шарқ олими Абдулло ибн Мұхаммад ибн ал-Мозандороний қаламига мансуб “Рисолай

фалакиёт, китоб ус-сиёсат” асарида илк ҳисоб-китоб асоси яратилган. Бу асарнинг 9 та боби сақланиб қолган ва у давлат бошқарувида фаолият юритувчи кишиларга мўлжалланган. Демак, Шарқда бу фанга ҳам Farbdan анча илгари асос солинган.

Низомулмулк иқто масаласига ўзига хос муносабат билдирган. Ўрта асрларда Мовароуннаҳр, Яқин ва Ўрта Шарқ мамлакатларида ҳукмдорлар баъзи шахсларга катта хизмати эвазига инъом этган ер майдонлари “иқто” дейилган. Манбаларнинг гувоҳлик беришича, иқто VII асрдан кучга кирган, унинг эгаси иқтодор деб аталган. Одатда, бундай ер иқтодорларга умрбод фойдаланиш учун берилмаган, баъзи ҳолларда улар иқтодордан жазо тариқасида қайтариб олинган. Шунга асосланиб айтиш мумкинки, бундай ер қонунан давлатники ҳисобланган. Бироқ X асрдан эътиборан иқто ерлар феодал мулкига айланана бошлиди. Бундай ерлар салжуқийлар даврида айниқса кўпайиб кетди, Низомулмулкнинг эътирозига сабаб бўлди. Чунки тадбиркор вазир фикрича, ахвол шу зайлда давом этса, марказлашган давлат парчаланиб кетиши мумкин эди. Тарих Низомулмулк ҳақ эканини тасдиқлади — марказлашган давлатлар қисман шу сабаб ҳам парчаланиб кетди. Доно вазир ва етук олимнинг ушбу ғояси ҳозир ҳам ўз қимматини йўқотгани йўқ.

Марказий осиёлик яна бир аллома — Юсуф Ҳожибининг (1020 йилда туғилган, вафот этган санаси номаълум) “Қутадғу билиг” (“Саодатга элтувчи билим”) достонида ҳам кўплаб ижтимоий-иқтисодий фикрлар мавжуд. Айниқса, раият ва ҳукмдор бир-биридан нимани кутади, деган саволга жавоб ниҳоятда пурмаъно. Раият, биринчидан, пулнинг қадри кўтарилиши ёки бир хилда ушлаб турилиши (инфляция жиловланиши), иккинчидан, хусусий мулк ҳукуқини кафолатловчи қонунлар жорий этилишини ва учинчидан, бозор ва йўллар ўғри-қароқчилардан мухофаза қилинишини сўрайди. Айни вақтда ҳукмдор раиятдан солиқни ўз вақтида тўлаб боришни, давлат қонун ва фармонларини бекам-кўст

бажаришни, дўстга — дўст, душманга — душман, яъни чинакам ватанпарвар бўлишни талаб қилади. XI асрда илгари суррилган ушбу ғоялар бозор иқтисодиётининг муҳим принципларини ифода этиши билан аҳамиятлидир. Бундан ўша олис даврларда ҳам бозорнинг объектив қонунлари интuitiv бўлса ҳам англанган ва уларга амал қилинган, деган хуносага келиш мумкин.

Юсуф Ҳожиб аҳолини ижтимоий муҳофазалашни ҳукмдор олдидаги асосий вазифалардан бири деб ҳисоблайди. Инсон омилига ҳам алоҳида эътибор қаратиб, ҳар бир фуқаро билим ва малакасини ошириб бориши зарурлигини, ҳар бир юмушни шу соҳанинг устаси бажариши лозимлигини уқтиради. Муаллиф шахс ва жамият ҳаётида ақл-заковат ва билим-тажриба аҳамиятини бекиёс билиб, барча замонларда ҳам қадри баланд бўлиб қоладиган мана бу сўзларни битган: “Билки, одамзод наслининг улуғлиги билимдандир. У ақлидрок туфайли не-не тутунларни ечишга қодир...” Мол-дунёни қанча термагин, барини бир тугаб-битади, билим-тажриба қоғозга битилса-чи, абадий қолади, оламни безайди, деб ўғит беради мутафаккир.

IX-XII асрларда яшаб ижод этган улуғ боболаримизнинг иқтисодий ғояларида ҳар қандай мамлакат ривожи ҳалқнинг тарихий тажрибаси, яшаш тарзи, урф-одат ва расм-русумларига чамбарчас боғлиқлиги кўрсатиб берилди. Жамиятни, шу жумладан, иқтисодиётни қусурлардан сабот билан тозалай бориш ва назорат асосида тартибга солиш орқали ҳалқ фаровонлигига эришиш мумкин, деган ғоя илгари суррилди. Бунда давлат ҳокимияти ва ҳуқуқтартиботнинг ролига юқори баҳо берилади. Мазкур нуқтаи назар ҳозирги давр маржи-

нализмидаги институционализм йўналиши ёки Германиядаги тарихий мактаб ғояларига жуда яқин эканини кўриш мумкин. Марказий Осиё алломалари ҳам ишлаб чиқариш, ҳам муомала соҳасида бойлик яратиш мумкин деб билгани илғор ғоя бўлиб, ҳозирги даврда ҳам долзарблигича қолмоқда. Зоро, етакчи давлатларда ялпи ички маҳсулотнинг 70-80 фоизи муомала соҳасида яратилмоқда (республикамиизда эса ҳозир бу кўрсаткич деярли 50 фоизни ташкил этяпти ва йил сайнин ўсиб боряпти).

Хуноса қилиб айтиш мумкинки, Марказий Осиёда кўп асрлар аввал ҳам бозор муносабатлари мавжуд бўлган, бироқ унинг маданийлашган ва бошқариладиган шакли бугунги кунда барпо этилмоқда. Яқин ўтмиш — шўро даврида марксча-ленинча таълимот бозор иқтисодиётини инкор этди, бу тизимнинг етакчи унсурларидан бири — хусусий мулк тақиқа учради, эркин рақобат йўқ қилинди, булар ўрнига режали иқтисодиёт жорий этилди, давлат мулки ҳукмрон мавқе касб этди, социалистик мусобақа ўйлаб топилди. Оқибатда танбаллик ва боқимандалик кайфияти авж олди, ресурслар талон-тарож қилинди, мулкка эгалик ҳисси йўқолди, нарх-наво юқоридан белгиланди, бу эса маҳсулот камомадига ва чайқовчилик урчишига сабаб бўлди. Охир-оқибат режали иқтисодиёт емирилди, бозор иқтисодиётига ўтиш заруратга айланди.

Мустақил тараққиёт йўлига кирган Ўзбекистон иқтисодиёти эркин бозор муносабатларига ўтишида донишманд ва тадбиркор ҳалқимиз кўп асрлар мобайнида тўплаган бой тажриба, шунингдек, юртимиз алломаларининг пурмаъно қарашлари асқатиши шак-шубҳасиздир.

Дамин ЖУМАҚУЛ



G'URUR — O'ZNI BILMAKDİR

Инсоний ғуур ғарни, шаън, қадр-қиммат, ор-номус ғарни нима ўзи? Миллий ғуурнинг ўқилдизи қаердан бошланади, инсон онгиди қай йўсинг шаклланади ёки булар ген орқали ўтувчи туғма инстинкти? Балки улар замона зайлига қараб ўзгариб борувчи нисбий тушунчалардир ёнки қатъий меъёрларга асосланувчи турғун туйғулармикан?

“Ғуур”, келиб чиқишига кўра, арабча сўз. Тўғридан-тўғри таржима қилинса, “манманлик” ғарни бўлади. Каттазанг кимсаларни эса бирор дин ва бирорта прогрессив таълимот ёқламайди. Жумладан, Қуръони карим нозил бўлган тилда “кибр”, “такаббур”, “мутакаббир” бир ўзакли сўзлар ҳисобланади. Мутакаббир Оллоҳ таолонинг зоти сифатларидан бириди, унга маънодош бўлган ғууруга берилган киши ўзини Буюк Яратувчига тенг тутган чиқади. Бинобарин, ғууруга кетган кимса Оллоҳнинг қаҳрига учраши баробарида ён-атрофдаги одамларнинг ҳам назаридан қолади.

Аммо бу сўзниң ўзлашма сўз эканини инобатга олиб, истилоҳий маъносига назар солинса, ўзгача маъно билдиради: инсоннинг ўз қадр-қимматини англаши, уни ҳимоя қилиш ҳисси, иззат-нафси. Демак, арабчадаги “ғуур” билан тилимизга ўзлашган “ғуур”

сўзлари ўртасидаги фарқ ўзни катта олмоқ иллати билан камситишларга йўл қўймаслик фазилати ўртасидадир. “Ор-номус”, “шаън”, “қадр-қиммат” сўзлари ҳам шунга монанд ёндош тушунчалар ҳисобланади.

Бу сўзлар маъносини жамлаб, “ўз қадр-қимматини билиш” деб айтиш мумкин. Инсонда ўзини хурмат қилиш ҳисси у ижобий натижаларга эришганда, жамиятдан муносиб ўрин топганда, бус-бутун шахс сифатида шаклланганда пайдо бўлади.

Ғуурли кишилар мардлиги, фикрида событлиги билан атрофдагилар хурматини қозонади. Бундай фазилатларга эга бўлмаган кимсаларнинг иззатталаблик қилиши эса акс натижа беради, унга нисбатан бошқаларнинг нафратини қўзгайди.

Кишилогоимизда ўтган тўйларнинг бирида унчалик номдор бўлмаган полвон ўнг ёни билан йиқилди. Баковул “ҳалол” деб юборди. Шунда полвон жаҳл отига миниб, “Бир елкам билан тушдим, йиқилганим йўқ”, деб давра айланга бошлади. Унинг бу қилифини кузатиб турган чоллардан бири “Полвоннинг йиқилгани шу бўлади, чиқ, болам”, дея уни

ҳассаси билан даврадан хайдаб солди. Ўша кезлар биз етти-саккиз яшар бола эдик.

Отахоннинг вожоҳат билан айтган бу гапидан сўнг сакраб ўйноқлаётган попвоннинг шашти пасайиб, қанчалик мулзам бўлгани ҳозиргача кўз ўнгимда. Бу воқеа сабаб мурғак ёшимда англаганим шу бўлдики, попвонлар даврада ор талашар, ўзини попвон деб билган мардумнинг ерда чалқанча юлдуз санаб ётиши ўлимдан баттар уят ҳисобланар экан.

Бу курашларда қайсиdir қишлоқ попвонларидан бири йиқилгудек бўлса, бошқаси сакраб туриб унинг изига чиқарди, у ҳам ииқилса — яна бирори. Борди-ю, омад юз ўгириб, энг катта попвони ииқилиб қолса, ўша қишлоқдан келган томошибинлар тўйдан кўзёши билан қайтар эди. Кейин эса навбатдаги курашли тўйгача “мағлуб баҳодир”лар тунлари давра олиб, тайёргарлик машқини ўтарди. Кураш бошланган заҳоти олдинги тўйда ўзларини ииқитган попвонларга талабгор бўлиб чиқарди. Шундай ориятли ииғитлар эди бизнинг боболаримиз, оталаримиз, акаларимиз.

Болалиқдаги хотираларни эслашимга ўзининг беорлиги билан фахрланадиган бир одам билан юзма-юз келганим сабаб бўлди. Таассуфки, бу одам кичикроқ бўлса-да, бир идоранинг раҳбари бўлиб, қўл остидаги ходимларни ҳам тинимсиз шунга даъват қилас, орсизликнинг афзаллигини, яшаш учун, униб ўсиш учун нақадар купайлигини жон-жаҳди билан уқтирас эди.

Воқеа бундай бўлди: кўп йиллардан бери ўзи ишлайдиган идора раҳбарлари билан судлашиб юрган “закунчи”лардан бири ҳақида гап кетди. Суҳбатдошлардан бири унинг қонунларни, кодексларни жуда пухта билгани боис судьяларни ҳам шошириб қўяётгани, ҳамкасларини ҳали судма-суд судраб роса сарсон қилиши ҳақида гапириди.

— Бу одамни ўзлари шу даражада “қонуншунос” қилиб етиширди, энди ўзлари “хузур”ини кўради-да, — деди яна бир ҳамсұхбатимиз.

— Барибир тўғримас, бу аҳволда ўзини ҳароб қиласди, — деди ҳалиги раҳбар.

— Унда одамнинг шаъни, ор-номуси, ғурури қаерда қолади?

— Хўш, ўша одам ғурури учун курашиб нима топди?

— Ғурури учун курашган одам албатта фойда кўриши керакми? Ахир, унинг қадр-қиммат учун курашгани жамиятга фойда-ку. Одамлар бу воқеадан ибрат олади ва ўзини камситишга йўл қўймайди, ҳуқуқларини қонун билан ҳимоя қиласди.

— Одам ғурурини синдиrsa ҳам ўзини синдириласлиги керак.

— Ғурури синган одамнинг нимаси қолади?

— Бола-чақаси-чи?..

Дунёда турли қарашига, ҳар хил табиатга эга одам кўп. Лекин орсизлиги билан фахрланадиган одам ноёб ҳодиса. Воажаб, инсон нима учун яшайди ўзи? Яхши-яхши таомлар еб, турли-туман кийимлар кийиш ёки факат бола-чақа орттириш учунми? Азизу мукаррам қилиб яратилмиш ҳазрати инсон бошқа тирик мавжудотлардан нимаси билан фарқ қиласди? Шарафсиз инсоннинг яшашидан не маъни?

Ўзбекда инсоннинг ор-номуси, шаъни, ғурурини улуглайдиган минглаб мақоллар, аждодлардан мерос ибратли ҳикматлар бор. Миллатимизга мансуб ёшу қари барчаси шу ҳикматларга амал қилиб, ҳазрати инсон эканидан фахрланиб юради-ку! Унда бояги тоифа қайси миллатга мансуб?.. “Қоражон мени бугун соҳдан тортиб олса, эртага буни юзимга солиши мумкин”, деган андишада арқонни атай узиб юборган кўйи яна бир неча йил зиндонда ажали ёки тақдирни илоҳийни кутиб ётишини афзал билган Алломиш авлодлари орасидан шундай шарафсиз кимсалар чиқишига нима сабаб? Наҳотки, қуллик психологияси онгимизга шу қадар сингиб кетган бўлса? Ундан дессангиз, қуллар ҳам бу даражада орсиз бўлмаган. Буни тарих китобларида кўп ўқиганмиз.

Ҳа, дарвоқе, “Алломиш” достони. Бу асар ҳалқ тафаккури дурданаси бўлган бошқа юз-



лаб достонлардан нимаси билан фарқ қиласы? Нима учун кексаю ёш уни севиб ўқииди?

Чунки достон бошдан охирига қадар инсоний ор-номус ҳақида. Бир эсга олайлик, ўн түрт ёшга түлиб, маст бўлган нордай кўпириб юрган Ҳакимбекка узоқ қалмоқлар юртига кўчиб кетган амакисининг қизи Барчинойдан хат келади. Мактубда Барчиной қалмоқлар юртида талаш бўлгани ва улардан олти ой муҳлат олганини маълум қилиб, Алпомишдан мадад сўрайди. Хатни ўқиган Ҳакимбек “Олтойчалик йўлда бўлса, қалмоқнинг элида бўлса, зўр ёвнинг кўлида бўлса, бир хотин оламиз, деб сандираб ўламизми”, дея хатни тиззасига бостириб ўтиради. Буни кўрган Қалдирғочойим акасига қаратади:

*Ака, айтган сўзим оғир олмагин,
Нар-мода ишини бунда қилмагин,
Бу ишдан бехабар бўлиб турмагин,
Сен бормасанг, ёринг қалмоқ олади,
Барчин ишлаб нима илож қиласы? — дейди.*

Акасининг қадри учун жон куйдираётган мушфиқ сингил Қалдирғочдан бу таънани эшигтандан кейин ҳам йўлга тушмаслик, ор учун жон тикмаслик мумкинми?

Энди Алпомиш қалмоқларнинг энг зўр паҳлавони Кўкалдош билан кураш тушаётганда Барчинойнинг айтган сўзларига ўтибор қилинг:

*Қизлар сизни нар-мода деб айтади,
Қизларнинг айтгани менга ботади.
Мардлар олишимайди, силтаб отади,
Майдон бўлса иш кўрсатиб кетади,
Бўш одамнинг иши кейин кетади.*

Севган ёрининг ҳақли таънаси кўқайини кесиб ўтган Алпомиш рақибини силтаб отиб юборади. “Бўш одам” деганда, Президентимиз таъбири билан айтганда, ўз қадрига, ўз шаънига эга бўлмаган, бекарор ва салбий таъсирларга тез берилувчан, шахс сифатида шаклланиб улгурмаган киши назарда тутилмоқда. Бундай одам ҳаётда кўп-кўп тўсиқларга дучор бўлади, бекарор ва салбий таъсирларга тез берилади, унинг шахс сифатида емирилиши ҳам осон кечади. Энг аянчлиси, мақсадини, орзу-ҳавасларини амалга оширишни эрта-индин билан ортга суриб, умрини бой бериб қўяди.

Аслида Барчиной Алпомишнинг Кўкалдошни енгишига шубҳа қилмаган. Аммо унинг ланжлиги, рақиб билан бағирлашиб давра айланиб юргани, мардларча кураш на-мойиш этмагани ғашини келтирган, нафсо-ниятига теккан. Чунки, одатда, қиз боланинг белидан қучиб айланиб юрилади. Рақиб эса яқинлаштирилмайди ва полвоннинг ўзи ҳам рақибга суюниб олмайди. Эътибор қилган бўлсангиз, ҳозирги тўйларда ҳам курашга тушган полвонлар бир-бирига суюниб, давра айланиб қолса, дарҳол томошабнлар баковулга анави иккаласининг зотини бериб айриб юборинг, деб уларни ўртадан чиқариб солади.

Айтиб ўтилганидек, Алпомиш зиндонда ётганда дўсти Қоражон енг шимариб уни озод этгани Чилбир чўлига боради. Қалмоқлар ғафлатдалиги боис уни сезмай қолади. Қоражон дўстининг халоскорига айланишига, Алпомишнинг зиндондан озод бўлиб, қалмоқнинг додини бериб, юртига ёруғ юз билан қайтишига бир баҳя қолади. Лекин бунга бир нарса — инсоний ғурур йўл бермайди. Бу воқеа баҳши тилидан қўйидагича ифода этилган: “Ипак арқонни зиндонга ташлади. Алпомиш белига боғлаб олди, Қоражон чирпиниб тортди, қараса, тортиб олиб кетгудай ғайрати. Алпомиш туриб айтди: “Бу зиндондан тортиб олиб кетиб қолади, шекилли. Зиндондан чиқариб олиб борар, элда маърака-мажлис бўлар, бир тошиб гапириб ўлтирган вақтимда “Зиндонда чириб кетадиган одам эдинг, фалокатдан қутқарган фақир-да”, деб бетимга улгу қилиб юрап”, дея орқасини бериб, оёгини тираб турди. Алл Қоражон чирпиниб тортди, ипак арқон узилиб кетди, Алпомиш зиндонга тушиб кетди”.

Шу дамда дўстининг кўнглидан нималар ўтганини Қоражон сезган. Негаки, у замонлар кимсанинг кўмагига таяниб жон сақлаб қолиши алпллик мақомига номуносиб иш саналган. Аммо Қоражон дўстини бу аҳволда ташлаб кетолмасди, унинг дўстга садоқати, ваъдага вафоси бунга изн бермасди. У Алпомиш зиндонга тушиб кетди”.

*Шаънингга Қоражон номард бўлами,
Қилган хизматини улгу қиласми?
Хаёлингга Қоражон номард бўлибди,
Кўнгалингга шундайин гаплар келибди,
Үйлаган шумлигинг бекор бўлибди, — дейди.*

Кўнгиротга қайтганимда хушхабар кутиб югуриб чиқкан Қалдирғочойимга нима жавоб қиласман, деб роса аврайди — ҳарчанд ўтинаасин, уни душман чохидан озод бўлишига кўндира олмайди.

Эй биродар, Алпомиш ўлим билан юзма-юз турган бўлса-да, бир оғиз таънадан кўркиб, синалган дўсти мададидан юз ўгири! Биз эса арзимаган моддий неъмат ёки кичикроқ бир амал курсисига етишиш илинжида дўстми-душманни суриштирмай, дуч келган одамнинг қошида жилланглаймиз. У бирор каромат кўрсатмай туриб қилган илтимосимизни неча бор юзимизга солса-да, хушомадни янада баландроқ пардада давом эттирамиз. Нима учун бунчалар ночормиз, нега бунчалар хор ва забунмиз? Телевизор воситасида кашф этилаётган “юлдуз”чаларнинг ўзини ҳар муқомга солиб чиранишини кўринг, ҳамманди лақиллатиб бойиб оламан дея қўзбўямачилик йўлида турли ўйинлар, лотереялар ўйлаб топаётган, ёлғонни минг оҳангда қалаштираётган луттибозларга қаранг!..

Аллақаерлик “акахон”ларининг садақасига кун кечиришини одат қилган, содда ҳамюрларини алдаб, уларни одам савдоси билан шуғулланувчи манфур кимсалар қўлига топшириб келаётганлар ҳам ўзларини Алпомиш авлоди деб билармикан?..

Бундай ялтоқилик, ҳаёсизлик, ғуурсизлик ва бошқа-бошқа иллатлар қаёқдан келди ўзи бу ўртга?

Педагог олимларнинг фикрича, инсон бутун умри давомида эгаллаган тарбиянинг тўқсон физиини беш ёшга тўлпунга қадар олар, шунга мувофиқ, инсоннинг характеристери ҳам беш ёшга қадар саксон физ шаклланар экан. Халқимизнинг “Бўлар бола — бошидан”, дегани шу экан-да. Табиийки, бола гўдак ёшида асосан она ёнида бўлади. Демак, бизга Барчиною Қалдирғочек оналар керак. Негаки, ўтюрак оналаргина фарзандлари қалбига чўғ ташлаб, уларни маънан ва жисман юксалтиришга қодир.

Етти йил зинданда ётган Алпомиш озодликка чиқиб, қалмоқлар юртида адолат ўрнатиб, уларга Кайкубодни хон кўтариб ўртга қайтади. Ўз мулкида юз берган фитналарнинг асл сабабчиси ким экани ҳамда дўсту душманни ажратмоқ қасдида ўзини

танитмай юрганида уни Қултой деб билган ўғли Ёдгорбек дилини ёради:

Асли ўзим додбонбийлик тўраман,
Гул энамни қандай унга бераман,
Гул энамни Ултонтозга берган сўнг,
Не бет билан Кўнгирот элда юраман?!

Алпомиш қалмоққа кетганида Ёдгор онасининг гумонаси эди. Шу ҳисобда, ҳали етти ёшга тўлиб-тўлмаган болакай “Гулдай онамни Ултонтоз деган қулга бергудек бўлсан, Кўнгирот элида бош кўтариб юргулигим қоладими?” дея орланяпти. Мана, бўлар боланинг ташвиши, дарди, орияти!

Миллий истиқбол мафкураси тамойиллари давлат ва жамоат ташкилотларида фаол тарғиб этилаётган, ўқув юртларида бу фандан дарс ўтилаётган бир замонда хотин-қизларини бозорга чиқариб қўйиб, уларнинг меҳнати эвазига қават-қават уй қуриб, “Нексия”ю “Матиз”лар миниб “кариллаб юрган акахон”лар, ор-номус, қадр-қиммат учун курашишни эп қўрмаган амалпаратларни қандай она тарбиялаб вояга етказган экан?

Бояги мисоллар ўзбек ҳалқ оғзаки ижодидаги биргина достондан дафъатан ёдга келиб қолганлари, холос. Фикримизча, шунинг ўзиёқ миллатимиз қанчалик номусли бўлганига яққол далилдир.

Ғуурсизлик, инсоний қадр-қиммат топтаплиши ислом динида ҳам қораланган. Айрим диний таълимотларда “Ким сенинг ўнг юзинга тарсаки туширса, чап юзингни ҳам тутиб бер” (Матто “Инжили”), дейилади. Ислом дъявати эса ҳақиқий инсон қалби садосидир. Табиийки, ёмонлик кўрган одамга қасос ҳақиқи берилсагина унинг қалби ҳаловат топади. Бироқ у “қасос олишдан кўра афв қилмоқ афзал” деган фикрга кўндирилса, албатта шундай қилади. Ҳеч шубҳа йўқки, инсон қасос олишга имкони бўлатуриб кечирса бу раҳмат ва иззатдан келиб чиқкан афв ҳисобланади. Аммо у аввал-бошданоқ афв қилишга дъяват этилса ва қасос олиш ҳуқуки берилмаса (бошқа динлардагига ўхшаб), жабр кўрган одам бунга кўнган тақдирда ҳам, барибир, зулм ўтказган кишини кечиролмайди. Иззатнафсига тегилгани, ғурури топталгани боис, “кечирдим”, деган одамига зиён етказишга зимдан пайт пойлаб юради. Негаки, бу но-

иложликдан афв қилишдир. Исломдаги афв эса ўзаро келишмай юрган тарафларнинг дўстлигига айланади.

Тариқат шайхлари ҳам инсоний ғурурни сақлаш борасида юксак матонат кўрсатгани тарихий ва адабий манбалар орқали маълум. Жумладан, Мансур Ҳалложнинг қатл этилиши “Мантиқ ут-тайр” асарида Ҳудхуд тилидан қўйидаги мазмунда ҳикоя қилинади: “Анал — Ҳак” дегани боис ўлимга ҳукм этилган улуғ шайхни дорга осишдан олдин кўл-оёқларини кесадилар. Кесилган жойдан тиркираф қон оққани боис унинг ранги сарғая бошлайди.

*Сурди кесик қўлларни юзга ул,
Қон сўраркан юзга, дерди ўзга ул:
— Эр киши гулгунаси шу тоза хун,
Гулгун этгум юзимни мен бугун.
Кўрмасин саргайганимни бир касе,
То қизил юз бирла тургаймен басе.
То бирор саргайганимни кўрмагай,
Кўрқди Ҳаллож деб хаёлга бормагай.
Йўқ менинг жонимда қўрқувдан асар,
Юзларимга гулгунна сурсам етар.
Эр киши гар дорга тикса бошини,
Шер бўлиб этгай аён бардошини.*

(Фариуддин Аттор. Мантиқ ут-тайр. Т., “Фан”, 2006, 200-бет.) Мана, эр кишининг иши! Эр киши ўз лафзини ана шундай ҳимоя қиласди.

Бобур Мирзо 1506-07 йил воқеалари баёнида бундай ёзади: “...Бадиuzzамон мирзонинг маҳкамама уйига етдик. Шунга қарор қилинган эдики, мен уйга киргач, таъзим қиласман. Бадиuzzамон мирзо ўрнидан туриб пойгакка келади ва кўришамиз. Мен уйга киргач, бир таъзим қилдим ва тўхтамай унга қараб юра бошладим. Бадиuzzамон мирзо шошилмай ўрнидан туриб сустрок юрди.

Қосимбек менинг хайрихомим, менинг номусим унинг номуси эди, белбогимдан бир тортди, хушёр тортдим. Секинроқ юриб белгиланган ерда кўришилди.

...Иккинчи сафар келганида Бадиuzzамон мирзо бурунгидек таъзим қиласми. Муҳаммад Бурундуқбек ва Зуннунбек орқали: “Гарчи ёшим кичик бўлса-да, мартабам улуғдир. Ота тахти Самарқандни икки бора жанг билан олиб ўтирибман. Бу хонадон учун ёт-душман бўлганлар билан қанча жангни жа-

дал қилганман, шу боис менинг таъзимимда бўлмаслик асоссиздир”, деб айттиридим. Бу сўз етказилгач, маъқул бўлгани учун эътироф этиб, таъзимни кўнгулдагидек қилди” (Бобурнома. “Ўқитувчи” нашриёт-матбаа уйи. Т., 2008, 143-144 бетлар).

Инсон шаъни, қадр-қиммати унинг нафсидан нечоғлиқ улуғлигига бадиий адабиётимизда ҳам мисоллар бисёр. Кўп узоққа бормай, “Ўткан кунлар” романининг “Хайриҳоқ қотил” бобига эътибор қаратайлик. Отабек ёлғиз ўзи тунда уч нафар қаттол душман билан олишиб, уларни мағлуб этади. Сўнг эса уй эгаларига билдиримай Тошкентта қайтиб кетади.

Ваҳоланки, хавфни бартараф этиш, душманидан ўч олишнинг қулай йўли бор эди: айтайлик, у фитнадан хабар топгач, воқеа жойига ёлғиз келмасдан ёнига уч-тўрт нафар йигит ёллаши, бундан хонадон соҳибларини ҳам хабардор қилиб қўйиши, хавф-хатардан фориғ бўлгач, қиши-қировли кунларда отда узоқ йўл тортиб Тошкентга қайтмасдан ўзини вафордор ёри Кумушбибининг бағрига отиб, хузур-ҳаловат топиши мумкин эди. У шундай қилган тақдирда ҳам шарафларга бурканарди.

Ё бу ўнғай тадбирларни Отабек билмасми? Ҳамма гап шундаки, Содикнинг уйида тузилган манфур режадан хабардор бўлганда унинг ҳам хаёлидан шу фикрлар ўтган: “...Душанба кун кечаси бир эмас, уч душман билан кураш тўғрисидагина ўйлар эди. Бу бирга уч масала бир оз миясини қотирған: кишилар ёллаш, ҳукуматка билдириш, кутидорни хабардор қилиб қўйиш мулоҳазаларигача келиб еткон бўлса ҳам, аммо иззати нафси бу кўрқоқликка тамоман зид турар эди. Борабора бу мулоҳазасини тамоман кўнглидан чиқариб ташлади; на кишилар ёллайтурған, на ҳукуматга билдиритурған ва на кутидорни хабардор қилатурған бўлди. Чунки рақиб билан дилдорнинг уйи орқасида танҳо олишмоқ, ёр оёғи остида қонлик тупроққа қоришмоқ унинг учун жуда лаззатлик ва шоирона туйила бошлиған эди. Саройга кирад экан ўзича: — Ширин ўлим, — деб қўйди” (Абдулла Қодирий. Ўткан кунлар. Т., “Шарқ”, 244-бет).

Во дариф, инсон шаръий рафиқасининг, қўйида йиллаб саргардон бўлган севгилисингининг нафаси эшитиладиган даражада яқин жойда унинг номусини ҳимоя қилмоқ учун жо-

нини гаровга қўйиб қон тўкади. Кейин эса уйга кириб ҳамма-ҳаммасини айтиб ўтиrmай, Тошкентга қайтиб кетади.

Минг йиллар бурун Алпомиш ҳам худди шундай йўлтутган эди: угумонаси билан қолган ёрининг дийдорига қанчалик ошиқмасин, дўсти Қоражоннинг ёрдамидан фойдаланмайди. Нега? Чунки инсоннинг шаъни, қадркиммати ҳатто муҳаббат соғинчларидан ҳам улуф! Борди-ю, Алпомиш ёки Отабек орсиз йигитлар сирасидан бўлганида, ҳарчанд зўр паҳлавон аталмасин, Барчиной ва Кумушбинонг муҳаббатини қозона олмас эди.

Йигирма йил бурун бир яхудий аёлнинг ширакайф миллатдошига “Сен миллатимиз шаънига иснод келтирияпсан”, деб дашном берганига гувоҳ бўлган эдим. Ушанда умиллатдошининг маст-аласт юрганидан уялди чоғи, деб ўйлаганман. Кейин билсам, яхудий аёллар миллат ахлоқи ва равнақи учун ўзларини асосий жавобгар ҳисоблар экан.

Шу мулоҳазаларни битатётган чоқда Корея Республикаси Президенти Ли Мён Бакнинг “Мўжиза содир бўлмайди” деган китоби қўлимга тушиб қолди. Китобни ўқиши асносида, муаллифнинг таржими ҳолидан иборат бу асар моҳиятан инсоннинг қадркиммати, шаъни, ғурури ҳақида экан, деган фикрга келдим. Қашшоқ бир оила фарзанди бўлган болакайнин онаси қўшниларникига меҳмон кутишга қарашгани чиқаради. Ўй эгалари ҳарчанд қистамасин, бола тўкин дастурхондан бир луқма ҳам оғзига солмайди. Чунки унга онаси одамларга беғарас ёрдам қилишни, ўз қадрини билиш лозимлигини ўргатган.

Егани фақат сувда қайнатилган гуруч, ҳатто шунга ҳам бирор марта қорни тўймаган норасиданинг анвойи неъматлар билан безатилган дастурхон қаршисида ўтирган аҳволини тасаввур қилинг! Ўша вақт болакай нафсини тийиш учун қанча куч сарфлаган экан? Муаллиф шу кунларни эслаб бундай ёзади: “Мён Бакнинг оиласи бошқача. Улар камбағал бўлса-да, болалари ўз қадрини асло ерга урмайди. Ота-оналари уларни тўғри тарбия қилган”, дер эди қўшнилар биз ҳақимизда хурмат билан” (Ли Мён Бак. *Мўжиза содир бўлмайди. Тошкент — Сеул, “Ўзбекистон” — “Ewhan”, 2009, 46-бет).*

Яна бир ўринда у Таиландда бирга ишлаган Че деган прорабнинг васияти ҳақида ёзади. Орадан йигирма йил ўтиб, унга бир аёл қўнгироқ қилади-да, “Мен Таиландда курилиш обьектида прораб бўлиб ишлаган Ченинг рафиқасиман. Агар уни эсласангиз, хуурингизга бораман, унуган бўлсангиз, бормайман”, дейди. Келганидан кейин маълум бўладики, марҳум эри унга қийналиб қолса Мён Бақдан ёрдам сўрашни тайинланган экан. Хотин ўғлини улғайтириби, саноат мактабини тутаганидан сўнг уни ишга жойлашириш масаласида ёрдам сўраб келибди. Бу илтимосни бир зумда бажарган Мён Бақ аёлдан яна қандай ёрдам кераклигини сўраганда у, эrim фақат бир марта ёрдам тилашимни айтган, шунинг учун бошқа нарса сўрай олмайман, дебди. Унинг ғурурли аёл экани сезилиб турарди, деб эҳтиромини изҳор этади муаллиф.

Нафсиамрини айтганда, ғуурсиз кимсалар ҳамма замонларда, барча миллатларда бўлган. Халқ мақолида айтилганидек, “Ўз қадрини билмаган — бирорнинг қадрини на билсин”. Шуларнинг касофати уриб инсоният неча-неча бор талотумларни бошдан кечирди. Бундай кимсалар ватан дарвозаларини душманга очиб берган, ватандошларининг қонини тўккан.

Лекин орсизлигидан фахрланадиган одамлар билан ҳаётда юзма-юз келиш нақадар аяччи! Шу вақтга қадар бундай кимсалар, нари борса, Шекспир асарлари-дагина учраши мумкин, улар фожиавийликни кучайтириш учун муаллиф томонидан ўйлаб топилган мажозий образлардир, деган фикрда юрардик. Тақдирнинг “иноят”ини қарангки, бундай “шон-шарафга бурканган” зотлар замондошларимиз орасида ҳам кам эмас экан.

Ўша воқеадан сўнг инсон умри мазмуни ҳақида кўп ўйлайдиган бўлдим. Ва шундай хulosага келдимки, умримиз шунчалар қисқаки, уни ор-номусдан кечиб, ёлғон-яшиқ, турланишу тусланишларга сарфламоқ увоздан увоздир! Алҳосил, Жалолиддин Румий ҳазратлари айтганидек:

Ё аслинг каби қўрингил,
Ё қўринганинг каби бўл!

Чори НАСРИДИНОВ

TENGDOSHLARIM

Эссе

Қирқ ёш ҳам келдию қўлимдан тутди...

Абдулла Орипов

1

Бир куни ўғлимга тасодифан “Мен сенинг ёшингда...” дея танбех бериб қўйдим. Бу гапни ҳазил тушунди чоғи, у ҳам дабдурустдан “Сизнинг ёшингизда Жон Кеннеди президент бўлган”, деса бўладими! Мулзам бўлдим. Ноқулай вазиятдан чиқиш учун эса баҳона ўйлаб топдим: “Яхши болалар кўп бўлиши мумкин, аммо президент битта бўлади-да”.

Шу воқеа сабабми, бола кезларимиз “Эҳ, ҳозирги ёшлар...” тарзида бизга ёғдирилган “маломат тоши” бугун фарзандларимизга отилаётганини ўйлаб қолдим. Қизик, кечагина ўзи “тошбўрон”га тутилган авлод бугун тошотарга айланиб турибди. Лекин тарихчи Ҳабибулла Холматов таъкидлаганидек, “Ажадодларнинг авлодларга эътиrozи, надомати азалий ижтимоий қонуниятдир. Ҳатто Миср эҳромларидан топилган энг кўхна ёзувларда ҳам шу ҳақда сўз борган”. Ҳаётда инсон маълум ёшга етгачина англаб етадиган ҳақиқатлардан бири экан-да бу ҳам.

Ҳар бир авлоднинг ўзига хос таржимаи ҳоли, ҳатто шунга яраша номи бўлади.

Масалан, болалиги уруш йилларига тўғри келган оталаримиз “уруш болалари” дея аталди. Улар инсоннинг ижтимоий ривожида ўта муҳим бўлган бутун бошли давр — болалигини бой берган. Бошқача қилиб айтганда, гўдакликдаёқ улфайиб қолган. Ҳар бир авлоднинг шунга ўхашаш пешонасига битилган қисмат бўлади. Хўш, менинг авлодим қисмати-чи?

Менимча, бу саволга жавоб топмоқ учун, аввало, биз яшаган ва яшаётган даврга баҳо бериш керак. Чунки, хоҳлаймизми-йўқми, давр инсон ва авлод тақдирига ўз муҳрини босади. Бу авлодни менга қолса, “ислоҳотлар даври авлоди” деб атаган бўлар эдим. Нима учун? Ўзингиз ўйлаб кўринг: бизнинг авлод сифатида шаклланышимиз жиддий ижтимоий-сиёсий ва иқтисодий-маънавий ислоҳотлар муҳитида кечди ва кечмоқда. Ўтган асрнинг саксонинчи йилларидаги турғунлик палласини бошдан кечирган жамият, табиийки, “қайта қуриш” сиёсатига катта умид боғлаган эди. Лекин бу ислоҳотлар одамлар кутган самарани бермади, ахвол баттар чигаллашиб ва

оғирлашиб кетди. СССР парчалангандан кейин Ўзбекистон қадам қўйган мустақил тараққиёт йўлининг дастлабки босқичи ҳам осон кечмади. Чунки жамият иқтисодий қийинчиликлар билан бирга тамоман янги ижтимоий-маънавий ҳамда сиёсий-хуқуқий қадриятларни ўзлаштириши талаб этилардик, бу жараён силлиқ кечмаслиги аввал-бошданоқ маълум эди. Бу ҳақда мустақиллик даври тафаккури муаммолари устида тадқиқот олиб бораётган файласуф олим Абдураҳим Эркаев бундай ёзади: “Совет даврида шаклланган катта ёшлилар онги, тафаккури эндилиқда эскича ҳам эмас, тўлиқ янгилangan ҳам эмас — оралиқ, маргинал ҳолатда. Аҳолининг ушбу қатлами онгидаги маргиналлик аста-секин камайиб боради, бироқ тўлиқ бартараф этилмайди”. Сиёсатшунос олим Адҳам Иброҳимов эса бу мавзуда куйидагича фикр юритади: “Эски тузум даврида вояга етган авлодда мустақиллик болаларига қараганда ўзига хос “имтиёз” мавжуд. Гап шундаки, улар икки хил ижтимоий тузум шарт-шароитини ўзаро қиёслаш имкониятига эга бўлади ва уларда мустақилликни қадрлаш туйғуси кучаяди”.

Бу икки олим холосаси бир-бирига зиддек туюлса-да, сира бундай эмас. Чунки Абдураҳим Эркаев онг мазмуни хусусида фикр юритса, Аҳмад Иброҳимов ҳиссий муносабатдан баҳс очади. Ҳар қалай, бу икки ижтимоий-руҳий ҳодиса ўртасида фарқ бор, яъни инсон янги тузумга қалбан хайриҳоҳ бўлгани ҳолда онгини эскича қарашлардан буткул тозалай олмаслиги мумкин. Айнан шу нуқтада ўзим мансуб бўлган авлодга хос ички зиддият ифода топаётган бўлса, ажаб эмас.

Аммо бир гапни дадил айта оламан: менинг авлодим мустақилликни катта қувончу иштиёқ билан кутиб олди. Албатта, бутун ҳалқимиз руҳиятида шундай кўтаринкилик бўлганига шубҳа йўқ. Бироқ бу даврда бизнинг авлод айни балофат ёшида эди. Одам бу ёшда нафақат шахсий, балки ижтимоий ҳаётда ҳам ўзгаришлар ясашга шай туради. Сиёсатчилар тили билан айтганда, либерализм — янгиликка интилиш иштиёқи

кучли бўлади. Булар — биз сўз юритаётган ҳодисанинг умумий жиҳатлари, албатта. Бироқ ҳар қандай воқеликнинг ўзига хослиги кўпроқ жузъий томонларда ўз ифодасини топади. Фикрим исботи сифатида кузатувларим асосидаги баъзи хulosаларни айтиб ўтмоқчиман.

2

Кўпинча ўзаро сұхбатлар чоғи бугуннинг болалари камроқ мутолаа қилаётгани тўғрисидаги гаплар қулоққа чалиниб қолади. Ваҳоланки, шу авлод бундан ўттиз йиллар илгари “энг китобхон” дея ном олган тенгдошларимнинг фарзандлари. Бу ҳолнинг биз — катта авлодга тааллуқли жиҳатлари ҳақида ўйлай туриб, шундай савол бераман ўз-ўзимга: биз ҳар доим ҳам билим ва тажрибаларимизни кейинги авлод — фарзандларимизга тугал-тўқис етказиб бера оляпмизми?! Бошқа томондан эса ёш авлодга ҳам бир оз гина билан сўз қотгим келади: афсуски, одамзод ўтмиш тажрибасидан ҳар доим ҳам сабоқ чиқаравермайди. Ҳар бир авлод ҳаёт синовларини ўзида синаб кўришга мойил. Инсон ботинига яширинган сир-синоатлардан бири ҳам ана шу! “Авлодлар алмашинувида албатта боғловчи восита бўлиши керак, — дейди иқтисодиёт мутахассиси Алипоша Аҳмедов. — Токи аждодлар тўплаган бой ижтимоий ва маънавий тажриба янги авлодлар фаолиятида чинакам яратувчи кучга айлансан!” Бизнинг авлод-чи? Бир-бирини аямаслик, мансаб, молу давлат илинжида ким ўзарга мусобақалашиш кайфияти устунлик қилмаятими улар ўртасида?! Ёки тирикчилик вожидан майда-чўйда ишларга умрини сарфлаб юрганлари камми? “... Аксарият одамлар, — деб ёзган эди ёзувчи ва файласуф Франц Кафка, — жавобгарликни чукур англамаган ҳолда яшайди, менимча, барча кулфатларнинг илдизи шунда”. Тан олишим керак, Кафка назарда туттан салбий хусусият менинг ўзимда ҳам бор. Бундан ўн йиллар аввал Кафканинг шу мулоҳазаси менга эриш туюлган эди. Энди эса фикрим бошқача. Чунки йиллар

қарашларимда ўзгариш ясади, энди унинг ёши ва руҳияти ҳам менга яқин. Қолаверса, жамиятнинг бирмунча илгор, ўзига тўқ ва, айниқса, маънавий етук инсонлари фаолиятини кузатиб, улар бойлиги билан эмас, ҳалқ манфаати учун қиласётган эзгу амаллари билан ғурурланади, деган хуносага келдим. Ҳар бир одам, хусусан, менинг тенгдошларим ҳам шу даражага чиқиши мумкин. Бунинг учун озроқ фурсат, меҳнат ва матонат керак, холос.

3

Бизни ўзимиздан аввалги авлоддан фарқлаб турувчи битта муҳим хусусият бор. Биз — тинчлик даври болаларимиз, яъни урушни кўрмадик! Демак, бебаҳо имтиёзга эга авлодмиз! Ҳар сафар 22 июнь, 6 ёки 9 август саналари яқинлашганда мени бир-бирига зид ўй-хаёллар чулғаб олади. Менга мистик дунёқараш ёт — ҳар хил сонлар илоҳийлигига ишонмайман. Моҳият эътибори ила бундай саналар юкорида санаб ўтганларим билангина чекланмайди — уларни 365 ёки 366 тагача давом эттира бўлади, яъни йилнинг ҳар бир кунига “машъумлик ёрлиғи”ни ёпиштириш чўт эмас. Бунинг сабаби: тарихий воқеалар солномасини кўздан кечирсак, ҳар куни дунё миқёсида, ҳеч бўлмагандан, минтақалар доирасида бирор фожиа юз берганига гувоҳ бўлиш мумкин. Зоро, инсоният тарихи урушлар тарихидан иборат!

Охирги вақтларда уруш ва тинчлик муаммоси, унинг ижтимоий-маънавий, айниқса, фалсафий жиҳатлари мени кўп ўйлантиряпти. Айтайлик, 22 июнь санасига машъумлик тамғаси босилишида ким кўпроқ айбор: Гитлерми ёки Сталин? Аслида ўша вақтдаги советча ҳарбий доктрина дунёни куч билан босиб олишга қаратилган эди. У дастлаб сохта коммунизм гоясини назарий асослаган доҳийларнинг қарашларида баён этилди. Бу ғоя кейинроқ пролетариат — йўқсилларни қурол кучи билан ҳокимият тепасига олиб чиқиш тактикасида ўз ифодасини топди. Ана шундан кейин бу “инқилоб”ни бутун дунёга ўйиш васвасаси бошланди.

Алоҳида олинган бир мамлакатда қон тўкиш йўли билан ғалабага эришган “инқилоб” Ер юзида ҳам зафар қозониши учун қон дарё бўлиб оқиши керак эди, шундай эмасми? Ёвузлик янги ва янги ёвузликларни туғдиради. Фашизмнинг аввал ғоя сифатида пайдо бўлгани, сўнгра тажовузкор кучга айланиб, бутун инсоният бошига мислсиз фалокатлар ёғдирганини ҳам шундай изоҳлаш мумкин. Гитлер ёвузликнинг жазавакор бир шаклини дунёга келтирдики, у билан фақат Рим императори Нерон баҳслаша олар, эҳтимол.

Маълумки, уруш жисмоний азоб-уқубат, иқтисодий йўқотишлардангина иборат эмас, унинг салбий оқибатлари бундан-да кўламдор, аянчили. Улуғ ёзувчи Чингиз Айтматов бу ҳақда шундай мулоҳаза юритган эди: “Эътибор берсангиз, Иккинчи жаҳон уруши ҳар бир асаримда эсланади. Бу уруш фақат биз учун эмас, бутун инсоният учун ўта оғир ва даҳшатли йўқотиш, хотирадан кетмас фожиа бўлган. Бу уруш одамларга ўлим билан очарчилик олиб келган десак, унинг касофатини озайтирган бўламиз. Бу уруш ўша даврдаги одамларнинг одоб ва ахлоқига ҳам тажовуз этиб, асрлардан бери шаклланиб келган урф-одатлари, расм-руsumларига ҳам чексиз зиён-заҳмат етказди”.

Уруш ва тинчлик — муҳим ижтимоий-маънавий тушунчалар. Бинобарин, улар ўртасидаги мувозанат жамият ва дунёдаги умумий аҳволни белгилайди. Буларнинг бирни иккинчисини тақозо қиласди. Бир оз ғалати туюлар: аммо тинчликсиз уруш, урушсиз тинчлик бўлмайди. Кейинги — урушларсиз тинчлик бўлмаслиги ҳақидаги мулоҳазам қирғин-барот муқаррар эканини англатмайди! Бу ўринда сиёsat, мафкура, ахлоқ, дин каби шаклларда намоён бўладиган ҳамда ижтимоий ва индивидуал онгда кечадиган уруш-кураш-эврилишларни назарда тутяпман. Ҳар бир инсон фаолиятининг асосида тинчлика интилиш устуворлик қилмас экан, унга эришиб бўлмайди.

Болалигимда чех журналисти Юлиус Фучикнинг Иккинчи жаҳон уруши мавзууда ёзилган “Дор остидаги сўз” асарини катта

ҳаяжон билан ўқиганман. Ҳозир асардаги барча тафсилотлар эсимда йўқ, бироқ ундаги “Одамлар, огоҳ бўлинг!” деган ёниқ ҳайқирик қулоғим остида ҳамон жаранглаб турибди. Тинчликка мойиллик туйғуси ҳали урушнинг нималигини англаб етмаган мурғак қалбда ҳам жўш ура олар экан-да?! Бу бъязи ижтимоий кечинмалар, айтайлик, тинчликка ташналиknинг ҳам ирсий йўл билан аждоддан авлодга ўтишини англатади. Худди инсонпарварлик ва меҳр каби ёвузлик ҳам инсоннинг қон-қонига сингиб кетган. Ахлоқ ва қонун каби меъёрлар, қолаверса, виждон, уят, масъулият сингари инсоний ҳислар уни ти-иб туради. Илоҳо, қалбимиз, кўнглимиздаги ана шу қалья метинdek турсин.

Хуллас, Иккинчи жаҳон уруши, умуман, охирги юз йиллиқда рўй берган ҳарбий тўқнашувлар натижасида инсоният яна кўп нарсаларни англаб етди. Биринчидан, биттагина инсон хукуқидан башариятнинг яшаш хукуқи келиб чиқади. Иккинчидан, инсониятнинг ақт-идроқи, интеллектуал салоҳиятини назорат қилиб туриш заруратга айланди. Учинчидан, миллий ва давлат чегаралари, ҳатто қитъя ва материклар ўртасидаги ма-софа ҳам бир замондагидай тўлиқ хавфсизлик учун кафолат вазифасини ўтамай кўйди. Тўртинчидан, мафкуравий тажовузкорлик кўлами, имконияти мисли кўрилмаган дарражада ортиб боряпти. Бешинчидан, ижтимоий ривожланиш жараёнида, хавфсизлик нуқтаи назаридан, ахлоқий қадриятларнинг аҳамияти муттасил ошиб бораётир.

4

“Одамларни, айниқса, қарияларни кузатиб, ўзимча шундай хulosага келдим: назаримда, инсон жисман қаримайди, руҳан толиқади, холос. Бунда биз ҳаёт ташвишлари деб атайдиган икир-чикирлар мухим роль ўйнайди”, дейди врач дўстим Мирзо Тўраев. Бу гапда жон бор, албатта. Чунки одам қирк ёшдан ошиб, муайян ҳаётий тажрибага эга бўлгачгина атрофга, одамларга теран назар ташлай бошлади.

Ўзимдан мисол келтирай — ўрта мактабни тугатаётган чоғларим эди. Фарзанди

бахтини излаб, олисларга кўз тикиб турганини кўрган онам (туғилиб ўсган маконимга қайтмаслигимни оналарча бир зийраклик билан ҳис қилди чоғи) умрида панд-насиҳат нелигини билмаган бўлса-да, шундай ўгит бердилар: “Ўғлим, ғам-қайғудан эзилганингда ҳам, қувончдан ўзингни қўярга жой тополмаганингда ҳам — қабристонга бор!” Ёшлиқ экан-да, қирққа кирмагунча бу гапни бирон марта эсламабман. Энди эса бот-бот хотира-рамга келади бу ўгит. Зотан, ғамга ботган одам қабристонга борса, тириклигига шукронга айтиб қайтади, бахтдан боши осмонга етган мардум эса бир кун келар манзили шу эканини ўйлаб, эс-хушини йиғиб, сергак тортиб қолади!..

Ўлашимча, айнан менинг ёшимдаги одам ҳаётдан маъно қидира бошлайди. “Хўш, ундан кейин-чи?” деган топстойча савол ўй-ҳаёлларини тинч қўймайди. Чунки борлиқдан оқилона тайин маъно излаш, унга теран фалсафий баҳо бериш айнан шу ёшда авжи аълосига чиқади. Умрини бехуда совураётганлар “афсус-надоматдан фойда йўқ, энди қолганини имкон қадар эзгу ишларга сарфлаш зарур” тарзидаги тавбатазарруга мойил бўлса, “яхши амаллар менга йўлдош бўлди” деб ҳисобловчилар янада кўпроқ савоб ишлар қилишга интилади.

“Оиласда катта фарзандман, — дейди тенгдошларимдан бири. — Шу ҷоққача ука-сингилларим ташвиши билан яшадим, ахир, тўйнич ақа ҳам отадек бир гап. Бугун энди ўзим учун яшайман, десам, фарзандларим ўсib, бўйи бўйимга тенглашиб қолибди...”

Социологлар ва психологлар фикрига кўра, қирқ ёшида одамда некбинлик энг паст даражага тушиб қолар экан. Шу ёш чегарасидан ўтиб олгач, некбинлик — келажақдан умидворлик ва ҳаётдан завқланиш туйғуси яна мунтазам ўса бораркан. Масалан, саксон ёшли қария ўзини қирқ яшар кишига қараганда бахтиёриқ ҳис қилар экан. Хуллас, некбинлик ва бахтиёрик туйғуси ёшлар билан кексаларда менинг авлодим — ўрта ёшлиларга нисбатан анча юқори. Тенгдошларим эса бугун ана шу бўйи бўйига тенг фарзандлари дардида чоп-чоп ва топ-топ

билан овора. Ҳа, моддиюнчилик кайфияти — бойликка ружу қўйиш менинг авлодимга хос қусурлардан эканини юқорида айтган эдим. Бироқ шу ўринда ўзига хос парадокс — зиддиятни кузатиш мумкин: бой-бадавлат одамларда тушкунлик ва безовталик тез-тез намоён бўлгани ҳолда, нисбатан камхарж ва камбағалроқ одамларда баҳтиёрлик ҳисси кўпроқ кузатилар экан. Мукаммал ва тўқис баҳтга эса ҳали ҳеч ким эришган эмас. Антик давр мутафаккири Пифагор наздида, “Бахтнинг тўқис бўлмаслигини англаб яшаётган инсоннигина баҳтиёр деса бўлади”.

5

Биз энг катта ижтимоий қадрият — яшаш санъатини қанчалик эгалладик?! Шахсий ва, айниқса, оиласавий ҳаётда мукаммалликка эриша олдикми? Тенгдошларим орасида ажрашишлар, турли хил жиноятлар кўрсаткичи қай даражада? Бундан бир неча йил аввал “Ўзбек оиласарида ажralishning ижтимоий-психологик асоратлари” деган мавзуда номзодлик иши ҳимоя қилган бир дўстим бу саволга “Яхши эмас!” деб жавоб берган эди. Маълумки, йигирманчи асрнинг иккинчи ярмига қадар ўзбек оиласарида ажralish ҳоллари жуда кам бўлган. Оила, никоҳ инсон ҳаётида энг муқаддас ижтимоий ҳодиса бўлиб, ислом ақидалари, урф-одатлар, қадриятлар орқали ниҳоятда эъзозланган. Қолаверса, оилани бошқарган — дунёни бошқаради, деган гап бугуннингнина ўгити эмас. Ажralishлардан кўриладиган иқтисодий зиён ўрнини вақт ўтиб тўлдириш мумкин бўлар, эҳтимол. Бироқ ажralish оқибатида келиб чиқадиган ижтимоий-руҳий муаммолар-чи? Масалан, ўзбек оиласидаги ажralish эр билан хотиннинг бир-биридан узоқлашишигина эмас-да. Бу энди, аксарият ҳолларда, қариндошлиқ ришталари узилиб, ўзаро душманлик кайфияти пайдо бўлди, дегани. Бунда энг кўп жабр кўрувчи — болалар. Тадқиқот ва кузатишлар уларда руҳий-эмоционал зўриқишлар кўп учраши, боз устига, жиноий ҳатти-ҳаракатларга мойиллик нисбатан юқори бўлишини кўрсатмоқда.

Тенгдошларим ўртасида ўхашшилклар, яъни бизни ўзаро бирлаштириб турувчи жиҳатлар кўп бўлса-да, фарқли томонлар ҳам анчагина. Ўйлашимча, ҳар бир авлод ҳаётда ўзгариш ясами, унга ўз муҳрини босиши зарур. Бусиз ижтимоий тараққиёт бўлиши мумкини?! Аввало, бу ўзгариш ва ривожланишлар ҳар бир авлоднинг, жумладан, инсоннинг тафаккурида, дунёқарашида юз беради. Масалан, оддийгина касб танлашдан тортиб уй куришу уни жиҳозлашгача бўлган жараёнларни олайлик. Албатта, инсоний қадриммат ҳам бундан мустасно эмас.

Кейинги йилларда мен англаб етган ҳақиқатлардан яна бири шуки, одамзод яшashi, айниқса, яхши яшashi учун кўп нарса керак эмас, соғлик, озроқ маблағ ва ҳаётга муҳаббат бўлса, кифоя.

Ҳамма замонларда тарбия ишида нафосат муҳим масала саналган. Чунки усиз инсон тарбиясини, айниқса, ахлоқий камолотини тасаввур қилиб бўлмайди. Бошқача қилиб айтганда, нафосат ва ахлоқ этизак тушунчалар... Гўзаллик моҳиятда, моҳият эса ахлоқдадир! Нима бўлганда ҳам, ахлоқ — одамзод ўйлаб топган илк қонун. Инсон ҳаётида муҳим аҳамиятга эга бу иккала маънавий ҳодиса негизида эса тил ётади. Уларнинг ривожини бу мўъжизакор қадрият иштирокисиз тасаввур қилиб кўринг-чи?! Иброҳим Ҳаққул айтмоқчи “Нафосат туйғуси — тил туйғусидан бошланади”. Шу маънода тенгдошларим нутқини, жумладан, ўзимникини ҳам ҳавас қиларли, деб бўлмайди. Ҳеч бўлмаганда биздан бир ёки икки поғона олдинда кетаётган эллик ва олтмиш ёшлилар нутқига эътибор берайлик. Улар нутқидаги мақол ва маталларгина нутқни жонлантириб, жозибдорлигини оширади. Бундай инсонлар билан сухбатлашган сайин сухбатлашгинг келади.

Яна бир гап. Ижтимоий ривожланиш жараёнида, аввал ахлоқ, кейин эса у билан бирга қонун инсоннинг турли хатти-ҳаракатига нисбатан тақиқ ва тартиблаштирувчи меъёр вазифасини ўтаб келмоқдаки, бусиз жамият ҳаётини тўлақонли деб бўлмайди. Масалан, “Одамлар нима дейди?” деган маънавий тақиқ, андиша ортида жуда катта маъно, ке-

рак бўлса, ривожланишга ундовчи куч яши ринган. Чунки атрофдагилар муносабати ва улар берадиган баҳо бизнинг хулқ-атвор ва фаолиятимиз мазмунини белгилайди. Шунга кўра, ўзимизни назорат қилиб турамиз. Буни бошқачасига ижтимоий фикр деб аташ мумкин.

Инсоннинг бутун фаолияти — туғилганидан то умрининг охиригача — тафтиш қилиш ва баҳолашдан иборат. Инсон ва инсоният камолоти — тараққиётини таъминловчи асосий принцип ҳам мана шу. Дарвинча эволюция — тадрижий жараён, ривожланиш асосида ҳам ушбу принцип ётади!

6

Тенгдошларим орасидан турли соҳаларда самарали фаолият юритаётган кўплаб ижодкорлар етишиб чиқсан бўлса-да, иктиносидий қийинчилклар сабабли уларнинг баъзилари сердаромадроқтармоқлар — савдо ва ишлаб чиқаришга ўтиб кетди. “Бозор иктиносидёти шароитида, — дейди иктиносичи олим Абдужаббор Гаффоров, — ижодкорни ижтимоий ҳимоялаш механизми кўзда тутилмаган ва бу масала ҳамон очиқлигича қолмоқда”. Мен тенги ижодкор инсон фаолиятининг самарадорлиги қандай? Тўгри, камдан-кам инсон — туғма истеъдод ҳамда кучли ирода соҳибларигина умрини бутунлай илмга баҳшида этади. Тенгдошларимдан илм-фан билан шуғулланаётганлари кам эмас, аммо уларнинг аксари фан номзоди илмий даражасини олиш билангина кифояланаб қоляпти, холос. Илмий тадқиқот билан, ҳеч бўлмагандан, ўн-йигирма йил шуғулланилса, жамият ҳам озроқ наф кўрармиди?! Бирон унвон ёхуд лавозим илинжида қилинадиган илмий изланишнинг самараси ҳам ҳаминқадар бўлади.

Тенгдошларимда ижодкорлик лаёқати қай даражада? Айтайлик, қирқинчи ёки эллигинчи йиллар авлодига нисбатан олинса, бу саволга “унчалик эмас” дея жавоб бериш мумкин. Бироқ алоҳида шахс ҳақида гап кетса, қониқиш ҳиссини туясан киши. Шу ўринда ижодкор тенгдошим Улуғбек

Ҳамдамнинг куйидаги фикрлари масалага бир оз ойдинлик киритади, назаримда. У “Янгиланиш эҳтиёжи” китобида бундай ёzáди: “Киши шоиртабиат бўлиб туғилиши ва андак адабий таълим орқасидан бинойидек шеърлар машқ қилиши, ҳатто эл оғзиға тушиши мумкин. Аслида шундай шоирлар ҳам керак. Ҳамманинг бирдек “даҳо” бўлиши мумкин ҳам, шарт ҳам эмас. Бироқ санъатда навоийлар бу тариқа пайдо бўлмайди. Навоийларга фитратининг шоиртабиатлилигидан ташқари, қисматининг ҳам айрича — чинакам ижодкорникига монанд бўлмоғи зарур. Улуғ дард, мислсиз муҳаббат, таскинсиз улкан йўқотишлар, азим руҳий эврилишлар, туганмас изтироблар... мана нималар ҳаводек керак Катта Шоирга, Улкан Санъаткорга!.. Бироқ, кечирасиз, бу ёғи энди пешона... Одам буюртма бериб, баҳтсиз бўлолмайди... қисмат... Шунинг учун ҳам орамизда истеъдодлар кўп бўлишига қарамай, даҳолар камёб... Истеъдоднинг даҳо санъаткорга “айланмоғи” учун ана шу дўзахий азобларни кечиб ўтиши ва, энг муҳими, тегирмондан бутун чиқмоғи шарт!.. Мана нима учун ҳаммамиз бинойидекмиз-у, орамизда навоийлар кўринмайди”. Аниқ фанлар соҳаси вакиллари бўлган тенгдошларим ҳақида ҳам шунга ўхшаш гапларни айтиш мумкин.

Кимлардир инсоният тарихида улкан ва ҳар томонлама етук ижодкор —шахслар даври ўтди, деб ҳисоблайди. Кейинги ўн йилликларда илмий ва, умуман, ижтимоий тараққиётнинг ниҳоятда жадаллашгани сабаб қилиб кўрсатилади бунга. Бунда эски тузум даврида илм-маърифатга бир томонлама — даҳриёна ёндашув бўлгани ҳам ўз таъсирини кўрсатмай қолмади, албатта. Таниқли замондош ижодкорларимиздан бири шу ҳолни назарда тутиб, “Биз илм деб ҳикматдан, ахборот деб маърифатдан айрилдик” деган эди.

Албатта, бу — менинг шахсий мулоҳазаларим. Баъзи тенгдошларимда мен сўз юритган масалалар юзасидан ўзгача ёндашув бўлса, эҳтимол.



Усмон АЗИМ

Umrimga sig'mayman bu tarzda...

Сабр

Балиқ эмасман,
сузиб кетсам,

қүши эмасман,
учиб кетсам,

шамол эмасман,
елиб кетсам...

Хатто
ёшларим ҳам тош,

Хатто йигиларим — сукунат.

Үй қурсанғиз,
мендан пойдевор
ташлайсиз
ҳали...

* * *

Эртак шу-да,
йўл учга бўлинади:

Борса-қайтар,
ё қайтар, ё қайтмас...

Яхши одам,
энди эртакка бало борми?
Эртак тугаган.

Сен “борса-қайтмас”ни танлайвер.

Чунки инсоннинг умри
“борса-келмас”дир.

Алвидо!..

Ҳа, бир гапни айтиб қўяй:
мабодо қайтилса ҳам,
шу “борса-келмас”дан
қайтилади,
яхши одам.

* * *

Курбоннинг бўйни кундада.

Жаллод
ойболтани кўтарди...

— Нега ўлдирасизлар?
Ўзим ўлиб кетаман-ку-у-у!

Бу қичқириқдан
лол қотди жаллод.
Ойболта муаллақ қотди...

— Жаллодни
алмаштиринглар, —
амр этди пошиоийи аъзам, —
ўйлангандан жаллод чиқадими?

Аммо ҳамма ўйга толган.

Неча минг ўйдан бўён
ҳамма ўйга толган.

Курбоннинг бўйни эса
ҳамон
кундада.

Ойболта.
кўтарилиганича қотган.

Жаллодлик
лавозимини эса
қотиллар
эгаллаганлар.

* * *

Бир дунё согинч,
бир дунё умид билан
қанча тақдирларда қоврилиб келдим.
Умрим соририган.
Бахтим сим-сиёҳ...

Бармоқларингга
бармоқларимни
теккизсам майлимни?

Нега ҳамма нарса ёргу —
соялар қайга кетди?
Табассумингдан
кечалар.
шуълаланиб борар.

Оёқларим Ердан узилган.

Бу парвоз
хеч қачон
тугамайдими?

Шунақа ҳам юксаклик борми дунёда?

Харакатга тўла вужудим.
Кулоқларимда
юлдузларнинг шивири.
Энди омонлик йўқ.
Бу юксакликда
парвоз ташлаб кетса,
омонлик йўқдир.

Түш ва ҳуши

Кўзлар юмилса,

кўчалар
одамда
айлануб юрап;

иишона,
рўзгор
ва юлдузлар
айланади
одамда.

Уйгониб
кўча,
иишона
ва рўзгорни
зир югуриб айланади
одам.



Чарх уриб
айланади.

Чунки у югурмаса,
тўхтаб қолади
кўча,
ишиона
ва рўзгор.

Тириклик
тўхтайди.

Тинмайди одам.

Юлдузларни айланай деса,
улар
тишларда қолган.

Бунинг устига,
тишлар ҳам йўқолгандир.

Бунинг устига,
ухламоқнинг
иложи йўқ.

Энг ёмони,
осмонга қарашига вақти йўқ одамнинг.
Энг ёмони,
осмонда ҳам юлдузлар йўқдир.

X аср сарой шоури ҳақида афсона

Томогимда
сўйилган сўзлар
хириллар.

Қўрқув иккаламиз
сўзларни сўйиши билан
шугуулланамиз
бетиним.

Маликанинг эса
чироийли кўрингиси келар,
унга "хунуксан" деб
бўладими?

Қўрқув бўгзимга пичоқ қадаган.

— Мен чироийлиманими? — дейди малика.

Ҳусни ҳақида
узун-узун
сатрлар тўқиийман
Аруз вазнида.

— Ростини айт, — дейди малика.

Ою юлдузли ўхшатишлар
зўриқиб сочилар
шеъримга...

У тасқара
бир мис танга ташлайди менга.

Халлослаб саройдан чиқаман.
“Худога шукур,
бала-чақам очдан ўлмайди бугун.
Бир парча нон бор.
Миннатли нон!..
Лаънати...”

Ўн асрдан сўнг
шеърларимни ўқиийсиз
ҳаяжондан
ҳаприқиб.

Ёлгондан
жуда даҳшатли
эшишилар —
сўйилган сўзларнинг
хириллаши...

* * *

Тепага қарайверманг.

Осмон ҳозирча йўқ.

Кечакуни чиқиндихонадан топиб
олдим.

Роса тутиришиган экан осмонга,
оёқларини артишиган экан,
тепкилашган экан осмонни:
юлдузларининг ҳаммаси сўнгани,
қўёши бўлак-бўлак,
ойи — чилпарчин...

Мен осмонни
юваб-тараб қўйдим ҳозир.
Энди юлдузларини армондан ясаятман,
ойини — умиддан;
қўёшини эса орзудан яратаман
тонггача.

Тепага қарайверманг.

Ҳозирча осмон йўқ.

Яхшиси, эртага келинг,
Осмонни асрраб қўйдим.

Аммо бир киши осмонни
кўтаролмайди.
Биргаликда уни
юксакка қўямиз
эртага...

Хотира

Бор эди ёргу жаҳон,
Унинг устида осмон,
Осмонда олтин юлдуз,

Нуридан ерда кундуз.
Юлдузга термуларди
Ерда юлдуздай бир қиз.

Ишқида ёниб кетдим,
У қизни олиб кетдим.
Унга қўшиб кундузни,
Унга қўшиб юлдузни,
Унга қўшиб осмонни,
Унга қўшиб жаҳонни,
Унга қўшиб Ерни ҳам,
Унга қўшиб шеърни ҳам
Багримга солиб кетдим...

* * *

Томогимни этдим шай —
Айтгим келмоқда қўшиқ;
Авжига кучни бермай,
Фақат юракни қўшиб.

Оҳанга тўлди кўксим,
“Оҳ”им йиртди қафасни.
Юракни шундай қўшиб,
Кўйлаб ўтсам бўлмасми?

О, сўз! Парвози — баланд,
Тўлдиради осмонни.
На баҳтни этар писанд,
На оромни, на жонни.

Умрни этди барбод
Тақдир тузган касбу кор.
Эй, жон! Нечун арзу дод —
Менда борму ихтиёр?

Шеърни қисматдан олган
АЗобнинг овозиман...
Ҳар сўзда минг ўлдирган
Шу тақдирдан розиман.

* * *

Бир тунда куз келди. Чўққиларда қор.
Гулханни ўчирдик. Кайтамиз уйга,
Сенда ўтган кунлар, тог — дўсти ансор,
Қалбларни чулагайди Умид ва Қуйга.

Хайр! Дийдор қайта бўлурму насиб?
Сўз ийќ, Барча дардим жамдир бир “үф”да...
Муздай ҳаволарга тўшларин босиб,
Кўзёшидай оқади қушлар жанубга.

* * *

Сатрлар улашиб ўтар ҳар бир он,
Аммо менга кунлар, ойлар, ийллар кам:
Умримга сигмайман бу тарзда — аён,
Ҳисобни бошлидим асрлар билан.

Бўйнимга дардларин ортар ҳар бир он,
Аммо менга мудом дарднинг вазни кам!
Сўзларимга замон тор келди, Раҳмон,
Суҳбатим сен билан, энди сен билан...

* * *

Кайси ийќликларда топширади жон
Нур соча титилган юлдуз жуссаси?
Менинг юрагимни тутмиишdir макон
Бехос сўнишиларнинг мудҳии гуссаси.
Эй, ийќлик! Оташни ямловчи аждар!
Зиёни ютувчи юҳо ялмогиз!
Дунёнгда гуссага чўқдим шу қадар —
Руҳдан ўзга барча оташлар олис.

Чўчима! Ўртада на гараз, на кин —
Зарра аксилрусум этмасман талаб:
Руҳимга исиниб ўтирибман жим,
Дунё ўчогига ўзимни қалаб.

* * *

Дунё терс ўзгарди. Нохос. Бешафқат.
Умидлар ийќолди. Қул бўлди эртак.
Лабида сигарет — бир томчи шафақ —
Кечага термулиб турибди эркак.

Ийќ, бўм-бўши умрни улгурмас ямлаб
Кетма-кет тортилган сигарет дуди.
Канча уринмасин ўзини жамлаб,
Энди ироданинг ийќдир субути.

Бу кузги кечада сочилиб ётар —
Хазондир баҳору ёзниг ижоди.
Дўст дунё! Мұхаббат шундайми сотар,
Шундай кул бўларми инсон ҳаёти?

Худди ер қаъридан чиққандай пинҳон
Ёлгизлик чўқади ёнига — бесас.
Эркак ёлгизликка боқади ҳайрон,
Ҳали таниш эмас улар, танишмас...

* * *

Ўлдирмайди шеърга қоришган қийноқ,
Юрак ёрилган-у, юрибман тикка:
Дард ичра тўлғониб “оҳ” урсам, шундоқ
Нафасим етади абадийликка.

Дардларни орқалаб кезаркан тургам,
Сингудай чирсиллар зўриққан қаддим.
Аслида мен қайси асрга кирсам,
Унда яшамоққа сугади ҳаддим.

Миямдан қон сизиб оқар тақдирга —
Фикримнинг магзидা қанчалар чандик!
Ҳаётимда эса, мен билан бирга
Суйимли аёлдай сўзлар беҳадик.

Умрим баҳорлару ёзларни кезди,
Хозир куз оралаб борар қиши томони...
Нима, шеър келдими? Юрагим сезди.
Нечун хавотирда безовта замон?

Менда нима гуноҳ? Нечун хавотир?
Тобора теграмда хатарлар сасли.
Дунёни қай тарзда айлайин тасвир,
Унга керакмасми суратин асли?..

Ўлдирмайди шеърга қоришган қийноқ,
Нима демоқдалар? Не учун таҳқиқур?
Мен қайси асрда яшайман? Шундоқ
Уйимдан чиққандай кетаман, ахир...

* * *

Етдими видо они —
Севги йўқолди қай кун?
Ўтди согинч даврони:
Хотири — жам, беқайгу.

Ҳатто тақдир беталаб —
Гүёй йўқдай кемтиги.
На ўзин осар, ё раб,
На ииглади энтикиб.
Кетиб борар мұхаббат,
Қўлларидан кетиб эрк.
Ёзсан етмагайдир хат,
Излай десам йўли берк.
Шомга қўшиб тонгимни,
Тўлгонмайди баланд-паст.
Берай десам жонимни,
Мұхаббатга керакмас.
Сургалайди фақат Вақт
Эгасиз қолган ойни.
Кетиб борар мұхаббат —
Дунёлардан чиройли.

Нимани этдим бекор,
Қандай даврон қурибман?..
Сенга нима бўлди, ёр?
Мен ўлгандай турибман.

* * *

Баҳор келдими?
Гулладими дараҳтлар?
Қушлар сайрадими?

Сен кетсанг ҳам
шундай ҳол
рўй бердими
оламда?

Жан-Поль САРТР

DEVOR

Ҳикоя

Бизни деворлари оппоқ чорси хонага итариб-туртиб киритиши. Ўткир ёргулар кўзни қамаштири. Зум ўтмай стол ортида қандайдир қозозларни тишиб ўтирган кишилик кийимидағи тўрт нусхани кўрдим. Бошқа қамоққа олингандар бир оз нарироқда тикилишиб туришарди. Биз хонани кесиб ўтиб, уларга қўшилдик. Бу одамларнинг кўпини билардим, қолганлари, чамаси, муҳожирлар эди. Менинг олдимда иккита бир-бирига ўхшаган оқ-сариқдан келган киши турарди, булар французлар бўлса керак, деб ўйладим. Бўйи пастроги дам-бадам шимини кўтариб қўяр — тиззалари қалтираётгани кўриниб турарди.

Бу даҳмаза уч соатчадан бўён давом этар, бошим қотган, қулоқларим шангиллар эди. Аммо хона иссиққина, танага ёқар, биз уззукун совуқда қолиб изиллаган эдик. Соқчилар қамоққа олингандарни бирма-бир стол ёнига олиб боришарди. Кишилик кийимидағи тўрт нусха ҳар бир одамдан исми билан касб-корини сўрарди. Улар шу саволлардан нарига ўтишмас, лекин гоҳида “Ўқдорилар ўғирлашда қатнашганимисан?” ёхуд “Ўнинчида эрталаб қаерда, нима иш билан машғул эдинг?” деб сўраб қўйишарди. Жавобларни эса ҳатто эшитишмас ёки эшитмаганга олишар, бўшлиққа тикилиб, жим қолишар, кейин ёзишга тушишарди. Томдан “Ҳакиқатан байналмилал бригадада хизмат қилганимисиз?” деб сўрашди. Бўйин товлашининг маъниси қолмаган — улар курткасидағи хужжатларини топиб ўқишган эди. Хуандан эса ҳеч нарсани сўрашмади, фақат у отини айтиши биланоқ тез-тез алланималарни ёзишга тушиши.

— Ўзингиз биласиз-ку, — мен эмас, акам анахист. Аммо у бу ерда эмас. Менинг сиёсат билан ишмий йўқ, ҳеч қандай партияга аъзо эмасман. — Улар индамай ўтириб ёзишарди. Хуанинг жаги тинмасди. — Менинг ҳеч бир айбим

Жан-Поль Сартр (1905-1980) — француз адаби, файласуфи, эссеисти. Европа адабиёті ва фалсафасыда экзистенциализм оқими асосчиларидан. 30-40 йилларда Франция лицейларида фалсафадан дарс берган. Иккинчи жағон уруши йилларда Франция Қаршилик күрсатиши ҳаракатининг фаол иштирокчиларидан бўлган. Ўзғояларини “Тан модерн” (“Янги замон”) журнали очиб, тарғиб этган. Унинг “Борлик ва ҳечлик” (1945), “Экзистенциализм — гуманизм” (1946), “Ахволлар” (10 жилд) (1947-1976) сингари асарлари Европа фалсафаси тараққиётидаги жуда чукур из қолдирди. У кўпроқ тарих оқимида бораётган инсоннинг ўзи өа ўзгалар олдидағи масъулиятины батафсил тадқиқ этди.

Сартр — XX аср дунё адабиётининг энг ийрик намояндаларидан бири. Унинг “Эркинлик йўлларида” тетралогиясига кирган “Етуклик”, “Кечиктириш”, “Юрадаги ўлим”, бундан ташқари “Айниш”, “Сўз”, “Фрейд”, “Флобер” сингари асарлари машҳур. Ўтқир драматизм тўла пъесалари ҳамон дунё саҳналарида муваффақият билан ўйналади. Экзистенциализм — тириклик фалсафаси, дегани бўлиб, Сартр шу фалсафанинг инсон шахси өа борлиги билан боғлиқ тиран өа мураккаб қирралари ҳақида фикр юритди. Унинг илк бора ўзбекча таржимада дикқатингизга ҳавола қилинаётган “Девор” ҳикояси 30-йилларда Испанияда рўй берган ғалаёнли воқеаларга бағишланади. Адаб фавқулодда вазиятларда инсон ўзини қандай тутиши билан боғлиқ драматик ҳолатларни юксак маҳорат билан ёритади.

йўқ. Бошқаларнинг жатига қолишини истамайман. — Унинг лаблари титрарди. Соқчи оғзингни юм деб, уни бир чеккага итариб олиб борди.

Навбат менга келди.

— Сиз Пабло Иббитетамисиз?

Мен “Ҳа”, дедим. Нусха қоғозларга қаради-да, сўради:

— Рамон Грис қаерга яширинган?

— Билмайман.

— Сиз уни олтинчидан ўн тўққизинчигача яширгансиз.

— Ундеймас.

Улар нималарнидир ёзишиди, кейин соқчилар мени хонадан олиб чиқишиди.

Иўлақда иккита қоровул ўртасида Том билан Хуан турарди. Бизни олиб кетишиди. Том соқчиларнинг бироридан сўради:

— Бу ёғига нима бўлади?

— Қайси маънода? — деди соқчи.

— Бизни сўроқ қилишдими ёки суд?

— Суд.

— Хўп. Энди нима қилишади бизни?

Соқчи қуруққина жавоб берди:

— Ҳукм камерада эълон қилинади.

Улар камера деб атаган жой илгариги касалхонанинг ертўласи эди. Бу ердаги совуққа чидаб бўлмас, ҳар томондан аёз шамол гўрилларди. Тун бўйи азбаройи совуқдан тишилар такиллаб чиқар, кундузлари ҳам бундан тузук эмасди. Бундан аввал мен беш кун архиепископликнинг ёлғизхонасида ўтирган эдим, уни ўрта асрлардан қолган тош ўра деса ҳам бўларди. Қамоққа олинганлар шунчалик кўп эдики, уларни дуч келган ерга тикиб ташлашарди. Мен-ку ўша ўрасидан хафа

эмасман, жиллақурса, у ерда совқоттаним йўқ, фақат ёлғиз эдим, ёлғизлик эса одамни ҳолдан тойдиради. Манави ертўлада ҳарқалай ён-веримда одамлар бор. Рост, Хуан оғзини очмас, қаттиқ кўрқар, ҳар на қилса-да, жуда мурғак, гапирадиган гапи ҳам йўқ ҳисоби эди. Томнинг эса, аксинча, жаги тинмас, бунинг устига испанчани сувдай ичарди.

Ертўлада битта узун ўриндик ва тўртта бўйра бор эди. Эшик орқамиздан ёпилгач, биз ўтириб, бир муддат жим қолдик. Аввал Том тилга кирди:

— Тамом. Кунимиз битди.

— Балки, — дедим мен. — Лекин йигитчага тегишмас дейман.

— Акаси жангари бўлсаям, укасининг бунга алоқаси йўқ.

Мен Хуанга қарадим: у, чамаси, эшитмасди. Том гапини давом эттириди:

— Сарагосада уларнинг нималар қилаёттанини биласанми? Одамларни йўлга ётқизиб, устидан юқ машина юргизишяпти. Марокашлик бир қочоқ бор эди, бизга ўша гапириб берди. Айтишларича, шунақа қилиб ўқ-дорини тежашармиш.

— Бензинни тежашмас эканми?

Том жигимга тегди. Нима қилади буларни гапириб?

— Зобитлар бўлса йўл чеккасида қўлларини чўнтақка тикиб, сигарет тутишиб айланиб юришармиш. Ўша шўрликларни дарров асфаласофилинга жўнатишади деб ўйлайсанми? Ҳеч-да! Абгорлар соатлаб бақириб ётишармиш. Марокашлик оғриқнинг зўридан мен аввалига оғизмни ҳам очолмадим, дейди.

— Ишончим комилки, улар бу ерда ундан қилишмайди, — дедим мен. — Бошқасини билмайман-у, лекин уларнинг ўқ-дорилари етарли.

Ертўлага тўртта тешик ва чап томондаги шифтдан очилган туйнукдан ёргулик тушиб турабар, ундан нақ осмон кўринарди. Бу туйнукдан илгари ертўлага кўмир туширилган чоги, шундок тагида кўмир хокаси тўдаланиб ётарди. Чамаси, у билан ҳарбий касалхонани иситиш мўлжалланган. Кейин уруш бошланиб, касаллар бошқа жойга кўчирилган-у, кўмир шундок қолиб кетган. Айтидан, туйнукни беркитиш ёдларидан кўтарилиган, вақти-вақти билан тепадан ёмғир томчилари томарди. Кутилмаганда Том ёмон қақшаб гўлдиради:

— Қуриб кетсин! Ҳаммаёғим титраб кетяпти. Шу етмай турувди!

У ўрнидан туриб машқ қилишга тушди. Кўйлаги ҳар кўтарилиганда жун босган оппоқ кўкраги кўриниб кетарди. Кейин у чалқанча ётиб, оёқларини кўтариб қайчидақ айлантира бошлиди — унинг семиз думбаси дирилларди. Умуман, Том — зуваласи пишиқ йигит, лекин барибири семизроқ. Мен беихтиёр ўқ ва миљтиқ наизаси бу лакқа юмшоқ гўштга ёғни кесгандай осон ва енгил кириб боришини тасаввур қилдим. У қотма йигит бўлганида, эҳтимол, бундай ўйламаган бўлардим. Мен совқотмаган бўлсам-да, қўл-оёғимни сезмасдим. Баъзида бирнимамни йўқотгандай бўлар, курткамни қидириб, аланг-жаланг қилар ва шу заҳоти уни менга қайтариб беришмаганини эслар эдим. Бундан ғашлигим ортарди. Улар бизнинг кийим-кечакларимизни олиб қўшишиб, бўз иштонлар беришди — бу ерда касаллар айни ёз чоғлари шундай иштонларда юришган. Том ўрнидан туриб, рўпарамга ўтириди.

— Қалай, исидингми?

— Қайда дейсан, қуриб кетсин. Нафасим тикилгани қолди.

Соат саккизларда камерага комендант билан иккита фалангачи аскар кирди. Комендантнинг кўлида рўйхат бор эди. У соқчидан сўради:

— Бу учовининг фамилияси нима?

Соқчи айтди:

— Стейнбок, Иббиета, Мирбал.

Комендант ойнагини тақиб, рўйхатга боқди.

— Стейнбок... Стейнбок... А-ҳа, мана бор. У отишга ҳукм қилинган. Ҳукм эртага эртаминан ижро этилади.

У рўйхатга яна бир қур кўз ташлади:

— Қолган иккови ҳам.

— Бўлиши мумкинмас, — дея ҳиқиллади Хуан. — Хатолик бу.

Комендант унга ҳайрон бўлиб қаради:

— Исли шарифинг?

— Хуан Мирбал.

— Ҳаммаси тўғри. Отув!

— Лекин мен ҳеч нарса қилганим йўқ, — дея гапидан қолмади Хуан.

Комендант елкасини қисди-да, бизга ўтирилди:

— Сизлар баскмисизлар?

— Йўқ.

Комендантнинг авзойи бузуқ эди.

— Лекин менга бу ерда учта баск бор дейишувди. Уларни қидириб юришдан бошқа ишим йўқми? Сизларга руҳоний керакми?

Биз индамадик. Комендант:

— Ҳозир олдингизга бельгиялик врач киради, — деди. — У сиз билан эрталабгача бирга бўлади.

У қўлини чаккасига қўйиб, сўнг чиқиб кетди.

— Айтмовдимми сенга? — деди Том. — Ҳасислик қилишмапти.

— Рост, — дедим мен. — Аммо болапақирга жабр-да. Аблаҳлар!

Гарчи йигитгчани жиним сўймай турган бўлса-да, бу гапни адолат юзасидан айтдим. Болакайнинг юзи фоятда ингичка, ўлим қўрқинчи бащаасини ёмон ўзгартириб юборганди. Уч кун бурун у хипчагина ўсмир эди, уни ёқтирмасликнинг иложи йўқ эди, лекин ҳозир у жуда қаримсиқ бўлиб қолган, мабодо энди уни шу ҳолда қўйиб юборсалар ҳам, у умр бўйи шундай қаримсиқ ва пажмурдалигича қоларди, деб хаёлимдан ўтказдим. Умуман, болакайга одамнинг раҳми келади, аммо ачиниш нафратимни қўзғар, у ёгини айтсан, боланинг ўзи ҳам қўзимга балодек қўринарди.

Хуан бошқа миқ этмади, унинг ранг-рўйи қумдай оқарди, қўллари, башасининг ҳам туси учди. У қўзлари сокқадай бўлиб яна ерга чўқди. Бир жойга тикилди-қолди. Том меҳрибон одам эди, у болакайнинг қўлини тутмоқчи бўлди, аммо у жаҳд билан қўлини тортиб олди, юзи аламдан буришиб кетди.

— Унга тегма, — дедим Томга. — Қўрмаяпсанми, хўрлиги келиб турибди.

Том истар-истамай рози бўлди, у негадир болакайнин юпаттиси келган, шундай қилганда, ўз ахволини ҳам бир оз бўлса-да енгиллаттан бўлармиди балки. Ҳар иккови ҳам жуда гашимга тегишаётган эди. Илгари мен ҳеч ўлим тўғрисида ўйламагандим, фурсатим бўлмаганди, лекин ҳозир мени нима кутаётганини ўйламай иложим йўқ эди.

— Менга қара, — деди Том, — сен улардан биронтасини нариги дунёга жўнатдингми?

Мен жавоб бермадим. Том августдан бери олтитасини отиб ташлаганини ўраб чирмай бошлади. Аниқ, у ҳозир юзага келган вазият ҳақида ўзига хисоб бермасди, у буни истамаётганини равшан кўриб турардим. Ўзим ҳам рўй берган ҳолни тузук-қуруқ англай олмас, бироқ мен ўлим оғир бўлармикин-а, деб

ўйлаган ва қайнок ўқлар баданимни дўлдай тешиб ўтаётганини ҳис қилгандим. Шунга қарамасдан бу сезгиларнинг унча аҳамияти йўқ эди. Ҳали бунинг ташвишини чекмаса ҳам бўлар, ахволни аниқлаштириб олишим учун олдинда бир кеча бор эди. Тўсатдан Том жим бўлиб қолди. Унга кўз қиримни ташладим, рангида ранг қолмабди. Аҳволи ғоятда noctor эди, шунда мен “Ана бошланди!” деб ўйладим. Қоронги тушиб келарди, туйнуқдан хира ёруғ оқиб кирап, кўмир уюмини ёритар, хона саҳнига дот-дуг бўлиб ясланарди. Туйнук узра кўзимга юлдуз ташланди, кеча совуқ, осмон тиник эди.

Эшик очилиб, ертўлага икки соқи кирди. Уларнинг ортидан Бельгия ҳарбий кийимидағи оқ-сариқдан келган кимса қўринди. Биз билан саломлашгач:

— Мен врачман. Манави ноҳуш аҳволларда сизлар билан бирга бўламан, — деди.

Унинг товуши зиёлиларники сингари ёқимли эди. Ундан сўрадим:

— Бунинг нима фойдаси бор?

— Камина хизматингизда бўламан. Охирги дақиқаларни осонлаштиришга ҳаракат қиласман.

— Лекин нега бу ерга келдингиз? Госпиталда ярадор тўлиб ётибди-ку.

— Мени айнан шу ерга жўнатишиди, — деб жавоб берди у ноаниқроқ қилиб. Кейин шоша-пиша қўшимча қилди: — Чекасизми? Сигаретим, ҳатто сигарам ҳам бор. — У бизга инглиз сигарети ва Гавана сигарасини узатди, биз рад этдик. Мен унга тикилиб қарадим, у ўзини ноқулай сезди. Унга шундай дедим:

— Сиз бу ерга раҳм-шафқат кўрсатиш учун келмагансиз. Мен сизни танидим. Мени қўлга олишган куни сизни казарма ҳовлисида кўрганман. Сиз фалангачи аскарлар билан бирга турардингиз.

Унга бор гапни тўкиб солмоқчи эдим, лекин ўзимга ҳайрон қолдим, бундай қилиб ўтирамадим: бирдан бельгияликка умуман қизиқмай қўйдим. Илгарилари мен бирорвга тирғилсан, уни осонликча қўлдан чиқармасдим. Ҳозир эса бутунлай гапиргим келмай қолди. Елкамни қисдим-да, юзимни бошқа ёқса ўтиргердим. Бир неча дақиқадан сўнг мундай бошимни кўтариб қарасам, бельгиялик мени қизиқсиниб қузатяпти. Кўриқчилар бўйраларга ўтиришди. Найнов Педро зерикиб ўзини қаерга кўйишини билмас, наригиси эса ухлаб қолмаслик учун дам-бадам бошини у ёқдан бу ёққа бураб эди.

— Чироқ олиб келайми? — кутилмаганда сўради Педро.

Бельгиялик бошини силкитди, мен шунда унинг зиёлилиги алдамчи, тўнкадан фарқи йўқ экан, деб ўйладим. Лекин ҳар ҳолда шафқатсиз дажжол ҳам эмасди. Унинг совуқ кўк кўзларига қараб, ҳавойироқ одам, ҳар қандай пасткашликка боради, деб ўйладим. Педро тезда керосин чироқ кўтарганча қайтиб келди ва узун ўриндиқнинг четига ўрнатди. Чироқ хира ёритар, лекин, ҳар қалай, ҳечдан кўра яхшироқ эди. Кечагина биз зимистон қоронғида ўтирган эдик. Мен шилпга тушиб турган чироқ шуъласи гардишига узок термулиб қолдим. Худди сеҳрлангандай ундан кўзимни узолмасдим. Тўсатдан бари гойиб бўлди, шуъла доираси сўнди. Кўтариб бўлмас оғир юқ остида қолгандай мен қаттиқ қалтираб кўзимни очдим. Йўқ, бу кўркув, ўлим шарпаси эмас эди. Бунинг нималигини англаб бўлмасди. Икки юзим ўт бўлиб ёнар, бошим оғриқдан ёрилай дер эди.

Жунжикиб ўртоқларимга боқдим. Том кафтларига юзини яширганча ўтирас, кўзим унинг жингала паҳмоқ сочинигина илгарди. Болакай Хуан тобора noctorлашиб борарди: оғзи ярим очик, бурун катаклари пир-пир учарди. Бельгиялик

яқин келиб, унинг елкасига қўлини қўйди: чамаси, у болага далда беришни истарди, лекин кўз қорачиқлари муз парчалариdek йилтиради. Унинг қўли аста пастга сирғалди ва боланинг билагида тўхтади. Хуан қимирламади. Бельгиялик унинг билагини уч бармоғи билан қисди, унинг нигоҳи қотиб қолганга ўхшарди, шунда у мени кўрмаслик учун орқасини ўтириди. Мен бир оз олдинга энкайдим, шунда у соатини чиқариб, қўлини қўйиб юбормасдан бир неча сония унга қараб қолганини кўрдим. Кейин у ўзини четта олди, шунда Хуаннинг қўли ҳолсиз пастга осилиб қолди. Бельгиялик деворга суниди, кейин худди муҳим бир нарсани эслагандай ёндафттарини чиқариб, унга ниманидир ёзди. “Аблаҳ! — қаҳрим келди менинг. — Қани менинг томиримни кўрсин-чи, башарасига айлантириб соламан”. У, ҳар қалай, менинг олдимга келмади, аммо бошимни кўтартганимда, менга қараб турганини кўрдим. Мен қўзимни олиб қочмадим. У қандайдир ҳиссиз бир овоз билан менга сўз қотди:

— Совқотмаяпсизми бу ерда?

Унинг ўзи жуда совқотган, башараси кўкариб кетган эди.

— Йўқ, совқотмадим, — деб жавоб бердим.

Бироқ ҳамон у менга қаттиқ тикилиб турарди. Бирдан гап нимадалигини тушуниб қолдим. Қўлим билан юзимни сидирдим: уни шилимшиқ тер босган эди. Зах совуқ ертўлада қишининг қоқ ўртаси ҳар ёқдан ёўриллаб турган елви-закда мендан тинмай тер қуиилиб келаётганини қаранг. Соchlаримни ушлаб кўрдим: жиққа ҳўл. Қўйлагимни ҳам тамомила тер босиб, баданимга ёпишиб қолган эди. Бир соатдан бери тер аъзойи баданимдан қуиилиб келар, мен эса уни сезмасдим. Бельгиялик маҳлуқ бўлса, буни кўриб-билиб турган экан. Юзимдан оқиб тушаётган терни қўриб, мана, қўрқув одамни қандай аҳволга солади, жон ширин, деб ўйлаётгандир, хойнаҳой. У ўзини шу тобда рисоладаги одамдай сезаётган ва рисоладаги одамлар каби совқотаётганидан мамнун ҳам бўлса керак. Мен унинг олдига бориб, башарасига туширгим келди. Лекин у томонга ҳали бир қадам ҳам қўймай туриб, юрагимдаги алам ва уят йўқолди-да тамомила фарқсиз бир ҳолда узун ўриндиққа ўтириб қолдим. Мен яна рўмолчамни чиқариб, у билан бўйинларимни артишга тушдим. Энди мен соchlаримдан оқиб тушаётган терни аниқ сездим ва бундан кўнглим ниҳоятда хира бўлди. Кейин оқиб тушаётган терни артмай қўя қолдим, рўмолча сикса бўладиган даражада ҳўл эди. Аммо тер сира тўхтамасди. Бўксаларим ҳам терга ботди, иштоним ўриндиққа ёпишиб қолди. Кутилмаганда болакай Хуан тилга кирди:

— Сиз врачмисиз?

— Врач, — деб жавоб берди бельгиялик.

— Айтинг-чи... оғрийдими... узоқ чўзиладими?

— Оҳ, бу... анов... Йўқ, тез ўтиб кетади, — деб жавоб қилди бельгиялик оталарча оҳангда. Шу тобда у гўё ҳақ тўлаб даволанишга келган касални юпатарди.

— Мен эшитгандимки... менга айтишувди... баъзан... биринчи ўқ ёғдирилганда ҳеч нарса бўлмайди деб.

Бельгиялик бошини чайқади.

— Дастлаб отилган ўқлар одамнинг жон жойига тегмаса, шундай бўлади.

— Унда милиқларни яна ўқлаб, яна бошқатдан мўлжалга олишадими?

Хуан бир оз жим қолиб, кейин овози хириллаб сўради:

— Бунга вақт керақдир?

Жисмоний азоб уни қийнар ва қўрқитарди: унинг ёшида шундай бўлиши табиий. Мен бўлсам, бундай нарсаларни ўйламасдим, оғриқ олдида қўрққанимдан

терга ботаёттаним йўқ эди. Ўрнимдан туриб, кўмир уюми олдига бордим. Том сесканиб, менга норози боқди: оёқ кийимим юрганда гижирлар, бу унинг фашига тегарди. Наҳотки менинг ҳам башарам шундай оқариб-кўкариб кетган бўлса, деб ўйладим.

Осмон ажойиб эди, мен ўтирган бурчакка ёруғлик тушмасди, шундоқ тепага қарашим билан Катта Айиқ юлдуз туркумини кўрдим. Аммо энди бари бошқача эди: илгари архиепископликнинг ёлғизхонасида ўтирганимда истаган пайтда осмон парчасини кўра олар ва бу ҳар сафар менда турли хотираларни уйғотар эди. Эрталаб ҳаво енгил, осмон ложувард бўлганда мен Атлантика океани кумлоқ соҳилларини хаёлимдан ўтказардим. Туш маҳали қўёш тиккага келганда Севилиядаги қовоқхона эсимга тушарди — у ерда мансанильо ич-килигини ичиб, ҳамса ва зайдун меваларидан ердим. Тушдан сўнг кун уфққа отганда, сояда ўтирас ва шунда майдоннинг қоқ ярмини қоплаган қуюқ сояни эслардим, худди шу пайтнинг ўзида майдоннинг қолган қоқ ярми қўёш нурла-рида ярақларди, шу тариқа тирноқча осмон парчасида акс этган ери томоша қилиб, жуда маъюс тортардим. Бироқ энди осмонга қандай хоҳласам, шундай қарапдим: у мутлақо ҳеч нарсани эсимга солмасди. Менга шу кўпроқ ёқарди. Ўз жойимга қайтиб, Том билан ёнма-ён ўтирудим. Ҳеч ким сўз қотмади.

Андак фурсатдан сўнг у шивирлаб сўзлашга тушди. У жим ўтиришга сира ўрганмаганди: товуш чиқариб сўйлабтина ўзининг кимлигини англарди. Гарчи у бошқа томонга боқиб турган эса-да, айтидан менга сўйларди. Ҳеч шак-шубҳа йўқки, у мени шу алфозда терга ботган ва ранги кум оқарган ҳолда кўришдан, чамаси, юраги безилларди. Энди биз бир-биримизга жуда ўхшардик ва ҳар бирорвимиз бошқа бирорвимиз учун бамисоли ойна эдик. У тирик бельгияликка қаради.

— Сен бу нарсаларни тушунасанми? — деб сўради у. — Мен тушунмайман.

Мен ҳам секин шипшиб сўйладим. Мен ҳам бельгияликка қарадим.

— Нима деяпсан?

— Ҳализамон бошимизга қаттол бир савдо тушади.

Томдан ғалати бир ниманинг ҳиди анқиёттанини сездим. Ҳидларни одатдагига қараганда нозикроқ сезадиган бўлиб қолибман. Мен киноя қилдим:

— Майли. Тезда тушуниб қоласан.

Лекин у ҳамон ўзининг айтганидан қолмасди.

— Йўқ, бунга одамнинг ақли бовар қилмайди. Мен охиригача матонатли бўлишими керак, лекин нима бўлганда ҳам, билишими керакки... Демак, шундай, кўп ўтмай бизни ташқарига олиб чиқишади. Бу газандалар рўпарамизда саф тортишади. Нима дейсан, улар неча киши бўларкин?

— Билмадим, балки бешта, балки саккизта. Ундан кўп бўлмас.

— Майли. Саккизта бўлақолсин. Уларга “Мўлжал!” деб қичқиришади, ўзимга қаратилган саккизта миљтиқ оғзини кўраман. Мен девор томонга суримоқчи бўламан, елкам билан унга суянаман, жон-жаҳдим билан ёпишаман, у эса тунги босинқираш чоғида бўлгани каби мени итариб ташлайди. Буларнинг барини мен кўз ўнгимга келтира оламан. Билайдинг, қанчалар аниқ бу суврат!

— Биламан, — дедим. — Мен буни сендан кам тасавур қилмайман.

— Бунинг оғригига чидаш қийин. Ахир, улар башарангнинг абжагини чиқариш учун кўзинг ва оғзингни пойлаб отишади. — Унинг овози қаҳрли эшитилди. — Мен жароҳатларимни ҳис қилиб турибман, мана бир соатки, бошим оғрияпти, бўйним азоб беряпти. Бу ҳақиқий оғриқ эмас, аммо ундан

баттарроқ, бу мен эртага эрталаб ҳис қиладиган оғриқ. Ҳўш, ундан кейин нима бўллади?

Унинг нима демоқчи бўлаётганини жуда яхши тушуниб туардим, лекин буни пайқаб қолишини сира истамас эдим. Мен ҳам бутун аъзойи баданимда шундай оғриқни сезардим, мен уни худди чандик ва тиртиқлар каби ўз жисмимда олиб юрардим. Ҳеч уларга ўргонолмасдим, лекин ўртогимдан фарқли ўлароқ, уларга ортиқча аҳамият бермасдим.

— Кейинми? — дедим мен барадла овозда. — Кейин сени қурт-қумурсқалар талайди.

Сўнгра у худди ўзи билан ўзи гаплашгандай сўйлади, лекин бельгияликдан кўзини сира узмасди. Бельгиялик эса ҳеч нимани эшитмаётгандай эди. У нега бу ерда ўтирганини мен тушунардим: фикрларимиз уни қизиқтирмасди, ҳали ҳаётни тарқ этмаган бўлса-да, аммо талваса ичидан тўлганаётган жисмимизни кузатгани келганди.

— Бу худди тунги қўрқинчли тушга ўхшайди, — деб давом этарди Том. — Бир нарсани ўйлашга уринасан, назарингда, бу кўлингдан келадигандай, бир дақиқадан сўнг ниманидир тушунгандай бўласан, ундан сўнг ҳаммаси тарқалиб, йўқолиб кетади. Мен ўзимта ўзим “Кейинми? Кейин ҳеч нима бўлмайди”, дейман. Лекин бунинг маънисини тушунмайман. Тоҳ мундай тушунгандай бўламан... лекин шунда яна ҳаммаси қочиб кетади-да, кейин мен оғриқми, ўқлар, милтиқларнинг бирваракай отилишимни шуларни ўйлашга тушаман. Сенга қасам ичиб айтишим мумкин, мен моддий дунёга ишонаман, амин бўл, менинг ақли-хушим жойида, лекин шунга қарамай, бунинг учини учига тўғри келти-ролмайман. Мен ўз лошимни кўраман: бунинг қийин жойи йўқ, лекин уни, ҳар қалай, мен ўзим кўрятман: ўлик танага қараган ҳам ўзимнинг кўзларим. Мен ўзимдан бошқа ҳеч нарсани кўрмайман ва ҳеч нарсани эшитмайман, ҳаёт эса бошқалар учун давом этаверади, деб ишонтироқчи бўламан. Лекин биз бундай фикрлар учун яратилмаганмиз. Биласанми, алланиманидир кутиб тун бўйи мижжа қоқмай чиққан пайтларим бўлган. Аммо бизни бутунлай бошқа бир нарса кутяпти, Пабло. У устимизга орқадан бостириб келмоқда, шунинг учун унга шай туришнинг ҳеч иложи йўқ.

— Жим бўл, — дедим унга. — Балки руҳонийни чақирсак, изҳори дил қиласан?

У индамади. У башорат қилишни, отимни айтиб чакиришни ва босиқ тўнгирлаб гапиришни яхши кўришини аллақачон пайқагандим. Буларнинг ҳеч бирини мен кўтаролмасдим, аммо нима ҳам қилиш мумкин — ирландларнинг бари шунаقا. Ундан пешоб иси анқиётгандай туюлди. Гапнинг очигини айтсам, Томни унчалик ҳам ёқтиравермасдим ва энди ҳам бирга ўламиз-ку деб, унга муносабатимни ўзгартироқчи эмасдим. Бирга ўлишнинг ўзи мен учун етарили эмасди. Мен ҳаммаси бошқача кечиши мумкин бўлган одамларни билардим. Мисол учун Рамон Грис. Аммо Хуан билан Томнинг ёнида ўзимни ёлғиз сезмоқдайдим. Дарвоқе, шу тобдаги аҳволдан ҳам норози эмасдим: агар Рамон бу ерда бўлганда, чўкиб қолган бўлармидим. Ваҳоланки, ҳозир мен ўзимни дадил тутаётган ва охиригача шундай қолмоқни ният қилгандим. Том паришон ҳолда сўзларни чайнарди. Бир нарса кундек аён эди: у, қандай бўлмасин, ўйламаслик учунгина нуқул гапиради. Энди ундан пешоби чатоқ қариядай шиптири хиди тараларди. Лекин, умуман олганда, унинг гапларига қўшилардим, у нима деган бўлса, афтидан, буларни мен ҳам айтишим мумкин эди: зўрлик оқибатида ўлиш

— гайритабиий нарса. Эртага ўлишимни билган дақиқадан бошлаб атрофдаги барча нарсалар менга гайритабиий бўлиб туюла бошлади: кўмир уюми дейсизми, узун ўриндиқ ва ё Педронинг наҳс башараси дейсизми — ҳаммаси. Гарчи энди тун бўйи фақатина бир нарса ҳақида ўйлашимиз, бирга дир-дир титрашиб, бирга қора терга ботишимиzn обдон тушунсам-да, буларни ўйлагим келмасди. Унга кўз қиримни ташладим ва илк дафъя у менга ғалати кўринди: юзига ўлим шарпаси ўтирганди. Шунда ғурурим дарз кетди: йигирма тўрт соатдан бери мен Том билан бирга унинг ёнида турибман, гап-сўзини тинглаб, ўзим ҳам бир нималар деб... ва шунча вақт орасида ишончим комил эдик, биз у билан бутунлай бошқа-бошқа одамлармиз. Мана энди маълум бўлдики, биз бир-биrimizга баайни эгизаклардай ўхшаб қолимиз. Бунинг сабаби эса эртага бирга ўлишимиз. Том менинг кўлиmdан ушлаб, кўзлари қайларгадир бошқа ёқларга қараганча, деди:

— Мен ўзимдан ўзим сўрайман, Пабло... мен ўз-ўзимдан дам сайин сўрайман: наҳотки биз изсиз йўқолиб кетсан?

Кўлиmn бўшатдим-да, аччиқ билан дедим:

— Оёғинг тагига бир қара, чўчқа.

Унинг оёғи тагида кўлмак ҳосил бўлган, иштонидан томчилар ширилларди.

— Нима бу? — гўлдиради у ўзини йўқотиб.

— Иштонингта бажариб кўйибсан, — дедим мен.

— Ёлғон! — дея қичқирди у қутуриб. — Ёлғон! Мен сезаётганим йўқ!

Бельгиялик мунофиқларга ачингандек бўлиб, ёнимизга келди.

— Мазангиз қочяптими?

Том жавоб бермади. Бельгиялик индамай кўлмакка қараб турарди.

— Билмайман, нега бундай бўлди... — Томнинг овози қаҳрли янгради. — Лекин мен кўрқмайман. Қасам ичаманки, кўрқмайман!

Бельгиялик миқ этмасди. Том ўрнидан туриб бўшангани бурчак томонга кетди. Кейин иштонини тўғрилаганча қайтиб келди, ўриндиқ ўтириди-да, бошқа лом-мим деб оғиз очмади. Бельгиялик ёзув-чизуви билан машгул бўлди.

Биз унга қараб ўтирадик. Учовимиз. Ахир, у тирик эди-да!

Унинг ҳаракатлари тирик одамнинг ҳаракатлари, тирик одамнинг ташвишлари эди: бу ертўлада у худди тирикларга ўхшаб, совуқдан қалт-қалт титрар, соғлом диркиллаб турган жисми тириклиги боис унга сўzsиз бўйсунарди. Биз эса ўз жисмимизни у қадар хис қилмай кўйтгандик, хис қилганда ҳам, у каби эмасдик. Мен иштонимнинг паст қисмини пайпаслаб кўришни истардим, лекин бунга журъат этолмасдим. Мен бельгияликка тикилиб қарайман: у ўз мушакларининг эгаси, кучли оёқлари ерда уни маҳкам тутиб турари, унга эртанги кун ҳақида ўйлашига ҳеч нарса ҳалақит бермайди. Биз уч қони сўриб олинган шарпа — бутунлай бошқа бир томонда жойлашганмиз, биз унга қаттиқ термулиб ўтириб, бамисоли унинг қонини ичамиз — қонхўрлар каби. Ана у болапақир Хуаннинг олдига борди. Болакайнинг бошини нега силамоқчи бўлди — айтиш қийин; балки буни қасб-кори талабига кўра қилгандир, балки кўнглида раҳмшафқат уйғонгандир. Агар шундай бўлса, бу тун бўйи фақат бир мартағина рўй берди, холос. У Хуаннинг бошини силаб, елкасига қоқиб кўйди, болакай ундан кўзини узмас ва бунга қаршилик кўрсатмасди, аммо у кутилмаганда бельгияликнинг кўлидан маҳкам тутиб, ваҳшиёна алфозда тикилиб қолди. Болакай унинг кўлини ўз кафтлари орасига олиб сиқди, бунинг ажабланарли жойи йўқ эди: туссиз оташкурак орасидаги оппоқ, юмшоқ қўл. Мен нима рўй беришини

дарров тушундим. Чамаси, Том ҳам фаҳмлади, аммо бельгиялик буни миннатдорлик изҳоригина деб англаб, ҳамон оталарча табассум қилиб турарди. Кутимаганда болакай бу юмшоқ дўмбоққина қўлни оғзига олиб борди-да, уни тишламоқчи бўлди. Бельгиялик қўлини кескин тортиб олди ва қоқиниб кетиб, деворга урилди. Бир зум у бизга даҳшат тўла кўзлари билан боқиб турди: мана, ниҳоят у биз ўзига ўхшамаган, тамомила бошқача одамлар эканимизни англади. Мен хахолаб кулиб юбордим, соқчилардан бири даҳватан сакраб ўрнидан туриб кетди. Иккинчи сокчи эса ҳамон ухлаб ётар, ярим юмуқ қовоқлари орасидан кўзининг оқи кўзга чалинарди. Мен ўзимни ҳорғин ва ўта оғир ҳаяжонга ботган ҳолда сезардим. Ҳали тонг қоронғисида нима рўй беришини, ўлимни ўйлагим келмасди. Барибир ўлимни ҳеч нарса билан киёслаб бўлмайди, сўзлар қуруқ ва ҳеч нарсани англатмасди. Лекин бутунлай бошқа бир нарса ҳақида ўйлайман деганимда, шу заҳоти менга қараб ўқталган милтиқларнинг оғзини кўрдим. Йигирма мартача ўзимнинг отилаётганимни тасаввур қилдим, бир гал ҳатто бу ростдан ҳам рўй берадигандай туюлди: афтидан, кўзим илиниб қолган бўлса керак. Девор томонга судрашар, мен эса қаршилик кўрсатар ва раҳм қилинглар, деб бақирадим. Шунда шошиб кўзимни очдим ва бельгияликка қарадим: тагин уйқимда бақириб юборган бўлсам-а, деб кўрқардим. Аммо бельгиялик мўйловчаларини хотиржам силар, ҳеч нарсани сезмаганга ўхшарди. Агар истасам, андак мизгиб олишим мумкин эди: икки кундан бўён кўз юммаганман, асабларим таранг тортилган эди. Аммо қолган икки соат умримни зое кетказгим келмасди: улар мени тонг сахарда тутиб-суртиб уйготишади, уйкуси чала караҳт одамни ташқарига олиб чиқишади, кўз очиб юмгунча асфаласофилинга жўнатишади, мен эса ҳатто оғзимни очишга ҳам ултуролмайман. Буни хоҳламасдим, худди ҳайвондай жонимни олишларини истамасдим — мен аввал гап нимадалигини билишим керак. Ундан ташқари, мен босинқирашни ёмон кўрардим. Ўрнимдан турдим, орқа-олдимга юрдим, фикрларимни чалғитишга уриндим, ўтган воқеаларни хотирлашга уриндим. Шунда миямда паришон хотиралар ғувиллаб айланди. Уларнинг яхшилари ҳам, ёмонлари ҳам бор эди. Ҳарқалай ҳозирги ахволимга довур менга шундоқ туюларди. Ҳар турли ҳодисалар ёдимга тушди, таниш башаралар кўз ўнгимдан лишиллаб ўтди. Валенсиядаги якшанба бозорида буқа шохига илиб итқитиб юборган ёшгина новилеронинг чехраси кўз ўнгимда гавдаланди, амакиларимдан бирининг юзини кўрдим, Рамон Гриснинг қиёфаси нигоҳимдан ўтди. Йигирма олтинчи йилда уч ой иш тополмай сарсон юрганимни, очлиқдан ўлар ҳолга келганимни эсладим.

Бир кечада Гранададаги кўча ўриндиғида ётиб ухлаганим ёдимга тушди: уч кундан бўён туз тотмаган эдим, алам ичида ўртанар, сира ўлгим келмасди. Шуларни эслаб, жилмайиб қўйдим. Мен юҳо суллоҳ каби омад, хотинлар, эрк ортидан юргургандим қанчалар. Нима бўлди? Испаниянинг ҳалоскори бўлишни истардим, Пи-и-Маргал қошида сажда қиласдим, анархистларга бориб қўшилдим, одамлар орасида нутқлар айтдим; мен буларни худди ўлим йўқдай ўта жиддий адо этдим. Шу дақиқаларда эса бутун ҳаётим икки кафтимда яққол тургандай эди, шунда мен, “Булар ҳаммаси қанчалар разил ёлғон!” деб ўйладим. Менинг ҳаётим сариқ чақалик ҳам эмас экан, зеро, у олдиндан қурбонликка келтирилган эди. Ўзимдан тинмай сўраганим сўраган эди: мана шундай ўлиб кетишими билсайдим, кўчаларда дайдиб юрамишим, хотинлар орқасидан сангирмишим, ўйқ, унда мен ҳатто жимжилогимни ҳам қимирлатиб қўймасдим. Энди ҳаёт ту-

гади, қопдай оғзи боғланди, лекин ҳали ҳаммаси тутамаган, поёнига етиб ултумаганди. Баридир, бу ҳаёт асли гўзал, деб айтгим келарди. Лекин машқни, ишнинг қораламасини ҳали қандай баҳолаб бўлади, ахир, мен ҳеч нарсани тушунганим йўқ, ваҳоланки, келажагимга гаров бўлоладиган ишларни бажаряпман, деб хомхаёл қилибман. Жуда кўп нарсалар боис афсус, надомат, армон қилишм мумкин эди, мисол учун мансанильони айттай ёки Кадисдан унча узоқ бўлмаган кичкина кўрфазчадаги чўмилишларим қандай соз эди, лекин ўлим буларнинг мафтункорлигига барҳам берди, шунинг учун ҳеч нарсага афсус надомат қилмасдим.

Кутилмаганда бельгияликнинг калласига ўткир бир фикр келиб қолди.

— Биродарларим, — деди у, — мен ўзимга бир мажбурият олмоқчиман, рост, agar маъмурият қарши бўлмаса, — сизларнинг азиз кишинингизга айтадиган бирон гапингиз бўлса, уларга етказиб қўйишим мумкин...

Том тўнғиллади:

— Менинг ҳеч кимим йўқ.

Мен индамасдим. Том бир зум жим турди-да, сўнг қизиқсиниб сўради:

— Нима, сенинг Кончега айтадиган гапинг йўқми?

— Йўқ.

Бундай гап-сўзларга сира тоқатим йўқ эди. Бироқ айб ўзимда: яқинда унга Конче ҳақида гапириб бергандим, афсус, тилимни тийсам бўларкан. Мен бир йилни Конче билан бирга ўтказдим. Ҳали қуни кеча у билан беш дақиқа кўришиш учун кўлларимни болта тагига қўйишга ҳам тайёр эдим. Шунинг учун ҳам уни Томга гапириб бергандим, ҳеч юрагимга сифдиrolмагандим. Лекин энди уни кўришни истамасдим, унга нима ҳам дердим. Ҳатто уни қучоқлагим ҳам келмасди: ҳозир жисмимдан ўзим ижирғанардим, чунки у бўздай оқарган ва шилимшик эди, унинг баданидан ҳам ижирғанмасдим, деб ишонч-ла айттолмайман. Менинг ўлимимни эшитиб Конче кўзёши қиласди, бир неча ойлаб ҳаётдан озурда бўлиб юради. Лекин ҳар не демант, ўладиган одам — Мен. Унинг мулоийим бокадиган чиройли кўзларини эсладим: термилиб бокқанда худди нигоҳидан менга бир нарсалар сизиб ўтаётгандай бўларди. Лекин энди бари тугади: agar ҳозир мени кўргандами, унинг нигоҳи ўзида қолган, бу нигоҳ сира менга етиб келмаган бўларди. Мен ёлғиз эдим.

Том ҳам ёлғиз эди-ю, лекин унинг ёлғизлиги бошқачароқ эди. Том чўк тушиб ўтириди-да, ажабсинган илжайиш билан тикилиб, ўриндикини томоша қила бошлади. У худди бир нимани бузиб юборищдан кўрккандай қўлини оҳиста унга қўйди, кейин қўлинни тортиб олиб, қалтираб кетди. Томнинг ўрнида бўлганимда мен ўриндикини эрмак қилиб ўтирасдим, бунинг бари яна ўша ирландча комедиянинг нақ ўзи. Бироқ мен ҳам нарсалар аллақандай ғалати бўлиб кўринаётганига эътибор бердим: улар одатдагидан бошқача жимирилаб пирпираб кўринарди. Ўриндиқами, чироқками, кўмир уюмигами қараган заҳотим бир нарса аниқ туюларди: мен энди бу оламда бўлмайман. Рост, ўлимимни аниқ тасаввур қилолмасдим, лекин у ҳаммаёқда ва, айниқса, нарсаларда кўзимга ташланарди, нарсалар мендан узоқлашиб бораётгандай, мендан олисроқда туришни истагандай эди — лекин улар буни худди одамлар каби ўлим тўшагида ётган киши хузурида шивирлашиб сўйлагандай жимгина адо этар эди. Том ўриндиқ узра ҳозиргина ўз ўлимини сийпаб кўрганини мен тушунардим. Агар мана шу дақиқаларда менга, энди сени ўлдирмаймиз, бемалол хоҳлаган жоинингта кетавер, деб эълон қилганларида ҳам, бу мени ҳозирги лоқайдлигимдан

чиқаролмасди: сен мангуликка қолиш умидини йўқотдинг, бу ёғига бир неча йил кутасанми ё бир неча соатми — бунинг нима фарқи бор?! Энди ҳеч нарса эътиборимни тортмас, ҳеч нарса менинг хотиржамлигимга птур етказолмасди. Аммо бу жуда қалтис хотиржамлик эди, бунинг айбдори эса жисмим: кўзларим кўрар, қулоқларим эшитар, лекин бу мен эмасдим — жисмим бир зайдла қалтирас ва тер босарди, энди уни таний олмасдим. У энди менга эмас, кимгадир тегишили эди ва унинг нимага айланганини билиш учун дам сайин пайпаслардим. Ҳали ҳам вақти-вақти билан ҳар қалай уни ҳис этардим: мен қайгадир сирғаниб кетаётгандай, худди шўнгиган тайёра каби зувиллааб учайётган бўлардим, юрагим қинидан чиқиб кетгудай тасирлаб ураётганини сезиб қолардим. Бундан кўнглим жойига тушмасди: жисмим билан боғлиқ ҳамма нарса менга аллақандай ёпишқоқ, шилимшиқ, бетайин бўлиб туюларди. Аммо, умуман олганда, жисмим ўзини тек, осоишишта тутарди, фақат мени ғалати бир оғирлик босган эди, кўксимга ғалати бир илон ёмон чирмашиб олгандай, на заримда, бутун аъзойи баданимни улкан бир қурт ўраб олаётгандай эди. Мен иштонимни пайпаслаб кўриб, унинг ҳўллигини пайқадим, лекин бу терданми, пешобданми, билолмадим, ҳар эҳтимолга қарши, қўмир уюми устига бўшаниб олдим.

Бельгиялик чўнтагидан соатини чиқариб қаради ва “Уч яrim”, деди хотиржам овозда.

Аблаҳ! У атай шундай қилди! Том илкис сакраб турди — биз хаёллар билан ҷалғиб, вақт ўтаётганини унутибмиз, тун қалқиб турган қоронғилиги билан бизни чирмаб олган ва тун қачон бошланганини сира эслолмасдим.

Болапақир Хуан ҳиқиллай бошлади. У қўлларини қисирлатар ва қичқиравди:

— Улишни истамайман, ўлишни истамайман!

У қўлларини олдинга чўзганча ертўла ичини кесиб ўтди-да, бўйра устига қулади ва уввос солиб ийғлаб юборди. Том кўз олди хиралашган кўйи унга қаради: болакайни сира юпаттиси келмаётгани сезилиб турарди. Бунинг ҳожати ҳам йўқ, эди: болакай биздан қаттироқ шовқин-сурон кўтараётган бўлса-да, лекин унинг азоби енгилроқ эди. У оғир касалдан иситма тутиб қутулаётган беморга ўхшарди. Бизнинг аҳволимиз анча оғирроқ эди.

У ийғлар, ўзига ачиниб кетаётгани кўриниб турар, лекин ўлимнинг ўзи нималиги ҳақида ўйламасди. Бир сония ичи, бир оний сония ичи мен ҳам хозир ийғлаб юборадигандай, ўз-ўзимга жуда ачиниб кетгандай туюлдим. Лекин аксинча бўлди: болакайга қараб, унинг титраган ориқ елкаларини кўрдим-да, ўзимни шафқатсиз бўлиб кетгандай сездим — мен энди на ўзим ва на бошқага раҳм қилишга қодир эдим. Ўзимга ўзим “Сен тик туриб ўлишинг керак!” дедим.

Том ўрнидан туриб очиқ туйнук олдига борди-да, оқариб келаётган осмонга қарай бошлади. Мен эса ўзимга ўзим такрорладим: тик туриб ўлиш, тик туриб ўлиш — бошқа ҳеч нарса хаёлимга келмасди. Аммо бельгиялик бизга вақти эслатиб қўйгандан бери мен унинг оқиб ўтаётганини ҳис қилар, ҳақиқатан у томчи эди ва томчига айланиб оқиб бораради. Ҳали кун ёришмаган эди. Том сўз қотди:

— Эшитяпсанми?

— Ҳа.

Ташқаридан қадам товуши келарди.

— Тонг қоронғисида нима қилиб санғиб юришибди! Бизни, ахир, қоронғида олиб чиқиб отишмас.

Бир дамдан сўнг жимлик чўқди. Мен Томга шивирладим:

— Кун ёришяпти.

Педро оғзини катта очиб, ҳомуза тортганча ўрнидан турди, чироқни ўчириб шеригига ўгирилди:

— Итдай совқотдим.

Ертўлага нимматир ёруғлик тушди. Биз узоқда миљтиқ овозларини эшилдик.

— Бошланди, — дедим Томга. — Менимча, орқа томонда отишяпти.

Том бельгиялиқдан сигарет сўради. Менинг на ичким ва на чекким келарди.

Шу дамдан эътиборан улар бетўхтов отишга тушди.

— Тушундингми? — деди Том.

У яна нимадир демоқчи бўлди-ю, лекин жимиб қолди ва эшик томонга қаради. Эшик очилиб, тўртта аскар билан лейтенант кирди.

Том оғзидан сигаретини тушириб юборди.

— Стейнбок?

Том бесас қотиб турарди. Педро у томонга ишора қилди.

— Хуан Мирбал?

— Бўйрада ётган ўша.

— Тур ўрнингдан! — қичқирди лейтенант.

Хуан қимир этмади. Иккита аскар унинг қўлтиғидан тутиб оёққа қўйди. Аскарлар қўйиб юборган эди, Хуан яна йиқилди. Аскарлар талмовсираб туришарди.

— Бунақаси бўлиб туради, — деди лейтенант. — Кўтариб олиб боришга тўтри келади, майли, ҳаммаси жойида.

У Томга ўтирилиб қаради:

— Чиқ.

Том чиқди, икки аскар икки ёнига турди. Бошқа иккитаси Хуанини қўлтиқ ва билакларидан тутганча олиб чиқишиди. Хуанинг хуши ўзида эди, қўзлари катта-катта очилган, юзидан қўзёшлари оқиб тушарди. Мен ҳам эшик томон юрганимда лейтенант тўхтатди:

— Иббиета сизмисиз?

— Ҳа.

— Кутуб туринг. Сизга келишади.

У чиқиб кетди. Бельгиялик ва икки соқчи унга эргашди. Ёлғиз ўзим қолдим. Нима бўлаётгани менга қоронги эди, ўзимга қолса, барини бирваракай тутатиб қўя қолишини истардим. Ўқ овози аниқ эшитиларди, миљтиқлар маълум вақт оралаб отиларди. Ҳар сафар миљтиқ овозидан титраб кетардим. Увиллагим, соchlаримни юлгим келарди. Лекин тишлигаримни маҳкам босдим, қўлларимни чўнтагимга тиқдим: дадил бўлиш керак! Бир соатдан сўнг мени олиб кетишга келишибди ва биринчи қаватдаги кичкина хонага олиб киришибди, бу ер сигара тутунига тўлган, шундай дим эдики, бўтилиб нафасим тиқилди. Иккита зобит юмшоқ ўриндиқларга чўқиб, сигара бурқиситишар, тиззалири устида қоғозлар ёйилган эди.

— Исми шарифинг Иббиетами?

— Ҳа.

— Рамон Грис қаерга яширинган?

— Билмайман.

Мени сўроқ қилаётгани семиз пакана киши эди. Унинг қўзлари ойнак остидан менга ўқдай қадаларди.

— Яқинроқ кел, — деди у менга.

Яқин бордим. У ўрнидан туриб, худди жаҳаннамга қулатиб юборадигандай менга ўқрайиб қаради, қўлимни қайира бошлади. Мени қийнаш учунгина шундай қилимади, унга шунчаки эрмак керак эди: ўзининг хукмдорлигини кўрсатиб кўймоқчиди. У башарасини менга тақади, димогимга балчиқ хиди урилди. Бу бир дақиқача давом этди, мен қулгидан ўзимни базур тиярдим. Ҳализамон ўладиган одамни кўркитиш учун бошқа кучлироқ бир нарса керак, шунинг учун унинг дўқ-пўписаси зое кетди. Кейин у мени қаттиқ итариб юборди-да, яна жойига ўтирди.

— Ё сен, ё у, — деди у. — Агар унинг қаердалигини айтсанг, ҳаётингни сақлаб қоламиз.

Баланд қўнжли этик кийган ва бўйинбог таққан манави нусхалар ҳам эртадир, кечdir, барибир ўлади. Рост, балки мендан пича кейинроқдир, лекин унча кўп эмас. Улар олдидағи қоғозлардан қандайдир исмларни тортиб чиқаришар, қамоқقا тиқиши ёки отиб ташлаш учун одамларни кув-кувга оларди, Испаниянинг келажаги ва бошқа кўп нарсалар хусусида уларнинг ўз қарашлари бор эди. Уларнинг гайрати жигимга тегар, кулгили кўринарди, улар восвос бўлиб қолганга ўхшар, мен уларнинг ўрнида бўлишни сира истамасдим.

Одамнинг кулгисини қистатадиган семиз пакана нусха таёқчаси билан қўнжига ура-ура қўзини мендан узмай қарапарди. Унинг барча хатти-ҳаракатлари аниқ ҳисобга олинган, ўзини жуда қаҳрли маҳлуқ қилиб кўрсатмоқчи бўларди.

— Хўп, нима, тушундингми?

— Грис хозир қаердалигини билмайман, — дея жавоб бердим мен. — Эҳтимол Мадриддадир.

Иккинчи зобит эринибгина қўлини кўтарди. Бу эринчоқлик ҳам аввалдан ҳисобга олинган эди. Мен уларнинг олдиндан пишишиб қўйилган барча усулларини аниқ кўриб тураг ва шундай аҳмоқона нарсалардан ҳам роҳат қиладиган одамлар борлигидан ажабланардим.

— Биз сизга ўйлаб кўриш учун чорак соат вақт берамиз, — деди у. — Буни кирхонага олиб боринглар, чорак соатдан сўнг олиб келинглар. Агар бош тортса, дарҳол отиб ташланглар.

Аблаҳлар, нима қилишни билишади: мен бир кеча кутдим, кейин ертўлада яна бир соат ўтирдим, Хуан билан Томни бу пайт ичида отишди, энди эса мени кирхонага қамаб қўйишмоқчи — шак-шубҳа йўқки, буни улар кеча маслаҳатлашиб қўйишган. Бунинг асаблари бу қисти-бастиларга дош бермайди, таслим бўлади, деб ўйлашган. Лекин чакки ўйлашибди. Мен, албатта, Грис қаерга яширганини билардим. У шаҳардан тўрт чақирим наридаги амакилариницида беркинган эди. Агар мени қийноққа солишимаса (афтидан, улар бундай қилишмоқчи эмасди), хеч қачон унинг қаерга яширганини айтмайман, буни жуда яхши билардим. Буларнинг бари менга кундай равshan эди, бунга хеч қандай шубҳа бўлиши мумкин эмас, умуман, бу мени заррача ҳам қизиқтирамасди. Шундай бўлса ҳам, барибир нега ўзимни бундай тутяпман, нега бошқача эмас, деб тушуниб олишини хоҳлардим. Нега мен Рамон Грисни чақиб бериш ўрнига ўлиб кетишни афзал биляпман? Нега? Ахир, энди Рамонни яхши кўрмасдим. Унга бўлган дўстлигим кеча тонг қоронфисида тутади, Кончега муҳаббатим ҳам, яшаш истагим ҳам таомом бўлди. Рост, мен уни доим ҳурмат қилиб келганман. У мард, матонатли одам. Лекин фақат шунинг ўзи деб унинг ўрнига ўлишга рози бўлганим ийӯ; мен учун ҳаёти ўз ҳаётимдан қимматлироқ эди — ҳар қандай ҳаёт сариқ

чақага арзимайди. Одамни деворга тақаб қўйишиб, то жони чиққунча тариллашиб отишса: бу ким бўлмасин, менми, Рамонми, ёки бошқа бир кишиими — бир қараашда ҳаммаси баробар. Мен яхши билардим: у Испанияга қўпроқ керак эди, лекин энди мен Испанияга ҳам, анархизмга ҳам тупурардим: энди хеч нарсанинг маъноси қолмаган эди. Бироқ шу ерда эканман, Рамон Грисни ушлаб бериб, ўз жонимни қутқаришим мумкин, аммо мен бундай қилмайман. Эшакдай қайсарлигим ўзимга ғалати бўлиб кўринарди. “Э, одам деган шунчалик аҳмоқ бўладими!” — дердим ўзимга ўзим. Ҳатто кўнглим озгина ёришгандай бўлди. Яна келишиб мени ўша хонага олиб кетишиди. Оёғим остидан каламуш лишилаб ўтди. Бундан ажабландим. Мен фаланга аскарларидан бирига шипшидим:

— Қара, каламуш.

Соқчи индамади. Унинг қовоги солинган, ҳамма нарсани жиҳдий қабул қиласарди. Менинг ҳаҳолаб кулгим қистади, аммо ўзимни тутдим, агар бир кулишни бошлиласам, кейин ўзимни тўхтатолмайман, деб чўчишим. Фаланга аскари мўйлов қўйган эди.

— Мўйловингни қириб ташла, бетамиз, — дедим унга.

Одам ҳали ҳаётлиги чоғида башарасининг жун босишига йўл қўйиши жуда кулагили туюларди. У беозоргина қилиб орқамга тепди, мен жим бўлдим.

— Хўш, — деди семиз пакана, — ўйлаб кўрдингми?

Мен худди ноёб ҳашаротга қарагандай унга қизиқсиниб қўз солдим-да, жавоб бердим:

— Ҳа, биламан унинг қаердалигини. У қабристонга яширинган, мақбара ёки қоровулхонада бўлиши керак.

Мен уларни бир болагим келди. Сакраб туриб, апил-тапил қурол-яроғларини олиши, чаққон-чаққон буйруқлар беришини бир томоша қиласай дедим. Улар ҳақиқатан ҳам жойларидан сакраб туриб кетишиди.

— Кетдик. Молес, лейтенант Лопесдан ўн бешта одам олинг.

— Агар тўғри айтган бўлсанг, — деди пакана, — сўзимнинг устидан чиқаман. Агар бизни лақиллатаётган бўлсанг, жонингдан умидингни узавер.

Улар тасир-тусир қилиб хонадан чиқиб кетишиди, мен эса соқчилар назоратида хотиржамгина ўтирадим. Вақт-бевақт иршайиб қўярдим: уларнинг қабристон томонга лўқиллаб бораётганини қўз ўнгимга келтирас ва бундан кулгим қистарди. Бу ишни жуда қойил қилгандай эдим. Уларнинг мақбаралар эшигини очаёттани, мозор тошларини кўтараётгани шундокқина қўз ўнгимда жонланарди. Буларнинг барини бегона қўз билан кўраётгандай эдим: қайсар маҳбус, ўзини қаҳрамон қилиб кўрсатмоқчи бўлган қайсар маҳбус, басавлат мўйловдор фаланга ҳарбийлари, гўристонда қабрлар оралаб изгиб юрган аскар кийимидағи кишилар, — ҳақиқатан ҳам, бундан қизиқроқ манзарани ўйлаб тошиш мумкинми?! Ярим соатдан сўнг семиз зобит қайтиб келди. Ҳозир мени отиб ташлашга буюради, деб ўйладим. Бошқалари, чамаси, гўристонда қолишган, шекиlli. Аммо зобит менга дикқат билан разм солди. У сира лақиллатилган зотта ўхшамасди.

— Уни катта ҳовлига, бошқаларнинг олдига олиб боринглар, — деди у. — Ишини жанг тугагандан сўнг трибунал ҳал қиласади.

Уни яхши тушунмадимми, деган хаёлда сўрадим:

— Нима, ахир мени отишмайдими?

— Ҳар ҳолда ҳозир эмас. Ундан кейин бунинг менга алоқаси йўқ.

Мен ҳамон ҳеч нарсани тушунмасдим.

— Лекин нимага?

У индамай елкасини қисди, аскарлар мени олиб кетишиди. Катта ҳовлида юзларча қамоққа олингандар, чоллар, болалар тўдалашиб турарди. Ҳеч нарсага ақлим етмай ўртадаги кўқатзор атрофида кезиниб юрдим. Тушда бизни ошхонага олиб боришиди. Икки-уч одам мен билан тиллашишга уринди. Афтидан, таниш-билишлар бўлса керак, лекин уларга жавоб бермадим: мен энди қаердалигимиз, ўзим кимлигимни англамасдим. Кечга яқин ҳовлига ўндан ортиқ янги қамоққа олингандарни киритишиди. Улар орасида нонвой Гарсияни танидим. У менга қараб қичқириди:

— Омадинг бор экан! Сени тирик кўраман деб ўйламовдим.

— Улар мени отишга ҳукм қилишиди, — деб жавоб бердим унга, — кейин қайтаришиди. Негалигини тушунмайман.

— Мени соат иккида қўлга олишиди, — деди Гарсия.

— Нимага?

Гарсия сиёсат билан шуғулланмасди.

— Ҳеч ақлим етмайди, — жавоб берди Гарсия, — уларга ўхшаб ўйламайдиганларнинг ҳаммасини тутишяпти.

У овозини пасайтириди:

— Грис қўлга тушди.

Мен сесканиб кетдим:

— Қачон?

— Бугун эрталаб. Тентаклик қилиб қўйди. Чоршанба куни укаси билан уришиб, униқидан кетиб қолди. Уни яшираман деганилар кўпчилик эди, бироқ у ҳеч кимни зарба остига қўйгиси келмади. У менга "Иббитетаникида беркинсан бўларди, лекин уни қамашган бўлишса, унда қабристонда яширина қоламан", деди.

— Қабристонда дейсанми?

— Ҳа. Бемаъни бир иш. Бугун эрталаб анавилар қабристонга бостириб боришиди. Уни коровулнинг кулбасида босишиди. Грис ўқ отиб қаршилик кўрсатди, уни отиб ташлашиди.

— Қабристонда-я!

Кўз ўнгим хиралашиб бошим чайқалиб кетди, ерга қуладим. Мен ўзимни тўхтатолмай хаҳолаб кулар, кўзларимдан ёш дарё бўлиб оқарди.

1939 йил

**Русчадан Иброҳим ҒАФУРОВ
таржимаси**

Элдор УСМОНОВ



QO'LYOZMA MANBALAR VA EKOLOGIK TARBIYA

Тараққиёт илдамлаб борган сари “экология” (унинг “биоэкология”, “биономика”, “атроф мұхит биологиясы” сингари номлари ҳам мавжуд) атамасининг маъноси ҳам кенгая бормоқда.

Жамият билан табиат ўртасидаги ўзаро таъсирларни, ижтимоий гурухларнинг мавжуд табиий ресурсларга мослашиши ва бошқа ижтимоий гурухлар билан муносабаттағи киришишини ўрганадиган ижтимоий экология фани, шунингдек, экомаданий қадриятлар ривожланиши ва хилма-хиллигини ўрганадиган маданий экология фани ҳам пайдо бўлди. Боз устига, экологиянинг популация экологияси, жамоа экологияси, набутот экологияси, ҳайвонот экологияси сингари йўналишлари вужудга келди.

Бугун глобал аҳамият касб этаётган экологик муаммолар бир кунда пайдо бўлиб қолган эмас ва уларни бир-икки йилда бартараф қилиш ҳам мушкул. Уларнинг ечими сабот ва чидам билан аниқ мақсад йўлида қилинадиган узоқ муддатли саъй-ҳаракатлардан иборат комплекс ёндашувни тақозо этади. Бундай ёндашувлар сирасига экологик тарбия ҳам киради.

Ўсиб келаётган ёш авлод онгига атроф мұхит ва унинг муҳофазасига оид ҳар бир одам билиши ва адо этиши лозим бўлган оддий қоидаларни сингдирмай, уларда табиатга меҳр-муҳабbat ҳиссини уйғотмай туриб, уни асрраб-авайлашни талаб этиш ва бу борада бирор натижага эришиш қийин. Бола мактабда табиатшунослик, зоология, биология фанларидан оладиган билимнинг ўзи етарли эмас, унда табиий оламни асраш масъулиятини шакллантириш ниҳоятда мухимдир.

Экологик онг ҳаётнинг илм-фан, техника, ишлаб чиқарыш, таълим сингари барча соҳаларига кириб бориши ва бунда асосий эътибор инсониятнинг омон қолишига қаратилмоғи керак. Ҳар бир жамиятда экология меъёллари, ахлоқ қоидалари ва шуларга асосланган экологик маданият шаклланиши лозим. У келгусида нафақат мавжуд муаммоларни ҳал этишга, қолаверса, инсон ва табиат ўртасидаги муносабатлар уйғунлигини қарор топтиришга ҳам хизмат қилиши шубҳасиз.

Экологик маданиятни шакллантириш уч қисмдан иборат муаммони ҳал этиш билан боғлиқ: 1) ёшларга атроф мұхитни

булғаш ҳалокатли оқибатларга олиб келишини тушунтириш; 2) иқтисодий фаолиятни, ҳаётнинг бошқа соҳалари ва жамият фаолиятини ташкил этишда экологик жиҳатдан мақсаддага мувофиқ иш юритиш; 3) экологик онгни шакллантириш.

Экологик онгни шакллантиришда экологик тарбия мухим роль ўйнайди. Экологик тарбияда дунё мутафаккирларининг фикр ва қарашларидан фойдаланиш самарали бўлади, албатта, бироқ ўз заминимизда ҳам шундай мутафаккир ажоддларимиз яшаб ўтганки, уларнинг асарларисиз бугунги қарашларимиз ҳам, тарбиявий амалларимиз ҳам кемтик бўлиб қолади.

Экология универсал тушунча бўлгани билан ҳар бир мамлакатнинг жуғрофий жойлашуви ва иқлим шароитига қараб мутлақо ўзига хосдир. Шундай экан, бошқа бир мамлакат аҳолиси учун ишлаб чиқилган ахлоқий меъёрлар бизнинг шароитга тўғри келмаслиги ва биз учун долзарб бўлмаслиги мумкин.

“Экология” атамаси гарчи бир ярим асрнинг нари-берисида муюмалага киритилган бўлса-да, моҳиятан инсоният аклини танигандан бўён мавжуд ва ахлоқ меъёрларининг муайян қисмини ташкил қилиб қелади.

Дейлик, испом оламида саломатлик, поклик, инсоннинг табиатга муносабати, уни асраб-авайлашга оид қарашлар, ҳалқ мақоллари, бадиий асарлар, олим ва табиблар рисолаларида ҳам акс этган.

Куръони каримда Ер бандаларга омонат қилиб берилгани таъкидланади. Бинобарин, омонатга хиёнат — кечирилмас гуноҳ. Шунингдек, “Бақара” сурасининг 222-оятида, “Оллоҳ... чин тавба қилувчиларни ва обдон покланиб юрувчиларни севади”, “Анфол” сурасининг 11-оятида эса “Унинг тарафидан хотиржамлик учун сизларни мурдроқ бостиргани, устингизга осмондан сув (ёмғир) тушириб, у билан сизларни поклаш, шайтоннинг васвасасини сизлардан даф этиш, дилларингизга (ўзаро) алоқа пайдо қилиш ва у билан қадамларингизни сабит (мустаҳкам) қилишини ирода этганини эслангиз!” дейилади. Бандани покликка ундовчи бу каби оятларни яна ва яна мисол келтириш мумкин.

Поклик талаби ҳадисларда ҳам бот-бот такрорланади. “Поклик ярим иймондир”; “Ислом дини покизадир, шунинг учун по-

киза бўлинглар, зеро, жаннатта покиза бўлмаганлар кирмайди”; “Албатта, Оллоҳ таоло тозадир ва тозаларни яхши кўради, Оллоҳ таоло покдир ва покларни яхши кўради, бас эшик опдиларингизни тоза қилиб ўтиринглар”.

Сув ва уни булғатмаслик ҳақида 400 дан зиёд ўзбек ҳалқ мақоли мавжудлиги ҳам ҳалқимиз азал-азалдан бу масалага ғоят эътиборли бўлганини тасдиқлайди. Албатта, мақолларда экология ва гигиенага оид масалалар кўпинча бир-бирига қоришик ҳолда келади. Лекин ҳалқ даҳосининг “Сувни ич, чашмани булғатма”, “Сув ичадиган кудуфингга тупурма”, Сувга тупурган – қосқи (бузгучи, ярамас), кудуқга тупурган коғир”, “Сердараҳт қишлоқни сел олмас” сингари мақоллари айнан бугун тўқилгану сизу биз яшаб турган танг вазиятни акс эттираётгандек.

Миллий экологик тафаккурдаги яна бир эътиборга молик йўналиш кўлёзма манбалардир. Уларда касалликларнинг олдини олишда гигиена қоидаларига амал қилиш баробарида атроф мухитни ифлослантирумаслик, бунинг ўрнига ободончилик ишлари, хусусан, ариқ ва анҳорлар қазиш, боф-роғлар барпо этиш, соғлиқни сақлашда сув ва ҳаво тозалигига эътибор бериш зарурати қаламга олинган.

Бундай манбалар сирасига Ибн Синонинг “Тиб қонунлари”, Бадриддин Кашмирийнинг “Равзат ур-ризвон ва ҳадиқат ул-ғилмон” (“Жаннат боғлари ва ғилмонлар бўстони”), Мир Муҳаммад Ҳусайн ал-Оқилийнинг “Махзан ал-адвийя” (“Даволар ҳазинаси”), Абдураззоқ Самарқандийнинг “Матлаи саъдайн ва мажмаи баҳрайн” (“Икки саодатли ўлдузнинг чиқиши ва икки денгиз кўшилиш жойи”), Бадриддин Кашмирийнинг “Равзат ур-ризвон ва ҳадиқат ул-ғилмон” (“Жаннат боғлари ва ғилмонлар бўстони”), Боситхон ибн Зоҳидхон Шошийнинг (1877-1959) икки қисмдан иборат “Қонуни Боситий” каби асарларини киритиш мумкин. Уларда инсон саломатлигини сақлашда сув ва ҳаво тозалигининг аҳамияти бекиёслиги бот-бот такрорланади. Бу бежиз эмас, чунки Жаҳон соғлиқни сақлаш ташкилоти маълумотларига қараганда, жамики касалликларнинг 85 фоизи сув билан боғлик. Ҳар иили 25 миллион киши ана шу хасталиклар оқибатида дунёдан кўз юммоқда.

Сув табиатда энг кўп тарқалган неъмат бўлиб, Ер юзининг 71 фоизини эгаллаган. Тирик организм танасининг 65-70 фоизи сувдан иборат.

Бугунги кунда технологик жараёнларни ҳам, саноат ишлаб чиқаришини ҳам, қишлоқ хўжалигини ҳам сувсиз тасаввур этиб бўлмайди. Сувга бўлган эҳтиёжнинг ортиб бориши эса унинг булғаниши билан боғлиқ экологик муаммоларни кескинлаштироқда.

Буюк ҳаким Абу Али ибн Сино (980-1037) “Тиб қонунлари” китобида сув ҳақида фикр юритар экан, унга тибий нуқтаи назардан ёндашиб, тўрт унсурнинг бири дея таърифлайди ва уни ўзига хос тарзда таснифлайди. Энг тоза сув “ери тоза ва тупроғида биронта чет хусусият ва кайфият бўлмаган” булоқ сувидир, деб ёзади у. Шунингдек, булоқ суви, аввало, оқадиган бўлиши, қўёш нури тушадиган, шамол тегадиган очиқ ерда оқиши ва ўзани лойлик бўлиши, лекин лой тоза бўлиб, унга шўрхок ва бошқа нарсалар аралашмаслиги керак. Бундай зилол сувнинг акси кўлмак сувидир, очиқ турган кўлмак суви ёмон сифатларни ўзига олади, яъни айнийди.

Ибн Сино булоқ ва кўлмак сувидан ташқари, ёмғир, кудук ва ер ости, муз ва қор, лойқа, шўр, қайнатилган сув сингари турларини санаб ўтади ва уларнинг ҳар бирига таъриф бериб, фойдаю зарари ҳақида маълумот беради. У “Тадбирда йўл қўйилган ҳар хил хатоларга қарши чора кўриш” рисоласида эса аччиқтошли, нефт ва олтингурутли, темирли сув ҳақида сўз юритиб, ҳар бирининг нимага даъво экани хусусида фикрларини баён қиласди.

Боситхон ибн Зоҳидхоннинг “Қонуни Боситий” ёки Мир Муҳаммад Ҳусайн ал-Оқилийнинг “Махзан ал-адвайя” китобида ҳам сувнинг булоқ суви, ёмғир суви, анҳор суви, чуқур суви, кудук суви, зах ва сизот сув, кўл суви, қор ва муз сувлари каби турлари таснифланган.

Шу ўринда “Тиб қонунлари”да бизнинг тушунчамиздаги экологияга тааллуқли ёмғир суви ҳақида бир далил келтирилганини эслатиб ўтиш жоиз. Ибн Сино кучли шамол ҳайдаб келган булатдан ёққан ёмғир суви тоза бўлмаслигини қайд этган: “Ёмғир суви ҳам яхши сувлар жумласига киради, хусусан, ёзда момакалдироқли булатлардан ёқкан бўлса.

Кучли шамол билан келувчи булатлар уларни пайдо қилувчи буғ туфайли лойқалашган бўлади ва улардан томган томчилар ҳам лойқа бўлади. Шунинг учун (бундай сувнинг) моддаси бир жинсли ва тоза бўлмайди. Ёмғир суви энг яхши сув ҳисоблансанса ҳам, у тез сасииди, чунки жуда суюқ бўлиб ер ва ҳавонинг бузилиши тез таъсир қиласди” (Ибн Сино. Тиб қонунлари. 1-жилд, 1921-бет).

Аспини олганда, ҳозиргидек ишқорли ёмғирлар ёғмаган замонларда ҳам чангтўзон аралаш ёқкан ёмғир суви кўп ҳолларда тоза бўлмаган. Бу қайсиидир маънода табиатда инсон аралашувисиз экологик меъёрларнинг бузилиши билан боғлиқ эди.

Табиблар сув тоза — латиф бўлишида унинг бир томондан бошқа томонга қараб оқишини ҳам муҳим деб билади. “Махзан ал-адвайя”да латифлиқда ёмғир ва булоқ сувларидан кейинги ўринда турган дарё ва анҳор сувларига берилган таърифда сувнинг “ғарб ёки жанубдан шарқ ва шимол томонга” оқиб туриши шарт қилиб қўйилган ва бу сирага Нил, Амударё, Сирдарё, Дажла ва Фрот дарёлари киритилган. Мир Муҳаммад Ҳусайн ал-Оқилийнинг фикрича, ушбу талабларга жавоб бермайдиган дарёлар суви тоза ҳисобланмайди.

Шуни алоҳида қайд этиш лозимки, Боситхон табиб XIX асрнинг охири — XX асрнинг биринчи ярмида яшаб ўтгани учун унинг сув тозалигига қўйган талаблари кўп жихатдан бугунги кун талабларига эшdir. Унингча ҳам энг латиф сув булоқ сувидир, у покиза бўлмоғининг эса 14 та зарур шарти бор. Сувнинг турли маъданлардан холи бўлиши, тош ёки тоза тупроқ устидан оқиши ҳам ана шу шартлар сирасидандир.

Табибининг зикр этилган китобида “Тоза сувларни тарбиялаш, ёмон сувларни ислоҳ қилиш, лойқа сувларни тозалаш баёнида” деб номланган маҳсус боб ҳам мавжуд. Сувни тозалаш, яъни “яроқсиз сувни латиф қилишда” “арак”, бугунги истилоҳ билан айтганда, дистиллаш усулини қўллаш лозим. Бундан ташқари, сувни табиий йўл билан фильтрлаш йўллари ҳам санаб ўтилган.

Табиблар инсон саломатлигини асрashда очиқ ҳавонинг аҳамиятини ҳам алоҳида эътироф этади. Ибн Сино “Тиб қонунлари” китобида очиқ ҳавонинг мақбуллигини, ёз ва

куз ойларида ҳаво айнишидан вабо пайдо бўлишини қайд этади.

Боситхон табиб тоза ҳавонинг “саломатлик келтирувчи ва сиххатни муҳофаза қилиувчи” эканини таъкидлайди. Аксар ҳолларда очик ҳаводан афзали йўқ, аммо вабо тарқалган пайтда “қамалган ҳаво” яхшироқ дейди у. “Инсон доим ҳаводан нафас олишга муҳтоҷлигидан агар мазкур бузилган ҳавонинг тўлқинига дуч келиб, ундан нафас олса, бу ҳидланган ҳаво хилтларни ва руҳларни тезда чиритади ва фасод қиласди... Ваболи ҳавони бузилиши ва фасоди хоҳ осмоний бўлсин, хоҳ ер сабаб бўлсин, баробар бўлиб, ҳар иккиси ҳам вабо ҳисобланади” (*Боситхон ибн Зоҳидхон Шоший. Қонуни Боситий. Қўллёзма, 435-436-бет*). Бугунги кунда ҳам касалликлар кўпайишига ҳавонинг ифлосланиши сабаб бўлаётганини эътиборга олсақ, табибининг муроҳазалари шу чоққача долзарблигини йўқотмаганини кўрамиз.

Бундан ташқари, Абдураззоқ Самарқандийнинг “Матлаъ ус-саъдайн” ва Бадриддин

Кашмирийнинг “Равзат ур-ризвон” асарларида темурийлар, шайбонийлар, аштархонийларнинг канал қазиб, қақроқ ерларга сув чиқаргани, ободончилик билан шуғуллангани қаламга олинган.

Абдураззоқ Самарқандий Шоҳруҳ Мирзо ўғли Муҳаммад Тарагайни Мовароуннаҳра ҳоким этиб тайинлаётганда, “Оlam ободонлигининг сабаби ва одамзот ризқининг воситаси бўлмиш дехқонларни зулму адолатсизликдан ҳимоя қилиб, адлу инсоф билан ўзингга яқин қилгин” деб насиҳат этади. Муаллиф темурий ҳукмдорлар ва маликаларнинг бунёдкорлик фаолиятини тасвирлашга алоҳида аҳамият берган.

Хуласа қилиб айтганда, экологик маданиятни шакллантиришда қўллёзма манбалардан фойдаланиш, биринчидан, ёшларнинг тарихга, ўша манбаларга қизиқишини ошириб, уларни оммалаштиришга, иккинчидан, умумий тарбиянинг бир қисми бўлган экологик тарбияда ҳам анъана ва қадриятлар изчиллигини таъминлашга ёрдам беради.




Дилфуза ЖУМАНИЁЗОВА

INSONIYLIK VA ILOHIYLIK

Илк одамлар табиатда рўй бераётган воқеаларни идрок этишда, бир томондан, ҳаётий тажриба (эмпиризм) ва ақлу идрокка (рационализм), бошқа томондан эса, ҳиссий англаш (интуитивизм) ва хаёлотга (иррационализм) таянган. Инглиз этнографи Э.Тайлор мифни ибтидоий одамларнинг кундалик кузатишлари ва худолар ҳақидаги тасаввурларидан иборат ҳаёт фалсафаси деб таърифлаганида ҳақ эди. Рус файласуфи А.Лосев эса мифларда нафақат ғоя ва тасаввурлар, балки ибтидоий кишиларнинг бутун олами ҳам мавжуд, деган фикрни илгари сурди. Хуллас, мифлар илк одамлар қалбию ақлидаги рационаллик ва иррационаллик, инсонийлик ва илоҳийликнинг, улар ҳаёт фалсафаси ва бутун тасаввурларнинг яхлит ифодаси сифатида намоён бўлади. Бироқ мифик тафаккур ўрнини мантикий тафаккур олиши ва рационалликнинг кенг ёилиши, ақлу идрокка бўлган ишончнинг ошиши билан уч йўналиш юзага келди.

Биринчи йўналиш иррационализмни улуғлаш, илоҳиётга сифиниш билан боғлиқ. Иррационализм илоҳийлик генезиси ва унинг эътиқодга айланиш сабабини ўз ботинидан қидиради. Шунинг учун илоҳиётшунослиқда (теология) худога эътиқод ва умуман, дин ўз табиатига кўра, инсон иши эмас,



балки илоҳий воқелик экани қайд этилади. Шу нуқтаи назардан инсоннинг ўзи ҳам худонинг ижодидир. Яралган Яратганинг сифатларини билолмайди, Унинг курдатини туйиб, яратганини англаб яшashi мумкин, холос. Газзолий бу ўринда қўйидаги ҳадисга мурожаат этади. Расууллоҳ алайҳиссалом “Оллоҳ яратган маҳлуқлар тӯғрисида тафаккур қилинглар, лекин Оллоҳ таолонинг зоти тӯғрисида тафаккур қимманглар”, деган (Абу Ҳомид Газзолий. Тафаккур китоби. Т., “Ислом университети”, 2007, 33-бет).

Бир сўз билан айтганда, иррационализм инсон худонинг зотини эмас, балки унинг курдатини, яратганини билиб, унинг мўъжизакорлигини туйиб яшashi кифоя, деб талқин қиласди.

Маълумки, инсон оламни ва ўзини англаш, билиш салоҳиятига эга. Худони, илоҳийликни билишга интилиши шундан. Бироқ “Оллоҳ таоло анбиёлардан бирига ваҳий юбориб марҳамат этиби: “Бандаларимга менинг сифатим хабарини берма. Чунки улар мени инкор этади. Аммо сен улар фаҳмлайдиган даражада хабар бер” (Ўша манба). Демак, инсоннинг билиш қобилияти чекланган, у ақл-идроқи, куч-кудрати номукаммал, ноқис эканини тан олиши зарур. Инсоннинг ақлу идрокини маҳсус тадқиқ этган ва бу борадаги изланишлари учун Нобель мукофотига сазовор бўлган инглиз олими Берtrand Рассел “Инсон билимларининг барчаси ишончсиз, ноаниқ ва чекланган” деб хулоса чиқаради (Б.Рассел. Человеческое познание. М., “Прогресс”, 1957, стр.540).

Иккинчи йўналиш фалсафий мушоҳада, оламни донишмандларча англаш юзага келиши билан боғлиқ. Ушбу нуқтаи назарга кўра, худо — илоҳийлик инсоннинг маънавий, руҳий-ахлоқий изланишлари маҳсупли. Агар илоҳиётшунос худонинг мавжудлиги сўзсиз ҳақиқат, деб қараса, файласуфдонишманд худога эътиқодни инсоннинг маънавий, руҳий-ахлоқий тажрибалари ҳосиласи, деб билади. Ушбу нуқтаи назар иррационалликни мутлақлаштиришга нисбатан танқидий ёндашувни келтириб чиқаради, худо борлигинитан олувчи қарашларга шубҳа уйғотади. Бироқ мазкур йўналиш диний таълимотлардаги хурфикрлиликни ва диний эътиқод аҳамиятини инкор қилмайди, факат

уларни инсоннинг маънавий, руҳий-ахлоқий изланишлари орқали асослашга интилади, холос. Мазкур ёндашув диний-фалсафий адабиётлардан кенг ўрин олган.

Учинчи йўналиш XIX асрдаги илмий изланишлар жараёнинда шаклланди. Атеизм ва диншунослик каби фан соҳалари ушбу йўналиш ичидаги юзага келди. Атеизм, баъзан нотўғри талқин қилинаётганидек, худонинг борлигини инкор этиш орқали диндорларга қарши кураш олиб борувчи илмий оқим эмас. У дунёнинг моддий асосдан иборатлигини исботлашга уриниш орқали иррационал, илоҳий талқинлар асосиз деб даъво қилувчи илмий йўналишдир. Ҳатто Гегель ҳам худони ва олам яралишини иррационал талқинда исботлашга уринишни куруқ сафсата деб билган.

Аслида худонинг борлигига шубҳа билан қараш, илоҳийликни инкор этиш XIX асрдан илгарироқ ҳам мавжуд эди. Бу ҳақда Газзолий бундай деб ёзади: “Албатта, инсон ўта жоҳил, золим ва коғирдир... Бир тоифа ақр эгалари ҳайратга (ўз кучи ва ақлига — Д.Ж.) бериллиб, ул Зотни тоқатсизларча инкор этишгача бориб етди”. Аммо даҳрийлик XIX асрга келибгина атеистик таълимот сифатида шаклланди.

Диншунослик нафақат атеизмдан, балки илоҳиётшунослиқдан ҳам фарқ қиласди. У илоҳийликни, иррационал қарашларни тарихий ва ижтимоий-маданий жараёнлар, инсон фаолияти ва гносеологик изланишлари билан боғлаб ўрганади. Диншунослик худонинг борлиги ёки йўқлигини асосламай, диннинг инсон хулқ-авторига, ҳаёт тарзига, онгу тафаккурига таъсири масалалари билан шуғулланади.

Инсонийлик ва илоҳийлик ўртасидаги муносабат, боғлиқлик юқоридаги учта йўналишда ўзига хостарзда талқин қилинади. Шунинг учун уларнинг ҳар бири алоҳида ён-



дашув ва таҳлилни тақозо этади. Ушбу муаммо ўта мураккаб бўлиб, уни биргина мақола орқали ҳар жиҳатдан тадқиқ этишнинг иложи йўқ. Шундай экан, инсонийлик ва илоҳийлик масаласини диний-фалсафий йўналишда таҳлил этиш билан чегараланамиз.

Немис экзистенциалисти М.Ҳайдеггер, фалсафанинг ҳар бир сўзи борлиқ ҳақидаги фикрдан иборат, деган эди. Аслида, фалсафанинг ҳар бир сўзи инсонийлик ва илоҳийлик муносабатига бориб тақалади, дейилса, тўғрироқ бўларди. Чунки фалсафа олам ва одам ҳақида баҳс эта бошлаганидан бери мудом инсонийлик ва илоҳийлик, уларнинг ахлоқий ва аксиологик уйғунлиги ҳақида фикр юритиб келади. Бироқ диний фалсафа инсонийлик ва илоҳийлик масаласига алоҳида ургу беради, ҳатто, айтиш мумкинки, бу масала унинг бош мавзусидир.

Хўш, инсоннинг илоҳийликка интилишидан, инсонийлик ва илоҳийликни уйғунлаширишидан мақсад нима? Худо “инсон ичиди ҳам, ундан ташқарида ҳам эмас”, М.Ҳайдеггер ибораси билан айтганда, барча жойда мавжуд “ноборлиқ”дир. Инсонни “ноборлиқ”қа интилиб яшашга нима мажбур этади?

Илоҳ — етуклик, бутунлик, мукаммаллик тимсоли. Шунинг учун у Комил, Муқаддас, Абадий, Бутун деб аталади.

Инсон маҳдуд эканини аклан билади, қалбан сезади. Унинг беором рухи маҳдудликни енгид ўтишни, Чекланмаган билан қовушишни истайди. Чекланмаган билан бирлашиб кетишга муштоқлик инсонни Комил, Абадий, Муқаддас, Бутунни излашга мажбур қиласди. Чекланмаган буддавийлар учун нирвана, насронийлар учун ўғил-она-худо, мусулмонлар учун Оллоҳдир. Чекланмаганга, Бутунга, Абадийга интилиш комилликка интилишидир. Шунинг учун баъзи диний қараш ва таълимотлар худони инсонга қиёслагандан ёки инсон сиймосида тасвиrlагандага Комилни нокомил, Етукни ноқис, Абадийни мувакқат даражасига тушириб қўйганини сезмайди. Илоҳни ижтимоий тимсоллар — хожа, шоҳ, ота ёхуд динамик тимсол — хаёл кучи, нур, рух, олов сифатида тасвиrlаш мавжуд, деб ёзади рус файласуфи Н.Бердяев. Унинг талқинича, ижтимоий тимсолларда номукаммаллик, зўравонлик, бедиллик, шумлик бисёр.

Инсон бундай разолатлардан безади, унинг қалби, рухи поклик, мусаффолик, гўзаллик ва эзгуликка талпинади. Натижада илоҳга талпиниш маънавий-руҳий эҳтиёжга айланади. Динамик тимсоллардаги ҳаётни ёқловчи куч, мусаффо нур инсонни олижанобликка, юксакликка чорлайди.

Чекланганинг илоҳга талпиниши фақат унда инсонийликни юксалтириш орқали кечиши, инсонийликкина инсонга Комилни, Бутунни, Абадийни англашга ёрдам бериси мумкин. Шунинг учун ҳам илоҳий, диний воқелик “инсондаги Худонинг ва Худодаги инсоннинг” тасвиридир. Инсонийлик ва илоҳийлик ўзаро диалектик алоқададир.

Инсонийлик тұғма, табиий хислат эмас, у меҳнат, машақкат, риёзат орқали шаклланади. Fazzolij өзганидек, “Инсон жавҳари аввал яралышда нокислик ва камлик бирла ҳалқ қилинибдур. Инсон меҳнат ва мешақтасиз бу нұқсанлардан қутулиб, камолга етмаги мумкин эмас. Инсон мұжоҳада, яъни риёзат ва ибодат бирла жамоли бокамол давлатига мушарраф бўлғусидир” (Абу Ҳомид Fazzolij. Қимёи саодат. Т., “Адолат”, 2005, 25-бет). Эътиборли жиҳати шундаки, Fazzolij ушбу машхур асарини дебочадан сүнг “Инсонлик унвонин пайдо қилмоқ баёни” бобидан бошлайди. Мугафакир наздиди, инсонлик унвони тұрт хислатадир. Бириңчиси, ҳар киши ўз нафсини (рухи, ўзлигини) таниши даркор. “Хеч нимарса ўзингга ўзингдан ёвукроқ (яқинроқ) эрмас. Узингни танимасанг, ўзгани нечук таниғайсен?.. Сенга лозимдурки, ҳақиқатни талаб қылғайсан, ўз асплинг не нимарсадур? Бу олам манзилгоҳида нима ишга келибсан ва Тангри сени нима учун яратибдур? Саодатинг не ишдадур? Иккинчиси, инсон ботинида нафақат фаришта сифатлари, шунингдек, чаҳорпо (ҳайвон) ва дарранда сифатлари ҳам мавжудки, уларни бир-биридан ажратмоқ инсонийлик алматидандир. Учинчиси, ушбу сифатларни, яъни фаришта ва чаҳорпо (ҳайвон), дарранда хислатларининг “парвариши топодурғон бўлак ғизоси — озиғи бордир.” Агар ҳайвоний сифатларга емоқ, ичмоқ, ухламоқ, вақти келганида ҳирсни қондирмоқ одат бўлса, “фаришта ғизоси ва саодати — Ҳақ таолонинг жамоли бакомилини мушоҳада қилмоқ бирладур.” Тўртингчиси, ҳайвоний сифатларни маҳв этиб, “ўзингга асир ва дастёр айлаб, баъзисини “олов ва қурол”,

хизматкор қилиб, “буларнинг ёрдами ва ёрлиги бирла саодат тухмин кўлға келтургайсан”. Саодат эса худони, илоҳни танимоқdir (ўша асар, 27-бет).

Демак, Газзолий талқинига кўра, инсонийлик ўзликни англаш, ботиндаги сифатларни фарқлаш, ушбу сифатлар ҳақиқатини билиш ва ҳайвоний сифатлардан холос бўлиш орқали илоҳни танишидир. Одамнинг ахлоқи, нияту сўз ва амаллари ундаги одамийликни намоён этади. Шунингдек, худони англаш, илоҳийликка етишиш ҳам инсондан ташқарида рўй бермайди. Тўғри, ислом дини ва фалсафасида инсонийлик ва илоҳийлик, инсоний сифатлар ҳамда илоҳий сифатлар ўзаро тенг ҳодисалар эмас, бунда илоҳ, илоҳийлик бирламчидир. Абдулқодир Гийлоний айтганидек, “Ҳамма ҳолатда У билан ёлғиз бўл. Оллоҳ азза ва жалла айтганки, “Агар итоат қўлсанг, рози бўламан, агар рози бўлсан, барокот бераман, Менинг барокотимга ниҳоя йўқдир. Ва агар осий бўлсанг, ғазабланаман, агар ғазаблансан, лаънатлайман ва лаънатим етти пуштингга ҳам етади” (Абдулқодир Гийлоний. Раббонийликни англаш ва раҳмоний файзни қозониш. Биринчи китоб. Т., “Мовароуннаҳр”, 2005, 85-бет). Айнан шунинг учун ҳам исломда Оллоҳдан кўркишга даъват руҳи устундир.

Буддавийлика инсон иродасига, ахлоқий покланишига ишонч етакчи, маҳсус машқлар орқали шахс илоҳий баркамоллик, поклик, етукликка эришиши мумкин. Зоро, Будда ана шундай илоҳий фазилатларни ўзида жо этган тимсолдир. Буддавийлар ибодатхонаси — сангхага кириш ихтиёрий бўлиб, ҳар бир киши унга истаган вақтида кириб, истаган вақтида чиқиши мумкин. Айнан ихтиёрийлик, инсоний фазилатларга, ахлоқий талаблар ва башарий иродага ишониш буддавийликни жаҳон динларидан бирига айлантириди.

Насронийлик эса, Н.Бердяев таърифига кўра, антропоцентристик диндир. Унинг негизида инсоннинг гуноҳлардан холос килиш ғояси туради. Бу дин нафақат худога, балки инсонга ҳам ишонишни назарда тутади. “Фақат насронийликкина, инсон худо бўлди, деб тавлим беради. Натижада худо билан инсон ўртасидаги жарлик бартараф этилади” (Бердяев Н. Диалектика божественного и человеческого. М., “ACT”, 2005, стр.

360-361). Бироқ антропоцентристик талқин Н.Бердяевнинг ўзига хос ёндашуви эканини эътиборга олиш керак. Чунки теоцентрик ёндашув унутилган заҳоти худонинг борлиқни ва жумладан, одамни яратгани сохта, бемаъни бўлиб чиқади, илоҳийликни улуғлашга ҳожат қолмайди.

Инсонийлик ва илоҳийликдан қайси бири бирламчи, деган савол пайдо бўлиши табиий. Ж.Ренан, Э.Тайлор, Ж.Фрезер, К.Каутский, С.Франк, И.Ильин, В.Розанов, С.Токарев, А.Мень каби йирик тадқиқотчилар дин тарихио жамият кечмиши, илоҳийлик ва инсонийлик — барчаси одамзоднинг руҳий ва гносеологик изланишлари самараси эканини кўрсатиб берди. Илоҳиётшунос А.Мень дин ва илоҳий воқееликни “инсон руҳий маънавий оламининг ижодий кучи” маҳсулни дея қайд этиб, мана бундай фикр юритади: “Дин барча тарихий жараёнларда ҳал қилувчи роль ўйнаган. Осиёнинг буддавийликни қабул қилиши, антик даврда Хушхабар тарғиботчиси, исломнинг тарқалиши, Фарб черкови реформацияси инсоният ҳаётида чинакам воқеалар бўлди... Илоҳга эътиқод улкан ижтимоий силжишлардан тортиб то инсон қалбининг туб-тубигача етиб борди. Инсон қалби эса унинг асосий кучидир” (Мень А. История религии: В поисках Пути, Истини и Жизни в шести томах. 1-й том. М., “Слово” 1991, стр.13). А.Мень дин, илоҳга эътиқод инсоннинг изланишлари маҳсулни бўлганини очиб берган. Демак, инсон ақли ва қалbidан ташқарида дин, эътиқод, илоҳиёт ҳақидаги гоя, қараш, таълимот мавжуд эмас.

Бизнингча, дин, худо, илоҳийлик ҳақидаги иррационал, субъектив қарашлар қанчалик рационал, объектив асосга эга эканини излаш кўп асрлардан бўён давом этиб келаетган ғоявий баҳслар авж олишига сабаб бўлади. Шунинг учун инсонийлик ва илоҳийлик ўртасида зиддиятли жиҳатларни эмас, уларнинг инсон қалби, руҳи ва ҳаётини олижанобликка ундовчи томонларини излаш мақсадга мувофиқдир. Инсон дин, эътиқод, илоҳийлик орқали ўзининг илоҳисифат кучга эга мавжудотлигини англаганидек, дин, эътиқод, илоҳийлик ҳам фақат инсон, инсонийлик орқали маънавий тараққиётга, баркамолликка хизмат этувчи олижаноб қадриятлар сифатида яшаб қолади.



Франц КАФКА



Марсель ПРУСТ



Жеймс ЖОЙС



Томас МАНН

Муҳаммаджон ХОЛБЕКОВ

MODERN ADABIYOTI : TADRIJ VA TALQIN

Модернизм Ғарбий Европада XIX асрнинг иккинчи ярмida санъат ва адабиётдаги янги бир йўналиш ўлароқ майдонга чиқсан бўлса-да, XX асрга келибина бадиий тафаккурда алоҳида ўрин забт эта олди. Дунёга янгича қараш ҳар доимидек файласуфу ижодкорлар чекига тушди. Машҳур файласуф ва адаби, Нобель мукофоти соҳиби Анри Бергсон (1859-1941) инсон ақлга эмас, ҳиссиётга таянган ҳолда мушоҳада қилсагина, ҳодисалар табиатни тушуниши мумкин, деган қарашни илгари сурди. Унинг фикрича, оламни одамни билишда, хусусан, бадиий ижодни англашда инсоннинг ақл-идроқи эмас, ҳис-туйғуси муҳим аҳамиятга эга. Яна бир машҳур файласуф Зигмунд Фрейд (1856-1939) эса барча нарса-ҳодисалар ҳам инсон ақл-идроқига бўйсунавермаслиги, унинг руҳиятида объектив воқеилик инъикосидан кечинмалар ҳосил бўлишини тушунитириб, руҳий ҳолатнинг яширин, номаълум қирраларини очиб берди. Аниқроғи, олим кўнгилнинг ноёб сирларини психоанализнинг универсал схемалари тилига ўтириди. Унинг ҳамкаси ва сафдоши Карл Густав Юнг (1875-1961) ҳам шу йўлдан бориб, психология илмига “жамоавий онгсизлик” (онг қаъридаги қатлам) тушунчасини киритди. Бу тушунчанинг ўзига хос хусусияти универсаллиги, ҳаммага бирдай тааллуқлилигидадир. Юнг фикрича, психика ниманингdir ҳосиласи эмас, у бирламчи ва инсон борлигини аниқлаб берувчи асосий принципидир. Жамоавий онгсизлик — инсон онгининг дастлабки ҳолати. Жамоавий психикани тушуниб етмоқ учун барча тирик мавжудотнинг бир-бираига айнан ўхшаш жиҳатларини ҳис қила билмоқ зарур. Бу ҳолат ибтидоий одамларда мавжуд эди — улар ўзини табиатдан айро ҳолда тасаввур қилолмаган.

Бинобарин, дунёни ўрганаётган, тадқиқ қилаётган одам тадқиқот объектига, авваламбор, ўз онг-шуури, ақл-идроқи, ҳис-туйғуси илиа ёндашмоғи лозим. Қизиги шундаки, олим-

лар қолиб, дастлаб адабиёт ва санъат аҳли инсон дунёкарашидаги туб ўзгаришларни пайқай билди ва кейинчалик буни ижодда акс эттириди. Ушбу интуитив кашфиёт аввал адабиёт ва санъатда, кейинчалик эса илмифан ва ижтимоий ҳаётда ўз аксини топди.

XX аср адабиёти ва санъатидаги йўналишларнинг аксарияти, хусусан, экспрессионизм, сюрреализм, “янги роман”, “онг оқими”, “абсурд театри”га шахсдаги шизофрения, яъни иродада ва ихтиёрни намоён этишнинг сусайиши, психика яхлитлигининг парчаланиб кетиши, тушкунлик кайфияти, руҳий ва ҳиссий депрессия ҳолатлари восита бўлиб хизмат қилди.

Демак, жамоавий онгсизлик адабиёт ва санъат соҳасида дафъатан юзага қалди ва унга асосланган модернизм авангارد оқимларнинг бадиий услуби тарзида мустаҳкам ўрин эгаллади. Модернизм барча санъат турларида воқелик ўзига хос талқин этилишига кенг йўл очиб берди. Кези келганда эса ҳатто воқеликни буткул рад этиб, унинг ўрнига ақл-идрокка тобе бўлмаган мантиқсиз, иррационал ва нореал сюжетларга сайқал бериш, уларга нафосат ва бадиийлик бағишлиш принципларига таянган янги воқеликни кашф қилди. “Санъат санъат учун” шиори унинг байробига айланди. Модернизмнинг вужудга келишида, аввало, реал ҳаёт, объектив воқеликдан юз ўғириш, ижтимоий муаммоларни рад этишини тарғиб қиливчи декаданснинг, шунингдек, ўтмиш мероси билан алоқани узил-кесил узган, анъанавий санъатдан батамом фарқли асарлар яратишга даъват этувчи авангардизмнинг роли катта. Авангардизмнинг ўзи эса Farbий Европа эстетик назарияларига, яъни санъат ва адабиётдаги нафосат, гўзаллик ва бадиийлик принципларига асосланган қарашлар негизида пайдо бўлган эди.

Декаданс (авангардизм) бутун Европа маданияти тарихида муҳим омил бўлди, XIX аср охири, XX аср бошларида жамияттагизули, ижтимоий инқироз замонавийликни, реал ҳаётни бошқача тушуниш ва англашни ўргатди. Кишилар тафаккури ва руҳиятида кескин ўзгаришлар рўй берди. Farb шеъриятида (Гийом Аполлинер, Эзра Паунд, Пол Элюар ва бошқалар) тобора яқинлашиб келаётган инқироз, тушкунлик кайфияти хис қилиниб, шеърга солинди. Шоирлар жамиятдаги тушкун


кайфиятни, таназзулни бадиий ифодалаш билан бирга унинг қурбонига ҳам айланди.

Декаданс таҳлилини XX аср бошида яратилган реализм руҳидаги проза асарлари: Томас Манн қаламига мансуб “Доктор Фаустус”, Максим Горькийнинг “Клим Самгиннинг ҳаёти”, Ромен Ролланнинг “Жан-Кристоф” сингари романларида ҳам кузатиш мумкин. Уларда яхлит маънавий дунёкараш кўзга ташланса-да, декаданс тъсири ҳам яққол сезилади.

Умуман олганда, модернизм умумий дунёкарашга эга бўлган адабиёт ва санъат йўналишлари мажмуидир. Унда анъанавий бадиий образлар бутунлай бошқача талқин қилина бошлади. Масалан, санъаткорнинг бевосита образ мазмунига, унинг моҳиятига меъеридан ортиқ эътибор қаратган ҳоллари натурализм номини олди; образ фавқулодда бўртириб тасвирланган ҳолат абстракционизм қонуниятига асос бўлди; жўшқин хистайуфулар билан ифодалангани эса экспрессионизмга айланди; ортиқча мазмундорлик ва кўп маънолиликнинг кашф қилиниши сюрреализм дея аталди.

Модернилар ўзлари яшаётган жамиятнинг ибтидоий бетартиблиги, чалкаш ва маънисизлиги, замон талотўлари, онгдаги ўй-фикрларнинг айқаш-үйқашлиги инсонда ёлғизлик ҳисси ортишига олиб келди, деб хисоблай бошлади. Сабаби, тажовузкорлик ва адоват руҳи билан тўлиб-тошган воқелик шахсни мағлуб бўлмаслика, ҳамма вақт ғолиб чиқишига ундейди.

Модерн бадиий услуб сифатида инсонни ўраб турган муҳитни безаб кўрсатишига ҳаракат қилди; ҳаётни жараёнларни ҳатто арзимас икир-чикирларигача томошабоп спектаклга айлантиришга, ранг-баранг беизагу зеб-зийнатга буркашга интилди. Бунга Farb жамиятидаги юксак идеаллар билан инсоннинг ҳузур-ҳаловатсиз, бир зайлдаги ҳаёт тарзи ўртасидаги зиддиятлар сабаб бўлди.



Бу даврда Европа мамлакатларининг аксари Шарқда ўз мустамлакасига эга эди. Кўхна қитъадаги манфаатпастлик рухи, бойлик тўплашга интилиш эртами-кечми эстетизмга, яъни санъат ва адабий ижоддаги нафосат, табиат ва турмуш гўзалликлари ҳақидаги фалсафий таълимот сари ўзгариши лозим эди ва XIX аср охири, XX аср бошлирида шундай бўлди ҳам. Бунинг натижаси ўлароқ, Фарб ва Шарқ маданиятига мансуб анъаналар “модерн” услугида ўзига хос муштарак ифодавийлик ҳосил қилди. Унга Фарб адабиётидан романтизм, серҳиссиятлилик, нозик табиатлилик ҳамда қатъий структуравий асос, Шарқ санъатидан эса бир маромдаги ифодавийлик, серҳашам нақшинкорлик, шарқона нафосат сингдирилди.

XIX аср охири ва XX аср боши Европа маданиятини ўзида мужассам этган модерн услуги китобхон тасаввурида қадим дунё цивилизациясининг тугалланган ва яхлит қиёфасидек гавдаланди, адабий жараён эса умуммаданий тараққиётнинг ажralмас қисмига айланди. Ушбу ҳодисанинг асосини нафақат бадиий асар, қолаверса, адабий танқид, даврий нашрлар, мемуар асарлар (хотиралар, ёдномалар) ва эпистоляр (мактуб, нома русумидаги) адабиёт ташкил қилди. Бу ишга нашриёт, матбут ва китоб дўйконлари ҳам кўшилди. Мазкур ҳодисанинг илмий-назарий асоси XX аср бошида яратилган бўлса, 20-30-йилларга келиб, адабий жараён сифатида тўлиқ шаклланди.

Маълумки, ҳар қандай адабий жараённинг ўзига хос хусусияти мавжуд бадиий ижод шаклларини ўзгартириш ва янгиларини излаб топишдан иборат. Шу боис XX асрда адабий жараённи янгилаган, унга янгича рух олиб кирган модерн ёзувчилар тўғрисида сўз юритиш мақсадга мувофиқидir.

Марсель Пруст, Франц Кафка, Жеймс Жойс, Виржиния Вулф каби машҳур адаби́лар модернизм адабиёти классиклари хисобланади. Уларнинг бадиий концепциялари XX аср охирига келиб Умумевропа адабиёти тараққиётининг асосий тамоилиги айланди. Бу моҳир сўз усталари ижодда бадиий асарнинг ички матнига (контекст) алоҳида ургу берди. Уларнинг фикрича, эндилиқда воқелик адабиётга эмас, адабиёт воқеликка таъсир ўтказа бошлади. Воқелик энди маданият ва адабиёт вужудга келтир-

ган концепцияларга мувофиқ ўзгариши ва ривожланиши лозим эди.

Модернизмнинг кейинги тараққиёти кўп жиҳатдан Томас Манн, Герман Гессе, Альбер Камю, Уильям Голдинг, Михаил Булгаков, Андрей Платонов каби адаби́лар ижоди билан боғлиқ. Улар ижодида воқеликни тасвирилаш, ҳаётни акс эттиришнинг модернистик услуги бевосита бадиий матн орқали намоён бўлди; бунда умуммаданий ёки субъектив ҳолатлар мифлар воситасида бадиий мазмун асосини ташкил қилди.

XX аср аввалида дунё миқёсида буюк ўзгаришлар рўй берди. Европа давлатлари жаҳоншумул воқеалар марказига айланниб қолди. Бу адабиётга ҳам дахлдор эди. Австриялик ёзувчи Франц Кафка ушбу жараён марказида турди, у асарларида дадиллик билан янги тасвир воситаларини кўллай бошлади. “Мен кўпроқ вақтни ёлғиз ўтказишим керак. Асарларимнинг барчаси ёлғизлик маҳсулидир... Адабиётга дахлдор бўлмаган нарсаларни жиним сўймайди...”, деб ёзган эди у. Ф. Кафка инсоний қадриятлар топталган, гуманизм идеаллари рад этилган ғайриинсоний дунёдан нафралланарди. Баъзан унинг дунёқарашида муросасиз зиддиятлар ҳам кўзга ташланади. У замонасига ишонмай яшади, инсоннинг мудҳиш жамиятдаги имкониятларига шубҳа билан қаради. Асарларидаги фожиали ва мавҳум, бемаъни ҳиссиятларга тўла воқелик унинг ҳаётга субъектив, бегоналашган муносабати эди. Шу боис адаб романларининг бадиий олами эмпирик йўл билан очиб берилади.

Айни вақтда Фарб адабиётида турли рамзларга, қадим афсона ва ривоятларга майлҳавас уйғонган эди. Бу ҳолатни Ф. Кафканинг “Америка”, “Кўргон” ва “Жараён” романлари ва кўплаб ҳикоялари, шунингдек, Т. Манн қаламига мансуб “Будденброклар” романи, “Тонио Крёгер” новелласи, Бертолд Брехтнинг “Кураж она ва унинг болалари” драмасида кўриш мумкин. XX аср бошида Европа адабиётининг ғоявий-бадиий принциплари мажмуи, илмий-назарий концепцияси, фалсафий ва мафкуравий негизи кескин янгилангани ўша замон ҳаётини тушуниш ва англаш имконини берди.

Европада маданий ҳаётнинг юксалиши маълум даражада ижтимоий-сиёсий курашларнинг кескинлашиши билан ҳам чамбар-

час боғлиқ эди. Модернистлар ижтимоий ҳаётда рўй бераётган ҳар қандай ўзгаришга зийраклик билан муносабат билдири. Томас Маннга шуҳрат келтирган “Будденброклар” романидаги савдогар оиланинг парокандаликка юз тутиши нозик психологик бўёклардатасвирланган. Будденброкларнинг янги авлоди онгидаги буржуазияга қарши нафрат кайфияти тобора ортиб боради. Оилада тежамкорлик, тиришқолик ва қатъият каби хисплатларнинг йўқола бориши билан катта авлод эришган муваффақиятлар ҳам астасекин барбод бўлади. Қобилиятсизлик ва укувсизлик оқибатида оила реал ҳаётдан узоқлашиб, борган сайн диний таассусбуга, дабдабапастликка, зеб-зийнатга муте бўлиб, разолатга ботади, улар учун ҳаёт мазмuni ва яшашдан мақсад қолмайди. Муаллиф қаҳрамонларни қоралашга уринмайди, бирортасига жазо ҳам бермайди, хулосани китобхон ҳукмига ҳавола этади.

30-йиллар Farb адабиётида XX асрнинг зиддиятли ва шафқатсиз дунёсида шахснинг ёлғизлиги, инсоний қиёфасини йўқотиши етакчи мавзуга айланди. Айниқса, Farb адилларининг биринчи жаҳон уруши ва унинг иштирокчилари тақдиридан ҳикоя қилувчи асарларида ушбу мавзу ўта таъсирчан ёритилди, китобхон ёдида қоларли ёрқин образларда тасвирланди. Жаҳон адабиёти тарихида Г.Стайн таърифлаган “lost generation”— “йўқолган авлод”нинг Уильям Фолкнер, Эрнест Хемингуэй, Френсис Скотт Фитцжеральд, Жон Дос Пассос, Ричард Олдингтон, Эрих Мария Ремарк, Анри Барбюс сингари намояндлари Farb адабиётининг кейинги равнақига улкан ҳисса кўшиди. Уларнинг аксарияти урушда бевосита қатнашган, унинг мудхиш ва қонли қиёфасини ўз кўзи билан кўрган, азобларини тортган кишилар эди. Улар яратган асарларнинг қаҳрамонлари — оддий, соффил одамлар. Бу одамлар ҳаётда бирон нимага даъво қилмайди, ўзлари ва ўзгалар наздида ўта одми, ғофил ва ожиз бандалардир. Бу ёзувчилар асарларида бесўнақай ўсмир йигитчалар, ғалати ва паришонхотир кексалар (У.Фолкнер), Биринчи жаҳон уруши жанггоҳларида қаҳрамонлик кўрсатган, тинч ва осойишта ҳаётда эса ортиқча “матоҳ”га айлануб қолган кечаги аскарлар (Э.М.Ремарк), тороадорлар, денгизчилар, журналистлар, жисман майиб-

мажрух, аммо руҳан тетик, матонатли одамлар (Э.Хемингуэй), ҳамма вақт ҳам омади чопавермайдиган олтин қидиувчилар, шаҳардан узоқ, кўримсиз ва хароба кулбларда кун кечиришга мажбур бўлган мустамлака юртларнинг туб аҳолиси (Ж.Лондон) қиёфаси тасвирланган.

Хуллас, адабиёт ва санъат аҳли Европани ағдар-тўнтар қилиб юборган Биринчи жаҳон уруши, инқилобий тўнтаришлар, вужудга келган сиёсий ва иқтисодий инқироз таъсирида жамиятни эмас, шахснинг ички дунёсини тасвирлашни афзал билди. Бу модернизмга туртки берган бутунлай янгича сиёсий-ижтимоий муҳит эди ва у модернистларни инсоннинг ички дунёсига етаклаб келди.

Ушбу оқим адабиёти пешвоси Марсел Пруст тўрт девор исканжасида яшаган, оғир дард изтиробида кечган қисқа умри давомида воқеалар баёнидан кўра қаҳрамонининг ички кечинмалари тасвирномаси бўлмиш “Йўқотилган вақтни ахтариб” номли романлар туркумини яратди. Таъбир жоиз бўлса, ушбу туркумни яхлит “онг оқими” мажмуаси деб аташ мумкин.

Эпопеяси ҳам, умри ҳам тугаб бораётган паллада Пруст ҳаётни эмас, адабиётни афзал билиб, “Адабиёт ҳақиқий ва ягона ҳаётдир”, “Объектив борлиқ эмас, балки онг устундир”, деган хулосага келди. Шу билан бирга у, санъатгина ўз-ўзини тушуниш ва дунёни билишнинг универсал воситасидир, деб ҳисоблар эди.

XX асрнинг биринчи чорагида инглиз адабиёти ҳам ўта сермазмун, таажкубга бой воқеа ва ҳодисалар қуршовида ривожланди. Аср бошида Британия қироличаси Виктория вафот этди ва узоқ йиллар ҳукм сурган “Виктория даври” якунига етди. Буржуа жамияти таназзулга юз тута бориши билан бирга янги ижтимоий-сиёсий тузум шакллана бошлади. Европада содир бўлаётган тарихий ўзгаришлар Англия ҳаётини ҳам тубдан ўзгартириб юборди. Сиёсий ва ижтимоий муаммоларнинг санъат ва адабиётта ҳам таъсир ўтказиши натижасида адабий жараёнда турли бадиий-эстетик ҳамда ижтимоий-сиёсий қарашларга эга оқим ва йўналишлар пайдо бўлди. Дарвоқе, XX аср бошида Англия адабиётида икки асосий услугуб ва йўналиш — реализм ва декаданс (авангардизм) кўзга яққол ташланади. Аммо инглиз адабиётидаги

декаданс француз адабиётидаги каби ёрқин намоён бўлмади. Бу даврда инглиз адабиёти нинг Виржиния Вулф, Олдос Ҳаксли, ирланд адабиётининг Жеймс Жойс сингари ёрқин на-мояндалари асарлари модернизм руҳидаги йўналишни такомиллаштириди. Бугунги кунга келиб, Ж.Жойс модернизмнинг энг номдор адиби сифатида эътироф этилмоқда. У дастлабки ҳикоялар тўплами “Дублинликлар” биланоқ дунё адабиёти классиклари қаторидан жой олишга муносиб эди. Негаки, бу ҳикояларда ёш адабнинг истеъоди рўй-рост намоён бўлди. Лекин унга ҳақиқий шуҳратни “Улисс” романи келтириди. Ушбу асарни озроқ бўлса-да тушуниш учун, аввало, унда қаламга олинган ирланд воқеалигидан ва жаҳон адабиёти дурданаларидан воқиф бўлиш керак. Ж.Жойс руҳнинг ташки мухитда рўй берётган воқеа-ҳодисаларга ўта инжа реакцияларини яхлит тарзда ифода этиш йўлидан борди. Ёзувчи мураккаб ақпий, фикрий жараёнларни бор ҳолича акс эттириш, киши онгидан яшин чақнагандек ўтиб кетадиган узук-юлук, ўзаро боғланмаган, механик тарзда бир-бирига уланиб, тизилиб кетадиган тасаввурлар, фикрлар оқимини, киши онгининг турли қатламларида жойлашган ҳиссиятларини тасвирлаш шаклларини излайди. “Онг оқими” (stream of consciousness) деб аталган услубнинг асл моҳияти шундан иборат. Ж.Жойснинг “Улисс” романи модернизм адабиётининг ўзига хос қомусига айланди. Жойснинг издоши ва модернизм назариётчиси Виржиния Вулф ўз мақолаларида даврининг реализм тарафдорларини инсон ҳаётидаги “энг мухим” ва “ҳақиқий” нарсаларни фарқлай олмаслиқда, “ўткинчи”, “бемаъни”, “сийқаси чиқсан” воқеаларни тасвирлашга мойиллиқда айблаб чиқди. Анри Бергсон фалсафаси издоши бўлган В.Вулф тасаввуррида инсон онги ва онг остида беркинган нарсаларгина “чин” бўлиб, “ўткинчи” ва “бемаъни” воқеа-ҳодисалар бадиий кадр-қимматга эга бўлмаган ижтимоий муносабатлардир, холос. Албатта, бу субъектив, бир ёклама қараш эди. Ёзувчининг “Ташки дунёга саёҳат” романи ва бошқа асарлари муайян сюжетга эга эмас. Улар турли персонажларнинг ички ҳолатларини импрессионизм услубида акс эттирган лавҳалар, онг оқимидан иборат кечинмалар эди. “Онг оқими” атамасини ҳам искеъмолга илк бор В.Вулф олиб кирган.

XX аср Англия модернизм адабиётида Олдос Ҳаксли ижоди ҳам ўзига хос ўрин тулади. У “интеллектуал роман” (“мубоҳаса-роман”) жанрига асос солди. Ёзувчининг ўзи бу асарларини “ѓоявий роман” деб атайди. Чунки Биринчи жаҳон урушидан тинч, аммо серташвиш ҳаётга қайтган инглиз зиёлларни аср тақдирли, одамлар қисмати, жамият ривожи хусусида хавотирга тушиб қолган эди. О.Ҳакслининг машҳур “Контрапункт” романида реалистик ва модернистик принциплар бир-бирига қоришиб кетган. Асарнинг реалистик жиҳати шундаки, унда буржуазияга хос маслак-этиқодлар, зодагонлар синфи намояндаларининг маънавий, ахлоқий қиёфаси ҳажв қилинган. Буржуазия хулқатворининг юзакилиги, кундалик ҳаёт издан чиқиб бораётгани танқид қилинганда эса модернистик жиҳатлар ҳам намоён бўлади.

Романинг “Контрапункт” деб аталишига сабаб ундаги бир неча оҳангнинг бир вақтда уйғунлашиши ва ривожланишига асосланган кўпвозлилик — полифониядир. Муаллиф асарда замондошларини кузатади, ўрганади. Таҳлил жараёнида қаҳрамонларнинг ҳаёти бемаъни ҳатти-ҳаракатлар, ҳузур-ҳаловат кетидан кувишдан иборат бўлиб қолаётгани, уларга эришиш йўлида на маънавий ва на ахлоқий қоидаларга риоя этилишига гувоҳ бўлади. Қаҳрамонларнинг бесаранжом ва палапартиш ҳатти-ҳаракатлари романнинг тартибсиз композициясига эш бўлади. Инглиз адабиётининг экспериментал усууллари га таянган ёзувчи сюжетсизликка мурожаат қилади, унда воқеалар ривожини образ ва характерлар мунозараси, фалсафий нуқтаи назарлар ва дунёйаreshлар тўқнашуви белгилайди. Хулоса қилиб айтганда, Ҳакслининг модернизм йўналишида яратган барча асарларида инсон ва жамият ўртасидаги ному-таносиблик, ижтимоий-сиёсий тузум билан одамлар ўртасидаги ижобий ва салбий муно-сабатлар ўз аксини топган.

Асли америкалиқ, бироқ умрининг кўп қисмини Парижда яшаб ўтган ёзувчи ва модернизм назариётчиси Гертруда Стайн экспериментал проза қонун-коидалари ва принципларини яратиш билан машғул бўлди. Унинг фикрича, XIX асрнинг “воқеа адабиёти” XX асрга келиб “ҳолат адабиёти”га айланishi лозим эди. Ҳолат адабиётида анъанавий композиция ва сюжетга зарурат қолмайди,

қаҳрамонлар характерини тасвирлаш, хаётда мавжуд шароит ва ҳолатларни акс эттиришга эҳтиёж ҳам сезилмайди. У ботиний онг ҳиссиёти, ғайришуурый кечинмалар, хирсий патологик майларни акс эттиришнинг ўзи кифоя, деган модернистик ақидани кўплаб-куватлади. Адиба башорат қылганидек, XX аср жаҳон адабиётида жуда кўп янги, замонавий йўналиш ва оқимлар юзага келди.

Табиийки, XX аср бошлари Америка адабиётида Э.Хемингуэй, Ф.Фитцжеральд, Ж.Стейнбек, У.Фолкнер ижоди пешқадамлик қилган бўлса, 30-йиллар ижтимоий ихтилофларини модернизм адабиётининг яна бир вакили Томас Вулф асарларида акс эттириди. У модернизм услугубида “Уйингта ўғирилиб қара, фаришта”, “Вақт ва дарё ҳақида”, “Ўргимчак тўри ва қоя”, “Сен уйингта қайта олмайсан” каби модернизм услугубида яратилган психологияк романлар муаллифидир. У ички монолог ва онг-шуур воситасида модерн услугубини яратди, вақтни бир жойдан бошқа жойга кўчириди. Унинг асарлари сюжетида тез-тез таорланиб турадиган лирик чекинишлар ҳикоя қилиш йўсунисида калава ипининг доимо узилиб қолишига сабаб бўлди. У.Фолкнер Т.Вулфнинг асосий мақсади “ҳамма нарсани қамраб олишга ташалик ва инсон қалбидаги кечинмаларни яққалам қилишдир”, деб ёзган эди.

Бундан ташқари, Америка модернистлари орасида Нобель мукофоти лауреати, шоир Томас Стернз Элиотнинг алоҳида ўрни бор. У “Ҳосилсиз замин” поэмасида инсоннинг фойда келтирмайдиган, бехуда ва бемақсад уринишлари ва натижасиз саъй-ҳаракатини тасвирлаш билан бирга жамиятдаги маъносизлик ва мазмунсизлик уни ўлимга махкум этажагини исботлаб беришга ҳаракат қилди.

Модернизм аста-секин бошқа мамлакатларга ҳам ёйила бошлади. Унинг Россияга кириб келиши маълум маънода реалистик адабиёт, хусусан, реалистик роман ўз имкониятларидан деярли фойдаланиб бўлгани билан боғлиқ эди. XX аср рус адабиёти ва санъатида модернизмнинг символизм, акмеизм, футуризм, имажинизм каби оқимлари шаклана бошлади. Ўша чоғларда ижод қилган ёзувчи ва шоирлар фойдаланиб бўлдилар. Аммо XX асрнинг 30-йилларида совет ҳокимияти адабиёт ва санъатда ўз мафкура-

сига ёт элементларни йўқ қилишга киришди. 1934 йил Москвада СССР Ёзувчиларининг I қурултойида шўро реализми адабиётнинг асосий бадий методи тарзида жорий этилди. Шундан сўнг шуролар санъат ва адабиётни назорат остига олди, амрига бўйсундириди, мавзу ва фоя, услуб ва оқимларни муайян қолипга sola бошлади. Қолипга сиғмаганлар бешафқат жазоланди. Лекин шунда ҳам адабий экспериментлар, изланишлар тўхтаб қолмади. Farb модерн адабиётiga ҳамоҳанг ижод қилган А.Платоновнинг “Котлован”, “Чевенгур”, М.Булгаковнинг “Оқ гвардия”, “Уста ва Маргарита”, Б.Пастернакнинг “Доктор Живаго” романлари, қолаверса, муҳожир рус адиллари: Владимир Набоков, Иван Бунин асарлари XX аср жаҳон адабиёти саҳнасидан ўрин олди.

Модернизм ўзбек адабиётiga жуда кеч кириб келди. XX асрнинг 80-йилларида келибгина адабиёт оламида танилган Рауф Парфи, Мурод Муҳаммад Дўст, Хуршид Дўстмуҳаммад, Шавкат Раҳмон, Усмон Азим, Тоғай Мурод, Хуршид Даврон каби шоири адиллар Farb адабиётидаги илғор анъаналар йўлида ижод қила бошлади. Кейинчалик бу сафга Назар Эшонқул, Улуғбек Ҳамдам каби ёш ижодкорлар кўшилиб, ўзбек адабиётiga нафақат модернизм, қолаверса, постмодернизм анъаналарини ҳам олиб кирди ва улар ижоди ўз тадқиқотчиларини кутиб турибди.

XX асрнинг 70-йилларида жаҳон адабиётида модернизм ўз ўрнини постмодернизмга бўшатиб берди. Шундай экан, кейинги йилларда ўзбек адабиётшунослигида тилга олинаётган модернизм ва структурализм принциплари хусусида баҳс юритиш ўринилмискан? Ёхуд академик Баҳтиёр Назаров таъкидлаганидек, модернизм ва абсурд сингари ҳодисаларни Махмуд Кошғарий, Аҳмад Яссавий, Алишер Навоий, Абдулла Қодирий, Абдулла Қаҳхор сингари сўз санъаткорлари ижодига олиб бориб тақайвериш жиддий чалкашликлар туғдирмайдими? Умуман, ўзбек адабиётида модернизм ёки постмодернизм анъаналари мавжудми, адилларимиз ижодини Farb ва Америка модерн ёзувчилари Ф.Кафка, Ж.Жойс, Э.Хемингуэй, У.Фолкнер ижоди билан соглиштириб ўрганиш мақсадга мувофиқми?

Бизнингча, ушбу саволларга жавоб қидиришдан аввал ўтган аср жаҳон адабий жараёнини мукаммал ўрганмоғимиз зарур.



**В Т О Р А Я
К Н И Г А ДЛЯ Ч Т Е Н IЯ.**

Н а с о б и е д ля обу ч ен и я р у с ск о му языку

и н о р од чес кихъ училищахъ

Составилъ С. Граменицкий.

Изданіе 8-е.

печаталася безъ перерыва съ 4-го класса, допущенного Учебнымъ Комитетомъ Мин. Ир. Пр. въ классному употреблению начальствующихъ народныхъ училищъ.



ТАШКЕНТ
Изъ тип. им. С. А. Граменицкаго 1869 г.



С. М. Граменицкийнинг ўқиши хитобининг муковаси.

Издание 30-е

1912

1912

1912

1912

1912

1912

1912

1912

1912

1912

1912

1912

1912

1912

1912

1912

1912

1912

Улуғбек ДОЛИМОВ

RUS-TUZEM МАКТАБЛАРИ

Чор Русияси Волгабўйи, Урал, Кавказ ва Қrimдаги туркӣ халқлар маорифи тизимида қўллаган руслаштириш сиёсатини Туркистонга ҳам татбиқ этишни мақсад қилди. Бу сиёsat Россия маориф вазирлигининг 1869 йилги низомида ишлаб чиқилган бўлиб, Қозон диний академияси профессори, тажрибали миссионер Н.Ильминский фаолияти заминида вужудга келган эди. (У турк, араб, форс тилларини мукаммал билган, Заҳириддин Мұхаммад Бобурнинг “Бобурнома” асарини 1857 йили Қозонда нашр эттирган шарқшунос эди.) Туркистоннинг биринчи генерал-губернатори К.Кауфман шу мақсадда Ильминский билан Қозонда учрашиб, уни Тошкентга таклиф қилади. Гарчи миссионер генерал-губернатор тақлифини рад этса-да, бу ўлка ҳукумати билан мунтазам алоқада бўлиб туради. 1875 йили Туркистон ўқув юртлари бош инспектори, шарқшунос, турколог А.Кун (1840-88) Кауфман топшириғига биноан, Ильминскийга хат ёзиб, ундан Тошкентда очилажак ўқитувчилар семинарияси директори лавозимига лаёқатли мутахассис юборишни илтимос қилади. Ильминский бу лавозимга энг муносаб номзод сифатида Қозон муаллимлар семинарияси ўқитувчиси Н.Остроумовни (1846-1930) тавсия этади. У шу билангина кифояланиб қолмай, Н.Остроумовга ҳамроҳ қилиб М.Миропиев, Н.Воскресенский ва И.Софийскийни ҳам Тошкентга юборади. Улар 1879 йили Тошкентда очилган Туркистон ўқитувчилар семинариясида иш бошлайди ва устози Ильминский ўргатганидек, Туркистонда православ динининг миссионерлари сифатида ҳаракат қилади. Бу семинария ўлкада бирдан-бир ўқитувчилар тайёрлайдиган муассаса эди. Унинг биринчи директори Остроумов 1883 йили бошқа ишга ўтгани боис семинарияга 8 йил мобайнида Миропиев, Воскресенский ва Софийский галма-гал раҳбарлик қилди. 1901 йилдан яна Остроумов ўқув юртига раҳбарликни қўлга олди. Ўқитувчилар семинариясида буюк давлатчилик шовинизми руҳи ҳукмрон эди. Ташкил этилажак рус-тузем мактаблари учун миссионерлик кайфиятидаги ўқитувчилар тайёрлаш семинариянинг асосий мақсад ва вазифаси эди. 1879 йили унинг тантанали очилиш маросимида А.Кун куйидагиларни алоҳида таъқидлади: семинарияда ерли аҳоли болаларига ҳам таълим берилади, аммо мусулмон дини, маҳаллий тил ва адабиёт ўқитилмайди.

Н.Остроумов ва у билан келган ҳамтоворлари умрининг охиригача Ильминский ўйтларига изчил амал қилди. У Остроумов ҳақида бундай деб ёзган эди: "У Қозон диний академияси курсини тугаттан, татар ва араб тиллари бўйича — менинг шогирдим. Муҳаммад дини таълимоти — Қуръондан дурустгина хабардор. У қалбан ва илман миссионер. Маърифатли дўстим Остроумов миссионерлники инсонпарварлик негизида факат ҳалқ маорифидагина мустаҳкам асосга кўйиш мумкинлигини яхши тушунади" (Знаменский П.В. Участие Н.И.Ильминского в деле инородческого образования в Туркестанском крае. Казань, 1900, стр. 46).

Дарҳакиқат, илоҳийёт магистри, Қозон диний академиясининг миссионерлик бўлими доценти Н.Остроумов Ильминскийнинг ўнг кўли эди. У анча билимдон шарқшунос бўлган, аммо бу билим, академик И.Крачковский таъбири билан айтганда, илмга эмас, сиёсатга хизмат қилди. Остроумов умрининг охиригача рус мустамлакачиларининг ўлка ҳалқларини руслаштириш ва христианлаштириш сиёсатига хизмат этди. Унинг қуйидаги мулоҳазаси чор маъмурларининг Туркистон маорифи соҳасида амалга оширган сиёсати моҳиятини тўлиқ ифодалайди: "Русларнинг мусулмонларга муносабатини белгилашда давлат ушбу масалаларни эътибордан соқит қилмаслиги керак: мусулмонлар таълимида ўзимизнинг манфаатларимиз биринчи ўринда турмоғи лозим. Биз мусулмонларга нисбатан ҳар жиҳатдан — ҳам жисмоний, айниқса, маънавий-ахлоқий жиҳатдан устун мавқега эга бўлишимиз керак" (Остроумов Н.П. Что такое Коран? Таишкент, Типография арендованная Ф.Базилевским. 1883, стр. 31).

Аммо рус миссионерлари руслаштириш сиёсатини амалга ошириш жараённида маълум тўсиқларга дуч келди. Ўлкада мустамлакачилликка қарши давом этаётган исёнлар, ҳалқ озодлик ҳаракатлари, маҳаллий зиёлилар, шариат пешволарининг норозиликлари Кауфман ва унинг атрофидагилардан эҳтиёткорлик билан иш олиб боришни талаб қиласи эди. Дастрлаб эски мактаб ва мадрасаларни эътиборсиз қолдириш, аҳоли билан зиддиятга бормаслик учун диний ақидаларга

тўскىнлик қилинмади, аксинча, мутаассиблик кўллаб-куватланди. Маҳаллий болалар учун рус мактаблари ташкил қилиш, маҳаллий тилни рус алифбоси асосида ўргатиш, иложи борича миллий маданият, маънавият ва адабиёт бўйича маълумот бермаслик, уларни ўз тарихидан узоқлаштириш масалаларида Кауфман билан Ильминский қарашлари ниҳоятда мос келар эди.

1870-80 йилларда Туркистон ўлкасида мустамлакачиллик сиёсатини чуқулаштириш, Россия империясига, генерал-губернаторликка сидқидилдан хизмат қилувчи кичик амалдорлар тоифасини тарбиялаб етиштириш, ўлкада чор хукуматининг руслаштириш сиёсатини режали равишда амалга ошириш мақсадида дастлаб рус, кейинроқ рус-тузем мактаблари очила бошлади. Ўзбек маърифатпарварлари, педагоглари дастлабки паллада рус ва рус-тузем мактабларини кўллаб-куватлади, бундай мактабларни очиша бош-кош бўлди. Сатторхон Абдуғаффоров, Инъомхўжа оқсоқол, Шарифхўжа қози, Зоқиржон Фурқат, Муҳиддинхўжа қози, Жўрабек доддох, Саидрасул Саидазизов, Рожий Марғиноний, Комил Хоразмий, Исҳоқон Ибрат кабилар бундай мактабларнинг ҳоммийлари, ўқитувчилари, ҳатто фахрий ноизирлари ҳам бўлди.

Ўз ҳалқини замонавий илм-фан ютуқларидан баҳраманд этиш, мадраса дастурига табиий фанларни киритиш, физикадан ўқув лабораторияси ташкил қилиш масаласини генерал-губернаторликка олиб чиқкан Шарифхўжа қози рус тилини ўргатишга ҳам алоҳида эътибор қаратди. Бу ҳақда тарихчи шарқшунос А.Добромуслов қуйидагиларни ёзган: "1884 йилнинг 19 декабрида шаҳарнинг маҳаллий аҳоли яшайдиган қисмида ерликларнинг болаларига русча саводни, ўқишишини ҳамда арифметикадан тўрт амални ўргатиш учун дастлабки рус-тузем мактаби (Туркистон ўлкасидағи биринчи рус-тузем мактаби — У.Д.) очилди. Бу мактаб катта қийинчиликларни енгил, факат Шайхованд Тажхур даҳа қозиси Шарифхўжа туфайлигина очилди. Шарифхўжа икки ўғли, икки ёки уч невараси, уч жияни ва бошқа қариндошларини шу мактабга ўқишга берди" (Добромуслов

*А.И. Ташкент в прошлом и настоящем.
Ташкент, 1912, стр. 203.*

Генерал-губернаторлик маҳаллий халқ маорифини ривожлантиришини хаёлига ҳам келтирмас, фақат ҳукумат тасарруфидаги рус ва рус-тузем мактабларига маблағ ажратарди, холос. Табиийки, эски мактаблардаги руҳоний таълим-тарбия билангина мамлакатни ривожлантириб бўлмас эди. Буни англаб етган ўзбек маърифатпарварлари рус-тузем мактабарини тарғиб қиласар экан, аввало, миллат манфаатини ўйлаган. Жумладан, шоир Рожий Марғиноний шаҳар қозиси сифатида Марғилонда очила бошлаган рус-тузем мактабларини қўллаб-қувватлагани ҳақида “Туркистон вилоятининг газети” маълумот беради: “Андин кейин ҳурматлу домулло Ҳўжахон қози мазкур мактабхонани(нг) фуқароларға бўладурғон фойдаларини баён этиб, фуқаролар чин кўнгуллари билан хурсанд бўлиб, болаларини берганлари тўғрисида изҳори арз қилдилар” (“Туркистон вилоятининг газети”, 1888 йил, 31 декабрь).

Ўзбек маърифатпарварлари маҳаллий ёшларнинг рус ва рус-тузем мактабларидан рус тилини пухта ўрганиши дунёвий илм-фан янгиликларини эгаллаши учун катта имкониятлар яратади, деб билди. Бу эса миллатнинг ўзлигини танишига олиб келар эди. Уларнинг мақсади чор маъмурлари олиб бораётган сиёсатга зид эди. Шунинг учун ҳам юқорида тилга олинган маърифатпарварлар умр бўйи таъқиб ва тазииклардан кутула олмади. Бу даврда замон талабларига нисбатан жавоб бера оладиган бошқа дурустроқ ўқув муассасаси йўқ эди. Айрим тадқиқотчилар, тарихчи олимлар мустамлакачилар томонидан очилган бу мактабларни қўллаб-қувватлаган, ўзбек фарзандларини ушбу мактабларга даъват этган маҳаллий зиёлиларни қоралади, ҳатто сотқинликда айблади. Лекин Инъомхўжа оқсоқол, Шарифхўжа қози, Муҳиддинхўжа қози рус босқинчиларига сотилган бўлганда, 1892 йил Тошкентда юз берган миллий озодлик ҳаракати — “Вабо қўзғолони”нинг раҳбарлари сифатида ўз юритидан бадарға қилинармиди?! Генерал-губернаторликка қарашли “Туркистон вилоятининг газети”да 1883-92 йилларда муҳаррир ёрдамчиси ва

таржимон бўлиб хизмат қилган Сатторхон Абдуғаффоров шу халқ озодлик ҳаракати боис умрининг сўнгги 8-9 йилини дарбадарликда ўтказармиди?!

Хонликлар даврида ва ундан кейин ҳам илм-маърифатдан бебаҳра бўлиб келаётган халқ тақдири ўзбек зиёлиларини қаттиқ ташвишга солмоқда эди, улар рус-тузем мактабларидан маҳаллий ёшларни маърифатли қилишда фойдаланишга, уларни чор ҳукумати ниятларига зид келадиган йўлга аста-секинлик билан буриб юборишга ҳаракат қилди ва бунга, қисман бўлса-да, эришди. Бу мактаблар аслида маҳаллий аҳоли орасидан юксак малакали мутахассис ёки чуқур маълумотга эга шахсларни тарбиялаб етишириши ўз олдига мақсад қилиб қўймаган эди. Академик В.Бартольд маълумот беришича, бундай мактабларда ўқитиш ниҳоятда саёз эканини ҳатто рус зиёлилари ҳам эътироф этган: “Вилоятлардаги рус-тузем ва соғ русча мактаблардан ҳеч бири русча ёзиш у ёқда турсин, ҳатто тўғри ўқий оладиган бирорта ҳам маҳаллий халқ вакилини етиширгани йўқ” (Бартольд В.В. История культурной жизни Туркестана. Ленинград, 1927, стр. 308).

Бунинг асосий сабабларидан бири мактаб иқтисодий базасининг ниҳоятда начор аҳволда бўлганидир. Давлат рус-тузем мактабларнинг бир йиллик умумий ҳаражатлари учун ниҳоятда кам маблағ ажратар эди. Мактаблар маҳсус бинолар бўлмагани боис бадавлатроқ кишиларнинг ижарага олинган ҳовлисига ёки уйининг икки-уч хонасига жойлашган эди. Баъзи жойларда рус-тузем мактаби очиш учун маҳаллий аҳолидан пул (шкўл пули) йиғиларди.

Бундан ташқари, рус ва ўзбек синфи ўқитувчилари баравар ишлашига қарамай, ўзбек синфи муаллимимга жуда кам маош берилган, яъни рус ўқитувчисининг йиллик маоши ўзбек ўқитувчисиникидан 2,5-3 баробар кўп бўлган. Шунинг учун ҳам мактаб раҳбарлари ҳукумат олдига ўзбек синфи муаллимлари маошини ошириш масаласини қўйган. Фарғона ва Самарқанд вилоятлари халқ мактаблари назоратчиси П.Прилежаев 1887 йилги ҳисоботида қуйидаги фикрни

баён қилган эди: "Мукофот учун белгиланган 100 сўмни мулланинг маошига қўшиб берган маъкул. Шунда унинг бир йиллик маоши 220 сўм бўлади ва бу вазифага энг яхши кучларни жалб этиш имконияти туғилади. Акс ҳолда яхши муллалар моддий жиҳатдан тўкисроқ таъминлайдиган мадрасани ташлаб, оз ҳақ тўлайдиган рус мактабида ишлашга у қадар муҳтоҳ эмас" (ЎзР Марказий Давлат архиви. 47-фонд, 281-дело, 390-бет).

Рус-тузем мактаблари давлат эътиборидан шу қадар йирок эдик, ўзбек гурухларини дарслик билан таъминлаш масаласи мактаб очилгандан 18 йил ўтгачгина ҳал этилди. Рус мактаби дастлаб 1873 или Чимкентда очилган бўлса, бундай мактаблар учун атоқли мутафаккир Саидрасул Саидазизов "Устоди аввал" алифбо дарслигини 1902 или нашр эттирди. С.Граменицкийнинг эса рус тилини ўргатишни мўлжаллаган "Первая книга для чтения", "Вторая книга для чтения", "Третья книга для чтения" дарсликлари мактаб очилгандан 15 йил ўтиб яратилди. Бу мустамлакачилар ўта эҳтиёткорлик билан амалга оширган тадбир эди. Чунки Ильминский гумашталарига мана бундай таълим

берар эди: "Ерли ҳалқ орасидаги биз учун фойдали ва ҳеч бўлмаганда, зарарсиз кишилар русчада тутилиб, уялиб гапирадиган, русча ёзганда талай хато билан ёзадиган, бизнинг губернатордангина эмас, ҳатто стол бошлиғимиздан (мирзо) ҳам ҳайқадиган бўлиши лозим" (Мусульманские депутаты Государственной Думы России 1906-1917 гг. Уфа, 1998, стр. 120).

Шунга қарамасдан, ўзбек маърифат-парварлик ҳаракатининг атоқли намояндалари, миллий озодлик учун курашган мутафаккирлар Саидрасул Саидазизов, Нозимахоним, Ҳамза, Абдулла Авлоний, Абдулла Қодирий, Чўлпон, Боту, Мирмулла, Мирмуҳсин Шермуҳамедов ва бошқалар ана шу рус-тузем мактабларидан етишиб чиқди. Ҳатто чор Русияси ҳукмронлиги даврида ҳам, шўролар даврида ҳам умри таъқиб ва қамоқларда ўтган, Туркистон Мухторияти ҳукумати раисининг ўринбосари, замонавий ҳукуқшунос Убайдулла Хўжаев ҳам рус-тузем мактабини тугатган.

Сатторхон Абдуғаффоров Чимкентда очилган илк рус мактабининг биринчи ўзбек ўқитувчиси эди. У XIX асрнинг 80-



йилларида ёк рус-тузем мактабарининг асл моҳиятини жуда тўғри тушунган, унинг аҳолини руслаштиришга қаратилган сиёсатини фош қилган, бундай мактабларни миллий тарбия заминида ўзгартириш, астасекин мустамлакачилар ниятига зид йўлга солиб юбориш усуулларини ишлаб чиқсан эди. 1883 йили Тошкентда чақирилган Туркистон ўлкасида рус ўкув юртлари муаллимларининг 1-қурултойида Кўкон шаҳридаги рус мактабининг фахрий нозири сифатида Сатторхон ҳам иштирок этди (Сатторхон Абдуғаффоров 1878-86 йилларда Кўқондаги рус мактабининг фахрий нозири лавозимида ишлаган — У.Д.). У қурултойда чор маъмурларининг маҳаллий аҳолини мажбуран руслаштириш сиёсатини кескин қоралади, рус мактабларига маҳаллий тил, мусулмон дини ва маънавиятидан дастлабки маълумот берувчи муаллимлар жалб қилиш кераклигини таъкидлади: “Рус мактабларига мусулмон муалими киритилиб, унга ерликларнинг болаларини маҳаллий тилга, жойига қараб, сарт ёки қирғиз тилига ўргатиш ҳамда мусулмон динидан бошланғич таълим бериш вазифаси юклатилса, у вақтда маҳаллий кишиларнинг бу мактабга нисбатан ҳаммага маълум ва ҳамма таъкидлаётган ишончслиги тутагилган бўлур эди” (“Протокол заседаний собрания городских училищ Туркестанского края “30. XII. 1883-301. 1884”, Ташкент, стр. 17).

Бу фикр қурултой раиси М.Миропиевнинг кескин қаршилигига учради. У Русия маориф вазири Д.Толстойнинг “Туркистон ўлкасида давлатга қарашли мактабларда мусулмон дини ҳам, мусулмон тили ҳам ўқитилмаслиги керак”, деган бўйругига ёпишиб олиб, Сатторхонга қарши ўзининг шовинистик қиёфасини кўрсатувчи, умуман, рус маъмурларининг Туркистон халқларини руслаштириш сиёсатини ифодаловчи қўйидаги фикрини баён қилишдан уялмади: “Ўздинида мутаассиблик мавжудлигини инкор қилувчи мусулмонларга ишонмаслик керак” (ўша манба, 18-бет).

Сатторхон Абдуғаффоров биринчи ўзбек журналисти, публицисти сифатида ҳам мустамлакачиларнинг мунофиқ сиёсатини, мутаассибларнинг жоҳиллигини очиб таш-

ловчи туркум мақолалар биттан. Унинг “Бир чимкентлик мусулмон ўтган вақтларни ёдига олиб ёзгани” (“Туркистон вилоятининг газети”, 1890 й. 6, 8, 16, 19, 24-сонлар) туркум мақолалари муҳим аҳамиятга эга.

Губернаторлик маъмурлари рус-тузем мактабларида исплоҳот ўтказиб, унинг ўзбек синфларидаги таълим-тарбия ишларини, бир оз бўлса-да, миллийлаштиришдан, В.Бартольд сўзи билан айтганда, “Маҳаллий ҳалқа ўз она тилида кўпроқ маълумот беришдан ва бу билан маҳаллий ҳалқни руслаштириш ишига зарар етказиб, маҳаллий адабиёт ва маданиятнинг қаттиқ ўрнашид қолишидан қўрқар эди” (Бартольд В.В. История культурной жизни Туркестана. Ленинград, 1927, стр. 134).

Рус-тузем мактабарининг очишига рус маъмурлари, миссионерларининг ўзи ҳам шубҳа ва ҳадик билан қарап, бундай мактабларга ерли аҳоли фарзандларининг жалб этилиши уларни ташвишга солар эди. Мактабларни очишдан кўзда тутилган мақсаддан қатъи назар, ерли аҳолининг “кўзи очиши” мумкинлигидан улар хавотирда эди. Ҳатто бундай мактабларни очмаслик, маҳаллий аҳолини иложи борича замонавий маърифатдан, маънавиятдан четда тутиш кераклигини қайта-қайта таъкидовчилар ҳам оз эмас эди. Ўзбек, форс, араб тилларини, адабиётини мукаммал билган, Ҳавоий — Умидий, Рожий Марғиноний ва Фурқат билан яқин алоқада бўлган, шарқ кўллөзмаларидан катта коллекция йиғиб, Санкт-Петербург Шарқ кўллөзмалари институтига топширган, йигирма йил давомида Русиянинг Кошғардаги бош консули лавозимида ишлаган Н.Петровский рус ва рус-тузем мактабарининг очишига кескин қарши чиқсан. У 1887 йил 23 июнда Н.Остроумовга йўллаган мактубида Туркистон ўлкасида бирин-кетин очилаётган рус ва рус-тузем мактабларидан ташвишланиб, қуидагиларни ёзган эди: “Ҳамма ерда мусулмонлар учун очилаётган мактаблар (рус-тузем мактаблари кўзда тутилмоқда — У.Д.) нима ўзи? Маънилик ишми ёки бехуда? Ҳўжакўрсингами ёки жиддий нарсами? Билишни истардим. Биринчиси тўғри бўлса керак, деган хавотирдаман. Агар мактаблар би-

рор мақсадни кўзламай, оқибати нимага олиб келиши ўйланмай очилаётган бўлса, уларни очмаган маъкул. Кейин бориб пушаймон бўлиб қолмайлик” (ЎзР Марказий Давлат архиви. 1009-фонд, 31-дело, 16-саҳифа).

Русия маориф вазири Д.Толстойнинг 1870 иили ёзган мана бу гапига эътибор беринг: “Бизнинг ватанимизда яшовчи барча бегона (файрирус) халқарни маълумотли қилишдан пиравард мақсад, шубҳасиз, уларни руслаштириш ва рус халқи билан бирлаштиришдан иборат бўлмоғи керак” (Аграрный вопрос и крестьянское движение 50-70 гг. XIX в. Часть 1, Москва, 1936, стр. 285).

Рус-тузем мактабларининг реакцион мояхитини рус сиёсатчилари ҳам эътироф этган. Туркистонда 43 ийл фаолият кўрсатган, ушбу мактабларнинг ташкилотчиси ва биринчи ўқитувчиси В.Наливкин (1852-1918) бундай деган: “Улкада рус-тузем мактаблари деб номланувчи, ўта фойдали саналган муассасалар тармоғини кенгайтиришга қаратилган лойиҳани амалга оширишга киришганимизга йигирма йилдан ошди. Бу соҳада бизнинг кўлиминиз билан бўлмаса-да, хоҳишмизга кўра жуда кўп ифлос ишлар қилинди. Йигирма йил давомида бу мактабларни бир неча минг маҳаллий болалар битирди: уларнинг бир қисми мактабни тугатмай қочиб кетди, қочиб кетяпти ҳам. Натижка шу бўляптики, улардан на рус хукуматига, на маҳаллий жамиятга бирор фойда тегаётгани йўқ, менимча, тегмайди ҳам” (“Туркестанский курьер”. 1913, № 38).

Исмоилбек Гаспирали 1881 йилдаёк “Русия мусулмонлиги” асарида рус-татар мактабларининг (Туркистон ўлкасидағи рус-тузем мактабларининг Татаристон ва Қrimдаги кўриниши — У.Д.) ўқиш-ўқитиш, таълим-тарбия методларидан тортиб мақсад-маслагигача кескин фош этган эди: “Татарлар учун очилган рус мактаблари “ўлик” муассасанинг ўзгинасидирки, буни ушбу мактабнинг назарияси ва амалиёти яққол исботлаб турибди” (Гаспринский И. Из наследия. Симферополь, “Таврия”, 1991, стр.42).

Бундай мактаблар ўлкада йил сайин кўпайиб, 1917 йилга келиб 167 тага етган эди. Ильминский тизими асосида очилган

мактабларнинг руслаштириш мояхитини депутат Г.Еникеев 1908 йил Русия Давлат Думаси минбаридан туриб, шундай танқид қилган: “Жанблар! Мусулмонлар адолат, инсонийлик туйғулари билан Давлат думасидан куйидагиларни талаб қиласди: миссионерлик маориф соҳасидан олиб ташлансан, руслаштириш жараёни бекор қилинсан, мактаблар ақл-идрок ва педагогикага асослансан. Биз бу ўринда Маориф вазирлиги мусулмонлар учун Ильминский тизими асосида ташкил қилган мактаблар ҳақида гапирияпмиз. Бу мактаблар њеч қачон мусулмон аҳолининг эътиборини ҳам, ишончини ҳам қозона олмайди, чунки улар маорифнинг туб мақсадига хизмат қилмайди” (Мусульманские депутаты Государственной думы России 1906-17 гг. Уфа, 1998, стр. 120-121).

Шундай ўта оғир шароитда ўзбек зиёлилари рус-тузем мактабларини миллат мақсадига бўйсундиришга ҳаракат қилди. Шуни алоҳида таъкидлаш керакки, Сайдрасул Сайдазизов XIX асрнинг 80-90 йилларида етишиб чиқкан, 1-рус-тузем мактабини битириб, унда муаллимлик қилган, ўзбек педагогикаси тарихида усули савтия методига асосланган илк алифбо дарслиги “Устоди аввал”ни яратган, ўзбек педагоглари орасида ўқув-тарбия соҳасида дастлабки исплоҳотни ўtkаза олган методист-олим ҳамдир. (Унинг “Устоди аввал” алифбо дарслиги таъсирида XX асрнинг биринчи чорагида жадид мактаблари учун товуш методига асосланган йигирмага яқин алифбо дарслиги яратилгани маълум). Сайдрасул Сайдазизовнинг бу фаолияти маҳаллий мутаассибларнинг кескин қаршилигига учраган, уни “насоро маҳзум” (“ғайридин”) деб жар солишган. Шунга қарамай, муаллифнинг алифбо дарслиги ўша давр педагогларига тухфа бўлди, у рус-тузем мактабларидан ташқари, усули қадим ва усули жадид мактабларида ҳам кенг қўллана бошлади. Бу ҳақда маҳаллий зиёлиларнинг “Туркистон вилоятининг газети”да эълон қилинган мақолаларида, Мўминжон Мұхаммаджон ўғли — Тошқиннинг “Турмуш уринишлари” мемуар асарида маълумотлар бор. Чим-

кентлик мактабдор Умаржон Абдугаффор ўғлининг сўзларига эътибор беринг: “Ушбу “Устоди аввал”ни ўқифон ёш шогирдлар эски тартиб бирлан ўқиши(нг) азоб ва машақатларидан кутулиб, тез фурсатда муддаолариға ва мақсадлариға, яъни қора хатни ўқумоқ ва ёзмоқ давлатиға осонлик бирлан етиб, оз вақтда бул Туркистон музофотида турғувчи фуқароларни(нг) аксарлари ёзадурғон ва қора хатни ўқийдурғон бўлиб қолсалар ажаб эмас, деб умид қиласмиз” (“Туркистон вилоятининг газети”, 1903, 48-сон).

Рус-тузем мактабларининг ўзбек гуруҳларида таълим-тарбия худди эски мактаблардаги каби ибтидоий шароитда қолиб келмоқда эди. Рус синфларида белгиланган дарс соатлари ўтиб бўлингач, ўкувчилар қўшни хонага — ўзбек синфи ўқитувчиси ихтиёрига ўтади. Ўзбек ўқитувчиси маҳаллий эски мактабда ўқитиладиган фанлардан дарс беради. Бу дарс давомида рус ўқитувчиси сингдиришга ҳаракат қилган таълиму тарбия бекор бўлади. Ўзбек синфидаги шароит худди эски мактабдагидек: рус синфида ўкувчи партада ўтиrsa, ўзбек синфида кигиз ёки намат устида ўтиради, ҳеч қандай дарслик, ўкув жиҳози, ўкув қўлланмаси йўқ, дарс эски усулда арабча диний матнларни қуруқ ёдлаш асосида олиб борилади. Рус-тузем мактабларининг ўзбек синфларида (С.Сайдазизовнинг “Устоди аввал”, Байрамали Калининнинг “Муаллими соний” асарлари чиққунга қадар) маҳсус дастур, дарслик ёки ўкув қўлланмалар, ҳатто предметларнинг номлари ҳам кўрсатилмаган.

1892 йилдан эътиборан Сирдарё вилоят ҳалқ ўкув юртлари инспектори лавозимида ишлаган С.Граменицкий рус-тузем мактабларида ўқитиш усувларини бирмунча ислоҳ қилишга уринган. У бу мактабларда ўқитишдаги ўзбекча сўзларни русча транскрипцияда беришга асосланган Н.Ильминский таржима методининг яроқсизлигини, шунинг учун ҳам рус-тузем мактаблари ўзбек ҳалқи ўртасида эътибор қозона олмаганини таъкидлайди. Ильминский фаолиятидан мъълумки, у 1873 йилдаёқ туркий ҳалқларни (араб алифбосидан воз кечиб) алоҳида ёзув тизимига

ўтказиш, улар учун кирилл ёзувини жорий қилиш таклифи билан чиққан эди. Бу маданияти, тили, дини, тархи бир илдизга эга бўлган туркий қавмларни парчалаб юбориш, уларни минг йиллик маънавий меросидан маҳрум этишининг бирдан-бир йўли эди. Бу тадбирни амалга оширишда у қозоқ педагоги Иброй Олтинсарин фаолиятидан фойдаланган ва 1884 йилдан Туркистонда очила бошлаган рус-тузем мактабларига айни усулни татбиқ қилган эди. Бу тадбир араб ёзувидан воз кечишнинг дастлабки босқичи эди. Чор Русланси ва Туркистон генерал-губернаторлиги 40 йилдан ортиқ вақт давомида бу режани амалга ошира олмади, аммо шўролар ҳукумати Ўрта Осиёни 1924 йилда беш республикага парчалаб ташлаганидан кейин оқуларни араб алифбосидан аввал лотин, сўнг эса асосий мақсад — кирилл алифбосига ўтказиш кампаниясини ниҳоятда тезкорлик билан якунлади.

С.Граменицкий рус-тузем мактабларида ўқитишнинг асосий усули бўлмиш Ильминский таржима методини инкор қилиб, маҳаллий болаларни русча ўқиш, ёзиш ва эркин гаплашишга ўргатиш учун дарсларни фақат рус тилида, кўргазмалар асосида олиб бориш усулини ишлаб чиқди ва қўйидаги масалаларга аҳамият бериш лозимлигини таъкидлади: “Рус тилини ўргатаётган вақтда болалар тушуниши, кўз олдига келтириши қийин бўлган сўзлар учрайди, ўқитувчи буларни ўкувчи тўғри тушундими ёки йўқми, деб шубҳаланади. Бундай вазиятда ушбу сўзни ўқитувчи маҳаллий тилда бир марта айтиши мумкин. Масалан, “небо” сўзини ўкувчилар тўғри тушунанига шубҳаланса, “небо — осмон” деб таржимасини айтади, бошқа вақтда фақат русчасини кўллади. Асосий мақсад шундаки, ўкувчи заруратсиз она тилини суистеъмол қилишга одатланмасин, бошидан русча сўзларни эшитиш ва гапиришга ўргансин” (Граменицкий С.М. Положение иностранных образований в Сирдарьинской области. Ташкент, 1916, стр. 18).

Аммо С.Граменицкийнинг бу ҳаракатларига Ильминский ғояси амалиётчилари Н.Остроумов, М.Миропиев ва семинария педагогика совети илмий котиби

И.Софийскийлар кескин қарши чиқди. Масаланинг мураккаб томони шунда эдики, Граменицкий методини жорий қилиш ўқитувчилар семинариясида ҳам туб сифат ўзгаришларини талаб этарди. С.Граменицкийнинг “Книга для чтения” номли уч дарслиги яратилгунга қадар рус-тузем мактабларида 14 йил турли хил дарслик ва қўлланмалардан фойдаланиб келинди. Самарқанд область ҳарбий губернатори граф Ростовцев ўкув юртлари бош инспектори Керенскийга қўйидагиларни ёзган эди: “Рус-тузем мактабларини кузатишим давомида мен рус тилини ўқитиша арзирли муваффақиятни кўрмадим. Бунинг асосий сабаби рус тили дарсликларининг яроқсизлигидир. Кўп нарса-буюмларнинг номи ерлик ўқувчилар учун бегона” (ЎзР Марказий Давлат архиви. 47-фонд, 2124-дело).

1897 йил Туркистон ўкув юртлари бош инспектори Керенский топшириғига биноан, С.Граменицкий ўзи тавсия қилган кўргазмалик методи асосида рус-тузем мактаблари учун маҳсус дастлабки дарслик яратишга киришди. 1898 йилдан бошлаб унинг “Первая книга для чтения”, “Вторая книга для чтения”, “Третья книга для чтения” дарсликлари босмадан чиқди. Граменицкий дарсликлари асосида рус-тузем мактабларида рус тилини ўқитиш учун қўйидаги дастур жорий қилинди:

Биринчи йил: кўргазма асосида ўқувчиларни ўраб турган жиҳозларни оғзаки ўрганиш: синф жиҳозлари, уй ҳайвонлари, одамнинг асосий аъзолари, ўнгача бўлган сонлар, кийим-кечак, уй-рўзгор анжомлари; ҳовли, кўча, бозорнинг қисқача тасвири; қариндошлар, ҳафта кунлари номини ифодаловчи русча сўзлар (С.Граменицкийнинг “Первая книга для чтения” дарслиги биринчи қисми асосида). Рус алифбосини рус сўзлари асосида ўрганиш, ҳарф элементлари, кичик ва ёзма ҳарфларни, ўрганилган русча сўзларни ёзиш.

Иккинчи йил: боф, полиз, бозор ва дала тасвири; ўсимликлар, мева ва сабзавот; асосий нарса-буюм ҳамда ўлчовлар, ҳунармандчиликка оид буюмлар, ой ва йиллар тасвири. Ўрганилган сўзлар асосида мақолаларни ўқиш ва сўзлаб бериш

(“Первая книга для чтения” дарслигининг иккинчи қисми асосида). Йўл-йўлакай янги, номаълум сўзларни тушунтириш орқали атроф мухит ҳақидаги, жиҳозлар номи иштирок этган ҳикояларни ўқитиш; мактаб, уй, боф жиҳозлари, уй ҳайвонлари ҳаётига оид матнларни саволлар асосида ҳикоя қилиш (С.Граменицкийнинг “Вторая книга для чтения” дарслиги 1-45 бандлари асосида). Ўрганилган русча сўзлар, иборалар, мақолаларни кўчириб ёзиш.

Учинчи йил: шахар, қышлоқ, дала шароити ҳақида ҳикоя қилиш; йиртқич ҳайвонлар ва улар ҳаётини тасвирловчи ҳикояларни ўрганиш; чўл, ўрмон, тоф ва дарёлар тасвири, ватан ҳакида тушунча (“Вторая книга для чтения” дарслиги асосида). Ёзма машқлар берилган саволларга ўрганилган матнлар асосида тўлиқ жавоб шаклида бўлиши, ўқувчилар жавоб сўзларни ўз китобидан топиши лозим. Ўкув йилининг иккинчи ярмида бу машқларга кўриш хотирасига асосланган диктантлар ҳам кўшилади. Бундай диктантлар баъзи бир товшуларни ўрганиш, уларнинг ёзилиши каби қоидаларга асосланади (“Третья книга для чтения”, 1-20 бандлар асосида).

Тўртинчи йил: нисбатан кенгроқ қўламли ҳикоя ҳамда тавсифларни ўқиш ва сўзлаб бериш; Русия ва Туркестоннинг географияси билан танишириш, Русия тарихига оид асосий воқеаларни сингдириш. Энг мухим имло қоидаларига бағишлиланган оғзаки диктант. Ўкув йилининг иккинчи ярмида ўқилган ҳикоялар бўйича саволлар асосида баёнлар машқ қилдириш (“Третья книга для чтения” дарслиги асосида).

Тўрт йиллик ўқиш тугагач, қўйидаги дастурни ўз ичига олган, мактабни битирув имтиҳони уюштирилган:

1. Русча ўқиш ва ўқилган матнни қайта ҳикоя қилиб бериш.
2. Ўрганилган шеър, масал ёки насрый парчани ёддан ўқиш.
3. Русча жумлаларни айтиб туриб ёздириш.
4. Атроф мухит, рус тарихи, географиясига оид саволларга русча жавоб бериш.
5. Тўрт амалга оид арифметик масала ва мисолларни оғзаки ва ёзма ечиш, миллионга қадар сонларни айтиб туриш асосида ёзиш;

узунлик, оғирлик, вақт, пул ўлчовларини русча билиш.

6. Мусулмонча ўқиш.

7. Рус подшоҳига омонлик тиловчи “Боже, царя храни” мадҳиясини хор бўлиб айтиш.

Шуни унутмаслик керакки, Граменицкий Ильминскийнинг таржима методига (ўзбекча сўзларни русча транскрипцияда беришга) қарши чиққанида мустамлакачиларнинг ўлка халқларини руслаштириш сиёсатига путур етказиш ниятидан йироқ эди. Учала дарсликни ўрганиб чиқар эканмиз, уларда Россиянинг Туркистон ўлкасида абадий хукмронлик қилиш сиёсати устувор эканини англаш қийин эмас. Ушбу ислоҳотлардан кейин рус-тузем мактаблари ва уларда ўқидиган ўқувчилар сони бирмунча ошди. Чунончи, 1884 йилдан 1895 йилга қадар мактаблар сони 22 тадан, ўқувчилар сони эса 461 нафардан ошмаган бўлса, 1896 йилдан 1902 йилгача мактаблар 44 тага, ўқувчилар 1331 нафарга етди.

Маълумки, Ватанга, миллатга муҳабbat муқаддас туйғудир. Шунинг учун ҳам Ватанини онага менгзайдилар. Ватан туйғуси, асосан, ўқувчиларга дарсликлар, Ватан ҳақидаги гўзал бадиий асарлар орқали сингдириб борилади. Граменицкийнинг ўзбек болалари учун яратилган дарсликларида Россия ватан сифатида талқин қилинган, унинг шаҳарлари, қишлоқлари таъриф-тавсиф этилган ва унга нисбатан муҳабbat руҳини сингдиришга ҳаракат қилинган.

С.Граменицкий рус-тузем мактабларининг мақсад-маслагидан келиб чиқкан ҳолда иложи борича маҳаллий халқ тили, урфодати, маданияти ва тарихи, буюк ажододлари ҳақида маълумот бермасликка ҳаракат қилган, айниқса, маҳаллий тилга ниҳоятда беписандлик билан қараган. Миссионершовинистлар каби туркий тилни адабий тил сифатида шаклланмаган деб ҳисоблаган: “Етарли шаклланмаган сарт тили сўзларини русча транскрипцияда бериш ўқувчиларнинг русча талаффузини бузишга олиб келади ва русча саводхонликка салбий таъсир кўрсатади”. Ўзбек болалари учун тузилган ҳар учала дарслиқда маҳаллий халқ ҳаётини акс эттирувчи биронта ҳам матн берилмаган. Ундаги расмлар, ҳатто қишлоқ ҳаётига

бағишланган расмлар ҳам рус ҳаётидан олинган. С.Граменицкийнинг “Третья книга для чтения” дарслигини методик ва мавзу жиҳатдан ўрганган олим Йўлдош Абдуллаев таъкидлаганидек, “Граменицкийнинг ўқиш китоблари рус-тузем мактаблари болалари учун тузилган бўлишига қарамай, Туркистон ўлкаси ҳақида жуда оз маълумот берилган, чунончи, 182 бетли “Третья книга для чтения”да Туркистон ҳақида, бор-йўғи, иккита матн бор, холос” (Абдуллаев И. Эски мактабда ҳатмавод ўргатиш. Тошкент, 1960, 97-бет).

1898 йилги Дукчи Эшон воқеаси губернаторликнинг ўлкада ўтказаётган мактаб сиёсатига бирмунча ўзгартиришлар киритишга мажбур этди. Мустабидларнинг, ўлка халқлари занжирбанд қилинди, энди улар ҳеч қачон эрк, мустақиллик учун бош кўтара олмайди, деган фикрлари пучга чиқди. Улар мазлум халқни жаҳолатда асраш, оз бўлсада, маърифат нуридан баҳраманд қилишдан кўра хавфлироқ эканини тушунди, жоҳил оломон ниҳоятда хавфли куч эканига ишонч ҳосил қилди. Русларга нисбатан муносабатни яхшилаш мақсадида чекланган ҳолда русча таълим бериш, бу билан руслаштириш сиёсатини кучайтириш масаласини ўз олдига қўйди. Бунинг учун ўлкадаги бирдан-бир ўзбек тилидаги нашр “Туркистон вилоятининг газети”дан фойдаланишни мақсадга мувофиқ деб билдишлар. Ушбу газетанинг ўша даврдаги бойламларини вақағлар экансиз, русларни, уларнинг маданиятини, Россия давлатининг ҳарбий қудратини улуғловчи туркум мақолаларга кўзингиз тушади. Мақсад битта — халқ онгига Россия улуғ давлат деган ғояни сингдириш, ўлка халқларини унга мутепиқда сақлаш. Андижон қўзғолонидан кейин А.Вревский ўрнига келган Туркистоннинг янги генерал-губернатори С.Духовский уни қоралаб, халқни даҳшатга солиш мақсадида куйидагиларни ёзган эди: “Ақлдан озган кишигина улуғ подшоҳимиз тутган йўлга қарши чиқиши ҳаёлига келтириши мумкин! Унинг қудрати шу қадар улуғки, бир оғиз сўзи билан икки ҳафтадан сўнг Туркистон шу қадар қўшин билан тўладики, ҳар бир волостга биттадан батальон қўйиш мумкин бўлади” (“Туркистон вилоятининг газети”. 1898, 28 июнь).

Газета саҳифаларида схоластик таълимтарбия тизимини танқид қилувчи, усули савтия методининг афзалликларини тарғиб этувчи мақолалар ҳам тез-тез кўрина бошлиди. Руслаштириш сиёсатини амалга оширишда асосий восита бўлиб келаётган рус-тузем мактаблари тармоғи кенгайтирилди, ундаги ўқитиш усусларига бирмунча ислоҳ киритилди, баъзи жойларда маҳсус ўқув бинолари ҳам курилди. Рус-тузем мактабларининг мусулмон гурӯҳларида ўқув-тарбия ишларини назорат остига олиш мақсадида ўзбек тилида алифбо дарслиги яратиш масаласи қўйилди. 1898 йил генерал-губернатор С.Духовский ушбу вазифани Тошкент шаҳар 1-рус-тузем мактабининг мусулмон гурӯхи ўқитувчиси Сайдрасул Сайдазизовга топширди.

Туркистон генерал-губернаторлиги маҳаллий халқ ўртасида рус-тузем мактаблари нуфузини ошириш, русларга нисбатан илиқ муносабат ўйғотиш ва айниқса, Россия давлатининг қудратини намойиш қилиш мақсадида ўқувчилар учун Санкт-Петербург, Москва ва бошқа шаҳарларга ўқув-таълимий саёҳатлар уюштириди. Илк саёҳат генерал-губернатор Духовскийнинг маҳсус кўрсатмаси ва режасига асосан амалга оширилди. Губернатор аввало Санкт-Петербургдаги мансабдор шахслар — ҳарбий ва халқ маорифи вазири билан келишиб олиб, уларга саёҳатнинг Россия манфаати учун нақадар аҳамиятли эканини тушунтирган. Ушбу саёҳат 1899 йил ёзида икки ой давом этган. Духовский буйруғига мувоғик, Туркистон ўлкасининг ҳамма вилоятларидан 18 нафар ўқувчи йиғилган, саёҳатга Самарқанд шаҳар рус-тузем мактаби ўқитувчиси Лапин раҳбарлик қилган. “Туркистон вилоятининг газети” 1899 йил 3 июль сонида ўқувчиларнинг Петербургга жўнаб кетгани ҳақида қисқа хабар ва саёҳат таассуротларини тўлиқ ёритиб бориш ҳақида маълумот беради. Дарҳақиқат, газетанинг 1899 йил 37, 38, 39, 40, 44, 45, 46-сонларида “Туркистон ўлкаси мусулмон болаларининг 1899 йил Москва ва Петербургга саёҳати баёни” (сарлавҳа рус тилида “Описание путешествия детей мусульман из Туркестанского края в Москву

и Петербург в 1899 г.”) сарлавҳаси остида Муҳиддинхўжа эшон ўғли имзоси билан катта мақола эълон қилинган. Олдиндан келишилганидек, болалар ҳамма жойда эҳтиром билан кутиб олинади, саёҳатнинг иккинчи куни жума намозини Петербургнинг жомеъ масжидида ўқийдилар. Шаҳарнинг диққатга сазовор жойлари: Петропавловск қалъаси, Пушкин ўқиган подшоҳ лицейи, музейлар, заводлар ва ҳатто император хонадонида, ҳарбийлар машқи жараённида бўладилар, ҳарбий вазир Куропаткин болалар билан шахсан учрашиб, “насиҳат” қиласди. Бу ҳақда газета қўйидагиларни ёзади: “Саккизинчи куни бориб, воений министр генерал-лейтенант Куропаткин жанобларини кўрмоқ бўлиб, мазкур жанобни уйларида кутуб турганимизда бир генерал келиб, бизларни бир зол уйга бошлаб олиб кирдилар ва икки адъютантлари ҳам бор эди ва ул ҳолда ўшал баланд мартабалик воений министр ўзлари марҳамат айлаб, уйларидан чиқиб, бизларни ҳар қаюларимиз билан сўрашиб, баъд аз ан ўртада туруб дедиларки: “Жамеъ мамлакатлардаги кишиларни ва раъиятларни баланд оталари подшоҳ бўладур ва биз Россия фуқароларининг ҳам баланд оталари подшоҳи аъзам императоримиздур. Шул сабабли ҳаммамиз бир-биримизга оға-иниллик дараражасидадурмиз ва яна ушбу тарафларни саёҳат айлаганларингизга кўп курсанд бўлдум, ушбу тарафларда кўрганларингизни ўз вилоятларингиздаги кишиларга камокон билан қилурсизлар ва яна кўрмаган жойларингизни тамошо айлаб кўрунглар”, деб уч юз сўм ақча бизга инъом айлади” (“Туркистон вилоятининг газети”. 1899, 46-сон).


Хуласа қилиб айтганда, губернаторлик маъмурлари бошлангич рус-тузем мактабларини ҳар қанча рағбатлантириласин, маҳаллий аҳоли ўртасида тарғиб-ташвиқ қилмасин, улар халқ ҳәтига сингиб кетмади. Айниқса, усули жадид мактаблари фаолияти кенг кўлам ёза бошлагач, унга эҳтиёж ҳам йўқола борди. Бунга, асосан, рус-тузем мактаблари фаолияти минг йиллар давомида миллатнинг қон-қонига сингиб кетган маънавияти, тарихи, тили, динини йўқ қилишга қаратилгани сабаб бўлди.

Нусратулло ЖУМАХЎЖА

«FIRDAVS UL-IQBOL» SABOQLARI

Мумтоз адабиётимизнинг йирик на-
мояндаларидан бири, етук тарихчи, шоир
ва таржимон Шермуҳаммад Мунис (1778
— 1829) бошлаб, ана шундай улуғ рутба-
лар соҳиби Муҳаммадризо Оғаҳий (1809
— 1874) ниҳоясига ётказган “Фирдавс ул-иқбол”
(“Бахтлар боғи”) солномасининг илк бор асл
манбалар асосида замонавий ўзбек имлоси-
да тўлиқ нашр этилаётгани миллий ўзликни
англаш ва маънавий тикланиш йўлида яна
бир дадил қадам бўлмоқда.

Бинобарин, Президент Ислом Каримов
“Тарихий хотирасиз келажак йўқ” мавзуи-
даги сұхбатида таъкидлаганидек, “ўзликни
англаш тарихни билишдан бошланади”.
Ушбу сұхбат тарихни холисона ўрганиш
ва ёритишда ўзига хос дастуриламалдир.
Унда кўтарилиган долзарб муаммолар, илга-
ри сурилган фикр-ғоялар, ўртага ташланган
жавобталаб саволлар, тарихчи олимлар
олдига қўйилган вазифалар бевосита “Фир-
давс ул-иқбол” асари, унда акс эттирилган
катта тарихий давр ва унинг талқини ҳамда
тадқиқига ҳам тааллукли.



Таассуфки, биз ҳанузгача миллий тари-
химизни асл манбалар асосида ўрганишга
муваффақ бўла олганимиз йўқ. Президенти-
миз уқтирганидек, “Тарихни яҳши билмасдан
туриб, юксак маънавиятга эришиш мумкин-
ми? Албатта, мумкин эмас! ...Зотан, тарих
— ҳалқ маънавиятининг асосидир”. Ҳалқ
тарихи айни вактда миллий маънавият та-
рихи ҳам бўлиб, уни изчил ва тўлиқ ўрганиш
миллий маънавиятнинг тадрижий такомил
босқичларини ёритишга ҳам имкон беради.
Маълумки, ўзбек ҳалқи мустамлака шароитида
яшаган 130 йил давомида тарихий хоти-
ра туйғусидан маҳрум этилган ва бу таҳдид
унинг асрий иродасини букишга қаратилган
эди. Ана шундай мағкуравий тазиёқ остида
“Фирдавс ул-иқбол” сингари юзлаб қомусий
маънавият уммонлари мозийнинг ўқилмаган
саҳифалари сифатида пинҳон қолиб кетди.
Шу жиҳатдан, “Фирдавс ул-иқбол”нинг ҳалқ
бисотига қайтарилиши тарихий хотириан
уйғотишга, иродани тиклаб, мустаҳкамлашга
хизмат қилиши шубҳасиз.

Ўша сұхбатда “Шундай улкан даврда
юртимизда кечган давлатчилик тараққиёти,
ижтимоий-сиёсий, иқтисодий, маданий ҳаёти
атрофлича таҳлил этилган тадқиқотлар
нега яратилмаяпти?”, “Ўзбек давлатчилиги
қайси асрда пайдо бўлди? Қандай тарихий
босқичларни босиб ўтди?” каби долзарб
саволлар кўндаланг қўйилди. Шубҳасизки,
“Фирдавс ул-иқбол” асари нашри миллий
тарихимизнинг энг қадимги давридан тор-
тиб, то 1825 йилгача бўлган маълумотлар-
ни илмий муомалага олиб киради. Зоро,
хоразмшоҳлар тарихи ўзбек миллий дав-
латчилиги тарихининг ажралмас қисми,

алоҳида йўналиш ва қиррасини ташкил этади. "Фирдавс ул-иқбол" асарини чукур таҳлил этиш, ундаги маълумотлар заминида маҳсус тадқиқотлар олиб бориш эса юқоридаги саволларга жавоб топишга, янги хуносалар чиқаришга асос беради.


Яна бир қанча долзарб муаммолар ҳам борки, уларнинг ечими бевосита "Фирдавс ул-иқбол"ни жиддий ўрганиши талаб этади. "Нега жаҳонга буок сиймоларни берган бу миллат XVII-XIX асрларга келиб, то шу чоққача эришган юқалиш даражаларидан тушиб кетди? Нега сўнгги уч аср мобайнида бошимиз қолоқлиқдан чиқмай қолди? Аждодларимизнинг қаттиқ қаршилигига қарамай, чор Россиясининг ўлкамизни нисбатан осон забт этишида ана шу қолоқликнинг ҳам ўрни бўлмаганмикан?" Бу саволлар айнан сўнгги уч аср — XVII-XIX асрлар тарихи муфассал тасвирланган "Фирдавс ул-иқбол" солномасини синчилаб кўздан кечириб, ҳар томонлама таҳлил ва тадқиқ доирасига тортишни тақозо этади. Зеро, асар муаллифлари XVIII-XIX асрларда яшаган ва тарихий воқеа-ҳодисаларнинг бир қисми уларнинг кўз ўнгига содир бўлган. Кўхна Хоразмнинг гўзал табияти, меҳнаткаш, бунёдкор, мард ҳалқи, олғир ва жангари хону беклари — ҳамма-ҳаммаси Мунис ва Оғаҳийнинг сезги-ҳиссияти, онгу идроки, дунёқарашу нуқтаи назаридан ўтиб, солнома сахифаларига муҳрланган.

Бундай йирик тарихий асарни бунёд этиш икки ижодкор қисматига наинки катта масъулият, балки улкан заҳматни ҳам юклаган. Мунис бир ғазалида:

Фалак ғам юкларин согланда эла,
Яғринимға манинг қўймиш оғирни.
Билурсен, ғам юкин кўп чекканимни,
Яғриним устида кўрсанг ёғирни, —

деганида, шуни назарда тутган бўлса, ажаб эмас. "Фирдавс ул-иқбол"даги мунгли манзараларни, инсон юраги бардош бериши душвор бўлган қонли воқеаларни кўз ва кўнгилдан кечирганда, Мунис ва Оғаҳий қалбидаги дарду изтиробнинг ҳудудсиз кўламини, юракдаги маънавий-руҳий яғирнинг битмас жароҳатларини яққол тасаввур этиш мумкин.

Биламизки, Мунис ва Оғаҳий аслида, ўз таъбири билан айтганда, "нафаси



нафис"лари жуда ҳассос, беназир шоир бўлган. Улар Хоразм давлати ҳукмдорлари фармойиши билан сарой тарихчилигига сафарбар этилган. Улар шунчаки тайёр маълумот ва манбалар асосида тарих битишга эмас, балки хон ва унинг лашкари билан бир сафда юриш, ҳарбу зарб таҳликаларига тайёр туриш, гоҳо шонли, гоҳо қонли мажароларни иншо этишга мажбур бўлган. Тарихчилар хон лашкарлари билан сафарларда хавф-хатарни ҳам бошдан кечирган. Асарнинг бир ўрнида Мунис музлаган денгиз устидан ўтаётib, оти билан чўкиб кетишига сал қолганини ёзган.

Хизмат вазифасига кўра, давлат тарихчилари бўлган Мунис ва Оғаҳий асари Хоразм ҳукмдорларининг фармойиши билан юратилган. Табиийки, бундай солномаларда жорий ҳоқимиятнинг манфаати биринчи ўринда турган. Шундай экан, "Фирдавс ул-иқбол"да тасвирланган тарихий жараён ҳамда воқеа-ҳодисаларга муаррихлар муносабатини тўлиғича Мунис ва Оғаҳийнинг шахсий муносабати сифатида қабул қилиш қийин. Бизнингча, улар қаламга олинган воқеа-ҳодисаларни шахсий истак-майлларию ҳистайғуларини аралаштирамай, уларни жиловлаб, ўзларига талабчанлик билан ёндашган ҳолда тасвирлашга, воқеликни ҳукмдор мағкураси талаблари нуқтаи назаридан ёритишига ҳаракат қилган. Акс ҳолда назмда инсоғ ва адолатни, инсонтарварлик ва халқтарварликни, меҳр-муруватни куйлаган бу зотлар тарихий асарида не-не хунрезликлар қилган ҳукмдорлар ҳамда уларнинг

лашкарига мадҳу санога йўғрилган маснавию қасидалар битиши мантиқсизлик бўларди. Бу фикрни шу билан ҳам далиллаш мумкинки, Мунис ва Оғаҳийнинг шахсий, оиласвий ҳаёти тўғрисида уларнинг бошқа асарлари дебочасида жуда кам маълумот мавжуд. “Фирдавс ул-иқбон”да эса ҳасбу ҳолларига оид тафсилотлар деярли учрамайди, Мунис ва Оғаҳийнинг насл-насаби, касб-кори, асарнинг ёзилиш сабаби каби фанга маълум фикрларни истисно этганда, Муниснинг биринки бор бетоб бўлганидан бошқа бирор янги маълумот йўқ. Ҳатто Мунис ва Оғаҳийнинг мироб сифатида кўрсатган фаолияти баёни ҳам кўзга ташланмайди. Бу ҳол шарқона расмий тарихчилик низомининг талабчан мезони бўлиб, иккала муаллиф ҳам унга қатъий риоя этган кўринади. Сарой аъёнлари ҳам муаррихларнинг тарихий жараён тасвирига шу тахлит бетараф ёндашувини талаб қилган бўлса, ажаб эмас. Эҳтимол, “Фирдавс ул-иқбон” “Бобурнома” каби мемуар бўлганида, унинг йўриги ва ижодкорнинг эрки бошқача бўларди. Тарихий асар билан мемуар асарнинг фарқли қонуниятларидан бири ҳам шундадир балки.

“Фирдавс ул-иқбон”да хоразмшоҳларнинг адабий-маданий муҳитга муносабати, маърифатпарварлик фаолияти ўз ифодасини топган. Масалан, Мунис Шергозихон ҳақида бундай маълумот келтирган: “Бағоят одил ва фозил подшоҳ эрди. Аксаравқот уламо ва фузало ва шуародин сұхбати ҳоли эрмас эрди. Илм ва шеър онинг замонида ривож топти”. Мунис тарихий шахсларнинг маънавий-жисмоний қиёфасини (портретини) яратишга жуда моҳир. Жўмладан, у Муҳаммад Амин иноқнинг шахсиятини унинг вафотидан сўнг бундай тавсифлаган: “Муҳаммад Амин иноқ бағоят донишманд ва кордон ва машшатдуст ва комрон эрди. Ақлу каёсат дурари била ороста, хуш ва фаросат ҳулали била пироста эрди. Адолатин сиёсатига ва лутфин қаҳрға мунъадам қилиб эрди. Ҳайбат ва савлати улғоятда эрдиким, ҳар ким они курса, аъзосига ларза тушар эрди. Шижоат ва жалодатда фариди замон, саховат ва самоҳатда ваҳиди даврон эрди...”

Мунис муаррих сифатида тарихий шахсларга холис ва ҳақоний тавсиф беришга ҳаракат қилган. Масалан, Бобобекнинг фозил ва донишманд инсон бўлиш билан

бирга исёнкор ва фитнакор эканини бета-раф баён этган: “Бобобек бағоят фозил ва донишманд киши эрди. Базми фузало ва шуаро сұхбатидин ҳоли эрмас эрди. Аммо, на судким, шарорат ва фитнаангезлиқдин бир замон осуда бўлмай, кўб ноҳақ қонлар тўкулмакка боис бўлди”.

Асадда тасвиirlанишича, айрим хону бекларнинг фикри-зикри ва асосий иши салтанати сарҳадларини кенгайтириш, қўшни ҳукмдорлар тасарруфидаги ерларни истило қилиш эвазига мол-дунё ортириш, асиrlар сонини кўпайтиришдан иборат бўлган. Шу боис “Фирдавс ул-иқбон”да сон-саноқсиз, катта-кичикмаҳаллий урушларнинг батафсил тасвири кенг ўрин тутади. Афсус-надомат билан эътироф этишдан бошқа чора йўқки, XVII аср ўзбек миллый давлатчилиги, илм-фани, маданияти, адабиётининг забардаст намояндаси Абулғози Баҳодирхондан то XIX асрда Хоразмда ҳукмдорлик қилган илм-маърифат, маданият ва санъат ҳомийси Муҳаммад Раҳимхони соний — Ферузгача миллый давлатчиликини ривожлантириш мақсадида жон кўйдирган, жаҳон тамаддунига интилган бирорта давлат раҳбари ярқ этиб кўзга ташланмайди. Ҳукмдорларнинг бирортаси бутун куч-кудратини мамлакатда фан ва техникани ривожлантириш, ишлаб чиқаришни самараали йўлга қўйиш, ҳунармандлик ва тадбиркорликни юксалтириш, маданият ва санъатни равнақ топтириш, жаҳон ҳамжамияти билан жиддий муносабатлар ўрнатишга сафарбар этгани ҳақида маълумот учрамайди. Аксинча, уларнинг ўзаро мулкий муносабатларга раҳна солиши, сурункали қатлу торож билан шуғулланиши, майда, муваққат ғалабалар, кўлга киритилган омонат мол-мулк билан тасалли топиши мамлакат ички ва ташки салоҳиятини тобора заифлаштирган.

Маҳаллий урушлар натижасида тинчосоишиша тирикчилик, кундалик меҳнат билан машғул оддий ҳалқининг хонавайрон этилиши, куллик асоратига гирифтор қилиниши, ҳимоясиз аҳолининг зару зеварлари, мол, тuya, отларидан тортиб, кўрпаташагу қўлга илинган майда-чуйда хонадон жиҳозларигача шафқатсиз талаб, очкӯзларча ўзлаштирилиши, ўтлоқлари, мевали бօғлари, пишиб етилган буғдоизорларининг ваҳшийларча ғорат этилиши, бунинг учун ҳеч ким жавобгар бўлмагани, инсон ҳуқуки

ва тақдири хас-хашакдек оёқ ости қилингани, бир маҳаллий ҳудуд аҳолиси қиличдан ўтказилганидан кейин каллалардан бир неча тӯда ҳосил этилгани, бир калла тӯдасининг олдида турган отлик, азбаройи унинг ба-ландлигидан, ортидаги тӯдани кўролмагани, кушталардан бунёд бўлган пушталарнинг бир неча ўринда кофия сифатида келтирилиши сўнгги уч аср мобайнида давлатчилик дараражаси ва савияси тушиб кетганига яққол мисолдир.

*Уюлуб таҳ-батаҳ ҳар сори кушта,
Аён бир дамда бўлди неча пушта...
Кесилган дашт аро ҳар сори бошлар,
Ётиб андоқки, водий ичра тошлар.
Уюлғон кушталардур кўх монанд
Вале кўҳеки бўлғай кўкка пайванд.*

Мана, Орол атрофидаги жанг ниҳояси тасвири:

*Бирор масти жоми шаҳодат бўлуб,
Бирор мужриму бесаодат ўлуб.
Кесук бошниким от аёғи уруб,
Магар гўю чавғон ўюнун қуруб.
Ётиб жамъ ҳар гўшада кушталар,
Аён айлаб ул дашт аро пушталар.*

Тинч аҳолининг тириклий ашёларига-ча талаб олиниши мана бу манзараларда ҳаққоний тасвирланган: "Шанба кечаси ёвмут баҳодирларидин Сайдниёс ушок ва Шайхна-фас баҳодир бошлиқ икки юз киши ва ўзбак йигитларидин Холниёс юзбоши бошлиқ кўп оломон пиёдалаб, кемаларга миниб, монанди дабур Жайхун сатҳидин убур қилиб, тифи жа-лодатни ниёми интиқомдин чиқариб, аъдо че-рикига шабихун уруб, қатл ва кашишга андок иштиғол кўргуздиларким, йигирма-ўттис киши Маллабек доддоҳ бошлиқ қатлға еткуруб, кўб ҷодир ва қилич, байдақ, салла, кўрфа, лўла-такя, жома ва ўзга ашёйи беинтиҳони кўтара олғонча ўлжа қилиб, даргоҳи давлатинибоя мулозиматига етдилар".

Асарнинг шундай қонли воқеалар акс эт-ган саҳифаларини ўқиётганда, сурункали ва даҳшатли хунрезлик манзараларидан одам сесканиб, ваҳимага тушиб кетади, тинч осоиишта, озод Ватан қўйнида, тамадун асирида яшаётганига шукронга келтиради. Маҳаллийчилик, майда низолар миллат-

ни инқирозга элтувчи иллат, хавфсизлика таҳдид эканига яна бир бор ишонч ҳосил қиласди.

Мунис маҳаллий урушларни фақат муаррих сифатида кузатиш билан чекланмайди, балки муҳорабаларни тасвирлар экан, зафар ва маглубият сабаблари ҳакида ҳарб назариясига оид таҳлил юритади ва хулоса чиқаради. Масалан, у бир мағлубият боисини бундай таҳлил этади: "Ҳикмат беш амредурким, боиси шикаст ва асбоби ҳазиматдур. Аввал улким, саркардалар черик забтидин бепарволиғ қилиб, назм ва насақ сарыштасин қўлидин бермак. Иккинчи, уруш қизғонда сустлиқ қилмоқ. Учунчи, душман сипоҳи билқулу мустасил бўлмой, черик аҳли ғанойимга талашмоқ. Тўртунчи, корзор ҳангомида бесаботлиғ қилмоқ, хоҳ ҳавф юзидин, хоҳ тадбир жиҳатидин. Бешинчи, ръяб ва ҳарос истилоси ва мунҳазимлар хижолатидин хони мағфурнинг мулозиматига боро олмой икроққа бориб, ул ҳазрат муонидларни мустасил қилиб қойтурда истиқбол қилиб, мулозиматга еттилар".

Баъзан бозор иқтисодиётининг қийинчилкларидан нолиб қоламиз, сабримиз чидамайди, иродамиз бўшлиқ қиласди. Асарнинг бир неча ўрнида тарихда юз берган қаҳатчилик, куртоқчилик ийллари тасвирланган. Унда айтилишича, озиқ-овқат тугагач, оч қолган одамлар ҳатто шариат ҳаром қилган нарсаларни ейишга ҳам мажбур бўлган. Бундан ҳам баттари, одам одамга ўлжак сифатида қараш дарајасига этади. Шундай вазиятлар ниҳоясида, тарихчи сув келиб, экин-тиқин ҳосилга киргани, мўл-кўл ҳосил қўтарилиб, тўқ-фаровон турмуш вужудга келганини кўтарилик руҳда, шукроналик туйгулари билан баён этади. Тарихнинг бундай сабоқлари, чиндан-да инсонни хушёрликка ўргатади, иродасини тоблаб мустахкамлайди. Айнан шундай ўринларда "Фирдавс ул-иқбол" катта тарбиявий аҳамият касб этади.

Муаррихлар тарихий воқеалар тасвири силсиласида ҳукмдорга итоат этмаган, саркаш ва зулмпеша баъзи маҳаллий тўралар фаолиятидан ижтимоий-фалсафий сабоқ чиқариб, уларнинг таназзули илдизини ҳам очиб беради. Орол волийси Тўрамуров сўфи саркашлик қилиб, мамлакат яхлитлигига птуртуп етказади. Натижада, ўзи жазолангани

камдек, полизида етилиб турган ҳосил ҳам поймол этилади.

"Фирдавс ул-иқбол"да ижтимоий ҳаёт лавҳалари баёни билан бирга бани одам учун яшаш мұхити ҳисобланған табиат мавзуига ҳам алоҳида эътибор қаратылған. Диёримиз табиатининг гүзәл манзаралари, қүш овининг дилкаш саргузаштлари жуда мароқлы тасвирланған. Замондошимиз Орол денгизининг азалий қирғокларидан ўнлаб чақирим ортга чекиниб, қамишзор ва шүрхок чүлга айланған бугунги манзарасини билади, холос. Асада Оролнинг икки аср аввали ҳолати — тўлиб, мавжланиб турган кўм-кўк денгиз, мусаффо сув остида ғужғон ўйнаган турфа балиқлар, улар устида чарх уриб учайтган қушлар манзараси жуда ажойиб тасвирланған. Оролнинг ўзигина эмас, балки ҳудудидаги ижтимоий-табиий тасвирга ҳам алоҳида эътибор қаратылған:

Кўплар анга ғояти андозасиз,
Қўрунубон ўйлаки ахзар тенгиз.
Зоҳир этиб мавжлар, эсгач шамол,
Аҳли ғазаб жабҳасида чин мисол.
Онда қамишлар кўкариб найзавор,
Ўйлаки, қолин силаҳи найзадор.
Аҳли Орол гўли биёбон каби,
Ғўли биёбон дёма, ҳайвон каби.
Маскан этиб бўйла биёбон аро,
Сайр қилиб хори мўғилон аро.
Не кишилик шахсиға ҳамроҳ ўлуб,
Не адабу расмдин огоҳ ўлуб.
Бешалари бирла қамишлар аро,
Гарчи музир жонеар эрди тўло.
Лек ниҳоятсиз ўлуб ошкор,
Ҳар сифату рангда сайду шикор.
Қирғовули чунки учуб ҳар сори,
Қўкни тутуб мисли малах лашкари.

Асадан ўзбек диёрининг ўша даврлардаги табиат олами, Орол денгизининг экологик ҳолати тўғрисида аник тасаввур ҳосил қилиш мумкин. Денгизда одамлар катта-катта тижорат кемаларида сайру саёҳат қилиб юрган. Баъзан эса шу улкан кемалар, қишида денгиз суви бирдан қаттик музлаши оқибатида, ўз жойида тақа-тақ тўхтаб, қотиб қолган. Кематоки баҳор келиб, муз эригунича ўша жойда тураверган.

Баъзан Орол жанггоҳга ҳам айланған. Муз устидаги жанглар шундай шиддат билан

кечганки, жангчилар остидаги отлар тақаси музга ишқаланишидан чақин чақандек олов сачраган.

Муаррихлар ёзишича, Хоразм хонлари овни яхши кўрган. Бу уларнинг кўнгилочар машғулоти бўлган. Хонликнинг ҳайвон ва паррандаларга бой табиати катта ов сайилларига имкон берган. Шу боисдан асада ов тасвири кўп учрайди. Муаррихлар ов манзараси орқали ўлканинг ранг-баранг қушлар ва ҳайвонот дунёси ҳақида ҳам маълумот беради. Қуйидаги парчада кўхна Кот қалъаси теварагидаги ҳайвонот дунёси ва ов манзараси кўз ўнгимизда намоён бўлади:

Харгўшлар анда чобуку тез,
Ҳар бута тубидин айлабон хез.
Жайранлари хез урада чолок,
Сочиб кўзига хаёлнинг хок.
Дуррожлари учуб ҳавоға,
Эл кўзини боқтуруб самоға.
Хушранг тазарвлар очиб пар,
Товусға ҳайъат ичра ҳамсар...
Ов олмоқ онингдек ўлди комил,
Фурсат ўйқ әди қулурға бисмил.

Муаллифларнинг тасвир услуги ҳам ўзига хос. Улар ўзбек мумтоз насрининг анъанавий услугубини мукаммал ўзлаштирган ва асарини шу услугуда яратган. Бу сажланган наср бўлиб, форсий-арабий сўз ҳамда бирималар билан омухта мумтоз адабий тил услубидир. Андоза умумий бўлса-да, барча хоразмлик тарихчилар услуги айнан бир хил хусусиятга эга эмас. Хоразм мумтоз тарихчилик мактабининг йирик вакиллари ажратиб олиб қаралса, Абулғози Баҳодирхон, Шермуҳаммад Мунис, Муҳаммадизо Оғаҳий, Муҳаммад Юсуф Баёний ҳақида алоҳида тўхталиш зарур бўлади. Бу тўрт улкан муаррихдан кейинги учтаси ўз ижодида мумтоз, анъанавий, расмий тарихнавислик услугубини маҳкам тутган ва барқарор сақлаган. Чунки уларнинг учаласи ҳам расмий сарой, демакки, давлат тарихчиси эди. Ушбу ижодкорлар, тарихчи бўлгани боис ҳам, анъанавий тарихнавислик андозасидан чекинмасликни ўз бурчи деб билган. Бу уч муаррих орасида Шермуҳаммад Мунис услуги жуда мураккаблиги билан ажралиб туради. У кўп ўринларда фикрни ўзбекча баён этиш имконияти мавжуд бўлган ҳолда ҳам форс-

ча, айниқса, арабча сўз-ибораларни фаол кўллайди. Масалан, “Ярим кечада элга хабар еткурди”, демайди-да, “Нисф ул-лайлда элга хабар еткурди”, дейди. “Қочаётган душманд” ўрнига “аъдойи гурезпо” иборасини ишлатади. У илоҳиёт билан боғлиқ диний жумла тузилишлари ва қолиплашган арабий андо-залардан унумли фойдаланади. Деярли ҳар бир воқеа, ҳодиса ёхуд ҳаётий вазиятни ояти карима, ҳадиси шариф ёки диний-исломий ҳикмат билан осонгина асослашга муваффақ бўлади. Бу Муниснинг ислом маърифатини мукаммал ўзлаштирган улкан диний аллома бўлганидан ҳам далолат беради. Умуман, унинг тарихнавислик услуби мураккаб, вазмин, салобатли насрый услубидир.

Муҳаммадризо Огаҳий “Фирдавс ул-иқбол”нинг якунловчи қисмларинигина ёзган бўлишига қарамай, унинг услуби нисбатан енгиллiği, соддалиги, арабий тил бойликларидан холироқ экани билан ажрабли туради.

Маълумки, мумтоз тарихнавислигимизда тарихий асарлар наср ва назм омухталигида яратилган. “Фирдавс ул-иқбол” мутолаасида Мунис ва Огаҳийнинг шоир сифатидаги истеъоди муаррих сифатидаги салоҳиятидан юкори туришини сезиш кийин эмас. Улар назмга ўтиши билан, қафасдан кутулган қушдек, илҳом қанотида парвоз қилади. Одатда, кенг миқёсдаги адабиёт мухлислари шеърдан кўра, насрни ўқиб тушуниши осон кечади. Мунис ва Огаҳийнинг тарихий асарларида эса насрый қисмлардан кўра, шеърларни ўқиб тушуниш ўнғай, бундан киши ҳузурланади, завкланади. Бундай шеърий парчалар тарихий насрни безайди, ундаги тафсилотларни бадиий шарҳлайди, тўлдиради, асарга бадиий кувват беради. Муаррих ва айни чоқда китобхонга лирик чекиниш имкониятини яратади.

“Фирдавс ул-иқбол” нафақат тарихий-бадиий ва адабий, балки қомусий асар ҳамdir. Бу асар она тилимиз тарихи ва ҳалқимиз шеваларини ўрганиш нуқтai назаридан ҳам нодир манбадир. Унда филологик тадқиқотларга манба бўлгулик маълумотлар бисёр. Бир қанча ноёб этимологик маълумотлар асарда ўта ихчам ва содда ифодаланган. Масалан: “Мўғул тилида куёвни кўрагон дерлар”, “Нўён мўғул лугатида “амир ул-умаро” демак бўлур” ва ҳоказо.

Солномада ўзбек ҳалқининг миллий урф-удумлари, санъати ва спортига оид жонли ҳаётий лавҳалар манзараси ҳам ўта мафтункор. Масалан, Огаҳий тўйдаги кураш мусобақасини қўйидаги тасвirlайди: “Филҳол қўҳшукуҳ паҳлавонлар ва қоплоннишон зўргарлар чусту чобуклик била маъррака ўртасига чиқиб, икки қўхи чарх намудор бир-бирига қотишгудек ва ё икки дарёйи заҳхор бир-бирига қотишғондек, икки ҳизабр ҳайбат паҳлавон юз минг ҳиялу амал била бир-бирига ёпишиб, изҳори зўр қилиб, ошбу шўрни фалаки барин қулоқига еткурдилар. Ногоҳ баҳт бозусининг нируси бирига даст бериб, яна бирин ер устига андоқ урдиким, тамошобинлар алоласин авжи сипеҳрдин ошурди”.

Солномада камдан-кам учрайдиган, феноменал қобилиятга эга кишилар ҳақида қизиқарли маълумотлар мавжуд: “...Ул асирлардин бири Эсан Қобил ибн Жонпўлодбий эрди. Ул бағоят тезназар ва дурбин йигит эрдиким, ўзбак андоқ кишини “қироға” дерлар. Манкулдурким, ул бир кунлик йўлдин ва баъзи дебдурларким, икки кунлик йўлдин кишини кўриб, тўн ва отининг қайси рангда эрканин англар эрди. Жонмурод иноқ Бухородин Манғитға келурда ул анга мулозим ва мусоҳиб эрди. Бир кун чоштоҳда дедиким: “Бир тева минган киши кўринурким, азми бу тарафгадур”. Жонмурод иноқ сўрдиким: “Анга қачон йўлукормиз?” Ул дедиким: “Тонгла”. Бу чоғда онинг ойтғонига мувофиқ сўнғи чоштоҳда онга мулоқий бўлдилар. Байт:

*Зихи басорати комилки, очса мадди нигоҳ,
Хаёл етмағудек ер бўлур мушоҳадаоҳ*”.

Хуллас, “Фирдавс ул-иқбол” нашри тимсолида ўзбек ҳалқи хотирасининг катта қисмига қайта жон баҳш этилади. Бу асар ўзбек миллий маънавияти истиқболи учун умидбахш имкониятлар яратади. Ундан миллий тарихни янгича илмий тадқиқ этиш ва ўқитиш, тарихий-бадиий асарлар, кўп қисмли тарихий-бадиий фильмлар яратишда самарали фойдаланиш мумкин. Шунингдек, ушбу асарда Хоразм адабий мұхити ҳақидағи билимларни тўлдириш, Мунис ва Огаҳийнинг ижод қирраларига доир тадқиқотларни такомиллаштириш имкониятлари ҳам мужассам.

Абду НАБИ

BESHOVVLONLAR

Сиқулмадинг,
Чил-чил
Синдинг,
Кўнгил...
Хайрият!

Ришиват
Нима,
Билмайсиз-а?
Раҳмат,
Қўлларим!

Бунча
Яхии
Кўрмасанг
Мени,
Ҳаловат?

Намунча
Ширин
Бўлмаса
Жонинг,
Жон?

Юришларинг
Бунча
Там-там
Бўлмаса,
Тама!

Унинг
Ёлғонидан
Ёлғон-да,
Ёнирай,
Дерди.

Жўжабирдаӣ
Жоним-а,
Жўжаларинг
Ким
Еди?

Ёмғир,
Ростми,
Қайтасанми¹
Яна...
Бўлутга?!

Боишдан
Оёғим
Боишдан
Оёғингга...
Айланмади-да...

Бир
Кўришмаймизми,
Омад,
Тил
Топишармидик...

Шодликларим
Пойига
Кўмдим,
Дардларимни
Мен.

Товусдай
Товланса-да,
Товуқчалик
Таровати
Йўқ.

Ошиқуб
Кетди
Унга
Ошиққан
Манзиллар.

Ўз
Йигисин
Кулдира
Оларди-я
Хоживоий...

Иссиқ
Эди
Бари,
Истарадан
Ташқари.

Узо-оқ
Турди
Иймон
Остонада
Ийманиб.

Ушоққина
Бўлса-да
Ушишогинга
Йўлдоши
Қил!

Шунчалар
Ҳам
Юраксизмизми,
А?..
Юрагим?!?

Аррани
Одамлар
Тортади...
Жабрини—
Дараҳтлар.

Машаққат
Ҳам
Қадрдан
Бўлкетаркан,
Тортаверсанг.

Жилга,
Бахтлисан-а?
Лабингда
Үлтирап
Гулюз.

Алафчалик
Бўлолмадим,
Ўна
Олмадим...
Оёқларингдан.

Шошилмасанг-чи,
Жилга,
Уммонга-да
Қўйиласан,
Қўюлсанг.

Шеърим,
Келсанг,
Келажагинг
Билан
Кел



ИНСОН ЎЗИНГ, ИНСОН ЎЗИНГ

Мансурхон ТОИРОВ

QUYOSH OTA YURTDAN CHIQADI

Энг қисқа йўл ҳар доим ҳам энг тўғри йўл бўлавермайди.

* * *

Бирорта ҳам чўнтағи тешик бой кўрмадим.

* * *

Иблис кибрга кетгунича оламда фақат яхшилик қойим эди. Демак, кибр ёмонлик асосидир.

* * *

Менга қуёшининг доимо нур сочиб турганидан кўра, баҳордаги каби гоҳ булут ортига яшириниб, гоҳо мўралагани кўпроқ ёқади.

* * *

Архимед жаҳонгир бўлмоқ учун Искандар каби сарсон-саргардон олам кезмаган.

* * *

Тўнка ҳам ахир бир кун чирийди, йўқ бўлади ва одамлар ундан қутулади.

* * *

Дўст кирган уйга душман ҳам киради.

* * *

Изгириининг совуги суюкка, турқининг совуги юракка етиб боради.

* * *

Пул ҳаром дейдиганларнинг аксари уни бошига қўйиб ётади.

* * *

Барча жонзотларнинг нимасидир одамзодда акс этган.

* * *

Гурунгни қиздирмоқ учун юз доно камлик, бир аҳмоқ кўплик қиласди.

* * *

Яхши ҳамроҳ манзилга элтар, ёмони — файласуф эттар.

* * *

Ёзии учун қоғоз-қаламнинг ўзигина кифоя эмас.

* * *

Душман орттириши осон, дўст топиш қийин. Шундай экан, уйинг тўрини дўстингга бер.

* * *

Ҳақиқий эрк ёввойи ҳайвонлару ҳашоратлардадир. Агарда шуни демократия десак, бундай демократия менга керак эмас.

* * *

Гавҳарни топган эмас, гавҳарнинг ўзи азиз.

* * *

Йўлга чиқканда тоз чўққилари эмас, жарликлари хавфли.

* * *

Табиатнинг нақадар гўзал эканини ҳис қилиши учун унга маъшуқасига етишган ошиқ кўзи билан боқинг.

* * *

Қуёш шарқдан эмас, ота юртдан чиқади.

* * *

Килинган яхшиликни ҳадеб сувга ташлайверии кишиига алам қиласди.

* * *

Муҳаббат қучоққа сизмайди.

* * *

Ажаб, қанчадан-қанча табиблар бу оламни ўзи даволаётган беморлардан аввал тарк этади.

* * *

Барча бойлик Ернинг қаъридадир. Дўзах ҳам ўша ерда дейшишади.



HAZILOMUZ НИКМАТЛАР

Опера чоғи “қани, чопдик”, дея ария куйланса-ю, саҳнада ҳеч ким югурмаса, баъзи калтафаҳмлар пиқ-пиқ кулишдан ўзини тиёлмайди. Ваҳоланки, чопаёт-ганларни қўраман деган одам югуриш майдончасига боради.

Жорж Баланчин, америкалик балетмейстер

* * *

Хозир биз тараққиётга ишонмай қўйғанмиз — шунинг ўзи тараққиёт эмасми?!
Хорхе Луис Борхес, аргентиналик ёзувчи

* * *

Қамоқхона — жой озлигига вакт кўплиги билан товон тўланадиган жой.
Иосиф Бродский, рус шоири

* * *

Мен пакки ўйнаб ўтириб, бармогимни кесиб олсан — трагедия. Сиз қопқоқсиз канализация ўрасига тушиб кетиб, бўйнингизни синдириб олсангиз — комедия.

Мел Брукс, америкалик кинорежиссёр

* * *

Эрта тонгда оқилона режалар тузаман-у, кун бўйи аҳмоқона ишлар қилиб юраман.

* * *

У — фидойи ватанпарвар, олижаноб инсон, самимий дўст... Агар у марҳумлар сафига кўшилган бўлса, бу — айни ҳақиқат.

Вольтер, француз маърифатпарвари

* * *

Файласуфлар жавобини тинглаб ўтириб, берган саволингга ҳам тушунмай қоласан киши.

* * *

Ғалабанинг отаси — мингта, мағлубият эса — ҳамиша сагир...

Людовик XIV, Франция қироли

* * *

Ғирт бекорчи одам вақтини, одатда, вақти зик киши хузурида ўтказади.

Рене Клер, француз кинорежиссёри

* * *

Телевидение одамнинг ақлинин пешлайди. Мен телевизорни ёқиб, кўшни хонага чиқаман-да, китобга мук тушаман.

* * *

Бобо бўлиб қолганим-ку мени ташвишга солмайди, лекин момо билан ҳаёт кечираётганим чаток-да...

Граучо Маркс, америкалик комик актёр

* * *

Ҳеч вақт ўзингизни маломат қила кўрманг. Унда дўстларни нега яратиб кўйибди?!

Проспер Мериме, француз ёзувчisi

* * *

Соф-саломат юрганим ва узок умр кўрганим сабаби шуки, на тамаки, на арақ ва на аёл зотига... ўн ёшга киргунимча қайрилиб ҳам қарамадим.

Жорж Мур, ирландиялик ёзувчи

* * *

Аслаҳага ўн доллар сарфлагандан кўра матбуотга бир доллар сарфлаган афзал. Чунки қурол ҳеч қачон “тил”га кирмаслиги мумкин, матбуотнинг эса эртаю кеч чакаги тинмайди.

Ричард Никсон, АҚШ президенти

Муҳиддин АБДУЛҒАФФОР тайёрлади.

ЖАВОНДАГИ ЖАВОҲИР



INSON — BUYUK KITOB

Eshqobil SHUKUR mutolaa qiladi

МАХЛУҚДАН МАЛАК КАШФ ЭТИШ СИРЛАРИ

Жалолиддин Румий. Ичиндаги ичиндадир. Тошкент, “Янги аср авлоди”, 2002.

ИНСОН НИМА? Бу саволга Ҳаким Термизий “ИНСОН ҚИСҚА БИР ЗАИФЛИК ВА УЗУН БИР Даъвонинг деб жавоб берган. Айни шу қисқагина заифлик ва узун бир даъвонинг ичидаги не-не тарихлар кечади, не-не оламлар яшайди. Азизиддин Насафий ургу берганидек, “Одам — кичик оламдир”. Шундай экан, шу кичик оламнинг катта олам билан ўта нозик ва мураккаб муносабатларида борлиқ ҳақиқати яширинган бўлади. Бу ҳақиқатни фақат руҳий оламдан топиш мумкин.

ИНСОН НИМА? Бу мураккаб мавжудот қайдан келиб, қаён кетмоқда? Унинг тафаккуридаги фужон фикрларнинг қисмати не? Қалбидаги турфа туйғуларнинг чи? Ҳамма шу саволларга жавоб излайди.

Жалолиддин Румий “Оллоҳ таоло инсонни олим қилиб яратгани учун инсон ўз борлигининг устурлобида вақти-вақти билан Тангри тажаллисини ва беназир гўзалигини порлоқ бир ҳолда кўради. Бу жамол мазкур кўзгуни ҳеч қачон тарқ этмайди”, деган.

Демак, руҳий борлиқни Тангри тажаллиси ҳеч қачон тарқ этмаслиги инсон учун нажот ва хикматидир, яъни одам ҳар қандай ҳалокат ва оғат гирдобидан руҳий борлиғидаги ҳақиқат нури ёрдамида қутула олади. Эҳтимол, Достоевский “Олами гўзалик куткаради”, деганда Румий таъкидлаган Оллоҳ тажаллисини назарда тутгандир. Чунки оламдаги барча гўзал нарсаларда Тангри нури тажассум эканини тасаввух илми мудом таъкидлаб келган ва бу қараш ҳозирги замон жаҳон адабиётида ҳам турли шаклларда намоён бўляпти. Дейлик, Пауло Коэльо “Алхимик” романида “Дунё худонинг бир қисмидир”, дейди ва инсоннинг руҳий борлиғи бутун коинот қалби би-



лан чамбарчас бофланиб кетганини исботлашга ҳаракат қилади. Бу фикр Насафийнинг катта олам билан кичик олам (яъни инсон) муносабатлари ҳақидаги рисоласида айтилган. Коэльо ёзади: “Сен нимани чин дилингдан ният қилсанг, бу ният коинот қалбida пайдо бўлади ва тилагингнинг рўёбга чиқишида бутун коинот ёрдам беради”. Насафий ҳам катта оламдаги ҳамма нарса кичик оламда акс этишини таъкидлайди. “Алхимик” романининг композицион курилиши Фаридуддин Атторнинг “Мантиқ ут-тайр” асари билан деярли бир хил. Роман қаҳрамони Сантьяго тушида кўрган ҳазинани излаб қанча йўллар босади, олам кезади, оқибатда эса бу ҳазина ўз уйи остонасида экани маълум бўлади. Энди Атторнинг “Мантиқ ут-тайр”идаги Семурғи излаб опис йўлга тушган 33 қушни эсланг. Бу күшлар ҳам қанча мashaққатли йўл босиб, олам кезиб, оқибатда Семурғ ўзлари эканини билиб олади. Луис Борхес ҳам “Муттасимга яқинлашув” деган машҳур ҳикоясини “Мантиқ ут-тайр” таъсирида ёзганини эътироф этган. Бугун жаҳон адабиётининг янгича негиздаги интилишлари, инсонни бадиий кашф этиш борасида илгари сураётган ғоялари, таклиф қилаётган рамзлари кўпроқ Шарқ бадиий тафаккури тамойилларига асосланмоқда.



Одамзод пайдо бўлибдики, ўзини кашф этишга интилади. Лекин ҳар қанча уринса-да, бунинг охирига етолмайди. Одам — ўзига ўзи жумбоқ. Неча минг йиллардирки, у ўзини ўрганади, бироқ коинотга нигоҳ тиккан ёш астроном каби буюк сиру синоатлар қаршисида гунгу лол қолаверади. У сирини ҳеч қачон англаб етолмаслигини билса-да, барибир ўзини кашф этишга уринаверади.

Жалолиддин Румий айтади: “Инсон — буюк мўъжиза ва унинг ичидаги ҳамма нарса ёзилган. Бироқ зулмат ва пардалар борки, улар ёзувларни ўқишга имкон бермайди”. Бу одам ичидаги ёзувларни бутунлай ўқий олмайди, дегани эмас. У маълум қисмларнигина ўқишга муваффақ бўлади, холос.

Ҳақиқатан, инсон олами — ғаройиб олам, бу оламнинг асоси ҳам, оқибати ҳам руҳий борлиқдир. Абу Бақр Сиддиқ (р.а.) айтгани каби, “Бу жасад, бу тан бамисоли қушлар учун қафас ёхуд ҳайвонлар учун оғилхонадир”. Инсоннинг ботинида фариштасифат қушлар ҳам, йиртқич махлуқлар ҳам яшаётгандир, эҳтимол. Унда нима қилиш керак? Одам қайси йўлдан боради? Унинг йўли махлуқ йўлими ё малак йўлими? Ёки шу икки йўл ўртаси — учинчи бир йўл борми?

Румий инсоннинг руҳий борлиғидаги энг порлоқ асосларни кўради ва уларни юзага чиқариш учун курашади. У инсондан инсонийликни, руҳий тирикликни излайди, қалбнинг кудратини улуглайди. Махлуқдан малак кашф этишни мақсад қилади. Дарҳақиқат, одам тубанлашса, ҳайвондан минг карра ёмон тубанлашади, юксалса — малаклардан да ба-ландашади. Румий эса, инсонни юксак маъволарда кўришни орзу қилади. Шунинг учун у “Малак билими билан, ҳайвон эса билимсизлиги билан кутулади. Бани Одам шу иккаласи ўртасида аросатда қолади”, деб қаттиқ куйинади. Инсонни ўзидан кутқариш, унинг ичидаги нурни зулматдан ҳимоя қилиб, парваришлиш мутафаккирнинг асосий мақсади эди. Чунки инсон учун ҳар қадамда хатар бор. Ҳаким Термизий айтганидай, у шайтоннинг боласи — Ҳанносли пишириб еб, Иблисни ўз ичига киритиб кўйган. Шундан бери Иблис унинг қонида юради. Ҳар лаҳзада уни эзгуликдан чағлитишига, ёмон йўлларга киришга ундаиди, вассасага солади. XII аср шоири Аҳмад Яссавий Иблисни нафс тимсолида кўриб, “Сенга йўқ нафсдек душман, қила олсанг ани қил банд”, деб васият этса, XX аср шоири Шавкат Раҳмон “Ўлдир, ичингдаги хоинни ўлдир!” деб жасоратга даъват қилади. Дарҳақиқат, дунёning барча мутафаккирлари инсон тийнатида ички душман мавжудлигини ва у ҳамиша унинг қалбига хуруж қилиб туришини айтиб ўтган. Бироқ инсоннинг халоскори ҳам ичидаги. Буни Румий жуда яхши тушунтирган: “Вужуд ҳам Марям кабидир. Ҳар биримизнинг ичимиизда Исомиз бор. Бизда ҳам Марямдаги каби дард пайдо бўлса, Исомиз туғилади. Агарки дард бўлмаса, у ўз кел-

ган йўлидан қайтиб кетади, оқибатда биз ҳам ундан фойдаланмокдан маҳрум бўламиз”. У инсонни ҳалокатга мажхум деб ҳисобламайди. Агар одам ботқоққа ботиб қолган бўлсада, унинг учун ҳар қадамда, ҳар лаҳзада нажот бор, қолаверса, бу ҳолдан қутқарувчи куч узоқда эмас, унинг ичидадир.

“101 Дзен тарихи”да ғаройиб бир ривоят бор. Бир итни ҳамма томони ойнадан иборат бўлган хонага қамайдилар. Ит ойналардаги ўз аксларига қараб тинимсиз хуравериб, ташланавериб, эрталабгача ўлиб қолади. Нақадар теран маъно бор бу ривоятда. Аслида у ит ҳақида эмас, бир-бири билан жанжалу низога бораётган, бир-бирига чоҳ қазиётган одамлар ҳақида, яъни бошқа биров билан уришаётган одам аслида кўзгудаги ўз акси билан уришяпти, бошқа бировга фитна қилаётган одам ўз аксига фитна қиляпти, бошқа бировга ташланётган одам ойнадаги ўз аксига ташланяпти. Бу фалсафа Румийда кўйидагича ифодаланади: “Инсон ўз каллигидан ва чипқонидан ирганмас. У ярали кўлини бемалол овқатга узатади, ҳатто ялайди... Аммо бировнинг кўлида майдо яра ё чипқон кўрса, бас, овқат ейишдан тўхтайди, жирканади. Инсондаги ёмон феъллар ҳам каллар ва чипқонларга ўхшайди. Ўзида бўлса, ҳеч ирганмайди, ўзгада бўлса, жирканади, нафрат этади. Пайғамбар алайҳиссалом “Мўмин мўминнинг ойнасирид”, дея буюради. Бу кофир кофирнинг ойнаси бўлолмайди дегани эмас. Унинг ойнаси бор эди, фақат у бундан ғофилдир”. Демак, бировнинг ёмон феълини кўриб турган бўлсан, бу иллат ўзимни эмасмикан, деб мулоҳаза қилиб кўришим керак. Одам ўзини билиши жуда қийин. У ўз ичидаги кечётган мураккаб кечинмаларни англай олмай қийналади, вужудидан ташқарига чиқиб, ўз-ўзини кузатиши ва тафтиш қилиши керак.

Инсон олами дунё билан қай даражада боғлангану илоҳиёт билан қай тарзда тулашиб кетган? Бу буюк мўъжиза ўз ботинида нималарни яшириб ётибди? Коинот қанча мўъжизаларга бой бўлса, руҳий борлиқ ҳам шунча ғаройиботларга тўладир. Румий айтади: “Инсоннинг ичи ҳуррият оламирид!” Демак, неки изласак, одамнинг ботинидан топамиз. Лекин инсон ўз ичидан бехабар. Бугун чекка қишлоқда яшаётган чўпон дунёнинг нариги буржиди, Антарктидада нима бўлаётганини бир зумда билади, бироқ ўз руҳида нималар кечётганидан воқиф эмас. Руҳ маъно билан қудратлидир. Аммо маъно оламига яқинлашиш, унга кириб бориш ўз-ўзидан содир бўлмайди. Бу тадбир қалб меҳнатини, фикр меҳнатини, изтироб ва илҳом меҳнатини талаб қилади. Табиийки, бундай талаблар одамга кўпинча ёқмайди. Чунки одам енгил нарсаларга ўч бўлади. Дейлик, ҳозирги вақтда одамларга Румийни, Навоийни, Толстой ё Достоевскийни ўқишидан кўра турли сериалларни кўриш маъкул тушади. Кўпчиган томошалар одамдан фикр меҳнатини сўрамайди.

Аслида, қалб ва фикр меҳнати ерни кўлда ағдариб, шудгор қилиб, экин экишдай гап. Олма пиш, оғизимга туш, деб икки минг йил осмонга қараб ётсангиз ҳам, ҳосил ололмайсиз. Фикр меҳнатининг ҳосилини олганларнинг ҳикматини биладилар. Румий бу ҳолни кўйидагича тушунтиради: “Маънога юзланишини инсон дастлаб уччалик севмайди. Бироқ вақт ўтган сайин ёқтира боради. Бу жараён суратда аксинча кечади. Чунки сурат бошида хуш ва латиф туюлади, бироқ у билан қанчалик кўп бўлганинг сари ундан шунчалик тез сошиб борасан. Куръоннинг сурати қайда-ю, маъноси қайда? Худди шундай — инсонга боқ. Агар инсон суратидаги маъно кетса, жасади қолади. Жасадни эса ҳеч ким ушлаб турмайди, уни тезда кўмадилар”.

Ҳаётда маъно оламига юзланиш жараёни бўлгани каби маъносизлик оламига юзланиш жараёни ҳам бор. Агар тирик юрган одамдан маъно кетса, у тирик мурда бўлиб қолади. Коэлью айтганидай, “Бу гавданинг ичидаги бир маҳаллар инсон бор эди”.

Румий айтади: “Икки нарсага кулгим қистайди: бири — занжининг бармоқлари учини корага бўяши, бири — кўрнинг ташқарини томоша қилмоқ ниятида бошини деразадан чиқариши. Улар ҳам шуларга ўхшайдилар. Ич кўзлари кўр бўлгани ҳолда вужуд деразасидан бошларини ташқарига чиқарадилар”.

Маъно оламига юзланиш инсонга унинг ботинидаги янги оламларни очиб юборади.

БИТТА СҮЗДАН ИБОРАТ ДОСТОН

**Алишер Н а в о и й. Муножот. Тошкент, Ғафур Ғулом номидаги
нашириёт-матбаа бирлашмаси, 1991.**

“Муножот” — шоирнинг ҳәёти давомида эришган барча фалсафий хуло-салари қаймоги. Бу асар Шарқ маънавияти тарихида сўз санъатининг нодир намуналаридан бири сифатида қад кўтарди. Унда даҳо қалбнинг Яраттганга илтижолари, арзи ҳоли, ниҳоятда нозик ва беҳад юксак туйгулари, инсон ва илоҳиёт ҳақидаги мулоҳазалари намоён бўлади.

Адабиётда руҳий кўтарилиш деган гап бор. Навоийнинг “Муножот”ида айни шу юксалишга гувоҳ бўласиз. Асарда ишлатилган мингга яқин сўз гўёки бир нафасда айтилгандай. Лотин Америкаси ёзувчиси Борхес “Мен бошқа оламда биттагина сўздан иборат бутун бошли достонни кўрдим”, дейди. Навоийнинг “Муножот”ини Борхеснинг шу ташбехига қиёслаш мумкин. Унда мингга яқин сўз яхлит — “Муножот” деган ягона сўзга айланади ва ўкувчи асарни бутун борлиғи ва ҳикмати билан намоён бўлган битта сўздек қабул қиласи.

“Муножот”да Навоийнинг қалбини кўргандай, шоирнинг руҳи билан учрашгандай бўласиз. Зоро, бу қадар юксалиш буюк санъаткорлар ҳәётида ҳам доим содир бўлавермайди. Бу — руҳий ҳол ҳодисаси. Асар мутолааси жараёнида Навоий “Муножот”га етиб келгунича руҳият оламининг нечоғлиқ бепоён сарҳадларини босиб ўтганини илғаса бўлади. Шу боис ҳам мазкур асарни англамоққа катта тайёргарлик зарур.

“Муножот”да инсон қалби улуғланади, имони, муҳаббати шарафланади. Инсон ва илоҳ ўртасидаги муносабатлар нозик талқин этилади: “Илоҳи, иноятингга уммидворменким, гуноҳим бехаддур ва раҳматингга сазоворменким, хатову саҳвум беададдур. Илоҳи, дарду ҳолимни ҳар кимга айтсан, рад қилса, сенга таважжӯҳ эткаймен ва агар сен рад қилсанг, неткаймен ва кимга кетгаймен?”

“Муножот”да Навоий ўз-ўзини жасорат билан тафтиш этади. Ҳақиқат олдида қалбини мардона очади. Ўрни келганда ҳеч аямасдан ўзини маломат қиласи. Бу — фақат буюк-ларга хос хусусият. Лев Толстой “Икрорнома”сида ўзини шу каби тафтиш этади, Бобур “Бобурнома”да шундай йўл тутади. Чунки улар ҳақиқатни ҳар нарсадан устун қўяди. Ҳаётини эзгулик ва имон йўлига бағишлаган Навоийнинг “Муножот”идаги мана бу но-лаларга эътибор қилинг: “Илоҳи, ёмонлигимдин агарчи кўп аламим бор, ғамхорим сен бўлсанг, не ғамим бор? Илоҳи, париузларға мени девона қилдинг ва шамърухсорларға кўнглумин парвона қилдинг, бу сабаблардин расволиғ бирла оламға афсона қилдинг. Йигитлигим бу навъ ҳам қатиғ ўтти, ҳам ачиғ, қарилиғда юз қатла ўзумни ўлтурсам не асиғ? Илоҳи, агар афъолимға боқсан, ўёт ўлтурур ва сенинг карамингни соғинсам, уммид танимға жон келтирур”.


“Муножот”да афсус сабаби надомат ҳам, фифону фарёд ҳам бор. Лекин асарда бу ҳислар етакчилик қилмайди, балки умид ва ишонч туйгулари устуворлик касб этади. Гарчанд асар оҳангি ғамгин туюлса ҳам, уни ўқиётган одамнинг қалби умид ва ишончга тўлади, кўнгли ёришади, руҳи юксалади, фикри улғаяди.

Айтиб ўтилганидек, умрининг охирги ийлларида ёзилган “Муножот”да Навоийнинг ҳаётий тажрибалари, сўнгги хулосалари, якуний мулоҳазалари, бағоят теран руҳий кечин-малари яширинган. Шу жиҳати билан бу асар шоирнинг дунёга алвидосидай, абадиятга ассаломидай жаранглайди. Унинг ҳар бир сатрида Навоий қалби уриб туради, Навоий туйгулари яшайди.

Навоийшунос Суйима Фаниева таъкидлаганидек, “Муножот”да Навоийнинг тили ўзининг бутун қудрати, ажид нафосати или намоён. Бу тил — тафаккур тили, ҳис-ҳаяжон тили. Шу боис у мусиқа каби дилларга ором баҳш этади ҳам ғафлатдаги қалбларни жунбушга солади. Ҳар бир сўз, ҳар бир илтико муаллифнинг руҳий ҳолатини очиб беришга хизмат қиласи.



КИТОБ ҲАМ ОДАМГА ҮХШАЙДИ



**Шукур Ҳ о л м и р զ а е в . Сайланма. Уч жилдлик. Тошкент,
“Шарқ” нашриёт-матбаа акциядорлик компанияси, 2003.**

Қайдаки Шукур Ҳолмирзаевнинг пушти муқовали сайланмасини кўрсам, худди қадрдан одамимни учратгандай ҳаяжонланаман. Ё тавба, китоб ҳам одамга үхшар экан-да. Мутолаа қила бошласам, бу китоб Шукур Ҳолмирзаевнинг ўзи-ку, дейман. Ё тавба, китоб ҳам одам экан-да.

Адибнинг ўзи амал қиласидиган қатъий қоидлари бор эди. Шулардан мен билгланиларим қуидагилар: “Нимани ёёсанг, васиятим деб ёз!” ёки “Мен ҳикоя эмас, ҳасратимни ёзаман!” ёки “Қандай ёзишни билиш муҳим, лекин нимани ёзишни билиш ундан ҳам муҳим”, ёки “Мен одамлар билан гаплашаётганимда ҳам ишлаётган бўламан”.

Сайланмага кирган ҳикоялар — Шукур Ҳолмирзаевнинг дурдоналари, бизнинг дурдоналаримиз, адабиётимизнинг дурдоналари. Бу ҳикояларнинг ҳар бири васиятдай ёзилган, адаб қалбининг ҳасратини ифода этган; уларда қандай ёзиш ҳам, нимани ёзиш ҳам маромига етган.

Биринчи жилднинг биринчи ҳикояси “Нотаниш одам”дан биттагина мисол келтирай. Фақат, бу парчани ўқиётганингизда адабнинг тилига, тасвир услубига, сўзларни қандай ишлатишига эътибор қилишингизни сўрардим. “Овга бораётган эдим, ҳаво айниди. “Баҳор ҳавоси-да, бир севалаб ўтар”, деб кетавердим. Бироқ сал ўтмай ёмғир шундай қуиб бердики, бирпаста уст-бошим хўл бўлиб, баданимга ёпишиб қолди. Шунда турган еримдан икки юз қадамча нарида жар ва жарга тушаверишда овчилар, йўловчилар қўниб ўтадиган камарча борлиги ёдимга тушди. Жарга яқинлашишим билан шувоқ иси аралаш тутун димогимга урди. Камарга кирдим. Ўртада гулхан ёнар, четроқда оқчил чакмон кийган, ўртабўй киши эшагининг айилини бўшатарди”.

Бу аравани қуруқ олиб қочиш эмас. Бу — санъат! Аслида асаардаги бир хатбоши ёзувчининг ким эканини — оддий маҳмадонами ё чинакам санъаткорми — намоён қиласи-кўяди. Ҳолбуки, сўзбозларнинг юзтасини бир жойга тўпласангиз ҳам, ҳеч қачон бундай тасвирини чизиб беролмайди.

Китобхоннинг адабий диди деган тушунча миллый дид билан чамбарчас боғланиб кетади. Шунинг учун устоз адилларнинг ҳаммаси адабий дид учун курашган. Адабий дидга салбий таъсир кўрсатиш миллый дидни вайрон қилишгача олиб боради. Баъзи мулоийм-хунук “ёзгувчи”лар эса бунинг адабий жиноят эканини билмайди ҳам.

Бу ҳикояларда адаб сўзни заргардай терган. Уларни насрдаги шеърдай ўқиёсиз. Ҳикояларнинг сарлавҳаларидан ҳам шеър таъми келади, сўлим туйгуларнинг хуш бўйларини сезасиз: “Олис юлдузлар остида”, “Тикан орасидаги одам”, “Зов остида адашув”, “Шудринг тушган бедазор”, “Қуш тили”, “Кимсасиз ҳовли”, “Бодом қишида гуллади”.

Бу ҳикояларда ҳаёт бор, тирик одамлар бор. Улар ўз билгланиларича яшайди, пушти муқовали ажойиб китобнинг дашт ва далаларида истиқомат қиласди. Ўтган асрнинг олтмишинчи ийлларидаги адабий анжуманларда баъзи “илғор” ёзувчилар адига “Сизнинг қаҳрамонларнинг — яроқсиз қаҳрамонлар. Улар социалистик ҳаёт шиддатига бардор беролмай адабиётдан ўз-ўзидан чиқиб кетади, улар коммунистик ғояларни кўтаролмайди”, деб маломат қилган эди. Лекин адабиёт уларнинг эмас, Шукур Ҳолмирзаевнинг қаҳрамонларини танлади. Чунки улар ясама роботлар эмас, тирик одамларнинг тимсоли эди.

Уч жилд ҳикоя — миллат адабиёти учун катта тухфа. Бундай хирмон кўтариш катта юкни охиригача тортолган адилларгагина насиб этади.

Мен бу ҳикояларнинг яна бир сирини сезганман. Уларни қайта-қайта ўқисангиз ҳам, барibir кун келиб соғинасиз. Уларда бадиий жозиба билан бирга юрагингизга жуда яқин нарса яширинган.

Хақиқий ҳикоянинг қонун-қоидаси, бадиий мезонлари романнидан баланд бўлса баландки, кам эмас. Ҳалқда “Тилла кичкина бўлади”, деган нақл бор. Романда иккى гектар ерга уруғ сочасиз, унгани кўринади, унмагани сезилмайди. Ҳикояда эса бир сотих ерга уруғ сочасиз, ҳаммаси кўлнинг кафтидагидай кўриниб туради. Ҳосил эса, тонналар билан эмас, а с а р деган мезон билан улчанади.

Баъзида Нобель мукофотини олган дунёга машҳур адиларнинг ҳикояларини ўқиб қоламан. Албатта, улар орасида оламшумул истеъод соҳиблари кўп. Ростини айтиш кепрак, Шукур Холмирзаевнинг ҳикоялари уларнидан кам эмас, ҳатто баъзиларидан баланд ҳам. Худо ҳаққи, Шукур Холмирзаев — Шукур акамиз бўлгани учун бу фикрга келганим йўқ. Адабиёт бундай мулозаматларни ёмон кўради.

У умр бўйи тинимсиз ёзди. Ёзди! Ниҳоят, ҳаётининг сўнгида шундай эътироф қилди: “...мен бу ҳикояларнинг ҳар бирини дунё ҳикоячилигига бўйлаб ёзганман. Булар қандайдир синтез жавоҳирлар эди, уларнинг фазилати катта. Болам, бу жиллар дунё адабиётида ҳам янгилик, бойлик, ҳали бу асарлар ўз қадрини топади”.

ЛАҲЗАГА ҚЎЙИЛГАН ҲАЙКАЛ

Денгиз япроқлари. Япон шеъриятидан. Тошкент, Ғафур Ғулом номидаги Адабиёт ва санъат нашриёти, 1988.



Бу шеърлар ҳақида гапириш қийин. Уларни ҳис этиш, англаш керак. Туйғуни тушунтириш, шарҳлаш севгини изоҳлашдай гап. Япон мумтоз шоирларининг шеърларини дуч кепган вактда ўқиб бўлмайди. Уларни руҳий тайёргарликсиз ўқишдан маъно йўқ. Бу шеърларда туйғу тушунтирилмайди, шарҳланмайди, изоҳланмайди, балки та с в и р л а н а д и.

Куз шамоли ҳуштагин чалар,
Англashingиз мумкин шеъримни,
Далада тунаган бўлсангиз агар.

(Басё)

Далада тунаган одам ўзини табиатнинг бир қисми сифатида ҳис этади. У осмонни, шамолни, юлдузларни, дараҳтларни, тунни та ни ҳиди. Шеърни таниш ҳарфларни танишдан эмас, табиатни танишдан бошланади.

Қоронги хонада ўтирада эдим,
Тўсатдан дөвордан чиқиб келдилар
Ҳассага суюнган отам ва онам.

(Такубоку)

Накадар дардли ҳолат, накадар ғамгин манзара! Бу шеърларда бир лаҳзалик ҳолат ва туйғу тасвирланади. Лекин шу бир лаҳза абадиятга муҳрланади. Шунинг учун ҳам мутахасислар бу шоирларнинг ҳар бир шеърини “лаҳзага қўйилган ҳайкал” деб баҳолайди. Улар бир мўъжиза изидан юрган, уни ўрганган, тасвирлаган, унда кечадиган ҳар бир лаҳзани чин маънода я ш а б ў т г а н. Инсонга берилган бу мўъжиза — Қалб.

Айтишларича, Басё бир чўқининг пойида ҳафталағ үтириб, уни томоша қилар экан. Бир неча ҳафтадан сўнг ўрнидан яна бир оз нари силжиб, чўқини бошқа томондан кузатар экан, бир неча ҳафтадан сўнг яна жойидан силжиб, яна бошқа томондан разм соларкан. Бир қарашда, ойлаб бир чўқига термилиб үтириш бемаъни томошадай туюлар, лекин бу жараёнда шоир ўзини кашф қилиб борган, қалбини, тўйғуларини кашф этган. Ҳали-ку бу чўқки экан, керак бўлса, битта майса мўъжизасини чинакам ҳис этган одам ўз қалбига йўл топади. Шу майса орқали у ўз ичига киради. Ўз қалбига йўл тополган одам Худо сари йўлни топади.

Юксакда турган Будда
Бурнининг тешигидан
Учуб чиқди капалак.

(Кобаяси Иса)

Бу мақолани ёзатуриб, негадир япон мумтоз шоирларининг шеърларидан қайта-қайта мисол келтиришни истадим. Эҳтимол, бу мўъжаз шеърларни ҳамма билишини хоҳлаганимдандир. Балки бу шеърлар ҳеч қандай тушунтириш ва изоҳларга эҳтиёж сез-маслигидандир. Улар шу дараҷада бутун ва мукаммалки, тушунтиришларсиз тушунарли ва ҳамма изоҳларнинг яхлит изоҳидир. Ахир, қаршингизда бир дона қизил атиргул яшнаб турган бўлса, уни нима деб тушунтирасиз?

Нималар келди ўйига?
Қўғирчогин
Бир четга қўйиб,
Қизчам ўтириб
Олди ёнимга.

(Такубоку)

Ўта мураккаб бир ҳолатнинг бундан-да содда, бундан-да гўзал тасвири бўлиши мумкинми? Қизчанинг мурғак кўнглини қандай туйғулар тебратиб ўтди? Нега у суюкли қўғирчогини бир четга қўйиб, отасининг ёнига ўтириб олди? Ғамгин ва нотинч отанинг қалбидан нималар кечди? Бу қон сезгисими, жон сезгиси? Ота билан қиз бир-бирининг кўнглидаги туйғуларни қандай илғади?

“Болалардан тинчлик йўқ!” –
Бу гапни айтган одам
Севмас олча гулларин.

(Басё)

Баҳор кетар. Қушлар йиғлар.
Балиқ кўзи
Ёш билан тўлган.

(Басё)

Басё “Ҳокку бир лаҳзага ҳам бир жойда туриб қолиши мумкин эмас”, дейди. Ҳоккуда то-вуш ва сўз, манзара ва ҳолат, фикр ва туйғу тинимизсиз ҳаракатда бўлиши ва ҳоккунинг ўзи-да бунга ҳамоҳанг ҳаракатланиши керак. Бу борада китобни маҳорат билан она тилимизга таржима қилган шоир Хуршид Даврон Басё билан боғлиқ машҳур бир воқеани келтириб ўтган: “Улуғ Басёнинг шогирларидан бири ушбу ҳоккуни битди:

Ниначи қанотини
Юлсанг, ўҳшаб қолар
Қалампир қўзогига.

Басё буни рад этиб, шундай деди: “Бу ҳокку эмас. Сен ниначини ўлдиридинг, аслида мана бундай айтиш керак эди:

Қалампир қўзогига
Қанот берсанг бас –
Ниначига айланар”.

Бу шеърлар инсоннинг ўз-ўзини англашига ёрдам беради. Одамнинг дунёни билишидан кўра ўзини билиши мушкулроқ. Айниқса, туйғулар олами... Шунинг учун ҳам бу шеърларга туйғулар тириклик бағишилаб турибди. Йўқса, улар қуруқ сўзлар шодасидан иборат

бўлиб қоларди. Оламда ҳамма нарса ўзгаради, эсқисининг ўрнига янгиси чиқиб келаверади. Бироқ туйғулар эскирмайди. Дейлик, 1650 йилда, Басё даврида севган одамнинг туйғуларидан 2010 йилда севаётган одамнинг туйғупари кўпам фарқ қилмайди. Нафрат ҳам шу. Кошғарий замонида боласини эркалаб-ардоқлаётган она билан бугунги онанинг ҳислари ҳам деярли бир хил. Бириники эски, бириники замонавий эмас.

Отанга ўхшама!
Отаннинг отасига ҳам!
Эшиятсанми,
Нимани илтимос қиляпман
Сендан, қизгинам?

(Такубоку)

Тагорнинг “Роман тўрт сатр шеърдек бўлиши керак”, деган гапи бор. Бу шеърлар ҳам уч ё беш сатрдан иборат романлардир. Уларнинг яна бир сири шундаки, шоир сизга уч сатрда катта бир романнинг рухини, оҳангини, фояси ва туйғусини беради. Сиз шу уч сатрни ўз тафаккурингизда юзлаб сахифаларга айлантиришингиз — романни тасаввурингизда яратишингиз мумкин.

Ҳазиллашиб
Мен онамни опичлаб олдим.
У шундай енгил эдики,
Уч қадам юрар-юрмас
Йиглаб юбордим.

(Такубоку)

Бу шоирлар фақат табиатга эргашган, табиатга сингиб борган, ўз ички дунёси билан табиат туташувларини аён кўрган. Шунинг учун ҳам уларнинг ҳар бир шеърида табиат иштирок этади. Уларнинг етакчиси Басё шоир тўрт фаслнинг дўсти бўлиши кераклигини таъкидлайди ва неники кўраётган бўлсанг — у гулдир, не ҳақдаки ўйлаётган бўлсанг, у ойдир, деб уқтиради.

Яп-яланғоч новада
Ёлғиз қарға ўтирар.
Қоронги куз оқшоми.

(Басё)

Бу шоирларда яна шундай бир одат бўлган. Дейлик, улардан бири уч юз чақирим узоқдаги зиёратгоҳга боришни ният қилди. У йўлга тушишдан олдин қалбини тозалайди, барча ёмон ўйлардан фориғ бўлади. Шундан сўнгина йўлга тушади. Бироқ у 290 чақиримлик масофани босиб ўтиб, манзилга етай деб қолганида, кўнглидан ёмон бир ўй этади, бузук бир ният уни чалғитади. Шунда шоир орқага қайтиб, яна 290 чақиримлик масофани пою пиёда босиб, яна йўлга тушган жойига қайтиб келади. Тагин кўнглини ёмон ўйлардан тозалаб, қайта зиёратга йўл олади. Агар йўлда яна чалғиса, яна ортга қайтади. Охир-оқибат топ-тоза қалб билан, эзгу ният билан манзилга етади ва кейинги зиёрат тадоригини кўра бошлайди. Уларнинг бу ҳаракати менга Ҳаким Термизийнинг “Ҳар қандай йўқотишдан кўрқманг, ниятни йўқотиб қўйишдан кўрқинг!” деган гапларини эслатади.

Умрим йўлларда ўтди.
Гўё тор далада ер
Ағдариб юргандайман.

(Басё)



Global lashuv va yoshlar siyosati

ХХ асрнинг охири, ХХI асрнинг бошларига келиб инсоният ўз тарихининг мутлақо янги даврига қадам қўйди. Ҳозиргача бу даврнинг бутун ижтимоий-сиёсий манзараси ва мазмун-моҳиятини ифодалайдиган ягона таъриф яратилган бўлмасада, лекин аксар олимлар уни “глобаллашув даври” деб талқин этмоқда. Дастрлаб иктисолид жараён сифатида юзага келган глобаллашув бугунги кунда ўз таъсир доирасига тортмаган бирорта ҳам соҳа ёки тармоқ қолмади, десак, хато бўлмас. Жаҳон глобаллашуви, айниқса, сабоқ иттифоқ ҳудудида вужудга келган янги мустақил давлатларга ҳалқаро майдонга эркин чиқиши, жаҳон ҳамжамияти мамлакатлари билан яқиндан ҳамкорлик олиб бориш ҳамда ўз миллӣ манфаатларини турли хил ҳалқаро ва но давлат ташкилотлар доирасида таъминлашда кенг имкониятлар очиб берди.

Айни чоқда, мазкур жараён икки кутбли дунё барҳам топганидан сўнг дунёни қайта тақсимлашга, ўз “яшаш макони”ни кенгайтиришга ва жаҳонда етакчиликка эришишга интилаётган баъзи сиёсий кучлар томонидан маълум даражада бошқарилаётганини ҳам қайд этиш лозим. Бундай кучлар эндилиқда таъсир ва тазиқ ўтказишнинг энг замонавий ва энг самарали воситаси сифатида ахборотни буш курол қилиб олмоқда.

Ўзбекистон Президенти Ислом Каримов ана шу хавф-хатардан огоҳ этиб, “Бугунги кунда одамзод маълум бир давлатлар ва сиёсий кучларнинг манфаатларигагина хизмат қиладиган, олис-яқин манбалардан тарқаладиган турли маъно-мазмундаги мағкуравий ҳамлалар таъсирини доимий равишда сезиб яшайди. Мана шундай бир вазиятда одам ўз мустақил фикрига, сабит эътиқодига, ўзи таяниб яшайдиган ҳаётӣ-миллий қадриятларга, шаклланган дунёқараш ва мустаҳкам иродага эга бўлмаса, ҳар турли мағкураларнинг босимига, уларнинг гоҳ ошкора, гоҳ пинҳона кўринишдаги тазиқларига бардош бериши амримаҳол”, деб таъқидлагани бежиз эмас (*Ислом Каримов. Юқсак маънавият — енгилмас куч. Т., “Маънавият”, 2008, 113-бет*).

Бугун, айниқса, Марказий Осиё минтақасида турли манфаатлар ва мағкураларнинг аёвсиз тўқнашуви кузатилмоқда. Фарbdаги айрим курдатли давлатлар бу ҳудудда ўз геосиёсий манфаатларини қондириш учун демократия ва инсон ҳақ-ҳуқуқларини ҳимоялаш никоби остида кенг кўламдаги мағкура-

вий тазиқларни уюштиromoқда. Таъсирчан воситалар орқали ташқаридан сингдирилаётган “оммавий маданият” ҳалқарнинг кўп минг ийллик қадриятлари ва аънаналарига раҳна солмоқда.

Фараз ниятли кучлар ўз муддаосига эришиш учун аксарият ҳолларда они ҳали шаклланниб ултурмаган ёшлардан қурол сифатида фойдаланмоқда. Дунё миқёсида кўпгина тартибисизликлар, “рангли инқилоблар”да ёшлар ана шундай роль йўнаганига кўп далил келтириш мумкин. Ўсиб келаётган ёш авлодни ташки таҳдидлар ва бузгунчи таъсирлардан ҳимоя килиш мамлакат тараққиётининг асосий омилидир. Зотан, мустақиллик даврида ёшларнинг ижтимоий-иктисодий, сиёсий ва ҳуқуқий соҳалардаги манфаатларини ҳимоя этиш давлат сиёсати даражасига кўтарилид. Йигит-қизларнинг ҳуқуқий оғнини ошириш, сиёсий маданияти ҳамда маънавий савиясини юксалтириш, уларни миллий қадриятлар асосида тарбиялаш ва фаол фуқаролик позициясини шакллантириш масалалари мазкур сиёсатнинг устувор йўналишлари этиб, бу жараёнда миллий қадриятлар ва маданий-маънавий меросни қайта тикилаш, миллий истиқтолғоғини ёшлар онигиа сингдириш вазифалари долзарб деб белгиланди.

Мамлакатимизда 2010 йилнинг “Баркамол авлод йили” деб эълон қилиниши ва бу борада Давлат дастури қабул этилиши, унинг асосий йўналишларидан бири сифатида ёшлар орасида соғлом турмуш тарзини қарор топтириш, уларни ахлоқсизлик, ташқаридан кириб келаётган тубан “оммавий маданият” ҳавфидан ҳимоя килиш вазифаси белгиланганидан ҳам мазкур масала бугун ҳар қаёнгидан долзарб аҳамият касб этаётганини англаш мумкин.

Онгли фуқаролик позициясига эга бўлиш — ўз халқининг минг ийллар давомида яратилиб келган барча модий ва маънавий бойликлари, тарихий мероси, урф-одатлари, анъаналари, одоб-ахлоқи, турмуш тарзи, барча тарихий ютуқлари ва сабоқларига чексиз хурмат билан муносабатда бўлиш, авайлаб-асраси демактир. Онгли фуқаролик позициясига ва қатъий ҳаётӣ эътиқодга эга бўлган шахслар ҳаётда ўзининг муносаби ўрнини топа олади. Юртимизда бугун амалга оширилаётган ислоҳотлар моҳиятини тўғри англаш ва уларни давом эттиришга қодир бўлади. Ана шунда ёшлар факат “истеъмолчи” сифатидагина

намоён бўлмай, балки янги ҳаётнинг бунёдкор кучига айланади.

Буғунги глобаллашув шароитида ёш авлодда оғли фуқаролик позициясини шакллентириш учун куйидаги вазифаларни адо этиш мақсадга мувофиқ:

Биринчидан, давлатнинг ёшларга оид сиёсатини амалга оширишда нодавлат нотижорат ташкилотлар, ўзини-ўзи бошқариш органлари ва сиёсий партиялар амалий таклифлар, муқобил лойиҳалар ва ташаббуслар билан фаол иштирок этиши зарур. Зеро, фуқаролик жамияти шароитида ёшлар манфаати гурухий манфаат шаклида давлат миқёсидаги вазифа мақомини ола билиши кўп жиҳатдан сиёсий партиялар ва жамоатчилик ташкилотлари кучли ва таъсирчан бўлишига боғлиқ.

Иккинчидан, ёшлар орасида миллӣ ғоя ва мағкура тарғиботи жараёнида таъсирчан воситалярдан, хусусан, ОАВ имкониятларини янада кенгрок истифода этиш лозим.

Учинчидан, ёшларда фуқаролик позициясини шакллентиришда кино санъати имкониятларидан самарали фойдаланиш, айниқса, миллӣ сериалар, тарихий фильмлар, мультфильмлар яратиш борасидаги ишларни янада кучайтириш зарур.

Тўртинчидан, ёшларга оид аҳборот майдонини янада кенгайтириш орқали ёшлар матбуот нашрлари фаолиятини кучайтириш, ёшларбоп махсус Интернет порталлари ташкил этиш мақсадга мувофиқдир. Бу эса ўз навбатида, мамлакатимиз ёшларини маънан етук, эркин фикрловчи, оғли фуқаролик позицияси ва юксак ватанпарварлик туйғусига эга шахс, замонавий талабларга жавоб берувчи профессионал мутахассис сифатида тарбиялашга, давлатимизнинг ёшларга оид сиёсатининг амалдаги ижросини таъминлашга, мамлакат тараққиётiga, юрт тинчлиги ва осойишталигини саклашга хизмат қиласди. Шу билан бирга ёшларга оид давлат сиёсатининг мазмун ва моҳияти, унинг жамиятдаги ўрни ва аҳамияти, асосий йўналишлари ва устувор вазифалари юзасидан илмий тадқиқот ишларини олиб бориши, бу борада эришилган ютуқ ва камчиликларни таҳлил қилиш, мавжуд муаммоларни бартараф этиш юзасидан тақлиф ва тавсиялар ишлаб чиқиш ҳам назарий, ҳам амалий аҳамият касб этади.

Шуҳрат ОРИПОВ,
Давлат ва жамият қурилиши академияси
тадқиқотчisi

Madaniyat — murakkab ijtimoiy hodisa

Маданият тушунчасига турлича таъриф бериш мумкин. Аввало, у вужудга келиш, шаклланиш ва ривожланиш қонуниятларига эга бўлган ижтимоий ҳодисадир, фалсафий-ижтимоий категория сифатида жамият тараққиётига инсон ақлий фаолияти асосида шаклланган билимларнинг назарий ва амалий натижалари тизимиdir. Маданият гносеологик моҳиятга эга бўлиб, инсоният маънавий руҳий билимларининг асосидир.

Сиёсий-ҳукуқий маданият моҳияти ва амалда намоён бўлишига кўра, жамият тараққиётига оғли муносабатни англатади. Шу сабабдан ҳам сиёсий-ҳукуқий маданият жамиятни демократлаштириш, ижтимоий ҳаётни эркинлаштириш билан боғлиқ объектив зарурат хисобланади.

Сиёсий ва ҳукуқий маданият ижтимоий тараққиётда давлат ва жамият муносабатларида, ижтимоий ҳаётни эркинлаштирища биргаликда намоён бўлади. Сиёсий маданият миллат, ижтимоий гурухлар, жумладан, ҳар бир фуқаронинг давлатнинг ички ва ташқи сиёсатини тушуниш, эркин

таҳлил қила билиш, воқеликни мустақил баҳолай олиш қобилияти билан бирга ушбу жараёnda фаол иштирок этишини билдиранса, ҳукуқий маданият жамият аъзолари мавжуд қонун ва ҳукуқий меъёларро мөхиятни англаб этиши, уларга амал қилиши зарурлигини ифодалайди. Ҳукуқий давлат ва фуқаролик жамият шароитида жамият аъзоларининг онглилик даражаси сиёсий-ҳукуқий билим ва кўнимкамларининг ўйғун шаклланиши асосида амалга ошади. Сиёсий маданият ҳам, ҳукуқий маданият ҳам жамият тараққиётининг объектив эҳтиёжларига асосланади, яъни ҳар қандай жамиятда сиёсий ва ҳукуқий маданият муйян даражада амал қиласди. Сиёсий маданият ҳам, ҳукуқий маданият ҳам оммавий характерга эга бўлиб, давлат ва жамият манфаатларини химоя қилишда аҳоли кенг қатламининг амалий иштирок этиш даражасини ифодалайди ва давомийлик ҳусусиятига эга бўлади. Сиёсий маданият ижтимоий аҳамиятга молик масалаларда жамиятда қабул қилинган ҳукуқий меъёр ва анъаналарга мувофиқ йўл тутишни талаб этади. Бинобарин, сиёсий мада-

НИЯТ ҚОНУНИЙЛИГИ ЖАМИЯТ МАНФААТЛАРИГА ҚАЧЧАЛИК МОСЛИГИНИ ҲУҚУҚИЙ ТИЗИМ, ЖУМЛАДАН, ҲУҚУҚИЙ МАДАНИЯТ ДАРАЖАСИ БЕЛГИЛАБ БЕРАДИ.

Жамиятни эркинлаштириш давлат ва жамият муносабатларига, шунингдек, жамоатчилик фикри даражасига боғлиқ. Ҳар бир жамиятда мавжуд сиёсий ва ҳуқуқиий тизимга боғлиқ ҳолда ўзига хос сиёсий ва ҳуқуқиий маданият шаклланиб боради. У, биринчидан, жамият ҳар бир аъзосининг салоҳияти, тараққиётга нисбатан эркин тафаккурига боғлиқ; иккинчидан, ҳар бир инсоннинг Ватанига, жамиятга бўлган муносабатларida намоён бўладиган саъй-ҳаракатлар тизимиdir.

Сиёсий ва ҳуқуқиий маданиятни шакллантиришдан кўзланган асосий мақсад жамиятни демократлаштириш ва бу жараёнда инсон имкониятларини кенгайтиришдан иборатдир. Шунингдек, сиёсий ва ҳуқуқиий маданиятнинг пировард мақсади инсон

турмуш фаровонлигини, эркинлигини, сиёсий ва ҳуқуқиий тенглигини ҳамда қадр-кимматини янада оширишдир. Сиёсий ва ҳуқуқиий маданият жамият аъзоларининг ижтимоий ҳаётда иштирок этиши ҳамда уни бошқаришдаги сиёсий ва ҳуқуқиий мақомининг асосий омилидир.

Сиёсий ва ҳуқуқиий маданиятнинг реал воқеелика айланиши фуқароларнинг жамият ижтимоий-сиёсий ҳаётидаги фаол иштирокини, чинакам демократия, инсон ҳуқуқ ва эркинликларининг тўлиқ амалга ошишини Англатади, яъни давлат ва жамият бошқарув тизимининг ҳуқуқиий жиҳатдан дунё бошқарув анъ-аналарига мослашиши сиёсий ва ҳуқуқиий маданиятнинг намоён бўлишида асосий омилидир.

Ҳаким РАСУЛОВ,

*Термиз Давлат университети доценти,
сиёсий фанлар номзоди*

Milliy g'urur tarbiyasi

Мамлакатимизда миллый маънавият, қадриятларни тиклаш борасида катта назарий ва амалий ишлар қилинди. Президент Ислом Каримовнинг “Юксак маънавият — енгилмас куч” асарида ёш авлодни тарбиялашда маънавий тарбия масаласига жиддий эътибор қаратиш лозимлиги алоҳида таъкидланган.

Миллый ғурурни уйғотишида ҳалқимиз урфодатлари, анъаналари, тарихи мухим аҳамиятга эга. Чет эл фуқароларидан ёки чет эл оммавий аҳборот воситаларида аждодларимиз ҳақида илик фикр эшитганда одам беихтиёр ғурурланиб кетса, улар ҳақида нохолис, нотўғри маълумот эшитганда кайфият тушади. Чунки миллый ғурурни бўлган одам бундай ҳолатларга бефарқ бўла олмайди. Лекин ҳамиша ҳам жавобимиз ўша муносабатларга мос дейиш қишин. Масалан, АҚШнинг жаҳонга машҳур “World Book Encyclopedia”сида Ватанимизга дахлдор мақолаларда фактлар нотўғри берилган. Ушбу қомус жаҳоннинг деярли барча кутубхоналаридан ўрин олган ва аксарият китобхонлар ундан фойдаланади. Унда соҳибиқорон бобомиз Амир Темур гўё татар аралаш мўғул, суюкли рафиқаси Сароймулхоним эса хитой миллатига мансуб экани ҳақида маълумотлар келтирилган. Захириддин Муҳаммад Бобур ҳақида мақолада эса, у ҳозирги Афғонистон ҳудудида жойлашган Фарғона водийсида туғилган, деб ёзилган.

Ёш авлодда миллый ғурур туйғусини шакллантириш учун уларга Ватанимизнинг тарихий қаҳрамонлари, мутафаккирлари, машҳур шахсла-

ри, уларнинг жаҳон маънавиятига, илм-фан ва маданиятига кўшган ҳиссаси ҳақида холис маълумот бериш зарур. Бунга машҳур саркардларнинг ҳаёт йўли, шунингдек, мустамлакага қарши курашни мисол қилиб келтириш мумкин.

Тарихдан маълумки, XIX-XX асрларда Чор Россияси Туркистонни босқичима-босқич босиб олди. Ҳалқимиз ушбу босқинчиликка қарши имкони қадар кураш олиб борди, минг-минглаб курбон берди, шаҳар ва қишлоқлар вайронага айланди, миллий бойликларимиз таланди. Лекин бундай катта та-лофатлар ҳам ҳалқидаги жасорат ва эркесварлик ҳиссиси сундира олмади. Лекин бу кураш шўролар мустамлакасидаврида холис, етарглича ўрганилмади. Истиқолдан сўнгина бунга имконият туғилди, лекин айрим миллатчи рус шовинистлари собиқ совет республикалари тарихчилари тарихни бошқатдан ёзяпти, деб шов-шув кўтариб юборди. Ваҳоланки, совет давридаги “кўшиб олиниш” тўғрисидаги сафсата энди ўз номи билан “боскин”, “мустамлака” ёки “миллий озодлик ҳаракати” деб аталаётган эди. Бунга тишидан тиронигача қуролланган Чор Россияси иккинчи жиззахликлар кўрсатган мардонавор қаршилиники мисол қилиб келтириш мумкин. Улар 1866 йили генерал Черняев ҳужумини даф қиласди, аммо кучлар тенг эмас эди. Октябрь ойида қилинган иккинчи ҳужум ҳам натижা бермагач, рус аскарлари шаҳарга оқиб кирадиган сув йўлини бекитиб, Самарканд ва Ўратепа дарвозаларида ҳужумга ўтди. Лекин шаҳар ахли осонликча таслим бўлмади. Ватанпарварлардан бир қисми душманга асир ту-

шишдан кўра ўлимни маъкул кўриб, ўзларини портлатиб юборди. Кураш шу билан тўхтаб қолмади. 1916 йили Жиззахда Чор хукуматининг урушга эрекларни сафарбар қилиш тўғрисидаги фармонинг қарши қўзғолон кўтирилди. Чор кўшинлари уни шафқатсизлик билан бостириди, шаҳарнинг кулини кўкка совурди. Лекин ҳалқ барibir бўйсунмади.

Назаримизда, ёшларга тарихдан сабоқ бераданча бор ҳақиқатни айтиш билан бирга, уларга

ҳақиқий ватанпарварлик нима эканини мана шундай жонли мисоллар ёрдамида тушунтириш, руҳига миллий ғурурни сингдириш лозим. Чунки миллый ғурури бўлмаган кишида ватанпарварлик туйғусини уйғотиб бўлмайди. Бу исбот талаб қилмайдиган ҳақиқатдир.

Муazzam ТЎРАЕВА,
ЎзМУ фалсафа факультети
талаабаси

Ekologik xavfsizlik mohiyati

Бугунги кунга келиб экология масаласи миллый, минтақавий ва геосиёсий хавфсизликка таъсир этадиган дараражага етади. Авваллари жамият ва унинг сиёсий тизими ривожида табиий мухитга иккимачи омил деб қараб келинган бўлса, сўнгги йилларда сиёсий жараёнлар ва экологик омиллар ўзаро дегерминантлашганини ишонч билан таъкидлаш мумкин, яъни экологик муаммоларнинг сиёсийлашуви ва сиёсий жараёнларнинг экологиялашуви содир бўлмоқда.

Атроф мухит билан боғлиқ муаммони тадқиқ этиш зарурати экологик инқироз чуқурлашиб, кенг кўлам касб этиб бораётгани билан изоҳланади. Табиий ресурслардан ўта палапартиш фойдаланиш сайдеранинг табиий потенциалига нисбатан мислスピз босим юзага келишига сабаб бўлди. Аҳоли сони шитоб билан ўсиб бораётган бўлса-да, шунга мутаносиб равишда озиқ-овқат маҳсулотлари ишлаб чиқариш жадаллашиб, ҳаёт учун зарур бўлган шароит такомиллашиб бораётгани ўйқ. Сайдеранинг аксарият қисмида ҳамон сақланиб қолаётган қашшоқлик дунёда юзага келган экологик ва демографик вазиятдан чиқиши йўлларига жиддий тўсик бўлмоқда. Шу тариқа, инсоният учинчи минг йиллиқда миллый ва глобал хавфсизликка раҳна солаётган янги таҳдидларга дуч келаётir.

Хозирда инсоннинг хавф ва таҳдидлардан холилиги, ҳар хил қалтис вазиятлардан ҳимояланганни ҳаёт сифатининг энг муҳим мезони хисобланади. Шу нуқтаи назардан, миллый хавфсизликнинг алоҳида кўриниши — экологик хавфсизликни қўйидагича таърифлаш мумкин: экологик хавфсизлик — одамлар яшайдиган худуддаги табиий ресурсларнинг тугатилиши, ифлослантирилиши, шунингдек, аниқ мақсадга йўналтирилган таҳдидлар (экологик диверсиялар) ва инсон томонидан тасодифан юзага келтириладиган хавф-хатарлардан (техноген ҳалокатлардан) ҳимояланганлик ҳолатидир.

Экологик хавфсизлик умуммиллий хавфсизлик тизимида муҳим ўрин тутади. Экологик хавф-

сизликка ҳам ташқи сиёсий (бошқа мамлакатларнинг фаолияти, давлатлар ўртасидаги урушлар), ҳам тозаловчи иншоотларнинг ҳолати, табиатни муҳофаза қилиш тизимининг ривожланганлиги, аҳолининг экологик маданияти ва шу каби шаклларда намоён бўладиган ички сиёсий омиллар таъсир кўрсатади: экологик муаммо ва инқирозлар мамлакат иқтисодиётининг жорий ҳолати ва иктиёмий барқарорлигини издан чиқаради. Ҳокимият органларининг экологик муаммоларни тезкорлик билан, самарали ҳал эта олмаслиги аҳолининг сиёсий тизимига муносабатини маълум дараражада белгилаб беради. Экологик ҳолат аҳоли саломатлиги, умр давомийлиги ва нуфуснинг ўсиб боришида муҳим роль ўйнайди. “Экологик хавфсизлик” тушунчасидан “экологик хавфсизликни таъминлаш” тушунчасини фарқлаш лозим. Зоро, экологик хавфсизликни таъминлаш экологик сиёсат моҳиятини ташкил этади.

Экологик хавфсизликка доир юқорида қайд этилган фикр-мулоҳазаларга таяниб, экологик сиёсатнинг таъминланишини одамлар истиқомат киладиган мухитда табиий ресурсларнинг батамом йўқ килиниши, экологик диверсия ва техноген фалокатлардан ҳимоя этиш йўли билан одамларнинг меъёрий ҳаёт фаолиятини таъминлашга қаратилган ҳалқаро ва давлат миқёсидаги минтақавий ва маҳаллий маъмурӣ-хўжалик, технологик, аслида эса сиёсий, хуқуқий ва иктиёмий тадбирлар мажмуми сифатида таърифлаш мумкин.

Машхур олим Н.Реймерс “Кишилар ҳаётини саклаб қолишининг ҳозирги замондаги энг самарали усусларидан бири табиатни муҳофаза қилиш ва табиий ресурслардан фойдаланишдаги иктиёмий муносабатларни хуқуқий-меъёрий жиҳатдан бошқаришдир”, деб таъкидлаган эди.

Бинобарин, экологик хавфни тушуниб этиш, унинг олдини олиш бугунги куннинг энг долзарб вазифаларидан бири сифатида ҳалқаро ҳамкорликни ва бундай ҳамкорлик принципларига қатъий риоя

қилишни тақозо этади. Бунинг учун ҳар бир давлат экологик сиёсатининг стратегик мақсади ва тамойиллари, асосий йўналишлари ва уни амалга ошириш йўллари аниқ белгилаб олиниши шарт. Дунёнинг турли мамлакатлари ўртасидаги экологик сиёсатининг асосий тамойиллари ҳамжиҳатлик, ўзаро ёрдам, фавқулодда вазиятлардан чиқиша бегараз моддий кўмак, шерикларга нисбатан тўлиқ ишонч, миллий ва умуминсоний манфаатларни уйғунлаштириш, мамлакатларнинг экологик ва сиёсий эҳтиёжларини англаш, ҳар бир давлат минтақадаги экологик вазиятни соғломлаштиришга ҳисса кўшишидан иборат. Чунки экологик хавф чегара билмайди, миллат ва элатни танламайди, чеки йўқ, ҳадсиз-худудсиздир.

Демак, экологикхавф деганда, биологиктур сонининг камайиши ёхуд бутунлай йўқолиши; литосфера, атмосфера ва гидросферанинг ифлосланиши; экотизим маҳсулдорлигининг камайиши ёки бутунлай йўқолиши; ўрмонзорларнинг кескин қисқариши; озон туйнугининг пайдо бўлиши, қисқаси, ҳар бир эконкурснинг биологик функцияси ўйқотиб юборилиши, яшаш муҳитининг сифат кўрсаткичи манфий томонга ўзгариши кабилар тушунилади. Экологик хавф — экологик инқироз томонга қўйилган биринчи қадам. Айнан илк хатони тезда тузатиш орқали экологик фожиалар олди олинади.

Адолат ҲАМДАМОВА,
Тошкент Ислом университети
камта ўқитувчуси

Badiiy til tarovati

“Адабий тил” ва “бадиий тип” тушунчалари ўзаро яқин бўлишига қарамай, бир-биридан фарқ қиласди. Адабий тип — муайян меъёрга, қолигга солинган, ҳалқнинг маданий эҳтиёж ва талабларига хизмат қиласдиган, расмий давлат ҳужжатлари, фан ва техника, матбуот, радио ва телевидение, театр ва бадиий адабиёт тили.

Бадиий тип (ёки бадиий адабиёт тили) адабий тилга қараганда кенг қамровидир. Чунки сўз санъаткорлари — шоири ёзувчилар ҳаётий воқеалар асосида тимсол яратганда, адабий тилнинг ифода ва тасвир воситаларига таяниш билан бирга умумхалқ тилидаги шева ҳамда қасб-хунарга оид сўз-атамалардан ҳам кенг фойдаланади.

Шуни таъкидлаш лозимки, бадиий асар тилини ўрганишда кенг тарқалган икки йўналиш мавжуд. Х.Дониёров ва С.Мирзаевнинг “Сўз санъати” китобида булар кўйидагича таърифланган: “Тилдаги ўйиш — ўзгаришларни ўрганишини ўз олдига вазифа қилиб қўядиган аспект — лингвистик аспект, ёзувчининг умумхалқ тилига бўлган муносабати, тил бойликларидан фойдаланиши, ёзувчи маҳорати, стили ҳақида хулоса чиқарувчи аспект — стилистик аспект”.

Бадиий асар тилини лингвистик аспектда ўрганишда умумхалқ тилининг муайян тарихий даврга хос бўлган ҳусусиятлари, лексик, фонетик ва грамматик жиҳатлари тилнинг ҳозирги ҳолати билан қиёсан ўрганилади, умумий ва фарқли томонлари аниқланади. Бунда бадиий асар, ёзма ёдгорлик тили тадқиқот учун фақат материал бўлиб хизмат қиласди. Ушбу йўналиш тил тарихини тавсифлаш ва тадқиқ этишда энг кўхна ва самарали лингвистик анъана сифатида яшаб келмоқда.

Ўзбек тилшунослигига бу йўналиш бўйича қўплаб тадқиқотлар олиб борилган.

Бадиий асар тилини стилистик аспектда ўрганишда эса асосий эътибор тил функциялари масаласига қаратилади. Тилшуносликка оид замонавий адабиётларда тилнинг, асосан, тўрт вазифаси қайд этилади. Масалан, В. Аврорин тилнинг коммуникатив (алоқа воситаси), экспрессив (фиқрларни ифодалаш), конструктив (фиқрларни шакллантириш), аккумулятив (ижтимоий тажриба ва билимларни жамлаш, сақлаш) функцияларини фарқлаш лозимлигини таъкидлайди (Аврорин В. Проблемы изучения функциональной стороны языка. Л., 1975, стр. 44). Бадиий асар тили тадқиқига бағишлиган ишларда тилнинг “экспрессив вазифаси” атамаси билан бирга “тилнинг поэтик вазифаси”, “тилнинг бадиий вазифаси”, “тилнинг эстетик вазифаси” каби атамалар ҳам қўлланади. Эстетик вазифа тушунчasi бошқа тушунчаларга қараганда кенг қамровидир. Тилнинг эстетик вазифаси де-ганди, адабий асар яратишда унинг ички имконият ва ресурсларидан бадиий восита сифатида фойдаланиш назарда тутилади. Ўзбек тилининг ички имкониятларидан фойдаланиб, ҳар бир ижодкор индивидуал бадиий услубини шакллантиради.

Прага лингвистик тўғараги аъзолари тилни вазифаларига кўра фарқлаш концепциясини ишлаб чиқкан. Бу тўғарак “тезис”ларида биринчи марта тил вазифалари билан уларнинг реаллашиш шакллари ўртасидаги алоқага доир қоидалар аниқ таърифлаб берилган.

Тилнинг эстетик вазифаси фақат бадиий асар матнида намоён бўлади, ундан бошқа бирон нутқ

шаклида тил бу вазифасини реаллаштира олмайды, деб қараш ҳам асоссиз. Зеро, тилшунос Д.Шмелев таъкидлаганидек, “Бизнинг диқкатимиз жумланинг шаклига, фикр қай тарзда ифодаланганига қаратилган ҳар онда биз ҳам айнан шу вазифанинг ҳаракати доирасига кирамиз” (Шмелев Д. Русский язык в его функциональных разновидностях. М., “Наука”, 1977, стр. 33). Унингча, сўзловчи ўз нутки шаклига эътибор берса бошлиши, лисоний ифода имкониятларини баҳолашга ўтиши билан тилнинг эстетик вазифаси бошлангич кўринишида намоён бўлади, яъни сўзловчи “нима”ни қандай ифодалашни мухим деб ҳисоблашидан бошлаб тилнинг бу вазифаси ишга тушади.

Бадиий асар тилини ўрганишдаги стилистик йўналиш тилнинг айнан эстетик вазифасини тадқиқ этишига қаратилган. Бу функцияниң ўзига хос ҳусусиятларини фақат тилшунослик ёки адабиётшунослик доирасида ўрганиш қўйин. Бунинг учун ҳам адабиёт ва тилшунослик бир-бiri билан ҳамкорликда иш кўриши лозим. Тилнинг эстетик вазифаси масаласи бу икки йирик фан оралиғидаги мураккаб муаммодир.

Бадиий асарда тилнинг эстетик вазифаси намоён бўлишини ўрганувчи соҳа “лингвистик поэтика” — “лингвопоэтика” деб номланади. Бадиий асар тилини стилистик аспектда ўрганиши “бадиий асар талини лингвопоэтик жиҳатдан ўрганиш” деб номлаш ва талқин этиш ҳам мақсадга мувофиқ.

Ўзбек тилшунослигига бадиий асар тили лингвопоэтик нутқи назардан тадқиқ этилган кўп ишлар мавжуд. Масалан, Алишер Навоийнинг насрий ва назмий асарлари тили бадиий маҳорат нутқи назаридан ўрганилган, улуг мутафаккирнинг бадиий услугига хос лисоний воситалар моҳияти очиб берилган.

Ўзбек тилшунослигига кейинги ўн йилликларда муайян бир ижодкорнинг тилдан фойдаланиш маҳорати, ёзувчининг ўёки бу тил бирликлари кўллашдаги ўзига хосликларини кўрсатишга бағишиланган жуда кўп тадқиқотлар юзага келгани кувонарлидир.

Бадиий тилни ўрганишда кўпроқ лексик бирликлар лингвопоэтикасига эътибор қилингани кўзга ташланади. Ўзбек тилшунослигига бадиий асар тили лингвопоэтикасига оид тадқиқотлар доираси анча кенг бўлса-да, улар адабиётимиз тарихида алоҳида ўрин тутадиган барча асарларни қамраб олган, деб бўлмайди.

Сўз санъати адабиётнинг бosh унсури сўз, умуман, тилдир. Адабий асар юксак савияга кўтарила олиши унинг лисоний таркиби ва ижодкорнинг бадиий ифода балоғатига кўп жиҳатдан боғлиқ. Шундай экан, ҳар қандай адабий асарни холис баҳоламоқ учун, энг аввало, унинг лисоний ўзига хослиги таҳлил этилмоғи лозим.

Насиба АЗИЗОВА,
Қарши Даёлат университети
ўқитувчisi

Darsliklar: muammo va echimlar

Таълим тизими давлат ижтимоий-иқтисодий, маънавий-маърифий ҳаётининг ҳал қиувлеч тармоғи бўлгани учун истиқлоннинг дастлабки кунлариданоқ уни испоҳ қилиш давлат сиёсатининг устувор вазифаларидан бирига айланди ва унинг турли босқичларида туб испоҳотлар амалга оширилди.

“Таълим тўғрисида”ги қонун ва Кадрлар тайёрлаш миllий дастурига мувофиқ, ушбу йўналишдаги саъй-ҳаракатларни янада фаоллаштириш талаб этилади. Қолаверса, 2010 йилнинг “Баркамол авлод йили” деб эълон қилинishi ҳам ёшлар билан боғлиқ ижтимоий муаммоларни ечиш баробарида ушбу соҳадаги испоҳотларни янада чуқурлаштиришга қаратилгандир.

Таълим тизимидағи испоҳотлар таҳлилидан маълум бўлишича, эришилган ютуқлар баробарида баъзи камчиликлар ҳам учраб турибди. Масалан, мактаб кутубхоналарида дарслик, ўқув кўлланмаси ва бадиий адабиётлар таъминоти талаб дараражасида

эмас ва бу ҳол ёшларнинг билим савиясига салбий таъсир кўрсатмоқда. Таълим самарадорлигини оширишда мактаб кутубхоналари ишини яхшилаш, ўкувчиларни керакли дарсликлар ҳамда ўқув кўлланмалари билан таъминлаш буғунги куннинг долзарб муаммоларидан биридир.

1998 йили Ўзбекистон Республикаси Вазирлар Маҳкамасининг “Узлуксиз таълим орқали дарсликлар ва ўқув адабиётларини нашр қилиш тизими”ни такомиллаштириш лойиҳасини амалга ошириш чора-таддирлари тўғрисида”ги қарори қабул қилинди. Қарор ижросини таъминлаш мақсадида Қашқадарё вилояти туманларида ҳам муайян ишлар қилинди. Вилоятнинг ўзбек тилидаги мактабларида 178, рус тилидаги мактабларида 199, тоҷик тилидаги мактабларида эса 138 номдаги дарсликларга буюртма берилди. Шунингдек, таълим мусасасаларида бадиий, методик кўлланмаларни олиш ишига ҳам алоҳида эътибор қаратилди.

Шуни қайд этиш лозимки, бундай йирии муаммо фақат дарсликларга буюртма бериш билангина ҳал бўлиб қолмайди. Шунинг учун вилоят мактабларида дарсликлар, ўқув кўулланмалари ва бадиий китобларни таъмирлаш бўйича “Муқовачилар” гурухлари иши йўлга кўйилди. Бундан ташкари, дарсликларни ижара тартибида тарқатиш амалиётга жорий этилди, эҳтиёжманд оиласлар фарзандларига китоб сотиб олиб бериш учун ҳомийлар маблағи жалб қилинмоқда, мавжуд кутубхоналарни имкон қадар олий маълумотли кутубхоначи кадрлар билан таъминлаш борасида ҳам муайян

чоралар кўрилмоқда. Чунки таълим муассасаларининг кутубхона жамғармаларини тўлдириш, барча ўқувчиларни дарслик билан таъминлаш орқали ёшлар маънавиятини юксалтириш, билим савишини жаҳон талаблари дараражасига чиқариш муҳим аҳамиятта эгадир. Шу жihatдан олиб қараганда, мактабларда кутубхоналар ишини фаоллаштиришнинг илмий асосларини яратиш, бу борада аниқ тавсия ва таклифлар ишлаб чиқиши ҳамда уларни амалиётга жорий этиш давр тақозосидир.

Чарос ТЕМИРОВА,
тадқиқотчи

Madaniy meros va yoshlar ma'naviyati

Маданият бойликлари жамият тараққиётининг турли босқичларида муайян эҳтиёжлар туфайли юзага келади. У жамият ижтимоий ҳаётининг муҳим жиҳатларини ўзида акс эттиради. Сўнгра маданий мерос сифатида авлоддан-авлодга ўтаверади. Бироқ ҳар бир жамиятдаги синф ва ижтимоий табакалар бу меросни кўр-кўёна қабул қилмай, унинг ўз манфаат ва эҳтиёжларига мос жиҳатларини ўзлаштиради. Шу тарзда маданий мерос анъана тусини олади ва жамият билан узвийликда ривожланаиди. Ушбу мерос ёшлар маънавиятини шакллантириш, уларни етук инсон қилиб вояга етказишида фоявий-хиссий тарбия воситаси ҳамда ижодкор учун илҳом манбаи бўлиб хизмат қиласди.

Академик Акбар Ҳакимов таъкидлашича, “Халқ санъати мазмунан инсонпарвардир, чунки унинг ёрдамида ҳар доим одамларнинг ташки дунё ва табиат билан боғлиқлиги кўрсатилади. Халқ санъати узоқ вақт йигилган, сараланган ва ҳамиша янгиланиб турадиган асрий анъаналарга эга бўлган моддий-маънавий маданиятнинг мустақил кўринишларидир” (Ҳакимов А.А. Современное декоративное искусство Республики Средней Азии (к проблеме традиции и новаторства), Т., “Фан”, 1988, стр. 155).

Рус санъатшуноси М.Некрасова фикрича, маданий мерос билан бирга бутун инсониятга бебаҳо мулла бўла опадиган абадий мавзулар, миллий тийнатни акс эттирувчи ифода услублари ҳам авлоддан авлодга ўтади. Ҳақиқиёт янгилик, охори шакллар анъанадан узилиб қолмагандагина яратилади ва вақт ўтиши билан ўзи ҳам анъанага айланниб қолади. Халқ санъатни яратади, тарихий давр эса уни янгилайди ва анъанани бойитади. Демак, анъана теран ички мазмунга эга. Лекин унинг мазмунни замонавий бўлади. Замонавийлик — анъананинг

ҳаёти. Шунинг учун ҳам ҳалқ санъатининг ривожи, аввало, анъана ва замонавийлик тушунчалари билан боғлиқдир.

Ҳар бир ҳалқ турмушида дин, йил тақвими, оила билан боғлиқ кўплаб расм-руслар, маросимлар учрайди. Анъанавий ҳалқ маросимлари маданиятни, қавмлар орасидаги алоқаларни ўрганишида фавқулодда бебаҳо манбадир. Масалан, фарзанд туғилиши, ўғил болаларни суннат қўлдириш ёхуд никоҳ тўй билан боғлиқ маросимлар шунчаки тантана эмас, балки турли анъаналарга бой ҳалқ маданияти ва тарихининг муҳим этнографик ҳодисасидир.

Марказий Осиё ҳалқлари оиласига ва жамоавий байрамларни ўтказиш ва бошқа маросимларда мусиқадан кенг фойдаланган. Маросим қўшиқлари ва чолгу қўйлари ҳалқларнинг ўз кечинмаларини ифода қилишининг асрлар оша синарган одатий усули, унинг табиий ҳосиласи, атроф-борлик, ҳаёт, табиат, гўзаллиқдан бевосита таъсирланишидир. Маросим мусиқалари наумуларининг батамом ўзгарган мухитда ҳам барқарорлик билан юқсан фалсафийлигини сақлаб қолгани шундан гувоҳлик беради.

Анъанавий маданий тадбирлар сирасига узоқ ўтмишдан мавжуд бўлган томошалар киради. Ҳозирги замон театр санъати илдизлари ҳам узоқ ўтмишга бориб тақалади ва ҳалқа манзур бўлгани учун анъанавий санъат турига айланниб қолган. Кўхна анъаналар, миллий қадриятларни тиклаб янада ривожлантириш Ўзбекистон маданияти тараққиётидаги етакчи йўналишлардан биридир. Мусиқавий анъаналарга бой юртимида уларни сақлаш, ривожлантириш ва тарғиб қилиш учун тез-тез мусиқий анжуманлар ўтказиб тuriш бугунги кунда одат тусини олди.

Хулоса килиб шуни айтиш мумкинки, мусика соҳасида ҳам миллӣ қадриятлар, умрбоқий анъаналарни ёшлар онгига, турмуш тарзига сингдирис мухим вазифалардан саналади. Бу борада музайян бир чоралар кўрилмоқда, тадбирлар йўлга кўйилмоқда. Ўзбек ҳалқ мусиқасини кенг кўламда тарғиб қилиш ва дунё мусиқасидан боҳабар бўлиш мақсадида мамлакатимиизда “Шарқ тароналари”,

“Асрлар садоси”, “Бойсун баҳори” каби анжуманлар мунтазам равишда ўтказиладиган бўлди. Бундан кўзланган мақсад эса шакланаётган баркамол автол қалбида мумтоз мусиқага муҳаббат руҳини тарбиялаш, ҳалқлар ўртасидаги маданий ва маърифий алоқаларни мустаҳкамлашдан иборатдир.

Зиёда АҲМЕДОВА,
ЎзМУ тадқиқотчиси

Milliy qadriyatlarning badiiy jozibasi

Миллӣ қадриятлар, урф-одат, анъана ва маросимларни келажак авлодга етказишида бадиий адабиётнинг ўрни бекиёс. Чунончи, Ўзбекистон ҳалқ ёзувчиси Тоғай Мурод асарларида ҳам миллӣ руҳият, кўхна урф-одат ва расм-руссумлар, унтилиш арафасида турган қадриятларимиз ўзига хос жозиба ва нафосат билан тасвирланган.

Адибнинг “Юлдузлар мангу ёнади” асаридаги Бўрии полвоннинг онаси эчки соғиб ўтириб шундай хиргойи қиласди:

Эсли молим, оқипим, чурия-чур-эй,
Елкамдаги кокипим, чурия-чур-эй,
Шунча молнинг ичиди, чурия-чур-эй,
Боғда очилган гулим, чурия-чур-эй.

Мазкур асарда турли жанрдаги фольклор намуналарига бот-бот мурожаат этилган.

Тоғай Мурод ижодининг ўзак томири бўлган миллӣ руҳият азалий қадриятлар, ҳалқ оғзаки ижоди уни доим ҳаёт воқеа-ҳодисаларидан узоқлашмай, ҳақиқатдан чекинмай ижод қилишга ундан келган. Бу ҳақда адид фақат ўзигагина хос бўлган қуончаклиқ ва тантлилик билан бундай деб ёзди: “Ҳалқ нимаси билан ҳалқ? Ўзининг урф-одатлари билан ҳалқ! Ота-бобосидан қолган миллӣ анъаналари билан ҳалқ! Кўп урф-одатларимизни бирорвлар... бирорвлар ўзиники қилиб олди! Биз қўлимизни бурнимизга тиқиб қолдик. Шундай кетаберсак, ҳадемай... ўзимизни-да бой бериб қўямы! Бу ёги камдай, не-не нималаримизни эскилини сарқити деб йўқ қилдик. Хиёл бўлмаса, ҳалқнинг ўзинида... эскилини сарқитига чиқариб юборайин дедик!” (*Тоғай Мурод. Юлдузлар мангу ёнади. Танланган асарлар. 1-жилд. Т., “Шарқ”, 2008, 46-бет*).

Тоғай Муроднинг “От кишинаган оқшом” асарида бадиий қаҳрамон саъжияси атроф мухит, оила, табият, от образларига муносабатида очиб борилади.

Айниқса, Зиёдулла калнинг отга меҳри, отнинг эгасига садоқати нозик деталлар ёрдамида жонли ифодаланган. Бунда Тоғай Мурод ўзи яхши билган ва ўзига қадрдан бўлган ҳаёт манзараларини қаламга олган мухим аҳамият касб этган, албатта.

“Биродарлар, бўз от қандай бўлади? Сурпдай оппоқ бўлади. Борди-ю, аждодида бўлса, тўқизга тўлганда тарлон бўлади. Тўқиз ёшида бўзининг баданида холдай-холдай қора доналар пайдо бўлади. Шундан бошлаб у бўз эмас, тарлон от бўлади. Тарлон — хол-хол от! Тарлон — отлар сараси!” Отни бундай ёрқин бўёкларда таърифлаш учун уни ўта синчковлик билан кузатишнинг ўзи камлик қиласди, бунинг учун инсон қаноти ҳисобланган бу жонивор билан ҳамнафас яшаш даркор. Чиндан-да, адид дунё юзини кўрган замин — Сурхон воҳасида от билан боғлиқ афсонаю ривоятлар кўп. Нақл қилишларича, от эгасига умр тилармиш. Қадим замонларда бир одамнинг биргина оти бўлган экан. Бир кун ўша одамнинг боласи уйда ёлғиз қолганида сандиққа тушиб ўйнаётган экан, унинг қопқоғи ёпилиб қолибди. Бола сандиқни оча олмай кўп қийналибди, йиглабди. Ташқарида боғлиқ турган от буни сезиб арқонини узиб, уйга кирибди. Сандиқни оғзи билан очиб, болани қутқарибди. Бўлажак адид ана шундай афсонаю ривоятлар оламида яшаб улғайган десак муболага эмас.

Тоғай Мурод ижодида от образи, ана шу тариқа мухим ўрин эгаллайди. Адид отнинг одамга бўлган меҳри, садоқати, унинг рангию тузилиши, феълу атвори тўғрисида, қолаверса, от билан боғлиқ ирим-сиримлар, расм-руссумлар ҳақида жўшиб сўз юритади. Ёзувчи шундай усул орқали ўкувчиларга фикран яқинлашиш, уларнинг кўнглига йўл топишга интилади. “Биродарлар, от билмаган нима йўк! От қор-ёмғирни, довулни олдиндан билади. Айниқса, тўй-маъракани дарров билади. Боиси, тўйда кўпкари бўлади-да!” Шу жумлада ҳам от-

нинг зеҳнига, қолаверса, азалий қадриятлар, тўймаъракаларга ургу берилган.

Тоғай Мурод бадиий насрнинг қайси жанрида ижод қиласин, халқини жаҳондаги энг тараққий этган, ўзлигини унумаган, миллий қадриятларини асраб-авайлаган юксак маданиятли эл сифатида тас-

вирлашга ҳаракат қилди. Унинг “Отамдан қолган далаар”, “Ойдинда юрган одамлар”, “Момо ер кўшиғи” асарлари айнан шундай интилиш самарасидир.

Абубакр ЎРОЗОВ,
тадқиқотчи

Murosa — totuvlik omili

Муросали ҳаёт тарзи ҳақида ислом ва тасаввух оламида Fav sul Аъзам, Пирি Дастрир номлари билан машҳур бўлган Абдулқодир Гийлоний (1077-1166 йиллар) ибратли фикрларни ёзиб қолдирган. Ул зотнинг “Фатхур Раббоний вал-Файзур Раҳмоний”, яъни “Раббоний фатҳ ва Раҳмоний файз” асари ана шу жихатдан, айниска, эътиборга лойиқдир. (Ушиб асарни “Мовароуннахр” нашриёти 2005-2006 йилларда икки жилд қилиб нашр этди).

Fav sul Аъзам илоҳий моҳиятга мос яшаш борлиқдаги барча тизим ва қурилмаларнинг ўзаро уйғуллигига намоён бўлади, деб ҳисоблайди.

У “мувофиқ”, “уйғун”, “муроса”, “рози” каби сўзларни кўп ишлатган. “Солиҳ бандалар Унинг ҳузурида ихлос билан тавба қилиб событ турадилар. Қазои қадарга ўзингиз учун ҳам, бошқалар учун ҳам мувофиқ бўлинглар. Азизлигу хорлик, бойлигу фақирлик, саломатлиги касаллиги ва яхшиёмон нарсаларда Ундан рози бўлинглар”, деб ёzáди Fav sul Аъзам.

Дарҳақиқат, инсон ўзини ўзи англаса, Яратган берган имкон, ақл-идрок, фахм-фаросат, интилиш ва лаёқатни сезса, жамиятдаги ўрни ва бурчани чукӯр англайди ва шунга мос ҳаракат қиласди. Розилик муросаю мадорага, у эса тинчлик-хотиржамлика асос бўлади. Норозилик эса муросасизлик, низо, жанжал, урушни келтириб чиқаради, охир-окибатда одамларнинг ҳузур-ҳаловати бузилади. Шунинг учун Fav sul Аъзам ёzádi: “Оллоҳ таолонинг ҳамроҳлиги доимий бўлади”.

Аллома инсон зотини Оллоҳга мувофиқ бўлишга чақиради. Оллоҳга мувофиқлик деганда у тор қарашлардан узилиб, энг олий ҳаддаги буюк Зотга боғланishi ва бутун борлиқка юқоридан назар ташлаб, меҳр-муҳаббатли бўлишини тушунади. Инсон кўпинча мансаб-мартаба, ҳурмат-иззат, мол-дунё каби омонат ҳавасларга боғланиб, калтабинлик қиласди. Ҳолбуки, ҳар бир нарсага ортиқча ружу қўйиш салбий ҳолатни келтириб чиқаради. Масалан, миллатга меъёридан ортиқ боғланishi миллатчиликка, динга ҳаддан зиёд боғланishi ақидапарастликка сабаб бўлиши мумкин. Оллоҳга мувофиқлик ёки

унга боғланиш эса бутун одамзодни фақат У яратгани, барча динлар, пайғамбарлар, мұқаддас китоблар Унинг изни билан келганини англашга асос бўлади.

Fav sul Аъзам борлиқ билан уйғун яшашга хилоф ишни нафс деб атайди. Дарҳақиқат, инсон тана ва руҳнинг уйғунлигидан иборат. Тана истаклари нафсни туғдиради. Унинг меъёридан ортиши баднағаслик, баҳиллик, жоҳиллик, зулм, хиёнат, муноғиқлик, риёкорликка сабаб бўлади. Абдулқодир Гийлоний “Агар нажот истасанг, Раббинг азза ва жаллага мувофиқ бўлиш орқали нафсинга хилоф иш тут. Унинг тоатига мувофиқ бўлиб, осий бўлишдан сақлан”, дейди.

Аллома маҳлуқот оламини уч турга бўлади: фаришта, шайтон ва одам. “Фаришта — бутунлай яхши, шайтон — бутунлай ёмон. Одамда эса яхшилик ҳам, ёмонлик ҳам аралаш. Агар яхшилик ғолиб келса, одам фариштага қўшилади, агар ёмонлик ғолиб келса, шайтон билан тиллашади”.

“Одамлар билан муросаю мудора қилиб яшаш ҳам садақадир”, деган ҳадисни келтириб, буюк мутафаккир кишиларни саҳиҳ бўлишга, Оллоҳ қарамидан бошқаларни ҳам баҳраманд этишига чақиради. Бошқаларга меҳрибонлик ва ҳалимлик турфайли инсон хулиқи илоҳий сифат касб этиши ва у тобора илоҳий моҳиятга мувофиқ бўла боришини улуғ мутасаввfu алоҳида таъкидлайди. “Мувофиқлик мухаббат шартларидан, мухолифлик эса душманлик шартларидандир”, дейди у.

Fav sul Аъзам инсоннинг зоҳири ботинига, дили тилига, амали илмига мувофиқ, уйғун бўлиши лозим деб ҳисоблаб, риё, муноғиқлик, сохталиқдан инсонларни сақлаш позимлигини қайд этади.

Хуласа қилиб айтилса, комил инсон ва адолатли жамиятни орзу қилган тасаввух таълимоти ва унинг Абдулқодир Гийлоний каби улуг намояндадар месорси буғунги кунда ҳам ўз қимматини йўқотмаган ва бу мерос янги ижтимоий талабларга мувофиқ муроса фалсафасини ишлаб чиқиша назарий-услубий манба вазифасини ўташи мумкин.

Гуландом ЮНУСОВА,
Бухоро Озиқ-овқат ва енгил саноат
институти катта ўқитувчуси,
фалсафа фанлари номзоди

Hajtan ixcham, maztipan boy

Ўзбек ва қирғиз халқларининг фольклор жанрлари поэтик хусусиятлари жиҳатидан ҳам муштарак. Бу халқлар мақолларида образ яратиш ўзига хос тарзда намоён бўлади. Мақолларда муайян воқеликнинг ўзи эмас, шу воқеликдан келиб чиқадиган хулоса қиска шаклда, умумлаштириб ифода этилади. “Шунинг учун ҳам уларда конкрет индивидуал образ, унинг кечинмалари эмас, балки бир-бирига ўхшаш кўпгина воқеа-ҳодисалар ҳақидаги омманинг лўнда хуносалари ифодаланади. Демак, мақол жанри учун образни индивидуаллаштириш эмас, аксинча, умумлаштириш хос” (К.Имомов, Т.Мирзаев ва бошқалар. Ўзбек халқ оғзаки поэтик ижоди. Т., Ўқитувчи, 1990, 96-97 бетлар).

Мақолларда аксаран умумлашма образлар яратилган бўлади. Масалан, “Бахилнинг боғи кўкармас” ўзбек мақоли ёки “Бакылдын багы къргърбъйт, къргърс да къбърбъйт” қирғиз мақолида “бахил” сўзи хасис кимсаларнинг умумлашма образини ифодалайди.

Баъзи мақолларда эса машхур тарихий ёки афсонавий шахслар номлари ҳам учрайди. Дейлик, “Аёз, кўрган кунинг унутма, Кўн чоригинг куритма” мақолининг келиб чиқиши эртак сюжети билан боғлиқ. Аёз исмли чўпон ақлу фаросати сабабли вазир этиб тайинланади. У қўйин кунларни унутмаслик учун чоригини эшиги тепасига осиб қўяди. Унга ҳар сафар кўзи тушганда юқоридаги мақолни айтади. “Кўн чоригинг куритма” бирикмасининг мазмуни шундан иборатки, қадимда хом теридан тикилган чорик ёрилиб кетмаслиги учун ёғлаб турилган (*Ш.Шомақсадов, Ш.Шораҳмедов. Ҳикматнома. Т., 1990, 13-бет*). Бу мақол бирор юқори мартабага эришиб, ҳаволанини кетган одамларга нисбатан айтилган.

Ўзбек ва қирғиз мақоллари нутқда фаоллашганда сўзга оро беради, образли ифода тингловчида ўзига хос бадиий завқ уйғотади. Бадиий-эстетик таъсиричанликни юзага чиқаришда эса ўхшатиш, сифатлаш, ритмик-синтактик параллелизм, аллитерация, анафора, сажъ, гипербола, антитета, метафора, метонимия, синекдоха каби кўплаб бадиий воситаларнинг ўрни бекиёсdir.

Мақолларнинг грамматик ихчамлиги ортиқча сўз ва гап бўлакларини ишлатмаслик ҳисобига рўй беради. Бундай вазифани бажарувчи усууллардан бири эллипсисdir. “Эллипсис” (ellipsis) юонча сўз бўлиб, “тушириб қолдириш”, “сўз тежаш” деганидир. Бунда муайян фикрини ифодалашда энг зарур сўзларгина ишлатилиб, иккинчи даражали сўзлар, бўлаклар атайн тушриб қолдирилади. Қиз — қўноқ. Қирғиз

мақолида: “Қыз — конок”. Ўзбек ва қирғиз халқ мақоллари мазмунидан “Қиз бола ўз уйда гё меҳмондир, чунки кун келиб вояга етгач, турмушга чиқиб кетади”, деган маъно англашилади. Ёки “Хут — ют”. Хут баҳор ойларидан бири бўлиб, халқнинг ижтимоий ҳаётига оид фикрга ургу берилади. Мақолда иккита жуда қиска, бир бўғинли сўз орқали чуқур мазмун ифодаланмоқда. Бу сўзлар ўзаро қофиядош ҳамдир. Қирғиз халқида ҳам шу каби бир бўғинли мақолларни учратиш мумкин, “Калл — дар”, яъни ёлғон сўз ўзинга дор кабидир, дейилмоқда.

Зидлов фигуранлар таркибига кирувчи антитета (қаршилантириш ёки тазод) ҳам мақолларда поэтик фикрини ифода этишда асосий усул ҳисобланади. Масалан:

*Яхши хотин юзида ой кўринар,
Ёмон хотин қовогидан қор ёғилар.*

Қирғиз мақолида:

*Жакшы катын жаман эрди зор кылат,
Жаман катын жакшы эрди кор кылат, —
дейиллади.*

Маъноси:

*Яхши хотин ёмон эрни зўр қиласди,
Ёмон хотин яхши эрни хор қиласди.*

Антитета — халқ мақолларида энг кўп кўлланадиган воситалардан бири. “Бунинг бош сабаби шундаки, тазод мақолда акс этган воқеа-ҳодисанинг табиатидаги зиддиятини ифодалаш барабарида томонлардан бирини халқ идеали нуқтаи назаридан ё тасдиқлайди, ё инкор этади” (К.Имомов, Т.Мирзаев ва бошқалар. Ўзбек халқ оғзаки поэтик ижоди. Т., “Ўқитувчи”, 1990, 97-бет).

Мақоллар икки мантикий марказдан иборат бўлиши, бу марказларнинг ўзаро зид муносабати воқеепик фактигининг бир-бирига бўлган зид табиатидан келиб чиқади.

Мақолларда нарса, воқеа-ҳодиса, тушунча кабиларнинг турлича хусусиятлари: ранги, бўйи, сифати, узунлиги, миқдори, масофаси, маза-таъми, ҳарорати, ҳолати кабилар ўзаро зидланади.

*Торга тор дунё,
Кенгга кенг дунё.
Қирғиз мақоли:
Кеё пейилд|| кемибейт,
Тар пейилд|| жарыбайт.
Кеё болсоё, кем болбойсүё.*

Мақолларга хос бўлган, энг кўп кўлланадиган кучайтирув фигуранларидан бири бадиий такрор-

лардир. Бадий тақорлар тўрт гурухга бўлинади: 1) фонетик тақор; 2) лексик тақор; 3) морфологик тақор; 4) синтактик тақор.

Уммутуркӣ фольклор асарларида, хусусан, мақолларда аллитерация жуда кўп учрайди. Аллитерация тавзиз шеърий ёки насрӣ асарларда бир хил ундош товушларнинг тақорланишидир.

Масалан: *Богни боқсане, боғ бўлур,
Ботмон даҳсар ёғ бўлур.
Боқимсиз боғ тог бўлур,
Юрак-бағринг дод бўлур.*

Қирғиз мақолида эса қуйидаги шаклда учрайди:

*Бай болбогон бай болсо-отоого чъл койбойт,
Бий болбогон бий болсо-сўлъъғъ съз койбойт.*

Аллитерация фонетик-стилистик усул сифатида мақолнинг интонацион ифодавийлиги ва оҳангдорлигини кучайтиради.

Ўзбек ва қирғиз мақолларида лексик тақорлар ҳам мухим функция бажаради. Бунда мақолнинг мантикий марказидаги муайян сўз тақорланиб, шу усул билан унинг маъноси таъкидланади.

Бу паремик жандрда лексик тақорлардан энг кўп кўлланганни анафорадир. Шеърий шаклдаги мақоллар мисралари бошида бир хил сўз ёки сўзларнинг тақорланиб келиши анафора ҳисобланади: Масалан: 1) мисралар бошида бир сўзниң тақори:

*От олсанг, уйинг билан кенгаш,
От сомсанг — овулинг билан.*

Қирғиз мақоли: *Оору оору эмес,
Оору баккан оору.*

Маъноси: Касал касал эмас, касални боқкан — касал.

2) Мисралар бошида бир неча сўзниң тақорори:

*Билган сўзни айт,
Билмас сўздан қайт.
Қирғиз халқ мақоли эса қуйидагича:
Бир съз бар-оозго алғыс,
Бир съз бар-издесе тапкыс*

Маъноси: Бир сўз бор — оғизга олмас, бир сўз бор — изласа топилмас.

Морфологик тақорлардан бири учма-уч улаш — бир мисра сўнгидаги сўз ёки сўзлар бирикмасининг кейинги мисра бошида келишидир, дейилади. Масалан:

*Жон берганга жой бер,
Жой берганга жон бер.
Қирғиз халқ мақоли:
Аш бергенгэ муш берген
Муш бергенгэ аш берген.*

Маъноси: Ош берганга мушт берган, мушт берганга ош берган.

Хуллас, ўзбек ва қирғиз мақолларининг мазмун-мундарижаси ниҳоятда кенг, бадий олами ҳам ниҳоятда турфадир. Мақолларнинг бадий жиҳатдан мукаммал бўлишини эса, табиийки, тасвир ва ифода воситалари таъминлайди. Ўзбек ва қирғиз халқ мақолларида риторик фигуранлар кўлланишида ҳам ўзига хос яқинлик мавжудлигини юқоридаги мисоллар тасдиқлаб турибди.

Махбуба ТЕМИРОВА,

Андижон Давлат университети
аспиранти

Turkiston dagi boj to'lovlari

XIX аср ўрталарида Бухоро амирлиги, Хива ва Қўқон хонликлари Шарқ мамлакатлари ва Россия империяси билан кенг савдо алоқаларини ўрнаттган эди. Уларда бож ундириш айниқса мухим ўрин туттган. Чунки бож тўловлари Ўрта Осиё хонликлари иктисодий даромадининг мухим манбай ҳисобланган.

Мустамлакачиликнинг дастлабки йилларида руслар хонликлардаги закон тизимини ўзгартирмайди, шунингдек, ташки савдо соҳасида ҳам бож масалаларида ўлка империядан алоҳида ҳолда фаолият юритиб туради. 1868 йилнинг 22 апрелида Оренбург ва Фарбий Сибирь божхона тизимлари фаолияти кўриб чиқилиб, Европа товарларининг Ўрта Осиё хонликларида кириб келишига чек кўйиш мақсадида Сирдарё вилояти божхона идораси ташкил этилади. Янги чегаралар бўйича товар олиб кириш ва уни ташки

ўлкаларга олиб чиқиши 1867 йилги қоидалар асосида олиб борилар эди. Фақатгина чет эллик, хусусан, осиёлик савдогарлардан энди бож йилда бир марта эмас, ҳар товар олиб кирганда олинидиган бўлди. Ўлканинг бошқа ҳудудларида ҳам Россия империясининг соликлар тўғрисидаги қонунларига кўра, савдо ва саноат соҳасида божхона тизими ўрнатилди.

1875 йил Сирдарё вилояти ва Зарафшон округларида савдо қилиш ҳуқуқи ва саноат соҳаси бўйича 1865 йилдаги соликлар тўғрисидаги қонунлар амалга жорий этилди.

Россия империяси Давлат кенгашининг 1886 йил 2 майдаги “Туркистон ўлкасида божхона тизимини такомиллаштиришга оид” қарорига кўра, ўлкадаги божхона идораларида Молия вазирлигининг божхона ишларига масъул мансабдори

тайинланди. Бу вазифага номзод ўлка генерал-губернаторлигига Молия вазирлиги томонидан тақдим этилар эди.

1890 йил 12 июнда Россия империяси Молия вазирлиги қошида умумимперия божхона муассасаларига монанд Туркистон божхона округи ташкил этилди. Мазкур округ таркибиға Фарғона, Самарқанд, Сирдарё вилоятлари ҳамда Кавказорти ва Еттисув вилоятининг жанубидаги божхона муассасалари киритилди. 1894 йил 6 июнда умумимперия божхона таркибиға Бухоро ва Хива хонликлари ҳам киритилди. Кавказорти вилоятининг божхона муассасалари Афғон-Бухоро чегарасидаги янги муассасалар билан биргалиқда маҳсус Каспийорти божхона округини ташкил қилди. Бу округ 1899 йиль июн ойигача мустақил фаолият кўрсатди, сўнгра яна Туркистон божхона округи таркибиға кўшиб юбориленди. Худди шу йил тўртта: Кўкон, Керки, Аш-хобод ва Самарқанд божхона инспекция участкалари ташкил топди.

Ташки савдо бўйича назорат Туркистон учун ишлаб чиқилган маҳсус қарорлар ҳамда божхона низоми ва божхона тарифининг умумий қарорлари билан тартибиға солинган. Ушбу қарор ва фармойишлар асосида афғон чегараси орқали Ўрта Осиёга кириб келадиган қорамоллардан ташқари барча мол учун улар таннархининг 5 фоизи миқдорида бож олинган.

Туркистонда жорий қилинган янги солиқ тизимида акциз (баъзи кенг истеъмол молларига солинадиган эгри солиқ) ва божхона тўловларига катта ўрин берилган. Туркистон худудидаги божхоналардан рус давлати ғазнасига ҳам мўмай даромад тушиб турган. Туркистон Ғазна палатаси маълумотларига кўра, божхона тушумларининг умумий миқдори генерал-губернаторликдаги уч асосий вилоят бўйича 1904 йилдан 1907 йилга қадар 25 фоиз ошган. Бу ўсиш, асосан, ўлкага олиб келинаётган чойдан олинадиган божнинг кўтарилиши эвазига эди. Самарқанд ички божхонасининг кўрсатчи Туркистон ички божхоналарининг учдан икки қисмини ташкил қилган.

Келтирилган далиллардан аён бўладики, мустамлакачилар Туркистон ўлкасидан бож ундириш масаласига катта эътибор қаратган, шунингдек, ўлка савдогарлари молига божхона ходимлари ҳам тажовуз қилган. Бундан норози аҳоли тегишли ташкилотларга арз-дод билан мурожаат этган ва бож ундириш борасида йўл қўйилган турли суистеъмолчиликлардан давлат амалдорларини хабардор қилган. Улар ҳам гўёки аҳоли манфаатини ҳимоя қилган бўлиб, бир-икки ходимга нисбатан енгилроқ чора қўллаш билан чекланган, холос.

Уйғун ЖУМАЕВ,
ЎзМУ ўқитувчиси

“Oxranka”

Биринчи жаҳон уруши даврида Туркистон жадидларининг ҳам фаолияти кескин тус олди. Андижонда “Тараққийпарвар” фирмаси, Кўқонда “Файрат”, Тошкентда “Турон” жамияти ўлка ҳалқлари манфаатини ҳимоя қилиб, Россия империясининг мустамлакачилик сиёсатига қарши курашди. Бу Чор хукуматини қаттиқ ташвишга солиб қўйди. Улар ўлка аҳолиси 1905-07 йиллардаги Россия воқеаларидан фойдаланиб, мустамлака тузумга қарши кайфиётда иш кўра бошлаганини пайқади. Самарқанд вилояти ҳарбий губернаторининг 1907 йил февраль ойида ўлкада жандарм назоратини ўрнатиш ҳақидаги маърузасида шу фикрга алоҳида ургу берилган. У Рус ҳукумати “Ўрта Осиёдаги инқилобий ташкилотларнинг ерли аҳолига таъсирини йўқотиш учун зарур маблағ ва яхши воситаларга эга бўлиши керак”, деба ўлкада сиёсий қидиув хизматини кенг миқёсда ташкил этишни таклиф қиласди. Бу хизмат губернатор фикрича, “Ерли аҳолини инқилобий ташвиқотчилар таъсиридан сақлашда мухим роль ўйнайди” (ЎзР МДА, 1-ФИ, 31-рўйхат, 144-ши, 37-варак). Унинг мулоҳазаларини Фарғона вилояти ҳарбий губернатори ҳам маъкуллаб, кейинги вақтларда сиёсий жиноятчилар сони ерли аҳоли вакиллари ҳисобига кўпайганини, бунга Туркистон тараққийпарварлари таъсири катта бўлаётганини

айтади (Янги Марғилон округ судида Ғафуржон Исломжонов, Тошмаҳсум Мулла Ҳўжашев каби ўзбеклар ишини илова қиласди). Россия империяси маъмурлари тараққийпарварларга қарши курашиш учун 1907 йил ноябрьда рус маҳфий сиёсий полицияси — Туркистон район муҳофаза бўлимими ташкил этиди. Бу ташкилотни руслар “oxranka”, ўзбеклар эса “сиёсий идора” деб атаган. Рус сиёсий разведкаси ва контразведкаси вазифасини ҳам адо этувчи маҳфий полиция Туркистондаги тараққийпарвар кучларни аниқлаш, уларнинг сафира яширин равишда иғвогарларни кўшиш, миллат-эллатлар ўртасида нифокни кучайтириши ва миллий-озодлик ҳаракатининг ривожланишига йўл қўймаслик, энг асосийси, ўлкани руслаштириша қарши кучларни пинҳон ё ошкора йўқотиш учун хизмат қилиши лозим эди. Бу идорага раҳбарлик тажрибали полиция амалдори Леонид Квицинскийга топширилди. Подполковник Васильев эса генерал-губернатор маҳкамасидаги сиёсий ёзишмаларнинг мутасаддиси — маҳсус бўлим бошлиғи вазифасини бажара бошлади.

Квицинский ва Васильев ҳамкорлиқда Туркистондаги истиқтол учун курашга қодир шахсларни “зааррасизлантириш” режасини ишлаб чиқди. Режага асосан, ўлка устидан миршаблар назорати

кучайтирилди, вилоят бошликларига “шубҳали деб топилган мадраса ва мактабларни ёпиш хуқуқи” берилиди, жадидлар ва руҳонийлар ўртасидаги адоват авж олдирилди. Бундай тўсиқларга қарамай, жадидлар сабитқадамли билан маориф, матбуот ва санъат орқали миллпий уйғониш мафқурасини Туркистон халқига сингдиришга ҳаракат қилди.

Таникли маърифатчи Абдулла Авлоний ўз таржима ҳолида бундай ёзган: “1904 йилда рус-япон уруши чиқиб, бу уруш бутун Русия ишчиларини кўзини очондек бизни ҳам кўзимиз очиди. 1905 йилдаги Русияда бошланган инқиlob тўлқини бизга ҳам таъсир қилди. Бизнинг ташкилотимиз сиёсий маслакларга тушуниб, биринчи навбатда қора халқни оқартмоқ ва кўзни очмоқ чорасига киришди. Бу мақсадга эришмоқ учун газит чиқармокни муносаб кўриб, уюшманинг ҳаракати билан ўзбек тилида газеталар чиқарилди. 1906 йилда “Тараққий”, “Хуршид” газеталари чиқиб, эски ҳукумат томонидан тўхтатилғондан сўнг 1907 йил мен ўз мухарриргим билан ҳамда темир йўл ишчиларининг социал-демократ фирқасининг алоқа ва ёрдамида “Шуҳрат” номидаги газитни Салерни кўчада чиқардим”.

Туркистон шаҳарларидағи яширин (конспиратив) ташкилотлар ҳам миллпий озодлик учун зимдан кураш олиб борди. ТРМБ айғоқлари берган маълумотга кўра, улар ягона мақсадни кўзлаб, “Туркистон ўлкаси, Бухоро ва Хивавнинг ҳамфиқр маърифатпарварларини жамлаган ҳолда Россия зулмидан озод бўлиш учун бутун кучларини бирлаштиришга” (ўша ерда, 127-варак) интилди.

Тошкентлик Убайдулла Асадуллаҳўжаев (1882-1938) илғор рус демократлари билан яқин алоқада бўлган. У “Садои Туркистон” газетасига мухаррирлик қилган. Шундан келиб чиқиб, махфий полиция маҳкамаси бошлиги полковни М.Волковни кузатиш учун етарли асосга эга эди. Убайдулла Асадуллаҳўжаев фаолиятини бутун ўлка мусулмонлари газетасида бошлаган. Бу ҳақда полковник Волков маълумот берди, “маҳаллий тилда чиқувчи ушбу газета маҳаллий халқ ҳаётиди катта аҳамиятга эга, шунинг учун уларнинг босмахонасини ёлиб кўйишига руҳсат беришингизни сўрайман” (ЎзР МДА, 461-ФИ, 1-рўйхат, 1968-иши, 6-варак) деб, генерал-губернаторга муружаат қилган эди. Бирок ушбу сиёсий курашда Асадуллаҳўжаев голиб чиқди. У газета чиқаришда сафдош ва маслақдошлар топа билди. Шунингдек, зарур маблағ ва обуначиларни ҳам кўпайтириди. Натижада Туркистон генерал-губернаторининг қаттиқ босим ўтказишига қарамай, 1914 йилнинг февралидан бошлаб ўзбек жадидларининг очик минбари бўлган “Садои Туркистон” газетаси нашр этила бошлади. Унда Беҳбудий, Ҳамза, Фитрат, Чўлпон каби кўплаб шоир ва адилларнинг мақолалари, шеърлари, очерк ва ҳажвиялари чоп этилди. Кисқа фаолияти (1914-15 йи.) давомида “Садои Туркистон” газетаси Туркистон зиёлларининг асосий партияси “Тараққийпарвар”нинг пойдеворини яратди.

“Садои Туркистон” билан бир вақтнинг ўзида 1915 йили Кўконда мухолиф руҳдаги “Утро Ферганы” газе-

таси чиқа бошлади. Табиийки, ушбу газета фаолиятини ҳам сиёсий идора ўз хуфиялари орқали назорат қилишга уринган. М.Волков Тошкент, Кўкон, Андикондаги жадидлар ташкилотларида ўзбек буржуазиясидан ташкири рус савдо-саноат доиралари вакиллари, шунингдек, инқиlobий фирмә аъзолари ҳам борлиги ҳақида хабар олган эди. Жумладан, “Утро Ферганы” газетасининг ташаббускорларидан бўлган Георгий Павлюченко ҳақида ТРМБга қўйидаги маълумот етказилган: “Утро Ферганы” газетасининг мухаррири Лъвов бўлса ҳам, аслида чинакам хўжайин яхудий савдо-саноат доираси вакилларининг мoddий маддига таяниб иш кўрувчи Павлюченкорид. Газета ноширлари сафида собиқ талабалар эътирофи бўйича социал-демократ Шоислом Шоаҳмедов, Болотин, Зубарев ва бошқалар бўлиб, улар Павлюченко бошчилигига “Утро Ферганы” газетаси обуначилари сонни ошириш ниятида ҳокимиятга қарши мақолалар ёзлон қила бошлади. Павлюченко атрофига ушонган ноширлар урушдан кейинги бўладиган тўнтиришга жамиятни ҳозирлаш ва шунга кадрлар тайёрлашни мақсад қилган (ЎзР МДА, 461-ФИ, 31-рўйхат, 1144-иши, 3-7-вараклар). Дарҳақиқат, худди шу мақсадда 1915 йилнинг кузида Павлюченко Кўкон матлубот жамиятни аъзолари ўртасида тарғибот ўтказа бошлаган. Декабрда Лъвов сўл қарашибди мақолаларни ёритгани учун уч ойга қамалгач, Павлюченко мухаррир бўлган. 1916 йил январида газета номи “Ферганская жизнь” деб ўзгаририлган. 4 апрелдан эса “Туркестанский край” номини олган.

Сиёсий идора хуфиялар орқали Андиконда ташкил этилган “Тараққийпарвар” жамияти фаолиятини ҳам назорат қилган. Хуфиялар маълумотига таянган полковник М.Волков 1916 йил 14 октябрда Фарғона вилояти ҳарбий генерал-губернаторига берган ахборотида Вадим Чайкин раҳбарлигига “Туркестанский голос” газетаси биносида ҳар куни кечқурон “Ийигрмага яқин илғор фикрли маҳаллий ёшлар йигин ўтказмоқда. Улар (сартлар) Андиконнинг маҳаллаларини ўзаро тақсимлаб, аҳоли орасида ҳукуматга қарши тарғибот ва ташвиқот ишлана олиб бормоқда...”

“Бу гурух томонида яна Давлат Думасининг аъзолари Тевкелеев ва Керенский ҳам бор. Улар Андиконга ташрифи давомида “Тараққийпарвар”лар билан яқин алоқа ўрнатган. Бу жамият кўлами кенгайганидан дарақтирди, бунинг олдини опиш лозим” (ЎзР МДА, 461-ФИ, 31-рўйхат, 1144-иши, 21-варак) дейллади.

Шундан сўнг Андикон “Тараққийпарвар”лари фаолияти кескин назорат ва таъқиб остига олинган.

Маълум бўладики, “охранка”, яъни сиёсий идора ўз хуфиялари орқали 1917 йилгача Туркистон тараққийпарварлари фаолиятини сергаклик билан назорат қилиб борган.

Соибжон ҲОШИМОВ,
тарих фанлари номзоди,

Қосимжон БОЗОРОВ,
тадқиқотчи

“ТАФАККУР”ГА МАКТУБЛАР

“Тафаккур” мухлислари билан учрашувларда мана бундай таънаомуз саволни бот-бот тинглашга тўғри келади: “Барча матбуот нашрларида бор бўлган “Таҳририятга хат” руҳни нега “Тафаккур”да йўқ?” Мабодо гап таҳририятга йўлланаётган ҳар қандай мактуб ҳақида бўлса, бунга жавобимиз тайёр. Лекин гап журналимизда босилган мақолаларга муносабат ва таҳририят фаолиятига доир истагу тақнифлар ҳақида бўлса, ўртада бир андиша бор. Ахир, “севимли журналимиз “Тафаккур”... қабилидаги лутфкор мактубларни чоп этиш хижолатли-да. Қолаверса, журнал уч ойда бир чиқса, шу вақт ичидаги “тафти кетиб” қолмасмикан, деган истиҳола ҳам бўлган. Лекин аҳён-аҳёнда бўлса ҳам шундай мактублар келиб қолар эканки, уларни чоп этмаслик, рости, инсофдан эмас.

Хуллас, ана шундай хатлар сабаб, “Тафаккур”га мактублар” деган янги руҳ очишига қарор қилдик. Бу руҳнда нафақат таҳририят, балки муаллифларга келган мактубларни ҳам тўлиқ ёки парча

ҳолида ёритиб бориш ниятидамиз. Бошлаб журнал муаллифларидан бири — адабиётшунос олим Зухриддин Исомиддиновга келган мактубни чоп этмоқдамиз.

Таҳририят

Ассалому алайкүм, устоз!

“Тафаккур”да “Саркаш саволлар” (2009 йил, 1-сон) деган мақолангизни ўқидим. Алломаи замонларни ўйлантирган ушбу исёнкор сўровлар барча адашувчилар қатори мени ҳам кўп безовталантирган. Одамлар назидида буюклик чўйқисига кўтарилиган не-не файласувлар ҳам, минг ийларки, шу ҳақида бош қотириган ва муҳаҳҳақи, вақт ўйқотган, холос. Чунки шубҳаю гумонларга ўралган бу саволу сўровларга жавоб топилемаган, яъни натижажа чиқмаган. Бесамар нарсаларга бош қотириши эса фақат вақтни ўғирлайди. Агар дилда чин имон бўлса, бутун коинот ва ҳаёт борича унга сингдирилган бўлур эди.

Энди сизнинг хуросаларингизга келсак, очиги, уларга фикр қўшадиган салоҳиятим йўқ. Шу боис айтадиганларим пойма-пой чиқса, маъзур тутасиз. Сиз ўтиб бўлган йўлларга алпонг-талонг кириб келаётган гўдакнинг ўзича тушунгандарини ҳам бир эшигинг. Сизнинг битикларингиз кўччиликда янги тушунчалар яратгани каби, булар ҳам сизга холислашишига имкон яратар балки.

Аввалул илм — маърифатуллоҳ! Шу — энг тўғри хуроса. Бундан ҷалгимаслик лозим. Куръон оятларига келсак, уларнинг асл ҳикматини қайси баъда мукаммал англабди? Илоҳий қаломнинг ҳақиқий маъносини фақат Унинг Ўзи билади. Тафсир ва маъно таржималари нис-

бийлиқдан бошқа ҳечдир. Бинобарин, сизнинг жаннат ва дўзах ҳақидаги фикрларингиз қайсиидир маънода нимагадир, аниқроги, ҳақиқатга яқинлагандек... Яна Оллоҳ буюк билгичдир!

Тушунганим, дунё – манбаатлар олами. Одамлар манбаатлар чорраҳасида ўзаро түйкнашади. Буни рад этолмаймиз. Бунинг ёмон томони ҳам йўқ. Акс ҳолда инсон инсонга болганиши учун уларнинг ботинидаги ҳеч бир туйгу сабаб бўла олмайди – имондан ўзга. Аммо мукаммал, тўқис имон кимда бор? Жаҳон риёга тошиб кетган-ку... Асл ҳидоятни эса Оллоҳ фақат хос бандаларга берган. Биз, адашувчилар гоҳо буни англашдан ҳам маҳруммиз.

Шул боис ҳаддимизни билиш кони фойда.

Бинобарин, бандаси фақат қалбий зикр ва қўрқинч, ҳа, чексиз қўрқинч билан сўздан шакл олмайдиган Ҳақни англани мумкин. Бошқа роҳ йўқ.

Гоҳо Кафка, Жойсни, Достоевский, Камю, Толстойни ўқиб, ўйланиб қоламан, қизиги шундаки, Фазолийни ўқиб ҳам шундай ҳолатга тушаман. Икки ўйловнинг фарқи эса, бири осийлик, бири тобелик тасвири экани. Яна бир томони, уларнинг ёзгани ўхшаш, турган гапки, барчасининг хуносасида таслимиятдан бошқаси йўқ. Яна қанақа саркашлик бўлиши мумкин? Дунёнинг буюклари... Уларнинг буюклиги ўзининг чексиз дараҷада ожизлигини англаб етиб, шуни оламга жар согланларида, холос. Ҳолбуки, бундай түгён ҳар бир бани баширнинг тафаккурига пўртмана солади. Бу пўртмана кўпинча яширин бўлади. Минглаб инсонларда ухлоқ вулқонлар каби бедаҳл қолади. Кимлардадир эса аксинча...

Устоз, Маркеснинг таржимаси ҳолини ўқигансиз (тахминан, шундай жоий бор): “Бобом ва бувим гаройиб тушунча эгалари бўлиб, жину алвастилар билан тўлиб кетган ўйда яшар эдилар”.

Габриэлнинг ўзи шунга ростдан ҳам ишонғанми, йўқми, билмадим, аммо жинлар ва шайтонлар олами бор. Улар ҳар лаҳза инсон қалби ва руҳига таъсир ўтказади. Кўринмаган ҳолатда туриб одамни йўлдан оздиради. Бу – аниқ. Бунга исбот келтириб ўтирмайман, чунки оят ва ҳадисларда очиқ ҳукмлар бор.

Тоҳир Малик кейинги пайтда “Мен – ўзликни англиш”, “Одамийлик мулки” деган рисолалар ёзиб чоп эттириди. Бу ёқда Дейл Карнеги... Яна бир қанча: Аҳмад Мұхаммад, Мирзакарим Норбеков – ҳаммаси ўзича инсон руҳиятига қалит ахтаради. Ҳаммаси ичиндаги ичинда деб, Румий ҳазратлари ўғитини тақоролаяти. “Мукошафат ул-қулуб”, “Иҳёу улумид-дин” – Фазолийдан сабоқлар...

Қанча тадқиқот! Қанча тафаккур! Барчаси яна ўша – БУЮК ОЖИЗЛИК итига терилади.

Дарвин ва Хорун Яхё... Уларнинг дилида нима, билмаймиз. Хорун Яхё нима демоқчи? Исломнинг ҳақлигини исботлаши учун Дарвинга қиулич кўтариши шарт деб ўйлаганмикан? Аммо Дарвинни яхшилаб ўрганса, у ҳам ўзи томонда эканини тушунармиди, ким билсан...

Хулас, ҳар бир банда ўзидан ўзга катта қудрат, бекиёс Илоҳиёт борлигини англайди, яни ақли билан билади. Аммо руҳига синедиролмайди. Шу боис унга ҳар қадамда саркаш саволлар ҳамроҳлик қиласади. Айримларнинг сўзларида чирс-чирс товланаётган маъноларни кўраман, бироқ юзи ва кўзларида, даригки, шу маънога бўйсуниш кўринмайди. Яна Оллоҳ билгич, чунки авлиёлар риёкорлик билан мушрикка айланмаслик учун Раббим, берган кароматларингни яшир, деб йиглаб дую қиласади.

Мен Навоийни, ҳақиқатдан ҳам, жаҳоннинг авлиёсидан бўлганмикан, деб ўйлайман. Сабаби, унинг ҳеч бир ёзгани Ҳақ мұхаббатидан бошқани тараннум этмайди ва ҳаммаси мажоз, қуҷали мажоз билан берилган. Бошқа шоирларда ҳам шундай, аммо Навоийда бошқача-да...

Мен осийнинг, гуноҳкорнинг ягона ўзгармас сўзи шуки: инсон ҳамиша ўз ОЖИЗлигини тушунсагина, шунга яраша ҳаракат қиласагина, ҳаловат топишига умид бор.

Самимият ила
Акром МАЛИК

2010 йил 21 март,
Пискент шаҳри

SUMMARY

In the interview entitled “When Benevolence is a True Criterion” where interlocutors touch upon arts and literature topics literary critic Shuhrat Rizo shares his views on mass culture and theatre which has been considered as a power pushing the society towards enlightenment and thinking as well as on achievements and problems of the fine arts, Uzbek poetry and literary criticism.

The community elder is a person who can unite the people of his community, coordinate their efforts and lead them. This institution existing from ancient times in Central Asia, including our region, was a tier establishing links between authorities and the people. The community elder used to defend its interests concerning estate, prices, taxes and customs duty. Along with engaging in his direct governing duties at the local level the today's community elder also takes care of the peace of each family which is seen as a basis of the society and improvement of the community. In his article “The Community Elder” philosopher Abdurahim Erkayev takes a look at the history of the community elder institution from ancient times to the present day and reflects on the requirements to it.

The Old School” article by literary critic Ulughbek Dolimov was published in issue 1, Tafakkur for 2010. In his article “Russian Schools for the Indigenous People” the author tells in detail about setting up Russian schools for the indigenous people in Turkestan aimed at strengthening the tsarist native policy, teaching methods of the pedagogues-missionaries who had come from the Tsarist Russia, the attitude of the indigenous people towards opening such schools, first text-books for teaching Russian, the main purpose of changing the Latin alphabet into the Cyrillic one and shortcomings and problems in the educational system of such Russian schools.

Abdulhalil Razzoqov in his article “From Ideas to Theories” analyses the rise of the early economic thinking (ideas, views, theories and doctrines) and its significance. The author also tries to prove the availability of early eco-

nomic thinking in such ancient sources as Avesta, “Divani Lughatit-Turk” (“Dictionary of the Turkic Languages”) by Mahmoud Koshghari, Uzbek folk eposes “Goroglu” and “Alpamish”, “The Treatise on Governing” by Nizam al-Mulk and religious sources as Koran and Hadiths. The market relations in Central Asia existed many centuries ago as well but today a civilized and improved market system is being built.

“The Wall” short novel by French writer, philosopher and essayist Jean-Paul Sartre is dedicated to the revolts that took place in the 30-s in Spain. The writer with a great mastery depicted dramatic moments the characters of his short novel experienced in the teeth of death.

Modernism as a literary technique occupied a separate place in the Western literature in the 20th century. Marcel Proust, Franz Kafka, James Joyce and Virginia Woolf are classics of the modern literature. They thought that the reality had no affect on literature anymore but literature was able to affect the reality. The article “The Modern Literature: Evolution and Interpretation” by Muhammadjon Holbekov is an analysis of this topic and the author explores the development stages of modernism by the example of European, Russian and Uzbek literatures.

“Firdavs al-Iqbal” (The Happiness of Heavens) annals by leading representatives of the Uzbek classic literature Shermuhammad Munis and Muhammadrizo Ogahy are dedicated to the history of Horazm. The historians described in these annals the beautiful nature of Horazm, its hard-working and generous people, tenacious and pugnacious khans and rulers from the official point of view of that time. In his article “Lessons of Firdavs al-Iqbal” literary critic Nusratulla Jumahoja explores this rare spiritual heritage in detail.

When a human being turns forty and gains a certain experience he starts looking at the people and around more deeply. Chori Nasriddinov, who belongs to the forty-years-olds’ generation, shares his views about the position they occupy in the society, their worldview, achievements and losses, as well as the war and peace problem and its socio-spiritual and philosophical aspects.